









Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.281





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.281



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CTMA01.1.7.281




1. 7. 281

1 M. 7



XV  
DON







IO: BAPTISTAE DONII

PATRICH FLORENTINI

DE RESTITVENDA

SALVBRITATE

AGRI ROMANI,

OPVS POSTHVMMVM,

VRBANO OCTAVO

PONT. MAX.

IAMPRIDEM AB AVTORE INSCRIPTVM,

Nunc verò ab eius filijs dicatum,

EMINENTISS. ET REVERENDISS.

S. R. E. CARDINALIBVS,

ET ILLVSTRISSIMO, EXCELLENTISSIMOQVE  
PRÆNESTES PRINCIPI, ERETI DVCI &c.

BARBERINIS.



FLORENTIÆ

Ex Typographia sub signo STELLÆ. MDCLXVII.

*Superiorum Permissu.*



IO. BAPTISTA DONI  
EMINENTISSIMO ET REVERENDISSIMO  
PATRI ARCHIEPISCOPO

DEI FRANCISCO EPISCOPO OSTIENSIS  
SACRI COLLEGII DECANO  
SALVEM BRITANIE

D. ANTONIO EPISCOPO BENEVENTANO  
AC S. E. CAMERARIO

D. CAROLO TITULO S. ANGELO IN FORO

VRBANO OCTAVO

ET ILLESTISSIMO ET REVERENDISSIMO  
D. MARCELLO PRESBYTERO PRINCIPALI

LAMPRIDEX AB AVTORE INSCRIPTVM

INNOVATIONIS DIGNI DISCRETVM

EMINENTISSIMO ET REVERENDISSIMO

ILLUSTRISIMO EXCELSISSIMO DOMINO

ILLUSTRI PRINCIPALI HENRICO VIII

ILLUSTRI PRINCIPALI

EMINENTISSIMO

CELLENTISSIMO

NECIO CONINGIS

ES TEMPORIS

IN RE TERTIUM

EX TYPOGRAPHIA





EMINENTISSIMIS, ET REVERENDISSIMIS  
PRINCIPIBUS, AC DOMINIS

D. FRANCISCO EPISCOPO OSTIENSI

SACRI COLLEGII DECANO,  
AC S. R. E. VICECANCELLARIO,

D. ANTONIO EPISCOPO PRÆNESTINO,  
AC S. R. E. CAMERARIO,

D. CAROLO TITULO S. ANGELI IN FORO  
PISCIVM DIACONO  
S. R. E. CARDINALIBVS,

ET ILLUSTRIS. EXCELLENTISSIMOQVE  
D. MAPHAEO PRÆNESTES PRINCIPI,  
ERETI DVCI. &c.

## BARBERINIS.



IMMORTALEM  
Vrbani Pont. Optimi  
Max. Patruique Ve-  
stri gloriam recolentes,  
CARDINALES  
EMINENTISSIMI,  
ac PRINCEPS EX-  
CELLENTISSIME, maximo Dei be-  
neficio contigisse credimus, vt quis ad  
ea tempora nasceretur, quibus ille sum-  
mus terrarum Arbiter Christianæ Rei-  
publicæ



publicæ clauum moderabatur. Manifestum sanè felicitatis argumentum sub eo Principe vitam ducere meruisse, cuius præclara facinora perennem laudis materiam posteris præbuerunt. Quis enim Romanorum Pontificum egregijs rerum gestarum monumentis adeò clarus extitit, vt amplissima eius opera, animique magnitudinem superare potuerit? Tot magnificentissima ædificia ad augendum Dei cultum, Urbemque exornandam, immensis sumptibus extructa; tot mirificæ munitiones, validaque propugnacula ad reprimendos perditorum hominum impetus excitata; tot ad propulsandam pestilentia latè grassantis perniciem cautiones adhibitæ, susceptique labores; aliaque innumera, quibus æternitatem nominis promeruit, satis superque testantur eorum temporum prosperitati adscribendum esse in Urbano Pontifice cunctas eas dotes admirari potuisse, quas à supremo rerum conditore Deo singillatim dispertiri solitas, in vnum collatas fuisse credendum est, vt non deesset



deesset virtutum omnium absolutissimum  
exemplar, quod sibi prudentissimi Prin-  
cipes ad imitandum proponerent. Nec  
silentio prætereundus eximius ille litera-  
rum amor, quo vehementer incensus  
conquisitos vndique singulari doctrina,  
ac eruditione præditos viros magnis pro-  
positis præmijs ad exercendos cum lau-  
de ingenij neruos excitabat, nec patie-  
batur vnquam copiosis destitutos auxi-  
lijs animum despondere: verùm incre-  
dibili quadam munificentia eos fouens,  
amplissimisque honoribus cumulans ad  
capeffenda bonarum artium studia cæ-  
teros inuitabat; qui adeò frequentes ea  
tempestate Romam confluebant, vt  
omnium doctrinarum inuentrices Athe-  
nas æmulari Vrbs augustissima videre-  
tur; vereque vsurpari tunc posset quod  
de priscis temporibus testatum reliquit  
Satyricus, *vigebant artes ingenue, summumque cer-*  
*tamen inter homines erat, ne quid profuturum sæculis*  
*diu lateret.* Nec mirandum plurimos ea  
ætate literarum omnium cognitione  
præstantes extitisse, cùm magni excelsi-

\* 3

que



que animi Pontifex , præter insignem  
beneuolentiam qua studiosos comple-  
ctebatur , sedulam & ipse , instar cele-  
berrimi illius æquè Philosophi ac Impe-  
ratoris Marci Antonini , nullo rerum  
grauissimarum summorumque negotio-  
rum detrimento , liberalibus disciplinis  
nauaret operam , & in id maximè in-  
cumberet , vt totius Antiquitatis noti-  
tiam compararet ; ac penitiora studia  
pertractans omnigenam eruditionem  
abundè pasceret ; cuius adipiscendæ de-  
siderium , quo à primis vsque annis fla-  
grauerat , ad supremæ dignitatis apicem  
euectus nunquam deposuit , editisque  
semper victuris ingenij sui monumentis  
vniuerso terrarum orbi manifestum fe-  
cit . Hæc omnia nobiscum animo ver-  
santes meritò fortunatum parentem no-  
strum p. m. dicere possumus , cui non  
tam omnium virtutum ornamentis ex-  
cultum , atque vnicum Musarum Patro-  
num venerari Pontificem contigit , quàm  
erga se benignissimum experiri : nouis  
enim quotidie beneficijs cumulatus , ve-  
terumque



terumque familiarium loco habitus, eius  
potissimum commendatione perhonorifi-  
cum à Purpuratorum Patrum Colle-  
gio Secretarij munus consecutus est; in  
quo cum magna nominis sui gloria, nec  
minori fortunarum incremento libentis-  
simè consenuisset, nisi labantem imma-  
turo fratrum obitu domum fulcire, ge-  
nusque suum reparare satius duxisset;  
ut suffectis in locum suum liberis hono-  
rum patri delatorum iucundissima re-  
cordatione Vobis in perpetuum deuin-  
ctis, ac impensè deditis cultui, & ve-  
nerationi inclytæ Domus Vestræ, tot  
tantisque beneficijs, quibus ipse pleniori  
obsequio, ac diuturniori famulatu ali-  
qua ex parte remunerandis impar fuisset,  
gratam saltem vicem rependeret.  
Quapropter fidem nostram ab eo ob-  
strictam liberare, memorisque animi si-  
gnificationem declarare cupientes, ope-  
ræpretium nos facturos putauimus, si  
Vestris potissimum auspicijs opus hoc in  
lucem ederemus; quod Vobis, ut spe-  
ramus, non omnino ingratum; auctori

\*

4

nonnihil



nonnihil gloriosum, nobis verò ad Vestrorum in nos magnitudinem meritum publicè contestandam idoneum, præcipuè fore confidimus. Libellum, quem gloriosissimo nomini Vestro consecratum volumus, hilari serenaque fronte suscepturos Vos in maxima speramus, non tantum quòd humanitatis est Vestræ offerentis animum potius, quàm rei oblatae pretium expendere; verum etiam quòd sibi ab Autore nuncupari non recusauerit nunquam satis laudatus Pontifex; cuius heroicarum, ac potissimum præclaræ liberalitatis hæredes optimis artibus promovendis gnauiter incumbitis, ac sapientiæ studio flagrantis viros mirifico amore prosequi, omnique beneficiorum genere cumulare nunquam cessatis; ut non postrema Barberinorum Principum gloria videatur, & nobiliorum disciplinarum possessione cæteris antecellere, & earum cultoribus eximios se præbere fautores. Sed non id agimus, ut in egregijs animorum Vestrorum dotibus, meritisque



ritisque in totum ferè Christianum orbem extollendis immoremur, quibus alioqui pro dignitate prædicandis metuendum est, ut pares esse possint disertissimi quique oratores; quorum eloquentiæ nunquam deficientem laudum copiam suppeditabunt Catholicæ Religionis latè propagandæ cura, ingenij præstantia, doctrinæ magnitudo, in maximis negotijs obeundis dexteritas ac prudentia, aliæque complures virtutes, quarum omnium luculentissima exempla à Vobis in isto sublimi Dignitatis fastigio edita quem non aduerterunt? Plurimum quoque gratiæ & commendationis accessurum operi existimamus ex rerum, quæ in eo tractantur, pondere atque utilitate; maxima enim sperari debet, si rectè omnia administrentur, quæ facienda censet autor pro restituenda agri Romani salubritate, quem in pristinum statum reduci posse firmis validisque, ut putamus, rationibus ostendit; ut minimè desperandum sit quin latissimi feracissimique campi rursus coli, habitarique



habitarique possint ; magno utique publicæ rei bono , nec minori fortasse genitoris nostri existimatione , qui ( ut reuera erat Romanæ maiestatis studiosissimus ) summis hoc in votis habebat , ut ad cæteras Urbis æternæ dotes agri salubritas responderet . Sed religio nobis est in societatem laudum Vestrarum , parentem nostrum admittere ; quidquid enim in bonarum artium studijs profecit , id totum acceptum referri debet Vestræ erga ipsum liberalitati , ac præcipuè Tuæ FRANCISCE CARDINALIS BARBERINE , Princeps optime eruditissimeque , cuius immortalia in eum , promerita grata semper mente recolimus : & quando illorum is est numerus , ut satis cumulatè gratias agere Tibi non valeamus ; illud certè præstabimus , ut tantas habere , quantas maximas animi nostri capere possunt , non desinamus . Et sanè nullum propensæ voluntatis , ac eximiæ munificentiae testimonium excogitari potest , quod patri nostro Tui semper obseruantissimo non exhibueris : il-

luni



lum namque in ædibus tuis benignè ex-  
ceptum , aulicorumque numero adscri-  
ptum itinerum comitem adiungere , con-  
filiorum Tuorum participem facere ,  
eiusque opera in Latinis conscribendis  
epistolis vti voluisti ; & quod in maxi-  
mi beneficij loco ponendum , æquissi-  
mum Te semper ( quæ Tua est huma-  
nitas ) æstimatorem ac iudicem studio-  
rum , quibus operam dabat , præbens ,  
ad labores alacriter subeundos , extre-  
mamque manum imponendam ijs lucu-  
brationibus , quæ studiosis magno vsui  
esse poterant , incitasti : sperabat enim  
fore aliquando vt eruditi comprobarent,  
quod tersum tuum ingenium , acerrim-  
umque iudicium non læsisset. Extre-  
mum illud esset, vt summis Vos CAR-  
DINALES AMPLISSIMI, ac PRIN-  
CEPS EXCELLENTISSIME, preci-  
bus obsecrarem , vt hunc qualemcun-  
que commentarium multis nominibus ,  
& rationibus Vobis debitum aduersus  
maleuolorum obtrectiones , inuido-  
rumque morsus tueremini : sed minimè  
dubitamus ,



dubitamus, quin eius operum defensionem suscepturi sitis, quem, dum viueret, amore singulari complecti, multisque modis ornare non destitistis. Quod si nos benigno fauore à Vobis respici, conatusque nostros probari intellexerimus, nostrarum partium esse putabimus maiora quædam eiusdem auctoris, & fortasse Reipublicæ literariæ non leuiter profutura syntagmata ( ac in his antiquarum Inscriptionum collectanea, opus magni moliminis, ac multiplicis utilitatis ) quorum ad perfectionem nihil ferè desideratur, in lucem vsumque publicum sub Vestri nominis auspicijs proferre; aliaque tantùm affecta ( si humaniorum literarum auxilio, quibus excolendis pro exiguis ingenij nostri viribus incumbimus, paternis vestigijs insistere dabitur ) ad vmbilicum perducere, ac de eorundem editione quamprimum cogitare. Nos interea Deum supplices venerari non cessabimus, vt Vestri patrocinijs semper exoptati compotes fieri nos contingat; nec minùs vt Vos communi commo-

modo



modo nunquam non prospicientes quàm  
diutissimè seruet incolumes. Benè, &  
feliciter valetè; ac nos amplissimæ Di-  
gnitatis Vestræ studiosissimos in fidem,  
clientelamque Vestram recipite. Flo-  
rentiæ vj. Id. Maij MDCLXVII.

EMINENTIIS VESTRIS, ET EX-  
CELLENTIÆ TVÆ

Deuotiss. & Obsequentiss. Serui

*Franciscus, Alexander, & Angelus Donij.*



## AD LECTOREM.



TSI multa grauissimorum scriptorum loca ,  
quæ non aliena ab autoris instituto videban-  
tur , siue ab ipsomet in aduersarijs notata ,  
siue à nobis inter legendum animaduersa eo  
animo collegeramus , vt non mediocri aucta-  
rio locupletatum opus hoc eruditorum iudicio committe-  
remus ; quia tamen res erat plurimi otij , nec alioquin ea  
librorum copia suppetebat , quæ necessaria est hanc Spar-  
tam pro virili exornare cupientibus , editionem operis  
diutius remorari , ac studiosorum commodis deesse nolui-  
mus . Accedit quòd nullum tam iniquum alienorum la-  
borum æstimatorem fore putamus , qui parentem nostrum  
propterea reprehensione dignum putet quòd in argumen-  
to adeò operoso , ac in tanta rerum varietate cuncta per-  
sequi non potuerit ? *in magna enim sylua* ( vt ait rerum  
rusticarum scriptor elegantissimus Columella ) *boni vena-*  
*toris est indaganter feras quamplurimas capere , nec cui-*  
*quam culpa fuit , non omnes cepisse .* Quanquam igitur  
hoc opus plurimis rebus ornari , nec pœnitendis addita-  
mentis illustrari potuerit , dignum nihilominus censeri de-  
bet , quod publici iuris fiat , eruditorumque calculis ap-  
probetur . Nam vt de insigni vtilitate qua non Urbem  
modò cæterarum Reginam , patriamque omnium com-  
munem , sed vniuersum ferè terrarum orbem ager Ro-  
manus ex autoris sententia repurgatus afficeret , nihil in  
præsentia dicamus ; multa sanè occurrunt ex Philolo-  
giæ penu deprompta , quæ rei Antiquariæ curiosis inda-  
gatoribus magni momenti videri possint : partim enim Ro-  
manorum magnificentiam in ingentium operum consum-  
matione vindicat ab eorum calumnijs , qui de Romani  
Imperij maiestate ac splendore nimis angustè sentiunt ;  
partim veterum mores atque instituta solerter exquirat ;  
partim verò locorum situs ac facies tum ex autorum testi-  
monijs ,



monijs, tùm ex proprijs obseruationibus deprehendit. Sed ne quis putet autorem φιλολογικῶς tantùm, non τεχνικῶς de restituenda salubritate agri Romani agere; sciendum est de aeris (quo nomine ventos etiam comprehendimus) aquarum, terræque natura, ac proprietatibus Physicè differere, veras insalubritatis causas ostendere, potissimaque remedia indicare, quibus illa, si non in totum tolli, at magna saltem ex parte mitigari queat: quam utilitatem respicientes Romani Pontifices vtinam præclarum hoc opus sedulò aggredi, orbique Christiano tam insigne commodum asserre aliquando constituent. Verùm dissimulandum non est, locos quosdam mutilos, nonnullasque lacunas in hoc opere ab eo relictas, quibus explendis plurimum laboris deuorandum nobis fuit: quàm feliciter id præstiterimus tuum esto iudicium erudite Lector; nos locos indicare volumus. Ac primùm pag. 40. deerat numerus milliarium, quibus Lorium Antonini Imp. villa ab Vrbe distabat pag. verò sequenti deerat itidem quoto esset ab Vrbe lapide Ficulea; nos ad septimum circiter positam notauimus, quia Cluuerio teste eo loci sita erat, vbi nunc fanum conspicitur, vulgari appellatione dictum *S. Vassile*, inter quod & Romam totidem milliaria numerari putamus. Pag. 71. poni debuerat annus, quo Tibur æquatum solo fuit; quia tamen ægrè reperiri poterat apud scriptores earum rerum quæ caliginoso illo sæculo contigerunt, indicare saltem volumus à quibus diruta, & à quo restituta fuerit ea vrbs, vt annorum numerus faciliùs indagari posset: sic & pagg. eadem & sequenti omissi erant tum annus quo Præneste mœnibus nudatum, tùm quo funditus euersum fuit; lacunas suppleuimus appposito eo annorum numero, quem in Historia Pontificum asserit Ciacconius. Pag. 84. agit autor de quibusdam populis longiùs à sole positis hyememque asperrimam habentibus: eos decimi climatis incolas constituimus; sicut octauus qui in climate minùs Boreali habitant. Illud etiam monere, non abs re fuerit, ad confirmandam autoris sententiam, scriptorum quorundam nobiliorum testimonia à nobis quandoque



quandoque adhibita fuisse : & vt cætera missa faciamus , pag. 156. insignem ac pulcherrimum Herodiani locum attulimus ; ex quo faciliè quivis intelliget , cur lauros potissimum in aggeribus Castelli conferendas autor putaverit . Quod verò ad errata attinet , etsi adhibita quantum fieri potuit diligentia in id maximè laborauimus , vt in manus eruditorum quàm emendatissimum veniret opus ; quia tamen inepti amanuensis exemplo supra quàm credi possit corruptissimo , ac innumeris ferè mendis referto vsi sumus , *σφάλματα* quædam irrepsērunt , quæ licèt autoris menti non aduersentur , prauam tamen scribendi rationem præseferunt , & genuinas , ac probatis Latinæ linguæ autoribus vsurpatas dictiones cum barbaris , & vernaculis confundunt : vt exempli gratia pag. 16. verbum hoc *Castronem* pro genere quodam morbi , aliaque huiuscemodis inter propria verò nomina pag. 25. *Zagarolum* pag. 71. *Cornetum* &c. oblongo charactere , quod pronum alij , alij Italicum vocant , describenda erant , vt nunc fit , & vt sæpius alibi à nobis factitatum obseruabis , candide Lector . Leuiora quædam menda quæ plerunque à Typographis admittuntur , cùm faciliè à quolibet deprehendi queant , breuitatis causa præterimus : nonnulla tamen ab iisdem admissa quæ videbantur grauiora , quæque autori maculam inurere poterant , in calce huius paginæ annotauimus . Hæc sunt de quibus te monere satis causæ habuimus , benigne Lector : cuius humanitatis erit , conatum hunc nostrum atque ingens bonas artes iuuandi desiderium , æqui bonique consulere , animumque addere ad ea perficienda , euulgandaque , quæ parens noster publico eruditorum vsui exponere cogitauerat , quorumque spem fecit in operum suorum Synopsi propediem in lucem proditura . Vale

#### ERRATA GRAVIORE SIC CORRIGITO.

Pag. 41. lin. 2. lege Castrum . Pag. 88. lin. 1. l. Sardiniam . Pag. 89. lin. 22. l. in Gallia Cispadana, Venetia. Pag. 138. lin. 28. l. Pontinæ . Pag. 163. lin. 14. l. effectam .

VRBANO





SANCTISSIMO D. N.  
VRBANO VIII  
PONT. MAX.

IO: BAPTISTA DONIVS F.

**D***Inocratem Architectum ferunt , BEATISSIME PATER, Alexandro Macedoni magnificorum operum cupiditate incenso persuadere conatum , ut Athon montem editissimum immensi cuiusdam Gigantis specie deformaret , altera manu non modicam gestantis urbem ; altera craterem ingentem , in modum lacus , quò uniuersæ illius montis aquæ , fontesque confluerent . Verum portentosam artificis audaciam aspernatum Regem unico responso elusisse , cum diceret nulli usui futurum oppidum , quod fructiferis circum agris , unde ciuibus alimenta suppeterent , cariturum esset . Et meritò quidem , BEATISSIME PATER : nam ut otiosa , atque inania opera , quantumuis profusissimis sumptibus , atque ingenti molimine consummata , apud ignaram plebeculam reperiant fortasse admirationem , ac plausus ; apud sapientes tamen , cordatosque viros nequa-*  
S *quam*



quam pari laude censentur : ut quæ , quod præcipuum  
esse debebat , utilitate sua careant , ac fructu ; nec quid-  
quam amplius , quàm insanam , vanamque potentiam  
ostendant . Nequaquam igitur tantum gloriæ possident  
Aegyptiorum Regum Pyramides , quamvis aduersus  
iniuriam vetustatis tot iam sæculis inuictæ , quantum  
Romanorum veterum flumina æmulantes Aqueductus ,  
quæ complanatis , quæ intercisis montibus per longa spa-  
tia fluentes : quantum militares Viæ ingentibus strætæ  
silicibus , ac per magnam terrarum partem ad commer-  
cia gentium diffuse : quantum Pontes , Emporia , Por-  
tus , Fora , Basilicæ , Curie , Porticus ; quæque alia gens  
ad mansuefaciendos homines nata magnificentissimè per-  
fecit : nam ea quidem , quorum præcellit luxus utilita-  
tem commemorare me suppuget ; apud SANCTITA-  
TEM TVAM præsertim , quæ morum arbitra , ac ma-  
gistra non supremæ tantum dignitatis virga , sed inter-  
næ quoque virtutis norma dignoscitur . Ne idem euen-  
turum sit mihi , BEATISSIME PATER , magnam ,  
difficilemque tractationem aggresso , sanè non leuiter re-  
formido , tenuitatis meæ præsertim conscius , nec ignarus  
à summis etiam viris , nedum ab infimis sacri istius  
solij celsissimum culmen summa cautione , ac reuerentia  
nunquam non adiri : sed quæ Tua summa benignitas est ,  
quam tanta Maiestas non imminuit , si minùs ἐχρησται  
istud placebit , aut titulo operis , quod Tuis sanctissimis  
pedibus subijcio , ἐπαύσια non respondebit ; non despero , quin  
magni illius Regis instar sola errati , atque ἀποτροχίσματος  
admonitione , vel incitiam , vel temeritatem meam  
castigasse contentus , voluntatem publicæ rei commodan-  
di ,



di, quantum exiguae meae vires sinunt, certè non  
damnes: atque ut ille Dinocratem in extruenda sui no-  
minis Ciuitate feliciter postea exercuit; sic Tu porro in  
alijs operum ministerijs experimentum mei sumere non  
recuses. Atque utinam tantum mihi suppeteret ingenij,  
atque eloquentiae, ut res à Te gestas amplissimas, Tuas-  
que potissimum virtutes stylo consequi possem; emitterer  
profectò, ut excitata in multiplicem seriem laudum  
quasi celsissima Pharo auspiciatissimi Tui nominis, un-  
decunque absolutissimi Pontificis, ac Principis exemplum  
posteris praeluceret. Sed quoniam multò maiorem haec  
artificem postulant, non committam certè, ut *παραχῆ  
καὶ παράπαν*, quantulacunque mea facultas est, pigro igna-  
uoque otio torpescat. Video enim iniunctam abs Te mi-  
hi laborandi necessitatem, immò currenti, quod dicitur,  
calcar additum, cum commendatione Tua, atque EMI-  
NENTISSIMI CARDINALIS BARBERINI, Se-  
natus amplissimus honestissimum mihi Secretarij mu-  
nus imposuit. Quo beneficio non minùs ad exercendos  
omnes ingenij, atque industriae meae nervos animatum  
me sensi; quam ad meam in Te pietatem, ac deuotissi-  
mam mentem quocunque genere obsequij possem conte-  
standam. Itaque non modò notitiam Episcopatum ab  
diligentissimo doctissimoque Lauro, qui me praecessit,  
inchoatam, SANCTITATIS TVAE iussu perficere;  
sed multò latioribus finibus, ac longè operosius aggressus  
sum (quod opus nunc quidem satis belle procedit) sed  
alia quoque magni moliminis, & ut spero, fructus  
*συμπαρα* à me olim incepta subsecutis horis expolien-  
da suscepi. Sed quoniam haec partim ab instituto meo



aliena cuiuspiam videri poterant, partim adminicula  
quædam requirebant, quæ non erant ad manum, in  
commodiorem locum seposita sunt. Interim hanc leuioris  
negotij opellam (Augustini Steuchi Bibliothecæ Vaticanæ  
Custodis, qui de nauigatione Tiberis scripsit, exemplo  
incitatus) superioris anni vacationibus inchoatam, nu-  
peris verò, quantum à festinante, ac multifariam occu-  
pato potuit, absolutam SANCTITATI TVÆ reue-  
renter offero: argumentum nactus opinor, in quo non  
tam ostentatio eruditionis, à qua semper abhorruì, quàm  
communis utilitas, & propria (si dicere fas est) no-  
minis Tui gloria quæreretur. Nam cum nouis, atque in-  
signibus operibus non Urbem modò, sed totam Ecclesiæ  
ditionem muniri, atque exornari à Te cernerem; minime  
culpandus videbar si quæ veræ gloriæ stimulis inflam-  
mato, quæ paternæ charitatis face, in publica commoda  
nunquam non excubantis, accenso, tanquam igni pabu-  
lum, recentem laudis materiam subijcerem. Quid enim?  
Hadriani moles firmis, atque ingentibus operibus inclu-  
sa: in Vaticano armamentarium institutum, copioseque  
instructum: Pontificia domus reconcinata, atque excul-  
ta; in Quirinali egregiè ampliata: vetusta templa à  
fundamentis restituta: Vaticanæ Basilicæ adytum, Petri  
ac Pauli pignoribus sacrosanctum, magnificentissimo ope-  
re contextum: Bononiensium, ac Ferrariensium fines va-  
lidissima hinc arce, illinc opportunis aggeribus præmuni-  
ti: Centum Cellarum portus repurgatus: aliæque fortasse  
non minora hæcenus à Te perfectæ, uberem scilicet cam-  
pum exercendæ facundiæ disertis aperient: mihi satis est  
(cui diuortium magis, quàm epuruentium facultas suppe-  
tit)



tit) si nouas molitiones excogitandi, proponendique  
ἀποπύλω, & copiam præbeant. Igitur cum animadu-  
terem Romanæ regionis insalubritatem ab omnibus agno-  
sci: à multis desleri: à quibusdam eius causas inquire:  
à paucis rectè dijudicari: à nemine remedia afferri: ope-  
repretium duxi, ut quæ circa hanc ἀπαρτασίαν vel à  
vocalibus magistris audiendo, vel à mutis legendo,  
vel à memetipso cogitando collegeram, in commenta-  
rium redigere. Tametsi enim vix quidquam hic erit  
fortasse, quod non aliquem aduerterit, nemini tamen  
omnia simul, nisi ad eandem se accinxerit μετὰ ζήλον,  
in mentem venire potuerunt; & si venerint, conduci-  
bile nihilominus fuit alibi dispersa componere, ac sub  
vnum aspectum dare: saltem ut peritioribus (quorum  
iudicio quidquid scripsi, aut scripturus sum non grauatè  
submitto) facultas de tota re æstimandi adesset. Nihil  
enim mihi propositum est aliud, quàm publicæ litare  
utilitati: quod si aliqua ex parte consequor, satis gran-  
dem operæ meæ fructum videor laturus. Non enim  
hic, BEATISSIME PATER, de Atho effingendo,  
aut nauigabili efficiendo: non de perfodiendo Isthmo:  
non de Aegypto mari cum Arabico sinu iungendo: non  
de Ostia tenus Urbis mœnibus producendis: non de  
fossa ab Auerno ad Tiberim excauanda: quæque alia  
olim ut temerè cogitata, sic infeliciter tentata sunt: sed  
de salutari, ac perutili, ita me Deus amet, opere,  
nec perinde difficili disputamus. Sic enim existimo,  
BEATISSIME PATER, tutissimam iniri posse  
viam, qua parum commoda hæc Latini, Etrusci, ac  
Sabini agri pars sine immensis sumptibus, citra inex-  
haustos



haustos labores, non uniuersim, atque uno tempore;  
sed regionatim, & κατὰ μέρος ad eum statum, ac διά-  
θεσιν reducatur, ut non minus, quam Romæ salubriter  
ibi homines degant. Quod aliquantò fufius, atque enu-  
cleatius exposui, ut rudioribus etiam, ac δυσπιστοῖς  
( quorum & habenda ratio fuit ) satisfacerem. Quæ-  
dam etiam leuandi fastidij gratia ex Philologiæ penu  
παρεβαντες aspersi. Quibus si ab isto summo rerum  
humanarum fastigio diuinæ Sæ mentis aciem, quæ to-  
tū undique collustrat orbem, uel paucillulum adj-  
cere dignabitur SANCTITAS TVA; quæ propria ca-  
rent, mutuatitia saltem luce fulgebunt.

Autor





## Autor ad Librum.

**L**iber, & summo Terrarum Iudice fretus,  
Cui te dicasti, quem cupisti vindicem,  
Obtrectatorum, quos Aula faginat, & odit,  
Contemnere aude tela felle lurida.  
Tela quidem hoc tutus fortasse vmbone repelles,  
Quæ virulenta natio euomit palam:  
Si probus es, rabidis sed fies dentibus esca,  
Queis illa clam, dum lambit ore, lamberat.

---

## Encomium Operis.

**C**onsulis Vrbi, Orbi folijs æquande Sibyllæ,  
Æternaque liber viuere digne cedro:  
Romæ ager impleri qua possit Donius arte,  
Nullæ non artes cui patuere, monet:  
Vrbanum monet; hinc librum emetire; Magistrum  
Romanæ cathedræ, consilijque docet.  
Est ingens libri sapientia, cuius ab vsu  
Vel summi possunt discere Pontifices.

*Vincentius Glarea Soc. Iesu Sacerdos.*

DE



LIBRARY OF THE  
BIBLIOTHECA NAZIONALE CENTRALE DI FIRENZE

LIBRARY OF THE  
BIBLIOTHECA NAZIONALE CENTRALE DI FIRENZE

LIBRARY OF THE  
BIBLIOTHECA NAZIONALE CENTRALE DI FIRENZE

LIBRARY OF THE  
BIBLIOTHECA NAZIONALE CENTRALE DI FIRENZE

R

qui  
vita  
tem  
pia  
fre  
nem  
hui  
adn  
labr  
mò  
nè  
fit  
ri  
tra  
ces  
mi



I  
D E  
R E S T I T V E N D A  
S A L V B R I T A T E  
A G R I R O M A N I .



MAGNA solet esse , ac frequens hominum querela hac tempestate Romæ versantium , non aduenarum modò, sed etiam ciuium, atque incolarum ; quòd cùm hæc Vrbs , aliqui florentissima nihil fermè desideret eorum quæ vitæ quotidianus vsus exposcit ; non ad necessitatem tantum ; verum etiam ad voluptatem, & copiam ; scilicet situs opportunitatem , ædificiorum frequentiam , ac commoditatem ; tum omnis generis copiarum magnam abundantiam ; aliaque huiusmodi : cumque circumiacentis agri natura sit admodum fertilis, ac præpinguis ; eius tamen salubritas ad cæteras dotes minimè respondeat, imò Romanæ Urbis conditio hac ex parte sit planè deploranda . Nam cùm alijs in locis frequens sit rusticandi consuetudo ; quæ & sanitatem corpori, atque animo diuturnis curis , ac negotijs fesso tranquillitatem restituit : hic, vbi propter multiplices, atque assiduas curas, quibus magna pars hominum, præsertim spectatiorum, ferè distringitur ;

*Querela  
hominum  
de aeris  
Romani in-  
salubritate*

*Rustican-  
di consue-  
tudo alijs in  
locis .*

A

agrorum



*Anni tem-  
pus ad ru-  
sticandum  
Romæ pe-  
riculosius.*

agrorum secessus, ac ruris otium nimiooperè expe-  
tuntur; ab æstiuo solstitio ad æquinoctium vsque  
Septembris, & nonnunquam longiùs, non modò  
sine maximo vitæ periculo pedem porta proferre  
pernoctandi in propinquis locis gratia neutiquam  
licet, sed nec in vineis, quæ intra mœnia sunt  
tutò conquiescere. Suppetunt quidem, si longiùs  
processeris, amœnissimi, ac saluberrimi colles,  
quibus omni tempore feriari, atque oblectare te  
possis; sed nec omnibus Albanæ, Tusculanæque  
Villæ, ac Tiburtini ruris deliciæ sunt expositæ;  
nec ex facili, & quandocunq; volueris in longin-

*Secessus  
quidam sa-  
lubres, sed  
longiùs po-  
ssi in mœ-  
nibus.*

*Peregrini  
mirantur su-  
burbana  
tatis sum-  
ptibus ex-  
trui, atque  
ornari à  
Proceribus  
Romanis.*

qua patet excursus. Quare non sine causa Tran-  
salpinos, atque exteros homines nonnunquam ad-  
mirari videmus, Amplissimorum Præsulum, Roma-  
norumque Procerum tanto studio, ac sumptu vil-  
las, ac suburbana ædificata fuisse; atque omni ge-  
nere ornamentorum locupletata, ex quibus, si for-  
te illò æstate accesseris, tum maximè sit exceden-  
dum, cum vespertinæ auræ frigus ad manendum  
inuitarit. Ex qua Cœli inclementia illud quoque

*Ob aeris  
intemperie  
ager Ro-  
manus a-  
lioqui fe-  
rax parum  
colitur, nec  
Vrbs satis  
frequenta-  
tur.*

perincommodè accidit, vt vberissimi, feracissimi-  
que campi raris cultoribus, nec satis diligenter  
colantur; atque hæc Vrbs nobilissima minimè sa-  
nè pro magnitudine sacri, profanique imperij,  
quibus peculiari Dei beneficio decoratur, populo  
atque habitatoribus exuberet. Enimuerò, si rem  
acri cura æstimare velimus; atque hinc sanctita-  
tem locorum: ædificiorum laxitatem: templorum  
magnificentiam, ac vetustatem: rerum gestarum  
memoriam

*Romane  
urbis com-  
moda, do-  
tes, atque  
ornamenta*



memoriam : perennium aquarum copiam : frugum omnium , ac fructuum affluentiam : hortorum amœnitatem : statuas , signa , tabulas pictas , columnas , obeliscos , thermas , amphitheatra ; ac demùm rerum omnis generis visendarum varietatem , & copiam reputemus : illinc verò nobilium virorum , ac Principum Aulas : crebrarum legationum magnificentiam : Tribunalium diuersitatem , atque ordinem : doctorum , ac prudentium virorum frequentiam : gentium propè omnium quotidianum affluxum : quodque magis refert , Ius ex æquo omnibus tributum : securitatem à perditorum hominum vi , ac cædibus : apertum omnibus per laborem , atque industriam ad summos honores iter : patriam deniq; Christianarum gentium communem , ac Romani Pontificis Sedem augustissimam hanc esse cogitemus ; haud sanè vlli Italicæ Ciuitati populi frequentia cessuram fuisse dicemus ; nisi Cœli , ac locorum salubritate plerisque concederet . Cogitationem meam hoc loco præterire non possum , in quam , vti solet , aliam ex alia re cum animo meo reputans , nonnunquam deueni . Nam cùm vetus illud Latium adeò desertum , squalidum , atque incultum aspicerem , vt si paucorum oppidorum incolas demas , omnis propemodum veterum Latinorum soboles radicitus interiisse videatur , campique prorsus inculti sint mansuri , nisi vt aues quædam aliunde in Italiam commeare solent , ita agricolarum cateruæ è Tuscorum , ac Picentium finibus ; tùm etiam è Pelignorum , ac Samnitium

*Cogitatio  
auctoris de  
orbis terrarum  
senectute.*

*Latium hoc  
die penè de-  
sertum.*



*Aduentum a-*  
*grum Ro-*  
*manū co-*  
*lunt.*

*Latinorum*  
*ingēs olim*  
*multitudo,*  
*& Colonie*  
*emisse.*

*Alba oppi-*  
*dum intra*  
*CCCC.an*  
*nos ex quo*  
*cōdita fuit*  
*xxx.Colonias*  
*emissit*

*Similitudo*  
*mundi se-*  
*nescentis ab*  
*arboribus,*  
*& homini-*  
*bus ducta.*

montibus lucri auaritate illecti quotannis adueniant, qui agri Romani vastitatem expleant; ac ferendis, metendisque frugibus operam suam locent: cū hac, inquam, quotidie viderem, & contra reputarem Latium esse quod gentes propè omnes edomuerit; ac vi armorum mansuefactas ad accipiendas Euangelij leges præparauerit; Latium esse quod innumerabiles exercitus è sinu suo effuderit: Latium esse quod non Italiam modò; sed Gallias, Hispanias, Britannias, Germanias, Noricum, Pannonias, Daciam, Illyricum, Sardiniam, Siciliam, Africam, præcipuasque orbis terrarum prouincias Colonij frequentarit: cū ex vnica Latij Vrbe tenuibus orta initijs intra CCCC. fermè annorum spatium triginta non modica oppida propagata fuisse cognoscerem, subiit animum rerum humanarum fragilitatem misereri, earumque incredibilem vicissitudinem admirari. Qua ex cogitatione illud quoque consequutus videor, vt eò procliuior sim in eorum sententiam, qui firmis sanè rationibus orbem terrarum ad extremam propè senectutem deuenisse confirmant. Vt enim cū frondes arboribus decidunt, appropinquare hyemem, hoc est, anni senium intelligimus, cū hominem caluum fieri intuemur, senescere illum minimè dubitamus; ita cū hoc Latium mundi videlicet, ac terrarum caput, cultoribus penè vacuum, atque oppidis infrequens contemplamur, vltimæ senectutis tanquam mundi caluitiem quoddam signum agnoscimus. Sed vt eò redeam vnde digressus



digressus sum, illud in confesso apud omnes esse debet, cum Vrbs Roma Pont. Maximi Regia sit, quotidieque ingens hominum numerus propter varia negotia, quæ hic necessariò tractantur, huc confluant; nec tamen cæteras omnes Italiæ Vrbes incolarum numero assequatur; non aliò referendum esse, quàm in circumiectæ regionis naturam parum certè salubrem, atque humanis corporibus accomodatam. Nam quantum quidem ad ipsam Urbem attinet, etsi mihi propositum non est de illius salubritate, vel insalubritate *πρὸς οὐρανὸν* differere; non abs re tamen fuerit quædam hic obiter à me obseruata proferre: nam Marsilius Cagnatus, qui diu Romæ magna cum laude doctrinæ, & experientiæ medicinam fecit, libellumque conscripsit, DE SALVBRITATE AERIS ROMANI, satis accuratè de tota re disputauit. In cuius equidem sententiam, vt verum fatear, valde propensus sum; vnà cum illo existimans iniuria huius Urbis aerem tamquam omnino noxium, ac pestilentem damnari. Nam primùm longo interuallo scimus pestilentiam minimè hic, vt in alijs Italiæ oppidis fuisse grassatam: deinde nec fortasse morbi hic frequentiores, aut grauiores, quàm alijs locis (quæ saluberima vulgò habentur) solent existere; ac sæpe, vt hac æstate euenit, nusquam maior salubritas. Ægri- tudines verò, quas huius Urbis tamquam peculiare Alex. Petronius agnoscit, nempe lassitudo vi- rium repentina, grauedo capitis, ac plethora fa- cilè credi potest non tam aeris vitio, quàm alijs

*Romani po-  
puli medio-  
cras ad  
agri intem-  
periem re-  
ferenda.*

*De Roma-  
ni aeris sa-  
lubritate  
doctè disse-  
ruit Mars.  
Cagnatus.*

*Aer Roma-  
nus saluò  
pestilens ha-  
betur.*

*Libro IV.  
Cap. 1.  
De vitio  
Romanorū.*

de



*Aegritudi-  
nes Roma-  
nae Urbis  
peculiares  
aliorum  
referenda.*

*Febris quo-  
tidiana cum  
καταλήψει  
Roma fre-  
quens.*

*Incubus,  
Tabes  
Roma etiā  
frequenter  
affligunt  
Galeno.*

*Morbi ali-  
quot certis  
regionibus  
frequenter  
grassantes.*

de causis, quod Cagnato probatur, exoriri. Idem-  
que dicendum est de morbis alijs, qui licet fre-  
quenter Romæ sæuiant; non idcirco tamen Ro-  
manæ Urbis ἐπιχώριοι, siue ἐνδημοί, hoc est vernaculi,  
& peculiares dici debent: cuiusmodi sunt febris  
quotidiana cum καταλήψει, quam Asclepiades (qui  
ætate Pompeij Magni Romæ floruit) apud Ga-  
lienum crebrò Romæ existere prodidit: semitertia-  
na, Græcis ἡμιτρίταιος, quam Galenus itidem sæpe  
Romæ grassantem expertus est: Incubus, siue  
ἐφιάλης, qui non morbus, sed symptoma potius est:  
sanguinis expulsiō; eique affinis tabes, siue φθίσις.  
Ex his morbis, licet nonnulli humidioris aeris  
peculiares videantur, Incubum verò ab eius cras-  
sitie gigni probabile sit; nullus tamen eiusdem ma-  
lignitatem, siue pestilentem vim indicare videtur.  
Præterea nemo ferè nescit plurimis in locis pecu-  
liares quasdam, certasque ægritudines frequentius  
inualescere; quæ siue aeris, siue aquarum, siue ali-  
mentorum vitio efficiantur; non propterea earum  
regionum aer noxius, ac pestilens censerī debet.  
Sic Achaia olim lippitudine frequenter exerce-  
batur, Athenæ podagra, Aegyptus, ac Syria ele-  
phantiasī, quam vulgò lepram vocant, Myconos  
caluitio, Caunus lienis vitio. Sic hodie strumas  
in Hispania: bronchocele in Alpibus: Tridenti  
pleuritidem: Venetijs hæmorrhoidas: in Ægypto  
hernias: in Britannia sudorem Anglicum: in Pan-  
nonia febrim Hungaricam: in Polonia plicam,  
quam vocant Polonicam, vulgares esse morbos au-  
dimus,



dimus, & legimus. Quin etiam regiones quædam, loca etiam saluberrima, cœlique magna temperie gaudentia minimè carent frequentioribus quibusdam, & quasi familiaribus morbis. Sic peticulæ (hoc est noxia illa exanthemata, quæ putridas, malignasque febres comitari solent) iuvenes iuxta ac senes Florentiæ (quæ cum quauis Italiæ Vrbe salubritate certat) frequenter exercent: Αποπληξεις verò prouectiores ætate crebrò aggrediuntur. Tertianæ, quartanæque febres Carpetanos frequenter infestant, cùm tamen tota ea regio, ac præsertim Madritum (quæ Mantua veterum creditur) omnium consensione Hispanorum saluberrimo aere, atque excellentissimis aquis perfruatur, vt propterea Hispaniarum Reges posthabita Toleti Vrbe, quæ veterum regum antiquissima sedes fuit, situque gaudet omni ex parte peropportuno, ibi folium collocarint. Sunt quædam etiam Regiones à certis quibusdam morborum generibus immunes, nec alijs continuò bonitate aeris præcellunt: sed propter insitas quasdam, atque obscuriores causas: qua ratione in Hungaria Comitiale morbum; in Scotia quartanam febrim ignotam esse credi potest. Quòd si quis obijciat senes Romæ perpaucos videri; atq; hinc Romani Cœli grauitatem velit astruere; primùm ei cum eodem Marsilio respondebo, senes vbique paucos conspici: deinde non tam id aeris causa, quàm ob alias rationes quas ipse recenset, paucos Romæ ad senectam ætatem pertingere. Obseruatum præterea

*Loca etiam saluberrima certis quibusdam morbis obnoxia.*

*Madritum ob aeris salubritatem posthabita Toleti à Regibus Hispaniarum colitur.*

*Quædam regiones à quibusdam morbis immunes.*

*Obiectio quorumdam à senum paucitate: & solutio.*

*Pauci Romæ senes ob causas à Marsilio allatas.*



*Neapoli  
quoq; pau-  
ci senescunt.*

*Romanus  
aer natura  
gravior  
sed tectorū  
causa satis  
commodus.*

*Experimen-  
to hoc pro-  
batur.*

præterea fuit Neapoli ( qua non alia magis Italię  
Vrbs salubritate Cœli, atque amœnitate regionis  
gloriatur ) non admodum multos consenescere :  
frustra igitur huiusmodi argumento insalubrem  
Romam nonnulli dictitant . Non agam tamen  
astutē, aut dissimulanter, sed potius, quod mihi  
videtur, candidē, ac sincerē proferam . Romanum  
aerem noxium fortasse natura, atque insalubrem  
existimare possumus ; sed certē ubicunque tectis,  
atque ædificijs frequens est Vrbs ; ibi tutō ac sa-  
lubriter non minū quam ubiuis locorum toto an-  
no vita traducitur . Suadet hoc, quōd ubi paulō  
à frequentia tectorum longiūs processeris, experi-  
mento cognoscitur Cœli quædam grauitas, atque  
intemperies : sic in hoc perpetuo Quirinalis Collis  
dorso Pontificia domus optimo, ac saluberrimo  
aere gaudet : contra horti, ac vineæ, quæ circa  
Thermas Diocletiani, atque Emissarium aquæ Fe-  
licis sunt, in quibus minū tuta est habitatio, ac  
pernoctatio ; tantoque periculosior, quantō pro-  
piūs mœnibus Urbis, portæque Nomentanæ, hoc  
est Piæ, successeris : immō ( quod mirum exteris  
videatur ) breuissimi interualli discrimine, hic sa-  
lubris aer existimatur, illic contra noxius, & dam-  
nabilis : vt in hoc eodem Quirinali decliue illud  
latus, quod in meridiem, & Exquiliās vergit, ubi  
D. Vitalis ædem videmus, malè audit ( etsi for-  
tasse iniuria ) contra alterum in septentrionem, ac  
portam Salariam obuersum tutum, ac salubre perhi-  
betur . Denique vt vniuersim rem definiam, quæ-  
cunque



cunque loca crebris ædificijs ambiuntur, atque editiora sunt, & in Septentrionem, atque Orientem spectant, & longiùs à Tiberi absunt, salubriora: vice versa quæ seiuncta sunt, & remota à frequentioribus tectis, situque sunt humili, ac maximè in conuallibus; tùm propiora Tiberi, in Meridiem, atque Occasum solis spectantia, minùs salubria à peritioribus habentur. Quæ verò media quadam conditione sunt, ita vt partim bonas, partim malas qualitates participant; prout plures, paucioresue vtrinde sumpserint, ita magis, vel minùs salubria existimantur. Qua ratione efficitur, vt Capitolium, eaque pars, quam dixi Quirinalis Collis; Exquilini verò ea, quæ Viminalem propiùs aspicit, vbi D. Petri ad Vincula templum conspicitur; eademque ratione summum Ianiculum, ac Collis Hortulorum; præterea collis ille, qui vulgo Citorius dicitur (ex quo imperiti quidam antiquarij nescio quem Citatorium somniarunt, qui potiùs, vt doctiores iudicant, ex Villæ Publicæ ruderibus simul aggestis in collem excreuit) itemque Sabelliorum domus supra Marcelliani Theatri congeriem posita; quòd editiora sint, & quoquo- uersus frequenribus tectis, ac focus circumdata, saluberrima totius Urbis loca iure censentur. Planities verò Campi Martij, ac recentioris Romæ non multò minùs; nisi quòd eæ domus, ac vici, qui Tiberi imminent aliquantò etiam magis ab editioribus locis, quæ primo loco recensui, salubritate superantur. Proximo gradu sunt ij montes,

*Regula lo-  
corum sa-  
lubrium di-  
gnoscedo-  
rum.*

*Loca Ur-  
bis saluber-  
rima.*

*Loca me-  
diocriter  
salubria.*

B

qui



qui à meditullio Urbis longiùs absunt, vt Exquilini, & Viminalis maior pars, Palatinus, Cælius, Auentinus, quorum habitatio certis temporibus periculo, vel certè suspicione non vacat: quamquam Exquilinus, vtpote magis ad Septentrionem, atque Ortum solis expositus, haud paulò fortasse salubrior est: Auentinus verò (quod de Ianiculo quoque par est credi) licèt infrequentior sit, ac Tiberi viciniore, & in Meridiem, atque Occasum magis vergens, propter eius non modicam altitudinem, meliori conditione censetur; Pontifices enim Maximos quatuor ab hinc sæculis solitos ibi versari accepimus; hodieque videmus eos, qui in Coenobijs S. Sabinæ, ac S. Alexij victitant percommoda valetudine frui. Reliqua sunt loca plana veteris Urbis, quæ deficientibus ædificijs, pigroque, atque immoto aere sordescunt, & propter veteres parietinas, cryptasque aliquantò etiam magis noxio; planè incommoda, atque insalubria vulgò feruntur; quæ nominatim recensere nil attinet: hoc tantùm adijciam ob rationes supra positas, quotidianamque experientiam ceteris deteriora esse, quæ vel Tiberi adhærent, vel conuallium instar montibus obsepiuntur: ex quo liquet regionem Circi Maximi inter Palatinum, atque Auentinum sitam, omnemque illum campum, qui inter Auentinum, ac Tiberim, portamque Ostiensem iacet, planè noxium esse, ac damnabilem. Quòd si quis regulam aliquam desideret qua dijudicare possit, duorum locorum, quorum alteri ex

*Loca insaluberrima.*

*Regula ad dignoscendum vter duorum locorum salubrior sit.*

ijs,



ijs, quas attuli bonis conditionibus vna, alteri alia patrocinetur, vter sit salubrior; videndum est scilicet, quænam earum conditionum potior sit.

Exemplo res fiet manifestior. *Æliæ arcis Australi* parti fauet propinquitas Urbis, eiusque frequentissimæ regionis ex aduerso positæ: contra *Boreali* eiusdem arcis parti, quæ *Neronianis Pratis* imminet, obiectus ipsius Aquilonis commodat, vbique ferè, sed Romæ præcipuè salubris. Vtrique igitur tutior, ac salubrior habitatio in ea arce degentibus erit? & ratio ipsa docet, & experientia ostendit, commodiorem eam habitationem esse, quæ ad Urbem, & pontem ipsum Hadriani spectat; licet in Austrum vergat, ac flumen indidem aspiciat: quoniam nimirum *Boreæ* flatus non semper aerem ventilat, ac purgat: contra purgatio, quæ ab hominum frequentia, ac tectis, focisque efficitur, perpetuò durat. Sunt verò etiam peculiare magis quædam causæ, quæ ad corrigendos insalubrium locorum situs magnum momentum afferre possunt. Exempli causa: statio equitum custodiæ Pontificiæ, ac S. Inquisitionis carcer, quæ *Leoninæ* regionis moenibus ad meridiem adhærent, eam sedem obtinent, qua vix alia tota Vrbe damnosior, ac minùs salubris reperietur. Primùm enim insaluberrimis ventis Austro, Africo, atque Euro-noto locus is obiacet: deinde occidenti soli, qui potissimùm ingentem vaporum copiam excitare solet, quàm maximè est expositus: denique concavus est, ac depressus in modum conuallis, quam

*Arcis Æliæ, seu S. Angeli Borealis, & Australis pars.*

*Australis salubrior.*

*Statio equitum custodiæ Pontificiæ, & S. Inquisitionis carcer.*



Ianiculi iugum, ac Vaticanæ collis brachium efficit: qua ratione necesse est aerem ibi facili negotio computrescere, cum minus bellè perfletur; atque ex repercussu imminentium collium solis radijs supra modum æstum augeri. Numquid igitur homines ibi perpetuò morbosæ sunt, ac brevis

*Qui ibi habitant salubriter vivunt.*

vita? nequaquam: immò S. Officij curatores, ac ministri, cæterique proximas ædes incolentes comoda sanè valetudine utuntur. Inclusorum verò, qui in eiusdem Tribunalis carceribus detinentur (qui, ut accepi, bellissimè valent, ac diutissimè vivunt) alia ratio est: id enim efficit cum victus admodum sobrius; tum vitæ genus sedatum, atque aeri minus expositum, ut propterea, qui inde emittuntur brevi fermè intereant. Sed cum propinquus ager adeò sit perniciosus, ac noxius, ut

*Vallis Inferni.*

ob id Vallis Inferni vulgò audiat; quid proximam Leoninæ Urbis partem tolerabilem efficit, nisi fornacum ignis, calcem, lateres, aliaque fistilia sine intermissione percoquens? magnam quippe vim depurgando aeri nactus est ignis: quod alio indicio fiet manifestum. Ea pestilentia, quæ Venetias anno MDLVI. afflixit, Murani incolis (qui

*Murani Incole Anno MDLVI. Venetijs à peste immunes.*

omnes ferè artem vitriariam exercent in insula duobus circiter miliaribus Venetijs remota) percipisse dicitur, fornacum scilicet vitriariarum

*Item in Urbe coriarij, & eius rei causa ex opinione vulgi.*

causa assidue ibi succensarum: itemque Romæ vicus coriariarum ob acrem myrteorum foliorum suffitum, quæ ibi cumulatim putrescunt, immunis ab ea peste, quæ postremò Urbem afflixit, exti

se



se narratur . Sed cum hodierna pestilentia , quæ miserabiliter Italiam depascitur , fatis ostenderit contagionis vi , non aeris vitio eam serpere ; nec Cœli temperiem quidquam prodesse , ubi ea lues inuasit : cumque ipsos Muranenses huius cladis ex-  
 ortes minimè fuisse hoc tempore compertum sit ;  
 maneat hoc fixum , ac ratum , bonitatem , ac te-  
 nuitatem aeris aduersus veram , & genuinam pe-  
 stilentiam parum quidem proficere ; sed tamen  
 aduersus huiusmodi morbos , quos aeris grauitas  
 progignit , ac fouet ; vt sunt febres malignæ , putri-  
 dæque , pulmonis vitia , cachexia , aqua inter cu-  
 tem , & his similes ; non natiuam tantum , ac pri-  
 migeniam aeris puritatem , ac salubritatem pluri-  
 mum conducere , sed eam quoque quæ extrinse-  
 cus , atque ex accidenti efficitur ; ignibus scilicet ,  
 flatibus , suffimentis , habitatione non leuiter pro-  
 desse . Qua ratione id quoque sequitur , vt cum  
 iampridem pestilentiam Roma non senserit , vt su-  
 pra dixi ; nec crebrius , aut damnosius epidemici  
 morbi hic , quàm alibi sæuiant , nequaquam insa-  
 lubre , ac noxium Romanum Cœlum esse existi-  
 mandum . At enim historia vetus docet , antiquis  
 temporibus , & stante adhuc Republica creberri-  
 mè pestilentiam Romæ grassatam fuisse ; siquidem ,  
 vt idem Marsilius sæpius à me laudatus studiosè  
 collegit ex Liuiō ; ducentorum annorum spatio ad  
 consulatum vsque Cn. Cornelij , & C. Duillij , qui  
 annus fuit ab Vrbe condita CCCCXC. vices , ac  
 bis pestis Romam exercuit ; & tamen ea tempe-  
 state ,

*Hodierna  
 Venetiarū  
 peste Mu-  
 ranenses af-  
 flicti .*

*Veram pe-  
 stilentiam  
 aeris salu-  
 britas non  
 arceat .  
 Aduersus  
 tamen est  
 demicos  
 morbos sa-  
 lubritas æ-  
 ris tum na-  
 tiua , tum  
 aduentitia  
 conducit .*

*Non cre-  
 brius Ro-  
 mæ quàm  
 alibi epid-  
 emici morbi  
 sæuiunt , i-  
 deoque Ro-  
 manū Cœ-  
 lum pesti-  
 lens habē-  
 dum nō est .*

*Frequens  
 pestis men-  
 tio apud  
 Tit. Liuiū .*



state, cū nondum vrbani exoticis delicijs, luxuque fracti, atque eneruati fuissent, immò etiam tūm agros assiduè exercerent, ac bellicis studijs apprimè dediti, solibus, ventis, frigoribusque perpetiendis assuescerent; fani, maximeque robusti

*Etsi tunc homines robustiores forent.*

fuisse debuerunt: præterea ipsamet Vrbs, quam ijs lautitijs, ac magnorum ædificiorum miraculis, quæ postea successerunt minùs abundans;

*Et Vrbs melius edificata.*

tamen & rebus ad victum necessarijs sufficienter instructa, ædificijsque solidis, ac benè compactis, scienterque, atque *εὐρύθμως* fabricatis (quæ veterum erat ædificandi ratio, etsi imperiti aliter censent)

*Atque ager tectis frequentior.*

luculenter ornata fuit: deinde ager ipse ijs temporibus optimè cultus, ac tectis frequens (propter quam potissimùm rationem non insalubrem fuisse paulò post docebimus) vrbani hominibus operum rusticorum, vel militiæ causa foras prodeuntibus, nequaquam vt hodie perniciem afferre poterat.

*Et ciuitas mediocriter populosa.*

Adhæc Romana ciuitas primis Reipublicæ temporibus nec infrequenter habitabatur, vt solitudo in ea exitiabilis esset, nec rursus tanta incolarum multitudine affluebat; vt nimia turba inuicem sibi officeret, ac sordibus squaleret, quibus maximæ quæque Vrbes scatere solent; ac propterea pestilentia (vera ne, an *καταχρηστικῶς* ita vocata non di-

*Genus humanum eo valentius, quo primæ uæ origini propius.*

sputo) sæpiùs diuexari. Quinetiam si verum est, vt doctiores putant, quantò propius homines à prima sui origine aberant, tantò fuisse valentiores, ac robustiores, consentaneum erat, minùs etiam illa ætate genus humanum morbis, ac pesti fuisse obnoxium.



obnoxium. Consideremus igitur quænam fuerit causa, cur nihilominus ea tempestate tam crebrò pestis hanc Urbem inuaserit; huic namque disceptationi valde connexa est ea tractatio, quæ est de agro Romano, eiusque SALVBRITE RESTITVENDA. Primo loco statuendum est, id quod Latinæ linguæ peritis faciliè insinuari potest, Pestis, ac Pestilentia vocabulo apud vetères non eam tantum, quæ propriè pestis hodie dicitur, sed quemcunque morbum paulò latiùs se diffundentem, ac populariter grassantem, appellatum fuisse: qua ratione omnes ij morbi, qui à Græcis *ἐπιδημια* dicuntur, in hunc censum veniunt, cum ea tamen differentia, quòd pestis de hominibus, pestilentia de locis, propriè, ac purè loquentibus, crebriùs vsurpatur. Mitto latiore pestis notionem qua quidquid fermè noxium erat, atque importunum veteres appellabant, vt cum Lucret. lib. III. ait. *Discidium ut nequeat fieri sine peste, maloque*: quod non semel etiam apud Plautum occurrit, & vernaculæ quoque linguæ vsus agnoscit: missa hæc, inquam, facio, cum instituto nostro minùs quadrent. Sed hanc pestem, seu pestilentiam pro communibus, ac popularibus morbis, qui ob prauam anni constitutionem eueniunt, frequenter olim contigisse nil mirum: quippe non hic Romæ solum, sed alibi etiam idem hodie passim euenire videmus. Sic Anno MDCXXII. æstas, atque autumnus magnum prouentum malignarum febrium attulerunt, quæ

paucis

*Disceptatio del' rbe Roma connexa cum ea qua de agro agitur.*

*Explicatio huius difficultatis à notione vocabuli Pestis.*

*Pestis apud veteres pro epidemicis morbis, ac popularibus appellata.*

*Huiusmodi m rbi An. MDCXXII. MDCXXVI & MDCXXIX. regnarunt.*



paucis mensibus multa hominum millia, ad vicina, vel tricena fermè; atque ex his plurimos nobiles, atque illustriores oppresserunt. Anni verò MDCXXVI. recens est memoria, cuius ingressus, atque initium hyemis perniciem plurimis, non hic Romæ tantum, sed tota ferè Italia conflavit: ob vehementes enim Boreæ flatus, qui subito Austrinos dies, eosque perhumidos exceperunt, multas destillationum prauas, ac noxias species excitauit, præsertim, quam ridiculo nomine Castro-nem vocant; qua caput, ac signanter fauces obsidentur. Hic morbus multos ex debilioribus, eis-que qui non satis obiecti incederent afflixit, vel interemit: æstate verò Anni MDCXXIX. ingens hominum numerus ob malignas febres, quæ patulis, atque humilioribus Urbis locis, maximeque in Leoniana regione exarserunt, in rationem Libitinae venit; quarum si vel modica pars hoc tempore, quo pestilentiaæ metu nihil non suspectum est, extitisset; clamarent omnes pestem sine dubio Romæ grassari, atque ab eius accessu, tanquam ab Orci faucibus, refugerent. Antiquiora exempla non requiro, cum minùs ad institutum meum faciant; atque hæc sufficere videantur, ut non minùs frequenter, quàm olim, si pestis vocabulum latius accipiatur, eam hodie existere fateamur. Age verò, cum olim circumiecta Romæ regio (ut inferiùs ostendemus) tam frequenter incoletetur, ut oppidorum, vicorum, villarumque numero nulli Italiæ parti concederet; hodie verò penè deser-

ta

*Præsertim  
in Leonia-  
na Regio-  
ne Anno  
MDCXXIX.*



ta sit, atque ædificijs vacua; quid mirum si tunc frequentius popularibus morbis Latium exerceretur, cum plures essent, qui participare hoc malum, ac latius communicare possent: deinde cum tanta esset vrbis hominibus cum proximis Latij oppidis, & cum agro propinquo communicatio, ut vna propè Ciuitas censeretur; potuit à L. Valerio Potito, M. Manlio Coss. scribit pestilentiam ortam in agro Romano ex siccitate, & caloribus nimis; quæ pestilentia talibus quippe orta initijs fortasse intra agrum substitit; nec Urbem (quæ propter insitam humiditatem æstate sicca, & calida commodissime valet, ut nuper experti sumus) vnà corripuit: tametsi cum huiusmodi æstas aduenerit, ob id etiam Romæ salubris esse consuevit, quod maturius messis colligitur: qua ratione duabus hisce proximis æstatibus paucissimi agricolæ in morbum inciderunt. Præterea cum hodie tanta sit in proxima regione hominum paucitas; etiam si populares hi morbi nonnunquam ibi inualescant, haud facile deprehendi possunt, ut olim. Mitto quòd ijs temporibus, quantum ex silentio autorum liquet, minus in usu fuisse videtur ea cautio, quam pestilentie tempore magno cum fructu seruari diligenter videmus; ut nemini ferè ex suspectis locis, nedum ex infectis

*A magna olim frequentia hominum.*

*Æstas calida, & sicca Romæ præcipue salutaris.*

*Id etiã accidit, quod propterea messis maturius fit. Ob paucitatem hominum in Latio populares morbi minus deprehendi possunt.*

*Antiqui pestilentie tempore magis incant.*

C

venienti



venienti aditus patefiat, nec ullius generis sarcinæ indidem aduectæ suscipiantur, quamdiu id malum durauerit; aut certè nisi priùs diligenter explorato viatorum itinere, atque habitu corporum, agnitisque magistratuum chirographis, qui sanos eos, ac sanis ex locis profectos liquidò testentur; ijsque testimonijs deficientibus, quadraginta dierum spatio, secluso aliquo suburbiorum in loco, procul à confortio hominum victitantes, sanitatis suæ præbuerint indicium. Quare cùm nondum veteres harum

*Ideo pestis  
maiores  
strages e-  
debat.*

cautionum, usu ipso edocti, utilitatem animaduertissent, facile mihi persuadeo etiamsi natura humana tunc longè validior fuerit, maiora tamen incommoda à pestilentia viribus accepisse. Venio

*Disquisitio  
de Urbis  
hodiernæ  
dispositio-  
ne.*

nunc ad eam partem, quæ ad hodiernæ Urbis dispositionem, ac faciem pertinet; qua in re primum illud statuendum est multò planiorem, ac magis æquabilem, quàm olim fuerit, nunc esse

*Superficies  
Urbis ho-  
die planior,  
& æquabi-  
lior.*

Romæ superficiem: nam & quotidiana docet experientia, ad dirigendas semitas, & commodius iter vehiculis præstandum, multa Urbis loca complanata fuisse, ac quotidie complanari, ut hic in Quirinali, qui à Sixti V. Pont. Max. tempore aliquot pedibus depressus fuit; & contra ea Vallis, quæ inter Quirinalem, & Viminalem diffunditur, quotidie exaggeratur, atque extollitur. Sed ratio potissimum conuincit, non modò colles aquarum delabentium vi in dies deprimi; sed subiectas valles collapsis ædificijs paulatim assurgere: quod adeò manifestum est, ut probatione non indigeat.

Salubriorem



Salubriorem verò (saltem in vniuersum) propter hanc causam, Urbis positionem in dies euadere facile Marfilio concesserim: reuera enim priscis temporibus, qui in conuallibus inter montes sitis habitabant, tenuiores scilicet, ac pauperculi; cum ad altitudinem eorundem montium accederet ingens domorum in ijs positarum elatio, non optimo loco degebant: adeoque nihil mirum si ijs morbis forent obnoxij, quos aer crassior, humidior, caliginosior, raroque, aut nunquam à sole illustratus, ac multis inquinamentis sordens ingenerare potest. Et sanè non modica fuit veterum ædificiorum altitudo, vt Aristidis Rhetoris (vixit is Hadriano imperante) oratio in Urbem Romam palàm ostendit; in qua licèt oratoriè, ac propè poeticè rem in Cœlum efferre videatur; satis tamen causæ habuit, cur id faceret; præsertim cum sæpiùs opus fuerit nimiam eam priuatarum domuum altitudinem, ad crebras ruinas, atque incendia euitanda, à Principibus cohiberi: quod Augustus primùm prouidentissimus Princeps præstitit: mox Nero ipse cum Urbem à se concrematam instaurauit: ac demùm Nerua Traianus. Constat id etiam ex Vitruuij, ac Plinij grauissimorum autorum locis, quorum verba hic subiijcienda duxi; ac prioris quidem. *In ea maiestate Urbis, & ciuium infinita frequentia, innumerabiles habitationes opus fuit explicare. Ergo cum recipere non posset area plana tantam multitudinem ad habitandum in Urbe, ad auxilium altitudinis ædificiorum res ipsa coegit deuenire. &c.*

Salubrior  
hodie Ro-  
ma vni-  
uersim.

Veterum  
ædificiorum  
ingens al-  
tutudo.

Augustus:  
Nero: Tra-  
ianus pri-  
uatarum  
ædium al-  
titudinem  
cohibuerunt.

Vitruuij lo-  
cus.



Necessarium scilicet remedium, ubicunque urbium capacitas incolarum numero inferior est; quod nostra ætate Genuæ accidere videmus, vbi propter angustiam loci, non modò ædes in altum extollunt, sed vicos, ac semitas non admodum dilatant: qui mos Romæ quoque saltem in veteri Vrbe ante Neronis incendium fuisse videtur; præsertim nondum inolita consuetudine tam crebrarum vectationum. Plinius verò, cum nonnulla de maiestate, ac magnitudine Romanæ Urbis protulisset, hæc subdidit. *Quò si quis altitudinem tectorum addat, dignam profectò æstimationem concipiat, fateaturque nullius Urbis magnitudinem in toto orbe potuisse*

*Plinij locus*

*Marfilius  
falsò credi-  
dit hodie-  
nam Urbē  
viarum di-  
spositione,  
atque ædifi-  
catura  
antiqua præ-  
stare.*

*ei comparari.* Atqui vt hæc vera, satisque probata existimo, ita non libenter Marfilio concesserim, quod nimis facile (pace tanti viri dictum sit) sibi persuasit, viarum dispositione, atque ædificatura (quibus verbis ille vtitur) hodiernam Urbem veteri præcellere: nam si paucas aliquot vias eximas (quibus sanè haud facile aliæ similes vspiciamur reperientur) eosque vicos, qui sub Colle Hortulorum iacent; nequaquam Urbis semitæ adeò sunt eleganter dispositæ, ac directæ, vt antiquis conferri, nedum præponi (quantum ego existimo) vlllo modo debeant: præsertim si non veterem illam, quæ, vt Cornelius testatur, *Arta itinera huc-*

*Post Nero-  
nis incen-  
diū Roma  
directas,  
latasque  
habuit se-  
mitas.*

*que, & illuc flexos, atque enormes vicos habuit; sed posteriorem Neronianis temporibus restauratam cogitemus, de qua idem refert. Ceterum Urbis quæ domus supererant (l. perierant cum Lipsio) non vt post Gallica*



Gallica incendia, nulla distinctione, nec passim erectæ: sed dimensis vicorum ordinibus, & latis viarum spatijs, cohibita ædificiorum altitudine, ac patefactis areis, additisque porticibus, quæ frontem insularum protegerent. Suadent hoc primò tùm veterum opes, ac mores, qui nullis sumptibus, ac laboribus parcebant, ut Sedem Imperij & aspectu pulchram, & magnificentia spectandam haberent: deinde autoritas ipsa priscorum scriptorum, qui contrarium manifestè docent; nam Tacitus disertè ibidem loquens de irreparabili iactura multarum rerum Neroniano incendio absumptarum, inquit, iam opes tot victorij quasitæ, & Græcarum artium decora, ex in monumenta ingeniorum antiqua, & incorrupta, quamvis in tanta resurgentis Urbis pulchritudine, multa seniores meminerant, quæ reparari nequibant. Qui verò ex Agraria Ciceronis aduersus Rullum, locus à Marfilio affertur, ubi Tullius (Romam, inquit, in montibus positam, & conuallibus, cœnaculis sublatam, atque suspensam, non optimis vijs, angustissimis semitis, præ sua Capua planissimo in loco explicata, ac præ illis semitis irridebunt, atque contemnent) minùs ad rem facit; nam de posteriori Vrbe, in qua Galenus vixit, quæque cum hodierna comparanda fuerat, minimè hæc dici queunt; quæ Capuam illam veterem rectitudine, ac latitudine viarum æquasse videtur: nec tamen etiamsi hac in parte Capuam illam priscam, aut Smyrnam, aut hodiernam Antuerpiam, viarum pulchritudine, ac directione Roma vetus minimè adæquauit; continuò dicendum erat hodiernam,

Obiectis  
Marfilij  
ex Agraria  
Ciceronis.

Et eius solutio.



hodiernam, ædificandi ratione, viarum amplitudine, rectitudineque, & reliqua dispositione (quod antiquæ Urbi defuit) spectandam esse. &c. Quod verò ad rationem ædificandi pertinet, hic quoque Marsilius paulò humilius, quàm par erat, sensisse videtur de antiquorum in domibus fabricandis peritia, atque iudicio. Timuere, inquit, olim aeris vitium: itaque fenestras domorum paruas, angustas, & raras, & in summis cubiculis struebant, unde vix luminis aliquid cubicula illustrabat: quamobrem multis in locis in ipso meridie lucerna opus fuisse omnino existimo.

*Marsilius humiliter sensit de antiquorū peritiā, & magnificentiā in ædificando.*

*Probabile non est in captandis luminibus imperitē e- gisse, qui totius archi- tectonicæ disciplinæ sciētissimi erant.*

*Ædium priuatarū veterum vix quidquam superest. Etsi vete- res non tā fenestrarū fortasse cō- cinnā di- spositione, ac frequen- tiā, quàm alijs opcri- bus aedes ornabant.*

*Vetustiori sæculo spe- cularium v- sus non fuit. Plin.*

Nam cū reliquis in rebus adeò scientes, atque insignes in ædificando veteres extiterint; an cre- dibile erit tam parum hic eos vidisse? Præterea cū ædium priuatarum nihil fermè ab illa ætate ad nostram memoriam peruenerit; non video fanè quibus ab ædificijs ea ratio illuminandarum ædium, & conclauium colligi potuerit. Fateor quidem non tam fenestrarum amplitudine, nume- ro, ac dispositione, quàm alijs ornamentis, ædium suarum prospectum veteres exornasse; sed tam par- cos, atque inscios in perforandis parietibus eos fuisse, vt Marsilius credidit, vix equidem puto, nisi propter specularium penuriam (quæ, quòd ex lapidis certo quodam genere fierent, ad solos for- tasse diuites pertinebant) parciores fuerint in lu- minibus fenestrarum captandis. Vetustissimo ta- men, ac rudiori sæculo (neque enim dissimulan- dum est) specularium vsus non fuit: quæ nunc etiam in Hispania non valde frequentantur; mi- nori

nori



nori utique damno, propter aeris illius insignem temperiem, ac benignitatem. Cæterum minimè obliuisci debemus, etiamsi tanquam rem certam, atque indubitabilem & Marfilius asserat, & vulgus existimet, vicorum latitudinem, rectamque dispositionem sanitati conducibiliorem esse; fuisse tamen qui resecta à Nerone Vrbe existimarent, *veteram illam formam salubritati magis conduxisse; quoniam angustie itinerum, & altitudo tectorum non perinde solis vapore perumperentur.* Ea quippe est rerum humanarum conditio, ut quæ uni prosunt, alteri obsint: quæ nonnunquam salutaria sunt, interdum etiam sint perniciofa. Sic fortasse quantum latitudo, ac rectitudo viarum, ac situs altior prodest ad eam aeris purgationem, quæ à ventis siccis, ac sole fit; tantundem conducit ad nimios æstatis calores temperandos, ac vehementiores Boreæ flatus per hyemem frangendos altitudo ædium, semitæque potius flexæ, quàm directæ. Quare difficilius aliquantò est statuere vtra species sit ad valetudinem corporum potior, quàm vtra sit ad oculorum voluptatem elegantior. Dispar verò ratio meo iudicio aquarum est, quarum ingens copia (& miror silentio omissas à Marfilio) in varia castella, nymphæa, fontes, salientes, lauacra, lacus, thermas, balnea, stagna, euripos, piscinas, tubos, fistulas dispertita, non tam æstiuo tempore Urbem refrigerabant, quàm hyberno eandem, utpote situ, & positione paulò humiliores, ac perhumidam, nimio plus sanè, quàm opus

*In Hispania parum frequentatur ob aeris salubritatē*

*Quidam censebant vicorū angustiam salubriorem fuisse.*

*Ex parte id verum.*

*Aquarum tamen frequentia parum olim salubris.*

*Roma situ humilis, & caliginosa.*



Ex aqua-  
ductuum  
frequentia  
multacom-  
moda, &  
voluptates  
percipiebā-  
tur.

Plinij, &  
Frontini te-  
stimonia  
de aquedu-  
ctuum pri-  
scorum mi-  
rādis ope-  
ribus.

Roma olī  
minis lu-  
tosa, ac  
madens.

Ad agri  
tractationē  
transito.

Priscus eius  
status: Cau-  
se hodiernae  
insalubri-  
tatis: Re-  
media.

opus esset ad sanitatem corporum, madefaciebat. Sed nimirum pensabant hoc facilè cum multa comoda, & voluptates, quæ ex tanta aquarum vbertate proueniebant, tum verò pulchritudo, ac magnificentia Urbis, maiestate illius imperij digna, quæ non alia magis re se ostentabat, quàm ductibus ijs aquarum, quibus, vt Cassiodorus ait, *flumina quasi constructis montibus perducebantur*: quapropter de ijs loquens Plinius, nihil magis mirandum fuisse in toto terrarum orbe exclamauit. Frontinus verò nec Pyramidas ipsas, moles scilicet otiosas, ac inertes cum ijs comparandas duxit. Quinetiam eò tolerabilior hæc vbertas aquæ tum Romæ fuit, quò minùs lutosa, & spurca exinde fiebat: cum latis silicibus constrata esset, nec crebris vehiculorum discursibus hodiernum in morem inquinaretur, ac pluribus fortasse cloacis exiccaretur. Sed hæc de Urbis ipsius situ, & dispositione dicta sufficiant: quando hæc potiùs Philologorum ritu, animi causa delibauī, quàm vt ad institutum sermonem valde sint necessaria. De agro verò Romano, vt aliquando incipiam, tribus quasi gradibus progredietur ad finem disquisitio. Primò enim, omiſſa superflua quæſtione (quæ potiùs nominis est, quàm rei) an salubris, vel insalubris sit; quærendum erit qualis olim fuerit: secundò quibus ex causis hæc grauitas, atque intemperies proueniat: vltimò quibusnam operibus, ac remedijs ad pristinum statum paulatim reduci queat. Sed priùs huius, quem dico agri termini, ac fines statuendi videntur



videntur. Antiquissimis temporibus agri Romani limites non longè admodum protendebantur : nam cum Varro ex Augurum disciplina inter cæteras differentias notasset , aliam esse Romani , aliam Gabini agri qualitatem , colligere hinc possumus Romanum agrum à Gabino tunc temporis suis quibusdam finibus determinatum fuisse ; etsi oppidum Gabij , quod via Prænestina circa Zagarolum fuit , dirutum tunc esset , vel in vici formam redactum : qua ratione existimare licet Fidenas , Collatiam , Laurentum , aliaque finitima oppida ( quamvis ex his aliqua nomen tantum retinerent ) suum habuisse agrum , seu territorium à cæteris diuisum , & à Romano seiunctum . Sed nequaquam sic à nobis ager Romanus intelligitur ; nec eo modo , quo Diœcesim , quæ propriè est Romani Pontificis , comprehendit ; quatenus ab Ostiensi , Albana , cæterisque distinguitur : sed totius ferè veteris Latij , agrique Volsci planitiem , Etruriæque Pontificiæ ( Patrimonium nunc vocant ) maritimam partem , ac præterea Sabinorum proximam , ac magis campestem regionem : totum enim hoc spatium experientia ipsa , & paucitate ædificiorum testante , noxium , atque insalubre est ; ita ut ab æstiuo solstitio ad autumnale æquinoctium , plus minùs , ab vrbani hominibus frequentari non possit ; à rusticis verò ( quorum nemo indigena est ) quamvis robustioribus , Cœlique iniurijs magis assuetis , non sine periculo , & magna ipsorum perniciæ , tumultuariè excolatur . Est igitur , ut par-

*Designatio  
limitum  
huius agri  
insalubris.*

*Romanus  
ager olim  
angustus.*

*Finitima  
oppida li-  
cet collapsa  
proprijs a-  
grorum ter-  
minos ser-  
uabant .  
Ager Ro-  
manus non  
sic accipi-  
tur.*

*Compre-  
hensio regionis  
insalubris.*

*Specialis  
finitio in-  
ius Agri.*

D

ticulatim



*Longitudo  
hodierni  
Latij.*

ticulatim rem aggrediar, totus ille tractus maritimus, qui ab Vrbe Tarracinam (quæ non longè abest à regni Neapolitani limitibus) L. circiter milliarium spatio vsque protenditur, Cœli grauioris, ac morboſi: qui veteris Latij terminus fuit, vt veruſtissimi Antium, siue Circeij; recentioris verò Liris, seu Garelianus. Ab altera verò parte non dissimilis con-

*Tusciema-  
ritima ora  
ferè tota  
morboſa.*

ditionis maritima Tusciæ regio ferè omnis, quæ hinc Tiberi, illinc Macra fluuijs finitur; nisi quòd, quæ Arni, atque Auferis ostijs adiacet, paulò salubrior est; & aliquantò etiam magis Lunensis regio, ac Lucensium ditio. Alia quidem sunt Italiæ loca graui, noxiæque Cœlo prædita; sed ea non tam latè patent, vt paulò post ostendemus. Itaque propria quodammodo esse videtur hæc calamitas, & vasti-

*Sed Latij,  
& Etru-  
ria propriè  
id sentiunt.*

tudo duarum Italiæ nobilissimarum prouinciarum, Latij, atque Etruriæ. Sed huius quidem eam partem, quæ extra Ecclesiæ fines iacet, nec ad institutum nostrum pertinet, omitemus. In latitudinem verò Ecclesiasticæ ditionis, insalubris Tusca regio magis, minusque porrigitur, prout montes maritimum, campeſtremque tractum magis, minusque coarctant. Supra Vrben verò ager Sabinus nec ipse tutus, aut salubris est, nisi vbi paulatim supra circumiecta Tiberi loca affurgit, & ad montes propiùs accedit. Nec tamen æqualis, aut vniufmodi existimanda est horum locorum facies, & qualitas: alibi enim fermè pestilens, ac lethalis, vt circa Ostiam, ac Portum: alibi mediocriter noxia, sicuti est omnis ferè litoralis regio, quæ longiùs à paludibus

*Non vna  
tamen ho-  
rum locorū  
species, &  
qualitas.*



paludibus recessit : alibi demùm magis tuta , nec fortasse omnibus annis exitialis , sed grauioribus dumtaxat ; atque imbecillioribus hominibus . Eiusmodi est montibus propinquior , & remotior à mari . Quod adeò verum est , vt tres quasi salubritatis gradus his regionibus statuere possimus : quemadmodum nobilissimum , atque humanissimum virum Tiberium Mutium S. R. E. Cardinalem , atque Episcopum Viterbiensem narrantem audiui , suæ Diœcesis insalubria loca trifariam diuidi posse , partim eorum in quibus vix quisquam diutiùs perennat , nec qui nascuntur fœtus sunt vitales , vt Montalti ; secundò vbi pueri , qui ibi nascuntur , adolescunt , atque adulti , etsi non saluberrimè , viuunt tamen , vt Centum Cellis ; tertio vbi aduenæ quoque perennant , sed sæpe æstate languent , vt Tuscaniæ . Nil igitur mirum , cùm hæ regiones ad propagandam sobolem tam parum idoneæ sint , si agricolarum quotannis huc confluentium turba non paulatim huic Cœlo assuescat , ac stirpem ex se relinquat , quæ postmodum indies excrescens , ac stabilem hic sedem figens , pro indigenis reputetur . Quippe homines conditionis huius Cœli non ignari , nil ampliùs cogitant , quàm , vbi locellos compleuerint , in patriam ad vxores , ac liberos quamprimum reuerti , atque vnà cum ijs suo labore , atque industria partis nummis placidè frui : aut quibus luculentior merces obuenit , agellum in suorum conspectu , procul ab aeris periculo , commercari . Eorum tres classes con-

*Alia enim magis, alia minus grauiora.*

*Agricole Romanenses ob aeris grauitatem hic larem non figunt.*

*Sed in patriam quamprimum reuerti festinant.*



*Rusticorum* stituere præcipuè possumus, Vinitorum, Arato-  
*genus ad* rum, ac Pastorum. Vinitores vineas cùm intra,  
*tria fasti-* tùm extra Urbem sitas, atque etiam in Albano,  
*gia reduci-* & Tusculano agro, exercent, non certa fructuum  
*tur.* portionem sibi reseruata, vt coloni partiarij solent,  
*Vinitorum,* præsertim in Etruria; sed annua mercede sibi con-  
*Aratorum,* stituta, nimirum certa pecuniæ summa, cui solent  
*Pastorum.* etiam alia ad victum necessaria adijci. In casis hi  
*Ratio colē-* habitant iuxta vineas sitis, quas ipsimet custo-  
*di vineas.* diunt; præcipuaque opera suis manibus admini-  
 strant; putationes videlicet, sationes, insitiones,  
 & similia: quibus verò sufficere ipsi non possunt,  
*Operario-* vt pastinationibus, cæterisque grauioribus operi-  
*rum turba.* bus, operarios, qui quotidiana mercede victitant,  
 assignant; quorum ingens numerus in compita-  
*Eorum sta-* quædam, certaue Romæ loca, præsertim ad Thea-  
*tio.* trum Marcelli, confluere solet, atque in diuerso-  
 rijs, tabernisque cibum, somnumque capere: quid-  
 quid verò in diurnam mercedem vinitores opera-  
*Vinitorum* rijs persoluerint, dominis expensum ferunt. Vini-  
*natio.* tores plerique Flaminie, ac Tusciæ vltioris, agri-  
 que Parmensis incolæ sunt: operarij verò varij ge-  
 neris, maximaque ex parte Nursini, ac Picentes:  
 prætereaque Marfi, ac Peligni (Aprutienarium no-  
 mine magis nunc noti) qui optimi fossores per-  
*Optimi fos-* hibentur propter insignem corporis duritiem, ac  
*sos qui.* robur, & ad opus faciendum alacritatem: quare  
 non modò ad rusticas operas expetuntur, sed etiam  
 ad fabriles, si quando hic Romæ, aut in proximo  
 arena effoditur, saxa exciduntur, fundamenta ex-  
 cauantur,



cauantur, parietinae veteres comminuuntur. Fabri  
verò cæmentarij ( vt ὁδὸς πᾶσι περὶ οὗ id quoque di-  
cam ) qui in veteri Inscriptiōe Florentina  
PARIETARII vocantur, sunt maxima ex parte Insu-  
bres, nonnulli etiam Florentini; sed hi potissi-  
mum nobiliores fabri; vt sunt redemptores, men-  
fores, & monitores ( protomagistros nunc vo-  
cant ) ac præterea lapicidæ. Ex olitoribus etiam,  
cæterisque hortorum curam gerentibus, puta insi-  
toribus, topiarijs, viridariorum custodibus pluri-  
mi etiam Florentini sunt, ac Tusci. Nec illud  
omittendum est, leuiores quasdam operas, vt vin-  
demias, spicilegia, & sarritiones, magna ex parte  
ab hisce pauperculis vrbis, senibus, mulieribus,  
& pueris, qui parua mercede conducuntur, expe-  
diri. Secundo loco recensendi veniunt qui non  
in propinquo vineis dant operam, sed longius ab  
Urbe campos triticarios colunt; quos videlicet  
arant, ferunt, metunt: hos proprio vocabulo ara-  
tores appello; quamuis frequentius sic vocentur  
qui, vt olim nunnulis in locis, præcipueque in  
Sicilia ( vt notum est ex Verrinis orationibus ) sic  
hodie conductitijs operis, non suis manibus, alie-  
nos agros exercent: eos nunc Romæ dicunt *artem  
campi facere*: quomodocunque igitur hi vocentur,  
aratores, vel agricolæ; ex vario, ac promiscuo  
hominum genere constant; sed vt plurimum ex  
agro Piceno, ac Nursino, Umbriaque. Porro vt  
melius intelligatur huius agri Romani colendi ra-  
tio, atque hodiernus illius status; sciendum est,  
eum

*Cæmenta-  
riorum pa-  
tria.*

*Plurimi o-  
perum re-  
demptores,  
& Archi-  
tecti Flo-  
rentini.*

*Item olito-  
res, & vi-  
ridariorum  
custodes.*

*Urbanæ  
plebecula  
leniora que-  
dam opera  
in agris fa-  
cit.*

*Ad arato-  
rum genus  
transitus.*

*Aratorum  
Romanen-  
summati-  
ones.*



*Agri Romani hodie* eum hodie in pauca, eaque amplissima latifundia  
*manu hodie* diuisum esse, quas *tenutas*, & *casalia* vocant; non  
*diurnus sta-* ut olim in mediocres fundos, sicut in Etruria, &  
*tus.* Gallia Cisalpina, magnaue Italiae parte videmus:

*Casarium* quapropter necesse est ad insignem paucitatem ca-  
*agrestium* sas quoque ipsas, ubi rustici degunt (quas etiam  
*paucitas.* *casalia* vocant) iam esse redactas; quæ sanè rarissimæ in tota hac ingenti planitie conspiciuntur.

*Earum stru-* Edificio ut plurimum constant modicè elaborato,  
*ctura.* nec magna positionum cura, aut delectu; sed ferè ubi casus tulerit; aut aquæ manantis opportunitas suaferit, excitato. Quibusdam etiam locis non optimæ aquæ puteis, aut etiam fossis manufactis (quibus aqua pluuiæ excipitur) contenti sunt mi-feri agrestes. Plerumque verò Casalibus adlita sunt aquarum receptacula maioris formæ, quæ *fontanilia* vocant, bifariam diuisa; quod aqua partim è proximo fluens, partim longiùs tubo ducta delabitur. Eò pecora, atque iumenta aquatum ducunt; atque indidem quoque homines hauriunt.

*Cultura a-* Cæterum agrorum huiusmodi cultura longè distat  
*agri Roma-* ab ea, quæ amœnioribus, atque etiam sterilioribus  
*ni simplex,* locis exercetur; in quibus summa diligentia, ac  
*ac rudis.* varietate operum, ac consitionum, rura tractantur: hic enim omnis circa rem frumentariam, ac fœnificium agricolarum cura consumitur; frumenta verò potissimum in noualibus agris (hodie *maiesi*) seruntur, hoc est, ijs qui alternis annis conquiescunt; quanquam nonnulli, ob vastitatem regionis, cultorumque paucitatem, rariùs etiam

*Noualia.* etiam



etiam exercentur : quædam etiam huius agri portio restibilis fit ; ea sic vocatur , quæ quotannis , aut duobus saltem iunctis obseritur , cuiusmodi campos *colti* vocant . In his ubi messis facta , ac stipula Augusto mense incensa est , per autumnum mox sementem iaciunt , atque vnica aratione , per medias terræ porcas sulcum ducentes , semen operiunt ; nec ad proximam vsque messem quidquam ampliùs faciunt , aut segetes reuisunt . Noualia verò Maio mense ( vnde vulgaris appellatio ijs obtingit ) proscinduntur , atque in vniuersum quater in directum , & transuersum aratro ducto ad sationem vsque autumnalem arantur . Stercorandi verò , ac sarriendi agri , partim ob colentium ignauiam , partim ob natiuam terræ feracitatem , vsus , ac vocabula fermè obsoleuerunt ; fimus enim qui è stabulis Romæ magna copia educitur , in profluentem abijci solet . Messem ubi collegerint in prægrandes acervos componunt , quam deinde in aream deportant , ibique in orbem iumenta agentes , triturando sementem educunt . Solent verò in singulis Casalibus deni , vel duodeni homines , aut etiam plures , præsertim ubi pecora , atque armenta sunt ( de quibus iam dicemus ) versari , vsque dum scilicet messis absoluta fuerit : tunc enim , si paucos excipias , qui tectum , gregesque custodiunt , protinus ob aeris grauioris metum domum regressi festinant . Videas quoque sic plerosque morbosos , pallidoque aspectu , ac vix firmandis vestigijs , nedum sarcinulis , aut ferramentis ferendis habiles ,

*Agri restibiles .*

*Stercoratio , ac sarritio raro in usu .*

*Quoteni homines in singulis Casalibus .*



les, cateruatim mœstos ingredi ; quippe quorum magna pars in vrbis nosocomijs vel vitam relinquant, vel longo tempore cum morte luctentur.

*Magna pecorum copia in agro Romano.*

Magna præterea in his locis visitur pecorum omnis generis, atque armentorum copia ; quæ partim à Casalium dominis aluntur (ea totum annum ferè in ijsdem locis pascuntur) partim ex frigidioribus, ac montanis regionibus, Flaminia scilicet, atque Umbria, tum ex Sabinorum, Marforum, Pelignorum, Æquicolarum saltibus, adulto autumno in hæc campestria, & tepidiora loca iniguntur. Eadem interdum quidem pascuntur in pratis, agrisque compascuis, quos certa quadam mercede (posterioris ætatis scriptores Terraticum vocant) cum dominis pacta, pastores sibi vtendos, ac fruendos conducunt ; noctu verò in reticulatis

*Pastores strabucubent.*

caulis quiescere coguntur. Ipsi verò pastores stramentitijs tugurijs, vti melius possunt, conquiescunt, atque aeris iniurias propulsant. Atque hæc per transitum de agri Romani qualitate, eiusque hodiernis cultoribus, deque culturæ ratione summatim dicta sufficiant. Consequens iam est, vt qualis olim fuerit huius regionis facies, ac status, ex Autorum scriptis, nostrisque obseruationibus

*Antiquus huius regionis status.*

*Italia prævalida olim ante Romanorum potentiam.*

indagemus. Antequam Romanorum potentia per Italiam sese latè fudisset, eamque armorum vi sibi subiugasset, florentissimus ipsius fuit status, & cum multitudine populorum magna ex parte diuersis institutis, ac moribus, ac varijs linguis vtentium ; tum frequentia incolarum, atque opibus, terræque vbertate



vberrate spectabilis : eoque tempore non Græcæ tantum ciuitates , quæ præcipuos Italiæ portus , atque optima quæque loca infederant ; sed alij quoque populi nequaquam inuicem subiecti , sed liberi , ac suis legibus vtentes , mirificè excelebant : erat enim ea tempestate quasi adolescentiæ , & iuuentutis Italiæ medius quidam status ; quemadmodum plena ipsius iuuentus mihi fuisse videtur sub initijs Punicorum bellorum ; qua tempestate incredibile dictu est quàm valida , & florens Italorum natio fuerit , & quàm numerosis copijs formidabilis : quamobrem eo prælio quo Romani totius ferè Italiæ viribus subnixi , cum Gallorum exercitu ( qui Congolitano , & Aneoreste ducibus Etruriam vastabant , ac copijs numerosissimis , non ex Cisalpinis tantum , sed ex populis trans Alpes vsque accitis , maximum terrorem Italiæ incusserant ) C. Attilij , & L. Æmilij Coss. ductu fortissimè conflixerunt , cæsa sunt ex hostibus circiter XXXX. millia , capta decem millia : de qua pugna præstat cognoscere quid Polybius grauissimus , & oculatissimus scriptor testatum reliquerit .

*Italiæ iuuenilis ætas sub initijs Punicorum bellorum.*

*Prælium Romanorum aduersus Gallos.*

*Gallorum ingens clades.*

Οἱ μὲν οὖν πρὸς τοὺς Κελτοὺς πόλεμος τοιοῦτον ἔχε τὸ τέλος κατὰ μὲν τὴν ἀπόνοιαν καὶ τὸ λῆμα τῶν ἀγωνιζομένων ἀνδρῶν , ἔτι δὲ κατὰ τὰς μάχας καὶ τὸ πλῆθος τῶν ἐν αὐταῖς ἀπολλυμένων καὶ παραταττομένων , ἑδενὸς καταδείξερος τῶν ἰσότημένων . idest .

Hic tandem belli Gallici finis fuit , quo nullum usque in hunc diem , vel obstinatione animorum , vel militum audacia , vel atrocitate præliorum , vel multitudine interfectorum , vel numero copiarum maius aut audiuiimus , aut legimus . Idem verò Polybius me-

E

morix



*Ingens mi-  
litum nu-  
merus, quē  
eo Gallico  
tumultu I-  
talia com-  
parant.*

*Variarum  
Hist. libro  
IX. cap.  
XVI.*

*Italia quā  
populosa tū  
fuerit.*

*Recensio cō-  
plurimū op-  
pidorum olī  
Romae pro-  
pinquorum.*

*Cluverij di-  
ligentia in  
horum op-  
pidorū po-  
sitionibus  
indagandis.*

moriæ prodidit comparasse Italiam eo tumultu se-  
ptingenta peditum millia, & septuaginta equi-  
tum: quamvis Liuius, & Plinius hunc numerum  
extenuent. Sed hac in re Polybio, qui ferè sup-  
par ijs temporibus fuit, procul dubio fides est ma-  
gis adhibenda. Qua ex re, & multis alijs argu-  
mentis, quæ longiùs ab instituto absunt, ac præ-  
sertim ex multitudine oppidorum, quæ Romano-  
rum bellis excisa sunt, & ex Æliani testimonio,  
qui tradit olim Italiam habitatam fuisse urbibus  
mille centum nonaginta sex, liquidò cognosci po-  
test, Italiam tum frequentissimè, ac diligentissimè  
cultam fuisse. Sed quoniam euagari latius nec li-  
cet, nec lubet, nec ab instituto sermone (qui de  
finitima Latini, Sabini, atque Etrusci agri plani-  
tie esse debet) longiùs digredi; consentaneum vi-  
detur propinqua aliquot Romæ oppida, campe-  
stris tractus præcipuè, recensere; quæ partim ante  
Romani imperij *ἀνύλω*, ac florem; partim postea  
penitus defecerunt: quod validissimum erit argu-  
mentum ad eam frequentiam, quam his locis fuisse  
contendimus, astruendam. Verum id summa-  
tim conficiam, atque omissis amplioribus proba-  
tionibus, ac locorum designationibus, quod ab  
alijs accuratè præstitum est; potissimum à Clue-  
rio, qui incredibili diligentia omnia ferè veterum  
Autorum loca in sua Italia collegit, digessitque.  
Plinius igitur lib. III. cap. V. de veteri Latio lo-  
quens hæc oppida recenset, quæ ita sua ætate de-  
fierant, ut eorum vestigia iam abolita essent.

*In*



In prima regione, inquit, præterea fuere, in Latio clara <sup>Nomina</sup> oppida, Satricum, Pometia, Scaptia, Pitulum, Polito- <sup>veterrim</sup> rium, Tellene, Tifata, Cenina, Ficana, Crustumerium, <sup>Latij op-</sup> Ameriola, Medullia, Corniculum, Saturnia, ubi nunc <sup>pidorum.</sup> Roma est: Antipolis, quod nunc Ianiculum in parte Romæ: Antemnae, Camerium, Collatia, Amiternum, Norba, Sulmo, & cum his carnem in monte Albano soliti accipere populi, Albenſes, Albani, Aesolani, Acienſes, Abolani, Bubetani, Bolani, Cusuetani, Coriolani, Fidenates, Foretij, Hortenſes, Latinienſes, Longulani, Manates, Macrales, Mutucumenſes ( lege Mucamitenſes ex Liuiio, qui Mucamitem nominat ) Munienſes, Numinienſes, Olliculani, Oëtulani, Pedani, Polluſtini, Querquetulani, Sicani, Siſolenſes, Tolerienſes, Tutienſes, Vimitellarij, Veliienſes, Venetulani, Vicellenſes. Ita ex antiquo Latio quinquaginta tres populi interiere ſine veſtigijs. Eodem capite, A Circeijs, inquit, palus Pontina eſt, quem locum viginti trium urbium fuiſſe Mutianus ter conſul prodidit. Ad quem locum vide ſis quæ notat Cluuerius pag. 900. vbi præter errores, qui ex ſcriptorum vitio irrepreſſe videntur, multiplicem Plinij negligentiam arguit, <sup>Plinij oſci-</sup> qui eoſdem populos bis nominauerit, vt Norbam, <sup>tantia in</sup> & Norbanos; & quorundam extare veſtigia nega- <sup>his locis re-</sup> uerit, quæ tamen ea ætate, & ſequentibus ſupere- <sup>cenſendis.</sup> rant, Antemnam ſcilicet, Collatiam, Norbam, atque Sulmonem ( quamuis de hac poſtrema valde dubito, an id oppidum fuerit quod Sermoneta nunc dicitur, licet locorum ſitus ſuadere id videatur ). Miror etiam cùm Antipolim ( ſiue vt Clu-



uerius ex Dion. Halicar. legit Æneiopolim) n omi-  
 nauerit, quæ in monte Ianiculo fuit, & Saturniam,  
 quæ Capitolium antiquissimis temporibus occupa-  
 uit, & Querquetulanos, qui Querquetulanum mon-  
 tem, idest Viminalem incoluisse videntur, cur non

*Pallanteum  
 à Plinio o-  
 missum.*

etiam Pallanteum veterum Arcadum oppidum, in  
 Palatino monte situm, recensuerit: nisi Velientes in-  
 tellexerit Pallantei incolas; quando Velia Palatij in  
 Vrbe Roma pars fuit, vt notum est. De cætero,  
 vbi Sicani legitur, Sacrani reponendum videtur;  
 qui & ipsi, vt ex Festo, & Seruio constat, pulsus  
 Siculis circa hos colles substiterunt; nec alioquin

*Alia oppi-  
 da à Liuiio  
 memorata.*

vllius Sicæ oppidi mentio exstat. Memorantur  
 etiam à Liuiio libro VII. Empulum, & Saffula de  
 Tiburtibus capta oppida, quæ an Plinij ætate ex-  
 titerint incertum. Aliud etiam ex enumeratis à  
 Plinio oppidis, ætate ipsius superfuisse videtur;  
 quod in gratiam nobilissimæ Columnensis Domus,  
 illustrandæque antiquitatis causa, & vt manifestum  
 fit quantum vtilitatis ex antiquarum Inscriptionum  
 collectione, atque obseruatione capere possimus;


*Autoris  
 collectio  
 veterū In-  
 scriptionū.*

ex vna earum ( quarum post Gruterum ad sex millia  
 ferè collegi, non Ethnicarum modò, sed Christia-  
 narum etiam veterum ) liquidò deprehendisse vi-  
 deor. Paucis igitur ab hinc annis in vinea prox-  
 ima Marino, non ignobili oppido Columnensium  
 in Latio, effossa est basis ad L. Aurelium Cæsarem  
 Imp. Antonini Pij filium pertinens, cum nonnul-  
 lis fragmentis aliarum basium, quæ ipsius honori  
 impositis statuis dicatæ fuisse videntur; quarum de-  
 scriptio hæc est.

Apparet




INSCRIPTIONES BASIVM A  
MVNIENSIBVS POSITARVM




*Basis ex la-  
pide Piperi-  
no, quem alij  
Prinernatē  
vocant, ef-  
fossa in vi-  
nea Septimij  
propē Mari-  
num oppidū.*





*Fragmenta  
aliarū ba-  
siū effossa  
in eadem  
vinca.*





Apparet igitur tam ex integra basi, quam ex aliarum fragmentis erectas fuisse à Decurionibus CASTRI MOENIENSIVM, cuius nulla, quod sciam, alibi mentio extat, nisi quòd pro certo puto hos ipsos esse, quos Plinius Munienfes vocat: nam, vt ex veteribus grammaticis notum est, Romani OE dipthongum in multis postea in V vertunt, exempli gratia, EX MOERO, MVRO; COERAVERVNT, CVRAVERVNT; vt in Inscriptionibus antiquis passim: Sic à Pœnis formarunt Punicos, &c. Oppidum igitur, siue Castrum quod vulgò Munium, dicebatur paulò magis antiqua forma MOENIVM, & pro MVNIENSES, MOENIENSES in his basibus repositum fuit: vt maiestatis priscæ retinendæ causa in publicis monumentis factitatum fuisse aliàs obseruauit. Nec est cur quisquam in dubium vocet hosce lapides non aliunde aduectos fuisse; quod de vnicò tantum fortasse credi posset. Sed notabilis in primis est Castri appellatio pro maiori Castello, & quasi oppido, quæ in eius sæculi monimentis non facilè aliàs occurret. Nemo igitur posthac ambiget quin vel Marinum ipsum fuerit olim Munium dictum, vel certè non longè ab eo situm. Quapropter erudita, ingeniosaque potiùs, quàm vera habenda est coniectura Cluuerij existimantis hoc idem oppidum dictum olim fuisse Ferentinum, seu caput aquæ Ferentinæ: quem sequutus est doctissimus Holstenius, eius itinerum comes, & magni illius operis particeps, ac socius qui fuit, in carmine

*Mœnienfes hanc inscriptionem, & Munienfes Plinius idem.*

*In publicis monumentis, maiestatis retinenda gratia, sermo antiquus affectabatur.*

*Castri appellatio eo sæculo rarior hoc significatu.*

*Marinum olim erat Munium.*

*Philippi Cluuerij coniectura de primo Marini nomine.*

*Holstenius Cluuerij comes, & operis Geographici particeps fuit.*



mine Phaleucio quo Excellentissimi Thaddæi Barberini, & Annæ Columnæ nuptias celebravit. Et sanè eorum coniecturam, qui similitudine nominis freti ex Marino Marianum fecerunt, semper dubiam, & suspectam habui; utpote qui hanc analogiæ speciem nunquam probaverim, nec in huiusmodi locorum appellationibus, quas Romanæ familiæ dederunt, vocalem I sic elidi observarim. Sed de his aliàs fortasse opportunior erit dicendi

*A Mariano  
no Mari-  
num fieri  
analogiæ  
ratio non  
patitur.*

*Antonini  
villam hic  
fuisse quidā  
falso putat.*

locus. Non desunt etiam, qui propter hos lapides fuisse eo loci Antonini Imperatoris villam existiment; quod, nisi alia proferant indicia, nescio quàm probabiliter dicatur. Sciebant quidem Antonini quandam villam nominari; sed ea diuerso admodum loco fuit, Aurelia nimirum via ad XII. lapidem, quæ Lorium dicebatur, ut ex Iulio Capi-

*L. Aurelij  
sumptuosiss.  
ima villa.*

tolino constat. Cæterum hic idem L. Aurelius villam habuit sumptuosissimam à se ædificatam, cuius meminit idem Capitolinus in vita ipsius; sed eam quoque longè diuerso situ, via Clodia in Tuscis. Sed hæc minùs ad præsens institutum faciunt: id verò magis, quòd ex oppidis à Plinio connumeratis nonnulla in propinquis locis, quæ hodie insalubria (ut de reliquis taceam, quorum situs

*Oppida in  
campes-  
tri tractu (qui  
hodie insa-  
lubris) olim  
sita.*

ignoratur) aut ferè in agri Romani planitie fuerunt; videlicet Ficana Festi Pompeij testimonio ad XI. lapidem via Ostiensi sita, Fidenæ, Collatia, Antemnæ, Cænina, Crustumium, Tellena, Politorium, Lauinium, Camerium, Corniculum, Corioli, Pometia, Longula, Pollustia.

Liuius



Liuius etiam libro II. Cenum oppidum propè Antium memorat : Ouidius castrum ( Inui scilicet ) inter Antium, & Lauinium. Quid de alijs dicam, *Alia oppida olim florentia.* quæ Plinij ætate extitere ? Quædam etiam frequentia incolarum, & ædificiorum elegantia plus, vel minùs floruerunt; nimirum Ostia, Laurentum, Ardea, Antium, Aricia, Lanuuium, Gabij, Bo-uillæ, Ficulea. Quarum postrema ( vt obiter id quoque notem ) quanquam Latinorum oppidum, in finibus tamen agri Sabini fuit, via scilicet Nomentana, cui priùs Ficulensis vocabulum fuit Li- uio teste ( P. Victor Figulensem vocat ) ac for- tasse circa VII. lapidem, vbi ad vtrunque viæ mar- ginem arcuatas substructiones quondam obseruau- nisi potius fuisse malumus inter vtranque viam, Nomentanam, ac Salariam haud magno inter- uallo inter se distantes; quando, vt ex actis S. Caij Papæ, & ex alijs S. Laurentij Martyris con- stat, extra portam Salariam erat Ciuitas Figli- na; quam cum Figlinis Exquiliarum apud Varro- nem lib. IV. de Lingua Latina caue confundas, & à Ficulea diuersam putes. Sic enim posteriori æta- te dicebatur, quamuis viro docto aliter visum. Quod satis indicat Ficuleam non à ficubus, sed à figulis denominatam esse; licèt apud T. Liuium, ac Ciceronem, qui suburbani Ficulensis meminit, *Epist. XXXIII. lib. XII. ad Attic.* per literam C hoc vocabulum scribatur; retenta scilicet veteri consuetudine, quæ vsum τὸ G igno- rabat. Ne verò diligentiam in superuacuis affe- ctare videar, mitto Sudertum, Verentum, adhæc *Alia oppida quorum ignoratur situs.*

F

Cortuosam,



Cortuosam, Contenebram, & Artenam Livio memorata oppida, aliaque quæ credibile est circa hunc tractum fuisse. Ex alia verò Tiberis parte in Tuscia, oppida fuerunt, parum salubribus hodie locis: in littore, Portus Traiani, Fregenæ, Alſium, Pyrgi, Centum Cellæ, Grauiſcæ, Coſa, Telamo, Populonium, Vetulonia: in mediterraneis verò, Cære, Tarquinij, Forum Aurelij, Forum Claudij, Ferentum, Vicus Matrini, Statonia, Volci, Ruſellæ, quæque partim ſemideſerta hodie ſunt, partim modica oppida, Blera, Nepet, Sutrium, Suana, Saturnia, aliaque. Ex his pauca deligemus, omiſſis breuitatis gratia cæteris; eaque ſatis liquidò, vt opinor, probabimus florente Romanorum Imperio ampla, beneque ædificata, ac valde celebria fuiſſe. Nam vt de Portu Romano ſileam, cuius ingentes ruinae ſatis per ſe oſtendunt eius vterem cultum, ac magnificentiam (de quo non ſatis conſtat quando, & à quibus dirutum fuerit; an à Leone IV. Pont. Max. metuente, ne à Sarracenis occuparetur; an verò ab ipſiſmet Sarracenis, qui magnam partem Italiae, maritimam præfertim, vaſtauerunt; quod credibilius eſt): illud certè in præſentia minùs ſilendum videtur, viam Portuenſem, cuius non obſcura veſtigia etiamnum ſuperſunt, hoc peculiare præ cæteris habuiſſe (quod peritiſſimus Architectus, & rei antiquariae magnus inueſtigator Leo Baptiſta Albertus primùm obſeruauit) quandam videlicet ſeriem lapidum elatiorum, quæ latitudinem ipſius viæ bifariam diuidebat;

*Tuſcia oppida regionis inſalubris.*

*Maritima Mediter-  
ranea.*

*Portus Ro-  
mani, ſive  
Auguſti in-  
gentes rui-  
ne.*

*Circa viam  
Portuenſem  
obſeruatio.*



diuidebat; nempe vt vna pars Romam versus eun-  
tibus, altera Roma ad mare proficiscentibus in-  
feruaret: id ea gratia scilicet, ne ex aduerso oc-  
currentes inuicem se truderent ( tanta erat huius  
viæ celebritas ) ac retardarent. Nunc verò (*Tan-  
tum cui longinqua valet mutare vetustas*) si quis hac  
via proficiscitur, mirum est si vnum quempiam  
obuium habeat. Age verò, vt ad Ostiensem vr-  
bem transeamus; nullius fermè crebrior est apud  
Latinos scriptores mentio; adeò vt non desint  
exempla, ex quibus frequentissimam eam fuisse  
probemus: sed paucis ero contentus. Condita hæc  
vrbs ab Anco Martio Rege fuit, deducta illuc ci-  
uium Romanorum colonia, ad sinistram Tiberis  
ripam, propè ipsius ostia; vnde ei nomen impo-  
situm est. Magnam passa est calamitatem Maria-  
nis temporibus, cum alijs nobilibus Latij oppidis  
Antio, Aricia, Lauinio direpta, ac vastata: sed  
nihilominus posteriori tempore pristinam dignita-  
tem, ac frequentiam recuperasse videtur. Corn.  
Tacitus, vbi tradit quomodo incensa à Nerone  
Urbe egenæ plebeculæ, quæ fortunarum suarum  
iacturam fecerat, subuentum fuerit, ait, vtenilia  
ab Ostia, alijsque municipijs subuecta fuisse. *Et  
subitaria ædificia extruxit, quæ multitudinem inopem ac-  
ciperent. Subuectaque vtenilia ab Ostia, & propin-  
quis municipijs.* Plinius Iunior, vbi elegantissima  
epistola, tanquam mirificus architectus, villam  
suam Laurentinam describit non longè ab Ostia  
sitam, multiplicesque illius commoditates enume-

*Via Por-  
tuensis nunc  
mirè deser-  
ta.*

*Ostia vrbs.*



44 DE RESTIT. SALVBR.

rat; ad extremum subdit. *Suggerunt affatim ligna proxima sylvæ: ceteras copias Ostiensis colonia ministrat. Frugi quidem homini sufficit etiam vicus, quem una villa discernit: in hoc balinea meritoria tria. Magna commoditas, si fortè balineum domi vel subitus aduentus, vel brevior mora calefacere dissuadeat. Littus ornant varietate gratissima nunc continua, nunc intermissa tecta villarum, quæ præstant multarum urbium faciem &c.* quæ omnia ideò attuli, quoniam multa notatu digna hinc erui possunt. Primò eam fuisse tunc temporis Ostiæ vrbis lautitiam, ac cultum, ut non frugalioribus tantum, sed lautioribus etiam, & vrbanis in proximo rusticantibus omne genus commoditatum suppeditare potuerit. Secundò frequentissimas fuisse villas circa littus; de quo postea dicemus. Tertiò non tantum oppida, sed vicos etiam in agro Latino fuisse complures; uti semper persuasum habui (ut præteream villam Priapi in agro Ardeatino, ex qua Leo V. Pont. Max. oriundus fuit). Quartò magnam fuisse celebritatem Ostiensis, & Laurentinæ viarum (quarum in medio erat Pliniana Villa) cum in unico vico tam propinquo Ostiensi vrbi tria balnea calefierent: etsi frequentissimam tunc fuisse lauandi consuetudinem omnibus notum. Verum reiectis vulgatoribus testimonijs sequens cippus, siue columna in Portu Ostiensi reperta, atque illinc in hortos Carpenfes translata (cuius Inscriptionem ex aduersarijs Achillis Statij deprompsi) palàm docebit, splendidum, ac benè ædificatum oppidum

*Ex Plinij loco multa notantur.*

*Splendor Ostiensis vrbis ex antiqua Inscriptione ostenditur.*

Ostiam



Ostiam fuisse: in ea quippe memorantur, Forum, <sup>Edificia</sup>  
 Aedes Volcani, Veneris, Fortunæ, Cereris, Spei, <sup>Ostie in hac</sup>  
 Macellum cum ponderibus (videlicet stateris gran- <sup>Inscriptione</sup>  
 dioribus ad magna onera ponderanda) Tribunal  
 marmoreum in Foro, statua inaurata, & alia sta-  
 tua ahenea posita ab Ostiensibus P. Lucilio Ga-  
 malæ, qui superscripta opera constituit, vel resti-  
 tuit, ut Inscriptio loquitur, quæ talis est.

P. LVCILIO

P. F. P. N. P. PRO

NEP. GAMALAE

.. AED. SACR VOLK

...EADLI. D. D. ALLECTO

...RATIS. DECVRIONI

..ONTIFICI. II. VIR. CENSO

RIAE. POT. QVINQVENNAL.

....IN. COMITIS. FACTO CVRA

...PECVNIAE PVBLICAE. EXIGEN

..VE ET. ADTRIBVENDAE

..IN. LVDOS. CVM. ACCEPISSET PVBLIC...

...VCARRI MISTIII. DE. SVO. EROGATI

ONEM. FECIT

...M. SVA. PECVNIA. VIAM. SILICE STRAVIT.

QVAE EST. IVNCTA. FORO. AB. ARCVADARCV.

..EM. EPVLVM CVM. TRICHLINIS. CCX. VII

COLONIS DEDIT

..EM. PRANDIVM SVA. PECVNIA. COLONIS.

OSTIESIBVS. BIS. DEDIT.

..DEM. AEDEM. VOLCANI. SVA. PECV

NIA. RESTITVIT.

..DEM VENERIS SVA PECV

NIA CONSTITVIT.

..EM. AEDEM FORTVNAE SVA PECV

NIA. CONSTITVET

..EM.



46 DE RESTIT. SALVBR.

- .. EM. AEDEM. FORTVNAE CERERIS. SVA. PECVNIA. CONSTITVIT
- .. EM. PONDERA. AD. MACELLVM. CVM. M. TVRRANIO SVA. PECVNIA. FECIT.
- .... AEDEM. SPEI. SVA. PECVNIA. .... TITVIT
- .. EM. TRIBVNAL IN FORO MAR MOREVM. FECIT
- VIC. STATVA. INAVRATA D. D. P. P. POSITA EST.
- .. EM. AHENEA. D. D. P. P. POSITA
- .. ROXVME TRIBVNAL. QVAES.
- .. EREA CVOD CVM. RES. PVBLICA.
- .. RAIDIA. SVA VENDERIT. OB. POL. ICITATIONEM. BELL. NAVALIS.
- HCV CC REIPVBLICAI DONA
- ... NC FVNERE PVBLICO
- .... COCFFER CEN. ... ERVNT.

Nec dubitandum quin plurima alia ornamenta, aedificiaque sumptuosissima in tam celebri colonia fuerint. Venio nunc ad Urbem Antium, quam & ipsam non primis tantum Romanae Reipublicae temporibus florentissimam fuisse ostendam; sed postea etiam summoperè splendidam, atque aedificijs ornatam. Dionys. Halicar. Ἀντίον πόλις ἐπιφανέστατη τῆς Οὐολέσκων ἔθνης. hoc est *Antium urbs Volscorum nobilissima*. Liuius lib. II. opulentissimam olim fuisse testatur, & lib. VI. caput Volscorum. Notissima sunt etiam bella, quae non modò Reges Romani, sed eiectis etiam Regibus diutissimè, ac pertinacissimè cum Antiatibus populus Romanus exercuit. Ex eo verò bello, quod Numicius Cos. cum

*Antium.*  
*Eius opulē-  
tia, & splē-  
dor anti-  
quus.*



cum Antiatribus gessit, cognoscimus (Dionys. lib. VIII. docente) habuisse Antiates præter urbem altiori loco positam, nempe ubi nunc D. Blasij fanum est, oppidulum aliud in littore mœnibus clausum: quod ipsis erat rerum venalium forum, ac nauale: quod interdicto ijs usu maris, æquatis solo mœnibus, ac nauium receptaculis complanatis, abductisque nauigijs dirutum penitus à Romanis fuit. Strabo etiam lib. V. scribit diu piraticam eos exercuisse, iunctis etiam cum Tuscorum classe viribus. Non eo tamen inficias, quin Antij portus primis temporibus mediocris fuerit: quo à Romanis corrupto, ac diruto, postea locus importuosus mansit; ut inter alia liquet ex eodem Strabone, qui ἀλίμενον πόλιν vocat. Illud certè constat, Neronem Cæs. qui summoperè eo loco delectatus est, quod ibi genitus esset, atque ex Poppæa filiam suscepisset, non modò veteranis eò missis coloniam frequentasse; sed magnificentissimum ei portum addidisse, cuius ingentes etiamnum supersunt ruinæ; præcipuè molis qua includebatur, ac Phari, quæ noctu nauigantibus prælucebat. De ædificijs verò celebre ibidem fuit Fortunæ templum cum sortibus, quod vulgò notum: itemque Æsculapij in littore, cuius multi etiam meminerunt; Valer. Max., Autor de viris illustribus, & alij. Magnis insuper, crebrisque ædificijs, ac Principum Romanorum secessibus nobilitatum fuisse Strabo docet his verbis. Εξῆς δ' ἐστὶν Ἀντίον, ἀλίμενος καὶ αὐτὴ πόλις.

νῦν

Antij nauale, & portū habuit ab urbe separatum.

Antiates classe olim validi.

Nero Antium præcipuè admauit, ornauitque.

Eius nonnulla ædificia enumerantur.



ὡς μὲν ἀνέεται τοῖς ἡγεμόσιν εἰς χολῶν καὶ ἀνεσιν τῶν πολι-  
τικῶν, ὥτε λάβοιεν καιρὸν. καὶ διὰ τῆτο κατακοδόμηνται πολυ-  
τελεῖς οἰκίσεις ἐν τῇ πόλει συχαῖ, πρὸς τὰς τοιαύτας ἐπιδημίας.

idest Sequitur oppidum Antium, & ipsum importuosum:  
ceterum Principum otio, atque vacationi ab civilibus  
occupationibus dicatum est: ideoque magnifica, ac splen-  
dida inibi sunt ædificia extructa permulta, excipiendis  
eorum secessibus. Quæ post Strabonis ætatem mul-  
tò magis dici potuerunt, cùm sequuti post Tibe-  
rium Principes, Nero, alijque summoperè eum  
locum adamauerint, atque ædificationibus excolue-

*Hadrianus  
Antiat  
villa præ-  
cipuè dele-  
ctabatur.*

runt. Huc pertinet Philostrati locus in vita Apol-  
lonij; ex quo discimus Hadriani prætorium apud  
Antium fuisse, quo præ alijs maximè delectabatur.

Minimè verò prætereundum hoc loco videtur (etsi  
Romæ incolis satis id notum est) oppidum mari-  
timum mille circiter passibus à veteris Antij reli-

*Neptunium  
oppidū in-  
sta Antij  
promonto-  
rium.*

*Eius incolæ  
Africane  
originis  
vulgò cre-  
duntur.*

*Sed verifi-  
cile non  
videtur.*

quijs dislitum, quod Neptunium dicitur (vulgò  
Nettunno) cuius incolæ ab Afris, siue Mauris oriun-  
di vulgò creduntur. Suadet hoc mulierum habitus  
discolor, & ab Italico valde diuersus, quæ non-  
nunquam ad Urbem veniunt. Verùm vt de eo du-  
bitem facit, non tam, quòd nulla fit huius Afri-  
canæ coloniae in historijs mentio (nec enim ig-  
noro paucissimos, nec eos satis diligentes extare  
rerum scriptores, quæ vigentibus Sarracenorum ar-  
mis, atque illo caliginoso sæculo contigerunt)  
quàm, quòd minùs credibile videtur, gentem Chri-  
stiano nomini infensissimam, & de Italia à se va-  
stata pessimè meritam, vel ausam fuisse tam propè

Christiani



Christiani orbis caput sedem figere, vel tantope-  
 re hanc viciniam adamasse, vel denique à finiti-  
 mis gentibus non minùs religiosis, quàm fortibus  
 permissum id eis fuisse: nisi fortasse credamus na-  
 tionem Mahometicis erroribus ad insaniam vsque  
 addictam, subitò ijs eiuratis, Christianos ritus sur-  
 scepisse. Quidquid sit, nulla hodie, quod sciam,  
 Mahometicæ superstitionis, vel Arabicæ linguæ  
 vestigia apud Neptunienses supersunt; eoque mi-  
 nùs credibile videtur ortu Arabes, siue Afros esse.  
 Cæterùm genus est hominum, quantum ex relatu  
 aliorum comperi, quo nullum in toto Latio desi-  
 diosius, ac minùs industrium: nam cùm agros  
 valde vberes in proximo habeant, agriculturam  
 negligunt: cùm sylvas auibus, ac feris refertas, nec  
 venatui, nec aucupio student: denique cùm mare  
 piscibus fœcundum accolant, piscandi imperitos  
 esse illud maximè probat, quòd marinis piscibus  
 Roma careret, nisi quotannis Prouinciales Galli  
 cupidine lucri illecti Romam confluerent ad pi-  
 scaturam exercendam. Atque hæc de Antio di-  
 cta sunt. Probare etiam possem, Laurentum,  
 Lanuuium, Cære, aliaque eiusmodi oppida anti-  
 quis Autoribus sæpiùs nominata, (quæ propter  
 aeris intemperiem hodie ferè deserta sunt) ante  
 Italiæ excidium populo frequentia, ædificijs orna-  
 ta, cultu splendida, opibus referta fuisse: id enim  
 præter alia liquet ex magistratibus dignioribus,  
 qui non minùs, quàm in celeberrimis Italiæ co-  
 lonijs, ac municipijs, ibi fuerunt; vt veteres In-

*Eorū iner-  
 tia.*

*Galli pi-  
 scatores  
 quotannis  
 ad piscatū  
 Romā ve-  
 niunt.*

*Alia oppi-  
 da olim  
 celebra, ac splendi-  
 da.*

G scriptiones



*Lanuuium  
nunc Città  
Lauinia.*

scriptiones præcipuè ostendunt : ac de Lanuuiio Miloniana in primis Oratio Ciceronis id palàm testatur : tùm insignium aliquot virorum numerus, quos passim apud antiquos legimus indidem oriundos : tùm quòd vrbanoꝝ frequens erat in ijsdem locis commoratio : sed tot testimonijs , atque argumentis abundamus, vt ea conquerere distædeat; cùm res sit multis nota , atque aliò festinet animus, atque impetus scribendi . Priùs tamen nonnulla carptim dicamus de ea frequentia ædificiorum, quam, præter suburbia, villæ in proximo sitæ efficiebant .

*Celebriores  
viæ longissi-  
ma habue-  
runt subur-  
bia .*

*Histoire  
des grands  
chemins de  
l'Empire  
Romain.  
Via Appie  
frequentia  
ædificia.*

Celebriores igitur viæ ad multa milliaria continuis ædificijs vtrinque infesæ fuerunt; puta, tabernis, officinis, diuersorijs, villis, suburbanis, ac monumentis etiam sumptuosioribus : qua de re lege, si lubet, Nicolai Bergerij opus, quod de vijs militaribus Romanorum Gallica lingua fusè, ac diligenter conscripsit . Via igitur Appia, quæ omnium princeps, ac celeberrima fuit, Aricia tenus continuis fermè ædificijs occupata erat; quorum magna etiam nunc rudera

Flaminie. vtrinque conspiciuntur . Ex aduerso, Flaminie ædificia Otriculum vsque pertingebant . Ostiensis etiam ad mare vsque pariter culta, atque habitata fuit, ac similiter ferè Tiburtina quousque Tibur perueniret, vt doctissimus Lipsius etiam obseruauit: quod de alijs frequentioribus vijs, puta, Prænestina, Portuensi, Latina, Salaria, Nomentana, Aurelia, Cassia itidem credi potest . Nec tamen, vt verum fatear, adeò perpetua fuisse puto quouersus



quouersus huiusmodi ædificia, vt non aliquibus locis vacuæ areæ superessent, præsertim horti mærijs obsepti. Nil mirum igitur pronuntiasse Plinium magno, sed vero encomio, *expatiantia tecta multas addidisse vrbes*. Dionys. verò Halicarnasæus, qui sub Augusto vixit, hoc est, multò antequam magnificentia, ac multitudo ædificiorum, tum intra, tum extra Urbem ad summum peruenisset, scriptum nihilominus reliquit loca circa Urbem sita minimè cincta mœnibus fuisse, verum adeò spissa, ac frequentia, vt non facilè quis intelligere posset vbi inciperet, vbi desineret Vrbs: οὕτω συνύφανται τὰς ἀστας ἢ χώρας καὶ εἰς ἀπείρον ἐκμηκυνομένης πόλεως ὑπόληψιν τοῖς θεωμένοις παρέχεται. idest, *adeò suburbana ipsi urbi adherent, & coniuncta sunt, & speciem immensæ cuiusdam longitudinis spectantibus exhibent*. Hinc factum est, vt cùm Hormisdas nobilis Persa in comitatu Constantij Cæs. Romam via Flaminia accederet, ab Ocriculo Urbem priùs ingressus fuerit, quàm, vbi ea inchoaret, discernere posset Ammiano Marcellino testante. Iam verò Tiberis ripas continuis ferè villis ad mare vsque circumuestitas nonnulli produnt. De littore verò maris, ne quis putet solam Campaniam sic excultam fuisse, ex Plinij Iunioris supra allato loco perspectum est, in eo fuisse *nunc continua, nunc intermissa tecta villarum*: quamuis nec Tuscum, nec Latinum litus, non modò salubritate, sed nec amœnitate, aut prospectuum elegantia valde sit commendandum, aut vlllo modo cum Campania, aut reliqua

*Ea ædificia perpetua non fuerunt.*

*Tiberis utraque ripa vsque ad mare frequentibus ædificijs infessa.*

*Apud litus creberrime vallis.*



Italia ad fretum vsque conferendum. Si cui verò nondum planè persuasum est, circumiectam Romę regionem, maximè in locis humilioribus, ac parum salubribus, creberrimis villis, ac prætorijs ornatam, atque interstinctam fuisse, eat ipse quoquoersus, ac omnem regionem circumlustret; tam multas parietinas, ac rudera cumulos ubique ferè reperiet, vt nullam ampliùs hæsitandi causam habiturus sit: quanquam minimè dubitandum est multò plurium vestigia penitus esse deleta; erutis videlicet fundamentis, atque aliorum asportatis cæmentis, ac lateribus ad nouas ædificationes, vt quotidie fit. Addam in hanc rem argumentum, quod alicui fortasse mirum, ne dicam absurdum, videbitur: verum sic quoque magni ponderis apud me est. Arenariæ cryptæ antiquis temporibus ad extrahendam arenam in vsum ædificiorum excauatæ, (quod hodie diuersa ratione faciunt supernè effossa terra, vt in pastinationibus solet) tam multæ extant non in proximo tantum, ac sub vineis Vrbi propinquis; sed etiam longiùs, & in omnes ferè partes ad mare vsque, & montes Prænestinos; atque ab alio Cœli cardine in Etruriam etiam longissimè (nec defuit quibusdam auditiora quædam, ac penitus sepulta veteris æui miracula rimandi studium) vt totus hic Latij, ac Tusciæ suburbanæ tractus (cuius infimum solum vnus naturæ est tophaceum, & fabulosum) penitus suffossus, ac propè pensilis existimari possit; vnde fit, vt vix vnquam internis flatibus quatiatur: ita longi,

*Plurima  
ædificiorum  
rudera quo-  
quoersus  
circa Ro-  
mam.*

*Esti plu-  
rium dele-  
ta sunt ve-  
stigia.*

*Aliud ar-  
gumentum  
ad astruen-  
dam vete-  
rum ædifi-  
ciorum cir-  
ca Romam  
frequentia  
ex Arena-  
rijs sumptu.*

*Earum in-  
gēs magni-  
tudo, & nu-  
merus.*



longi , & multiplices , ac multifariam inter se implicati subterranei meatus quoquouersus patent , vt immensi cuiusdam labyrinthi speciem præbeant.

Huiusmodi cryptæ , siue cuniculi , Arenariæ etiam simpliciter dictæ leguntur in veteribus Sanctorum Martyrum actis ; Catacumbæ etiam , quod sequente Tyrannorum persecutione innocens Christi plebs subterraneis hisce locis interdum potissimum delitesceret , cubaret , cibum caperet , sacrosque conuentus haberet . Ab his , tanquam à genere species , distant Coemeteria , quæ Vrbi ferè propinquiora sunt , ac militaribus vijs adfita ( multa enim supersunt ) laxioribus , sed breuioribus spatijs diffusa , facellis , sepulchris , aris , atque id genus ædificationibus luculentiùs ornata : qualia ferè nonnulla quoque fuerunt apud Ethnicos subterranea monumenta , quæ & conditoria dicebantur , opere lateritio parietibus in ambitum suffulta : in queis crebri loculi cum urnis , atque ossuarijs ad vnicam ferè familiam spectantibus , disponebantur ; qualis fuisse videtur is , qui in Vrsinianis bibliothecæ Vaticanæ collectaneis antiquitatum describitur , ex suburbano Exquilinæ portæ ni fallor , ad Sex. Pompeij domum , vt videtur , pertinens . Verùm de omnibus his subterraneis miraculis , ac præsertim sacris Coemeteriorum antiquitatibus luculenter , atque eruditè pertractat Ioannes Seueranus Congregationis Oratorij Sacerdos in eximio opere ab Antonio Bosio olim incepto , quod *Romam subterraneam* inscripsit , ex quo ma-

gna

*Cryptæ arenariæ in Martyrologijs simpliciter Arenariæ dictæ, & Catacumbæ.*

*Earum species , Coemeteria .*

*Conditoria veterum Ethnicorum.*



gna cum voluptate, ac fructu infinitas res minimè protritās, ac vulgares haurire licebit. Sed quorsum hæc, inquires, de suburbanis Arenarijs extrapropositum scopum commemoratio? nimirum vt ostendam, tantam fossitiæ huius arenæ copiam (de cuius speciebus vide Vitruuium lib. II. cap. IV.) ex tot, tantisque cuniculis longo tempore, vt apparet egestam fuisse, vt si vel totam Latij planitiem Roma occupasset, sufficere quodammodo, ac penè redundare potuerit; nedum ijs ædificijs suppetere, quæ intra moenia extiterunt: quorum verus ambitus, quando à Gothis direpta est, testante Olympiodoro apud Photium, XXI. milliaria collegit; quæ octodecim hodiernorum ferè summam conficiunt: quare nisi tam immensam arenæ copiam in alios quàm ædificationis vsus conuersam esse velimus, necesse est vt dicamus, infinitis propè ædificijs proxima Vrbi loca fuisse contexta. Atque hinc intelligi potest ingens ea populi multitudo (quamuis id paulò post diligentius excutiemus) quæ Romæ veteri à plerisque tribuitur: neque enim si rem acrius perpendere volumus, tot centena hominum millia intra eum, quem dixi, murorum ambitum recipi potuisse videntur. Namque (vt rem enucleatiùs expendamus) cùm hodiernorum mœnium circuitus, comprehensa Leonina regione, XV. milliaria explere feratur; atque adhuc multæ veteres portæ (structuræ genus id docet) supersint; quædam porro paulò supra nostram memoriam ijsdem vestigijs renouatæ sint; cumque etiam maneat Castris

*Vide Borghinam de origine Florent.*

*Hinc etiā apparet maxima Romæ urbis frequentia.*

*Hodiernus Romæ ambitus.*



stri Prætorij ad extremam, atque Orientalem Urbis partem murus ( quanquam fortasse recentioris structuræ ) quod spatium, exauctoratis à Magno Constantino prætorianis cohortibus, adiectum Urbis fuerit, ita ut ex his indicijs colligi possit hodierna mœnia maxima ex parte super antiquis fundamentis excitata fuisse; & tamen ex aduerso dicatur antiquum ambitum circiter XVIII. hodiernorum milliarium fuisse; quo tandem pacto hanc ἀντιλογία componemus? Si quid igitur mei iudicij est ( quod tamen non asseueranter affirmo ) existimarem, eos qui olim Urbem dimensi sunt, per anfractus, ac sinus mœnium ( qui hodie etiam multis in locis conspiciuntur ) non directo tramite mensuram exegisse; qua ratione aliquantò maior milliarium numerus consurgit: contra verò, qui hoc tempore XV. milliaria Romanæ urbi tribuunt, eo modo intelligere, si sine ambagibus, ac flexibus dimetiens linea ducatur: quod si verum est, antiqua, atque hodierna Urbis capacitas parum inter se distabunt: nam eundem planè esse murorum circuitum, id dici nullo modo potest; quibusdam enim locis, eos qui deiecta à Gothis mœnia refecerunt, ab eorum fundamentis aliquantum deflexisse palàm liquet: ut circa portam Trigeminam, cum antiquus cis Tiberim murus recta regione Transiberinum in vltiori ripa desinentem peteret; quod & illius nonnulla vestigia, & recentioris, qui Testaceum montem complectitur, enormior deflexus ( & miror ab ijs, qui vetustæ

*Hodierna  
mœnia su-  
per anti-  
quis fûda-  
mentis fer-  
mè excita-  
ta.*

*Antiquus,  
atque ho-  
diernus Ur-  
bis ambi-  
tus parum  
differre vi-  
dentur.*

*A porta  
Trigemi-  
na, siue S.  
Pauli vs-  
que ad Ti-  
berim mu-  
rus latius,  
quàm olim  
diffunditur.*

Romæ



Romæ delineationem ediderunt, non esse animadu-  
uersum ) & Cestiani monumenti iuxta eandem  
portam situs ( per cuius centrum mœnia ipsa du-  
cuntur ) liquidò ostendit: postea, dum Vrbs refi-  
ceretur, existimarunt firmiorem, ac munitiorem  
eam fore, si Cestiana pyramide tanquam propu-  
gnaculo quodam in ipsis mœnibus vterentur, &  
elator ille priscarum testarum cumulus ( ex quo  
indicio propè accoluisse figulos antiquarij notant )  
intra Urbem inclusus, aggeris vsum Romanis po-  
tius, quàm hostibus præstaret. Quod ita esse, si  
cætera deessent indicia, vetus illa consuetudo,  
stante præsertim Republica, inuiolabiliter obserua-  
ta, mortuos extra Urbem humandi, ac sepulchra,  
monumentaue extruendi, satis ostenderet. Cæte-  
rùm, quoniam in Cestiani sepulchri mentionem  
incidimus, illud obiter adnotasse liceat, interio-

*Sepulchra  
olim intra  
Vrbē strue-  
re non lice-  
bat.*

*Interiores  
Cestiani se-  
pulchri pa-  
rietes anti-  
quas pictu-  
ras etiam  
nunc seruāt.  
Iulij Man-  
cini de Pi-  
ctura opus.*

*Vetus Ro-  
mæ ambi-  
tus non pro  
sua magni-  
tudine ca-  
pax, &  
quare.*

rem ipsius cellam, etsi hodie maximam partem  
terra oppletam, vetustissimis picturis etiamnum  
ornatam conspici; quibus Iulius Mancinus Archia-  
trus eruditissimus, in suo de pictura opere, parem  
atque ipsi monumento antiquitatem tribuendam  
putat. Sed vt ad veterem Romæ ambitum reuer-  
tar; si eum paulò quàm hodie maiorem, aut pe-  
nè eundem constituamus, nequaquam is tantæ ca-  
pacitatis fuerit, quantam ex primo intuitu quis fa-  
cilè iudicaret: propterea quòd magna, creberri-  
maque spatia continuit nullius ad habitandum vsus;  
sed partim vacua, partim otiosis ædificijs attribu-  
ta: quod, qui in antiquæ Urbis descriptionibus ver-  
sati



fati sunt, non ignorant. Nam, per Deum immortalem, quantum urbanae areae occupasse tandem putamus, tot magnificentissima Tempora, tot latissimas Thermas, Circos, Amphitheatra, Naumachias, Horrea, aquarum Castella, Fontes, Lauacra, Lacus, Ianos, Basilicas, Porticus? tot rerum venalium, & ciuiliū Fora? tot areas, campos, hortos, viridaria, aliaque id generis? quantum ea, quæ non perinde omnibus nota, Lucos ædibus sacris nunc adritos, nunc circumfusus? semitas Insulis circumiectas? quarum multitudinem ex Sex. Rufi libello Descriptionis Urbis Romæ (eius enim esse, non P. Victoris, iam pridem Philander notauit) cognoscere possumus. Quantumuis excelsas priuatorum domos extitisse dicamus (quarum altitudinem LXX. pedibus Augustus, LX. Nero definiuit) quantumuis angustè vilem plebeculam olim habitasse credamus (modò ne putemus plebis Parisiensis instar nimis arctè, angustequè id factum, quod nec temporum illorum splendor, nec Italicae gentis mundities patitur) necesse est fateamur paulò maiorem turbam, nedum tot illa centena millium intra Urbem pleraque ex parte quæ sacris, quæ publicis ædificijs, quæ inanibus areis occupatam, minimè recipi potuisse: adeò vt, nisi constaret ex dictis, alijsque quæ consultò omisi, innumeris ædificijs suburbanum agrum obiectum fuisse; hoc vno argumento inanem illam quorundam de multis millionibus Romam olim incolentibus sententiam conuellere possemus. Age igitur,

*Insularum  
ingens Ro-  
ma nume-  
rus.*

*Vetus Ro-  
ma infini-  
tam turbam  
recipere nō  
poterat.*

H

quoniam



*Discepta-  
tio de mul-  
titudine in-  
colentium  
olim Romā.*

quoniam ad hanc instituto nostro affinem disputationem deuenimus; Iustus Lipsius (quo nemo meliùs, vberiùs, maiorique iudicio Romanas antiquitates exposuit) quatuor hominum milliones (in quibus dimidiam partem seruorum ponit) Romæ, aut circa eam, idest in suburbijs, hortis, ac tabernis (ne quis de propinquis oppidis accipiat) habitasse censuit: quæ sententia vt in speciem fauorabilis, & pro tanti viri autoritate probabilis est; ita, si rem acriùs expendamus (dicam enim quod sentio non dissentendi studio, sed veritatis asserendæ; nec vt maximi viri nomen carpam, cuius memoriæ vt si quis alius addictus sum) nequaquam stare potest. Nam, vt constat ex monumento Ancyrano, Augustus Cæsar aliquoties censum egit: vt in sexto consulatu, quo collegam habuit M. Agrippam, quo censita sunt ciuium Romanorum capita quadragies centum millia, & sexaginta tria: nec magnum fuit aliorum censuum discrimen, vt idem monumentum ostendit; atqui notum est, præsertim ex Liuij historijs, in censibus referendis non separatim vrbanos, sed omnes simul Romanos ciues liberæ conditionis, demptis pueris, ac mulieribus, quotquot vbique gentium erant, adnumerari. Cùm igitur Augusti ætate tota Italia Ciuitatis iure gauderet, neque in prouincijs admodum multi tùm ciues reperirentur (colonix enim perpaucae tunc temporis extra Italiam Ciuitatis ius possidebant; nec milites, ac negotiantes satis notabili numero Italicorum censum augebant)

cùm

*Augusti  
Cæsaris  
census.*



cùm etiam sub Claudio, quo Ciuitas multis popu-  
lis communicata est Corn. Tacito testante, censa  
sint non plura, quàm sexagies nouies centena se-  
xaginta quatuor millia, idest, septem circiter mil-  
liones: cumque hodie Italia, quippe multò infre-  
quentius culta, ab huiusmodi rerum peritis nouem  
hominum milliones continere dicatur; credibile fit  
ex superscripto censu, Augusti ætate octodecim  
saltem milliones, idest, duplo maiorem summam  
in Italia extitisse: siquidem proportionem eius nu-  
meri alios sex milliones puerorum, ac mulierum  
adiungere possumus: atque item alios sex, pere-  
grinis vnà comprehensis, seruorum, atque ancil-  
larum; quorum ingentem olim numerum, ne to-  
ties dicta repetamus, apud eundem Lipsium anti-  
qui scriptores produnt; vt missas faciam veteres  
sepulchrales Inscriptiones, quarum maxima pars  
ad libertinos pertinet. Hæc summa non videbitur  
immodica ei, qui antiquam Italiæ frequentiam  
( cuius Australis hodie pars raris cultoribus exer-  
cetur ) probè cognouerit; nimis exigua videbitur,  
qui vnicam Romæ urbem quatuor milliones ha-  
buisse crediderit, nec dubitauerit ( quod valde  
probabiliter dicitur ) quin, quot virilis ætatis Ro-  
mani ciues in censum ascribebantur, totidem cir-  
citer puerorum, ac mulierum liberæ conditionis  
capita, ac totidem etiam seruorum, & ancillarum  
numerarentur. Quem igitur numerum, inquiet ali-  
quis, Urbis incolarum, si Lipsianus tibi nimius  
videtur, fuisse existimas? Ego, si quid mei iudi-

*Botero, &  
similibus.*

*Dimidia  
Italia pars  
infrequen-  
ter hodie  
cultæ.*

*Autoris o-  
pinio de  
numero Ro-  
mæ olim  
incolentium.*



cij est ; circiter decies centena hominum millia ,  
aut non multò plures in ipso Imperij flore , puta  
sub Traiano , vel Hadriano fuisse puto ; quæ sum-  
ma non nimis modica censeri debet , etiamsi Cæ-  
sarea Cappadociæ vrbs quadringenta millia Zona-  
ra teste habuerit ; etiamsi Agrigentum florentissi-  
ma olim Sicilia ciuitas , Diogene Laertio scri-  
bente ( antequam scilicet Syracusæ ad tantam am-  
plitudinem excreuissent ) octingenta millia nume-  
raret . Nam quod Alexandria illa celebris , illa di-  
ues , illa post Romam omnium confessione secun-  
da ( cuius ambitum ex Plinij dimensione quindecim  
milliarium fuit ) non nisi trecenta millia libe-  
rorum capitum , Diodoro tanquam rem magnam  
asserente , habuerit ( etsi Lipsio id parum credibile  
videtur ) potius pro nostra opinione facit , etiamsi  
trecenta , aut quadringenta seruorum , ac peregri-  
norum millia ad explendum septingentorum , vel  
octingentorum millium numerum adijciamus ; quo  
vix minorem Alexandria fuisse puto : nec ma-  
gnum , contra quàm Lipsio videatur , statuo disci-  
men inter Romana tempora , & posteriorum Re-  
gum ; sub quibus etiam frequentia populi , vt ex  
historijs conijcere licet , mirabiliter floruit . Age-  
verò , potissimas rationes , quæ Lipsium in eam  
opinionem induxerunt , consideremus . Aiunt pe-  
regrinos ex toto orbe confertim Romam conflu-  
xisse : non nego id factum . Non desunt etiam Au-  
tores , qui commune totius terræ oppidum : orbis com-  
pendium , & epitomen : Urbem urbium : totas nationes  
illic

*Cæsarea  
Cappado-  
ciæ.  
Agrigentū.*

*Alexan-  
dria am-  
bitus , &  
numerus  
incolarum  
libera con-  
ditionis.*

*Incole A.  
lexandriae  
in vniuer-  
sum circi-  
ter septim-  
gētes mil-  
le fuisse vi-  
dentur .*

*Rationes  
Lipsij im-  
mensum il-  
lum incola-  
rum Romæ  
numerum  
astruentis.*

*Aristides .  
Polemoso-  
phista .  
Galenus .*



illic simul, atque iunctim habitasse: frequentiam, cui *Seneca.*  
 vix Urbis immensa tecta sufficiant: capacem generis *Lucanus.*  
 humani, & mundi face repletam, quæque alia in  
 speciem magnificè, & ferè à Rhetoribus, ac  
 Poetis μεγαληγορίας dicuntur; quæ tamen, si rectè in- *Ad eas ra-*  
 telligantur, verissimè dici confiteor: sed hæc non *tiones re-*  
 minus vera esse possunt, si aliquot singula homi- *sponsio.*  
 num millia, non dena, vel centena singulis natio-  
 nibus, quæ Romam incolebant, tribuamus. Nec  
 est quòd satisfactum Lipsius putet ijs qui, vnde  
 tam immensæ turbæ alimenta suppeterent, quæ-  
 runt, si publicas illas frumentationes obtrudat, &  
 Senecæ dictum; in qua (Roma) consumitur quidquid *Senecæ ma-*  
 terris omnibus aratur. Scimus enim solùm his decies *gnificū di-*  
 centenis hominum millibus ingentem profectò *ctū de Ro-*  
 frumenti modum quotannis ex Sicilia, Afri- *mæ magni-*  
 ca, Ægypto, alijsque frumentarijs prouincijs ex- *tudine.*  
 portari oportuisse. Scimus eas ipsas prouincias  
 non minùs frequenter habitatas, quàm diligenter  
 cultas fuisse. Scimus complura non modica oppi-  
 da circa Romam fuisse (quod supra innuimus)  
 quibus alendis, vel peregrè aduecto frumento, vel  
 ex suismet agris comparato opus fuit. Scimus su- *Suburbana*  
 burbana loca, præter ea quæ dixi, tam crebra ædi- *loca floren-*  
 ficia Cerealibus operibus erepta (quod rei rusti- *te Imperio*  
 cæ scriptores non sine stomacho, atque indigna- *arvorum v-*  
 tione detestantur) Bacchi, & Pomonæ cultui; *sum non*  
 immò Floræ, ac Dianæ, hoc est, viridarijs, sta- *frequenter*  
 gnis, nemoribus, ambulationibus à delicatis, lau- *præbebant.*  
 tisque hominibus in tanta opum, ac voluptatum  
 affluentia



*Ipsius pe-  
ste mortuo-  
rum nume-  
rum apud  
Suetonium  
arget.*

affluentia attributa fuisse. Quare non est, cur Suetonij locum in Nerone ubi pestilentia unius autum-  
ni triginta funerum millia in rationem Libitinæ venisse

scribit, Lipsius sollicitet, ac trecenta millia reponat, ut responsuram magis magnitudini eius populi, quam animo conceperat, summam repræsentaret. Sed nimirum decepit optimum virum, ac Romanæ maiestatis supra modum studiosum im-

*Quid Lipsium de-  
ceperit.*

mensus, nec satis credibilis numerus incolarum Cairi, quem vnde nam hauserit diuinare non possum: nam ut relatu eorum, qui Ægyptum non in mappis, ac tabulis tantum lustrarunt, accepi, Cairum septingenta, vel ad summum octingenta capitum millia non excedit: quo loci notatu dignum est, si Ægypti aer eiusmodi est, ut quinis, vel senis diebus (quod Cornelius Celsus indicat) iuventibus medicis inedia ægri tolerare in eo potuerint; & si Arabica, atque Ægyptia gens (ut sunt ferè omnes Orientales) valde sobria est, ac frugalis, ut quæ pomis, pultibus, oleribus, ac leguminibus magna ex parte victitet; ea alimenta, quæ Cairitis sufficiunt, nequaquam dimidio pauciores Gallos, Britannos, aut Germanos solidiori cibo, multisque carnibus edendis assuetos susten-

*Lutetia ma-  
gna frequen-  
tia admi-  
rabilior,  
quàm Cai-  
ri.*

tare posse: ut mihi longè mirabilior Lutetiæ frequentia qualiscunque est, quàm Cairi, aut ullius Asiaticæ Urbis videatur. Atque hæc de antiqua Romanæ urbis amplitudine, ac multitudine incolarum dicta sufficiant: hoc tamen addito non ignorare me, Probum, vel Aurelianum Principem muros



muros Urbis ad quinquaginta circiter milliaria adauxisse, si Vopisco, ac Zosimo fides. Sed quoniam credere par est vetustos, atque interiores illos muros non propterea deiectos fuisse, sed potius exteriorem illum ambitum abductis à Constantino Byzantium multis Romanorum civium millibus, ipsomet Lipsio fatente, defuisse (prius etiam vacuæ areæ non modica spatia comprehendisse videntur, ut si quis Parisiense S. Germani suburbium, aliaque proxima mœnibus cingat) ideò circa notiora illa, ac vetustiora mœnia, quæ multò diutius durarunt, insistendum erat potissimum. Verùm quod propius ad rem nostram facit, ut ad suburbanorum ædificiorum multitudinem indagandam redeamus, non modò rebus Italiæ florentibus, ac nondum sequutis Barbarorum vastationibus, hæc villarum frequentia quoquoversus circa Urbem spectabatur; sed multò etiam propius nostram memoriam, atque etiam post tempora Longobardorum. Id enim apertè docet tam minuta agri Romani diuisio, ac frequens fundorum mentio; retentis adhuc ab antiquiori tempore nominum appellationibus, ut liquet maximè ex vitis Romanorum Pontificum medijs temporis apud Anastasium; adhæc ex priuatis nonnullis instrumentis, quæ in Archiuis supersunt. Vnicam tamen lapideam tabulam præterire non possum, quæ in pronao Basilicæ Vaticanæ parieti affixa spectatur, cuius generis, ætate P. Manlij, qui de eadem Basilica scripsit, sex aliæ legebantur; sed eæ incuria hominum,

& con-

*Quomodo  
intelligen-  
dum aucta  
fuisse Ur-  
bem ad L.  
milliaria.*

*Suburba-  
norum ædi-  
ficiorum fre-  
quentia et-  
iam post  
tempora  
Longobar-  
dorum.*

*Crebritas  
fundorum  
id docet.*

*Quorū no-  
mina apud  
Anastasium  
Bibliotheca-  
rium.  
Et in ta-  
bula Gre-  
goriana  
prona Basilicæ Va-  
ticane affi-  
xa.*



*Quid en  
tabula do-  
ceat.*

& contemptu antiquitatis perierunt. In ijs, non  
minùs quàm in hac, continebantur nomina præ-  
diorum, ac terrarum, quæ B. Gregorius diuersis  
Ecclesijs liberaliter donauit. Inscriptio igitur ita  
se habet, seruata etiam ( vt in rebus antiquis de-  
cet ) illius ætatis corrupta scribendi ratione, cùm  
promiscuè V pro B, & contra vsurparent, vt  
Olibetum pro Oliuetum.

Huiusmodi



I

ingens



\* DOMINIS SCIS AC BEATISS PETRO ET PAVLO APOSTOLORVM PRINCIPIBVS ✠ GREGORIUS INDIGNVS SERVVS ✠  
 QVOTIENS LAVDI VESTRAE VSI BVS SERVITVR<sup>A</sup> QVEDAM LICET PARBA CONQVIRIMVS VESTRA<sup>A</sup> VOBIS R<sup>ED</sup>IMVS NON NOSTRA LARGIMVR  
 VT HAEC AGENTES NON SIMVS ELATI DE MVNERE SET DE SOLVTIONE SECVRI ✠ NAM QVID VNQVAM SINE VOBIS NOSTRV<sup>M</sup> EST ✠  
 QVI NON POSSVMVS ACCEPTA REDDERE NISI QVIA PER VOS ITERVM ET IPSVM HOVT REDDEREMVS ACCEPIMVS ✠ VNDE EGO VESTER  
 SERVVS REDVCENS AD ANIMVM MVLTVM ME VOBIS BEAT<sup>I</sup> APOSTOL<sup>I</sup> PETRE ET PAVLE ESSE DEV<sup>OT</sup>TOREM PROPTER QVOD AB VVERIBVS  
 MATRIS MEAE DIV<sup>INAE</sup> POTENT<sup>IAE</sup> GRAT<sup>IA</sup> PROTEGENTE INTRO GREMIVM ECCLESIAE VESTRAE ALV<sup>IS</sup>T<sup>S</sup> ET AD INCREMENTVM  
 PER SINGVLOS GRADV<sup>S</sup> VSQVE AD SVMMVM APICEM SACERDOT<sup>I</sup> LICET INMERITVM PRODCERE ESTIS DIGNAT<sup>I</sup> ✠ IDEOQVE  
 HOC PRIVILEGLI MVMVSCVLVM HVML<sup>I</sup> INT<sup>ER</sup>IM OFFERRE DEVOT<sup>ONE</sup> PRAEVIDI STATVO ENIM ET A MEIS SVCCESSOR<sup>BVS</sup>  
 SERVANDVM SINE ALQVA REFRAGRATIONE CONSTITVO ✠ VT LOCA VEL PRAEDIA CVM OLIBET<sup>S</sup> QV<sup>I</sup> INFERIVS DESCRIBVNTVR  
 QVOS PRO CONCINNATIONE LVMINARIORVM VESTRORVM A DIVERSIS QV<sup>I</sup>BVS DETENEbantVR RECOLLIGENS VESTRA VOBIS DICAVI  
 IMMUTILATA PERMANERE IDEST IN PATRIMONIO APPIAE MASSVICT<sup>OR</sup>OL<sup>AS</sup> OLIBETV IN FVND RVMELLIANO IN INTEGRO  
 OLIBETV IN FVND OCTABIANO IN INTEGRO MASS TRABATIANA OLIBET IN FVND BVRREIANO VT SP OLIBET IN FVND OPIANO VT  
 SP

OLIBETV T FVND. IVLIANO IN INTEGRO OLIBET IN FVND. VIVIANO VT SVP. OLIBET IN FVND. CATTIA . . .  
 OLIBET IN FVND. SOLIFICIANO. VT SP. OLIBET IN FVND. PALMIS VT SVP. OLIBET IN FVND. SAGARS. V . . .  
 OLIBET IN FVND. MARANO. VT SVP. OLIBET IN FVND. IVLIANO VT SP. OLIBET IN FVND. SARTVRIANO VT SP.  
 OLIBET IN FVND. CANIANO ET CARBONARIA VT SVP. MASS CESARIANA OLIBET IN FVND. FLORANO VT . . .  
 OLIBET IN FVND. RISCANO ET GRASSIANO VT SVP. OLIBET IN FVND. PASCVRANO VT SP. OLIBET IN FVND  
 VARINIANO VT SVP. OLIBET IN FVND. CESARIANO. VT SP. MASS PONTIANA. OLIBET IN FVND. PONTIANO VT SP.  
 OLIBET IN FVND. CASAROMANIANA VT SP. OLIBET IN FVND. TATTIANO VT SP. OLIBET IN FVND. CASAFLO<sup>R</sup>ANAVT SP.  
 MASS STEIANA OLIBET IN FVND. BERRANO VT SP. OLIBET IN FVND. CACCLANO VT SP. OLIBET IN FVND. PONTIANO VT  
 OLIBET IN FVND. AQVILIANO VT SP. OLIBET IN FVND. STEIANO VT SP OLIBET IN FVND. CASSIS VT SP. MASS T<sup>ERT</sup>IANA  
 OLIBET IN FVND. CAMMELIANO ET FVND. TORTILLIANO VT SP. OLIBET IN FVND. CASACVCVL<sup>I</sup> VT SP. MASS NEVIANA  
 OLIBET IN FVND. ARCIPIANO VT SP. OLIBET IN FVND. CORELLIANO VT SP. OLIBET IN FVND. VRSANO VT SVPER  
 IN PATRIMONIO LABICANENS. MASS ALGISIA. OLIBET QVI EST AD TVEV IVXTA ANAGNIAS IN INTEGRO  
 OLIBET QVI EST IN SILVLA ET MODICAS TALIAS CATAGEMMVLVM AG MILIT OLIBET IN APLINEAS IN INTEGRO  
 OLIBET. QVI EST IN CLAVIANO OLIBET. QVEM TENET FRANCVLV<sup>S</sup> COLONVS IN FVND ORDINIANO IN INTEGRO











Huiusmodi fundi suos, propriosque cultores habebant conditione plerunque seruos, quorum usus ad inferiores usque aetates peruenit; ac proinde minimè dubitandum est, quin in singulis casæ, ac domus rusticæ fuerint. Quare cum in tot fundos ager Romanus tum esset diuisus, sicuti hodie meliorem Etruriæ, ac Galliæ Circumpadanæ partem videmus; necesse est ut ingens etiam numerus rusticarum ædium fuerit, quæ propriè villæ Rusticæ dicebantur; sicut Urbanæ, quæ ad dominorum usum ædificatæ erant, ut ex rei rusticæ scriptoribus, ac Pandectarum libris, & veteribus grammaticis intelligitur. Porro illud in hac tabula adnotandum videtur, Massas in agro Latino complures fuisse, quarum singulæ aliquot fundos continebant. Massæ igitur vocabantur (etenim rudiorum gratia, ut ab initio præfatus sum aliqua necessariò sunt dicenda) plurium fundorum ad eundem dominum spectantium, atque etiam plurium camporum, ubi latifundia sunt, comprehensio, qui ab vno actore (quem hodie *factorem* dicimus) administrabantur. Idem ferè significabat possessio, ut patet ex Symmachi epistola XLI. lib. X. in qua Massa Cæsariana in finibus Prænestinorum sita (quam in D. Gregorij tabula nominari puto) paulò post possessio Cæsariana vocatur. Et sanè hodierna locutio *possessionem* eodem ferè significatu usurpat; licet apud nostrates propriè vocetur, *una fattoria*, fundus verò, *un podere*: apud Urbinates autem fundus paruus *possepsio* dicitur,

*Hi fundi  
mancipijs,  
sive ad-  
scriptiis  
ferè cole-  
bantur.*

*Ville Ru-  
sticæ, &  
Urbanæ di-  
scrimen.*

*Massæ quid  
fuerint.*

*Quid pos-  
sessiones.*

I

ingens



ingens fundus, *un podere*. Fit etiam crebra huius

*Massæ vo-  
cabulū ex-  
tat etiam  
in Codici-  
bus Theo-  
dosiano, &  
Iustinia---*

vocis mentio non tantum apud Anastasium, sed & in Constitutionibus Imperatorum Codicis Theodosiani, & Iustiniani; ut exempli gratia, Massa Cæsiana in Anthemij Nouella de bonis vacanti-  
bus, & alibi frequenter, ut alijs obseruatum. Inde conductores Massarum (quomodo eos vocat Gregorius lib. XII. ep. XX.) Massarij etiam po-  
tea dicti sunt, ut in legibus Longobardorum, & apud Petrum de Vineis lib. III. epist. LXVI. quod vocabulum multi adhuc Italiæ populi usurpant:

*Hinc hodie  
Massarij,  
& Massa-  
ria voca-  
bula uspiā  
supersunt.*

sed latiori alibi significato *Massariam* vocant an-  
cillam. Iosephus etiam Suaresius Bibliothecæ Bar-  
berinæ præfectus eruditissimus superesse hanc vo-  
cem etiam apud Transalpinos suos, maximè Are-  
latenses, mihi confirmavit; atque illos eodem si-  
gnificatu dicere, *un Mas*, quod cæteri Galli, ut plurimum, *une grange*. Sed quoniam Massa ædifi-  
cium quoque rusticum significabat, inde accidit,

*Etia apud  
Gallos.*

*Ex ijs Mas-  
sis vici, &  
oppida coa-  
luerunt.*

ut commoditatis gratia tabernis, alijsque domibus  
deinde iuxta excitatis, ac coalescentibus paulatim  
habitationibus, vici primū, inde castella, & op-  
pida euaserint. Ex quibus hodieque nonnulla  
Massæ nomen retinent, ut in Etruria propè Popu-  
lonium, *Massa di Maremma*, & in Lunensi agro,  
*Massa di Carrara*; in Campania verò, Massa Lu-  
brensis. Massæ ergo dictæ videntur, siue quòd ex  
pluribus fundis vna quasi massa fieret; seu potius,  
quòd in præcipuo fundo latius esset ædificium ubi  
moraretur actor, ac villicus; ac villæ fructuariæ  
vsum

*Villa fru-  
ctuarie.*



vsus præberet, eoque tanquam in massam quandam fructus, ac fruges congererentur. Sed hæc iam extra rem: quare ad institutum sermonem redeamus. Cum igitur abundè probatum sit admirandam omnis generis ædificiorum copiam, longè, lateque olim circa Romam stetisse, etiam multò post Gothicas clades; atque inde satis liquere possit, quouis anni tempore vrbanos homines suas villas, ruraque etiam maritimis, ac grauioribus locis positas sine vlllo metu adiisse; attamen vt morosioribus etiam satisfaciam, atque omnes prorsus scrupulos euellam, testimonio veterum scriptorum id quoque probandum videtur. Et quidem succurrit primùm ex Epistolis M. Tullij ad Attic. XLIV. libri XIII. quæ incipit. *Pollex quidem, vt dixerat, ad Idus Sextiles, ita mihi Lanuuij pridie Idus præsto fuit.* Ex quo loco constat circa Idus Sextilis, siue Augusti, periculosissimis nempe totius anni diebus, Lanuuij, quod nunc *Città Lanvinia* dicitur, in via Appia Ciceronem egisse, sub id tempus, quo Cæsaris aduentus ex Hispania post deuictos Afranium, & Petreium expectabatur. Ne quis verò obijciat, illud oppidum, vtpote editum, non fuisse insalubre; neu quis opinetur totam æstatem ibi exegisse, sequens Epistola paucis post diebus, certè ante Calendas Septembris, data (arguit id rerum series) satis indicat paulò post illinc Ciceronem discessisse, cogitantem videlicet certo quodam die Antij quiescere, postridie verò Romæ, vel in suarum villarum aliqua (inquit enim, *Cras ante Meridiem*

*Frequentia  
ædificiorum  
agrestium,  
satis probat  
quouis annis  
tempore ve-  
teres rusti-  
cari soli-  
tos etiam  
locis gra-  
uioribus.*

*Evidenti-  
tamen ostē-  
ditur ex lo-  
cis Autorū.  
Ex Episto-  
la quadam  
Cic. ad At-  
ticum.*

*Ostenditur  
Calendas,  
quas nomi-  
nat, proxi-  
mas esse  
intelligen-  
das, id est,  
Septēbris.*



ridiem, domi) manere; deinde proximis Calendis in Tusculanum recurrere. Quas locorum mutationes paucis ijs diebus à Cicerone nulla necessitate urgente factas tunc fuisse planè conuincit connexarum rerum, vt dixi, series quæ duabus ijs, ac præcedentibus, sequentibusque Epistolis tractantur: præsertim cum Cornelius Nepos in vita Pomponij Attici testetur sexdecim his Epistolarum voluminibus adèdò diligenter de publicis, priuatisque rebus à Ciceronis consulatu vsque ad extremum tempus ab eo tractari, *Vt ea qui legat, non multum desideret historiam contextam eorum temporum.* Et sanè facileprehenditur in hisce libris ea omnia narrari, vel indicari, quæ hoc interuallo memoratu digna contigerunt, nisi dum Cicero, atque Atticus vnà fuerunt. Cæterùm cum satis constet, vt supra diximus, multò etiam infra magnas illas Barbarorum vastationes, agrum Romanum crebris fundis distinctum, & consequenter tunc etiam benè cultum, ac frequenter habitatum fuisse; dispiendum iam videtur, quandonam ingens hæc, & miseranda vastities facta fuerit. Si quid igitur mei iudicij est, incoepisse eam tunc primùm opinor, cum Astulphus Longobardorum impius Rex Stephano III. Papæ, ac populo Romano infensus aduersus ea, quæ Pipino Francorum Regi semel ab eo victus promiserat, urbem Romam iterum vexare quàm acerbissimè cœpit; eamque circumquaque obsidere: quo tempore nec sacris, nec profanis ædificijs pepercit; quin obuia quæque rabie quadam effe-

ratus

*Inquiritur  
tēpus cum  
ager Roma-  
nus vasta-  
ri, ac dese-  
ri cœpit.*

*Ostenditur  
ab Astul-  
pho Longo-  
bardorum  
Rege id pri-  
mum eue-  
nisse.*



ratus dirueret, incenderet, ac peflunderet: quade re Epistolæ aliquot ab eodem Stephano in Galliam ad Pipinum missæ adeò miserabiliter conceptæ extant, ea præfertim, in quam Sanctorum Apostolorum Petri, & Pauli Pipinum ad Romæ opitulandum obtestantium persona inducitur, ut penè legentibus lachrymas extorqueant. Multò maiora tunc igitur damna ager Romanus, proximaque oppida, ac vici, villæque à Longobardorum armis pertulisse videntur, quàm olim à Gothis, ac Vandalis, qui Urbem ceperunt, ac diripuerunt. Quamobrem tunc præcipuè arbitror populatione latè facta, vicisque, ac tectis rusticorum maxima ex parte incensis hunc agrum infrequenter coli cœpisse: antea enim Barbari Romam inuadentes, munitioribus tantùm circa locis vim intulisse videntur; eaque solum diripuisse, quæ caput Orbis aggredientibus occurrebant, quæque circumfidentibus Urbem vsui esse poterant; ingentium fluminum ritu, quæ vbi per patula, ac decliua feruntur, quidquid obuium est, nec ultra, prosternunt: vbi verò occurrente obice retardantur, longinqua etiam in præceps trahunt, geminataque ruina moram vlciscuntur. Sequenti dehinc sæculo (vide rerum vicissitudinem) Francorum copiæ, gentis olim ad tutelam Apostolicæ Sedis penè natæ, in proximo castra habentes, ac Ludouicum Secundum ducem secutæ (de Ludouici Pij filio, Caroli Magni nepote, Pipini pronepote quis hoc credat?) quem Sergius Secundus, populusque Romanus

*Epistole  
Steph III.  
à Pipino  
Fræcorum  
Regi cõtra  
Astulphum  
opem rogã-  
tis misera-  
biles.  
Multo plus  
damni ager  
Romanus  
à Longobar-  
dis, quàm  
à Gothis  
accepit.*

*Deinde à  
Ludouico  
II. & Frã-  
cis.*



Romanus omni genere officiorum, atque obsequij  
 exceperat, non mediocrem cladem miserrimis hi-  
 sce agris intulerunt: nullis enim iniurijs laceffitos,  
 nullis affectos contumelijs, sed amicè primùm, &  
 quietè hospitantes, mox militari insolentia tan-  
 quam in hostico omnia circum ædificia barbarum  
 in morem vastasse, frugesque, ac fata corrupisse hi-  
 storix loquuntur. Consecuta statim sunt infelicia  
 ea tempora, cùm discordijs, atque ignauia Chri-  
 stianorum Principum, maximeque Caroli Magni  
 nepotum, Occidentis prouinciæ mirum in modum  
 labefactatæ, atque afflictæ fuerunt. Quare supe-  
 rioris Italiæ regiones nemine resistente ab Hunga-  
 ris, inferioris verò à Sarracenis, sed multò diutius,  
 cædibus, rapinis, atque incendijs vastatæ sunt.  
 Ab ijs igitur non modò Apulia, Lucania, Bruttij,  
 Salentini, quos in populos maximè ea pestis in-  
 cubuit; sed Tuscorum, Latinorumque fines, ple-  
 risque maritimis oppidis excisis, miserandum in-  
 modum direpti, lancinatique fuere: quocirca  
 Romani agri cultores, partim in captiuitatem ab-  
 ducti, partim occisi, partim assiduarum populatio-  
 num metu relictis terris, ac patrijs finibus, in tu-  
 tiora, ac maximè montana loca concesserunt, ibi-  
 que hæserunt. Nec dubitandum quin otiosè, len-  
 teque, tanquam interriti lupi pingui prædæ in-  
 cubantes, proximum hunc agrum teterrima gens  
 laniarit, atque confecerit; præsertim per Ioannis  
 Papæ VIII. in Gallia absentiam. Quinimmò sa-  
 pientissimus senex Laudiuius Cardinalis S. Sixti  
 mihi

*Discordijs  
 Caroli Ma-  
 gni nepo-  
 tum Occi-  
 dentis vi-  
 res accise.*

*A Sarracenis præ-  
 cipue ager  
 Romanus  
 vastatus in-  
 ter annos  
 DCCC. &  
 DCCCC.*

*Ioanne  
 VIII. præ-  
 sertim Föt.  
 Maximo.*



mihi confirmavit superesse adhuc circa Cornetum  
 ( cuius Episcopatum aliquandiu tenuit ) eorum *Habitaculorum Sarracenorum vestigia apud Cornetum.*  
 habitationis vestigia , quas cryptas Sarracenorum  
 vocant. Tunc igitur potissimè secutam hanc va-  
 stitiam , quam videmus , agrisque derelictis , aerem *Anacephalæosis Romanarum vastationis Urbis.*  
 ingrauescere cœpisse crediderim. Denique ut rem  
 in pauca conferam; Urbem Gothi vastauere , ma-  
 ximè sub Totila , ac Vitige : agrum circumiectum  
 Longobardi , Francique sub Astulpho , & Ludoui-  
 co II: littoralem partem , maritimaque oppida , *Ora maritime.*  
 atque ipsum Vaticanum Sarraceni : oppida verò  
 suburbana in montibus posita , quæ posterioribus *Oppidorum propinquo- rum in montibus.*  
 etiam temporibus floruerunt , dissidijs inter Roma-  
 nos Pontifices , ac Germanos Cæsares , populum  
 Romanum , atque urbanos procures sæpiùs coor-  
 tis , vastata sunt , atque euerfa. Sic Tusculum flo- *Tusculi.*  
 rentissimum tunc oppidum anno MCLXIX. à Ro-  
 manis , mœnibus nudatum est , ut Cæs. Baronius ex  
 Romualdo prodit , ac demùm anno MCXCI. peni-  
 tus excisum , ut ex Rogerij annalibus idem notat.  
 Tibur à Germanis dirutum , à Friderico Aenobar- *Tiburis.*  
 bo post aliquot annos restitutum est . Albanum ( id *Albani.*  
 enim verius , licèt alij Albam dicant ) ab Henrico  
 III. Cæsare vastatum ; mox cùm iterum excitatum  
 fuisset , à Romanis anno MCLXVIII. sub Alex. III.  
 Pont. Max. funditus euersum est , cumque iterum à  
 Sabellijs castelli in modum angustiori ambitu , uti  
 nunc est , super Pompeianæ Villæ ruderibus restitu-  
 tum fuisset , sub Eugenio IV. rursus solo æquatum  
 fuit . Præneste à Bonifacio VIII. anno MCCIC. mœ- *Prænestis.*  
 nibus ,



*Longiquiorum.*

*Nulla Italia pars defertior.*

*Insignis victoria Ioannis X. adversus Sarracenos.*

*Fortitudo bellica populorum Ecclesie Romanae subditorum.*

nibus, quæ ex lapide quadrato mirandi operis (quædam horum supersunt reliquæ, multoque magis Fori, atque adiacentium ædificiorum) antiquitus manserant, nudatum, direptumque, ac denuo anno MCCCCXXXV. solo æquatum fuit. Reliqua oppida longius sita varijs etiam bellorum casibus passim attrita fuere: tum verò complura castella, ac vici intestinis civium Romanorum discordijs exusti, dirutique sunt, ut hodie nulla Italiæ pars, sicut antea dictum est, magis sit sola, ac deserta. Sed quoniam de populationibus Sarracenorum incidit mentio, prætermittere non possum (quoniam propter obscuritatem temporum res paucis nota est) insignem victoriam, quam Ioannes X. Pont. Max. usus opera populorum sibi subditorum, præcipuè Maris, cæterisque illius tractus montanis hominibus, quando maximè afflictæ, imbecillæque vires Romanæ urbis videbantur, de teterrima illa gente gloriosè retulit: ut vel hinc quivis intelligat hanc sacrosanctam Sedem ad peculiarem Dei Optimi Max. curam pertinuisse semper; Sanctosque Apostolos Petrum, & Paulum custodes, ac defensores suos non semel expertam fuisse: qua ex re illud etiam cognosci poterit, insignem perpetuò fuisse fortitudinem, ac militare robur ijs populis, qui supra Romam accolunt, Maris videlicet, Æquicolis, Hernicis, cæterisque illius tractus, qui Sarracenos fudisse narrantur. Quin etiam, ut vel hinc appareat fatalem quodammodò Romanorum Pontificum extitisse virtutem, ac nomen ad Sarracenorum,



norum , atque Ismaelitarum potentiam debellan-  
 dam ; sciendum est eximiam aliam victoriam de  
 iisdem antea reportasse Ioannem huius nominis  
 VIII. eorum opera usum , qui ad manum erant ,  
 cum illos è Gallijs rediens proxima Vrbi littora  
 infedisse videret , ac demum feliciter inde extur-  
 basse . Prius etiam Leonis IV. auspicijs Neapoli-  
 tani , Amalfitani , Caietani comparata classe , quan-  
 tum eorum temporum patiebantur angustia , cum  
 naualibus ipsorum copijs numero , ac robore for-  
 midandis , atque exercitatissimis , post diuina myste-  
 ria in æde B. Aureæ Ostiæ percepta , acceptamque  
 à Sanctissimo Pontifice benedictionem , adeò acri-  
 ter conflixerunt , vt hostilibus nauibus partim de-  
 merfis , partim abductis , aut dispersis , ingentem  
 captiuorum numerum fecerint : quorum etiam  
 opera prudenter idem Leo usus est in reficiendis  
 Ecclesijs ab ipsismet dirutis , atque in moenibus  
 Vaticanæ regionis ( quæ Leonina ciuitas inde  
 dicta est ) extruendis . Memorabile profectò exem-  
 plum , atque omni tempore à Romanis Pontifici-  
 bus recolendum , quo adfuturum sibi perpetuò  
 in Christi persequendis hostibus diuini Numinis  
 auxilium , ac Beatorum Apostolorum Petri , &  
 Pauli præsentissimam opem certa fiducia spon-  
 deant : neque enim aliò tam insignes referri vi-  
 ctorias Christiana pietas finit , aduersus pugnacis-  
 simam gentem continuis propè victorijs ferocem ;  
 de Græcorum potentia , & Constantinopolitanis  
 ducibus semper triumphantem ; à paucis Italiæ

*Romanorū  
 Pontificum  
 nomen , &  
 potestas fa-  
 talis ad de-  
 uincendos  
 Ismaelitas ,  
 & Mahu-  
 metanos .*

*Sarraceno-  
 rum man-  
 cipiorum o-  
 pera Leo  
 IV. in re-  
 stituendis  
 Ecclesijs  
 usus est .*

*Ex his exē-  
 plis Ponti-  
 fices Roma-  
 ni certum  
 sibi præsi-  
 diū à Cæle-  
 sti Numi-  
 ne aduer-  
 sus Eccle-  
 siæ perduel-  
 les sponde-  
 re possunt .*

K

( cuius



(cuius tunc vires admodum attenuatæ erant) populis tam mirabili successu partas. Sed de his rebus gestis fusiùs apud Sigonium de Regno Italiæ, Sabellicum, aliosque qui illorum temporum historias conscripserunt. Nunc ad institutum nostrum redeamus: hætenus enim ostensum fuit suburbanum agrum non florentibus modò rebus Italiæ, sed longè etiam postea benè cultum, ac frequentibus tectis ornatum fuisse. Iam verò ne quis existimet contendere me non minùs hunc agrum salubrem, ac temperatum esse quàm Crotoniensem olim, nunc Fesulanum; aut si quis alius est tota Italia omnium confessione saluberrimus (quod cum sit apertè falsum; ita quæ à me ad hanc rem afferuntur, à coniunctis arguendo falsa quoque esse quispiam asserat, aut in dubium vocet) ostendendum videtur nonnulla loca ex ijs, quæ hodieque damnantur, ipsorum confessione veterum ita improbata fuisse, vt reliqua prorsus tuta, ac salubria crederent, atque experirentur. Strabo igitur (quo nemo Geographorum maiori fide, ac diligentia susceptum munus executus est; aut locorum status, ac qualitates peritiùs exposuit) de Latii testimonium hoc protulit. Ἀπασα δὲ ἡ Λατίνη ἐστὶν ἐνδαίμων καὶ πόλεμος πολλῶν ὀλίγων χωρίων τῶν καὶ τὴν παραλίαν ὅσα ἐλῶδη καὶ νοσεῖν αἰετὰ τῶν Ἀρδεατῶν καὶ μετὰ τὴν Ἀντίαν καὶ Λακωνίαν μέχρι Πομετινῆς. Omne (inquit) Latium felix est, & omnium rerum ferax, exceptis paucis quibusdam locis maritimis, quæ palustria sunt, atque morbofa: qualis est Ardeatinus ager, & quod est inter Antium, & Lanivium

Non con-  
tendit autor  
Romanum  
agrum sa-  
luberrimū  
esse.

Quedam  
enim loca  
etiam à ve-  
teribus da-  
mnabātur.

Strabonis  
licus de  
Latii qua-  
litate.



nium usque ad Pometinum campum . Cætera igitur agri Latini loca minimè morbosa fuerunt , qualia hodie iure optimo censentur , cùm experientia rerum magistra id liquidò confirmet . Et quidem Ardeatinus ager perpetuò ob insalubritatem malè audijs , & ob nimium solis ardorem , qui eam regionem torret , appellationem habuisse videtur . Propterea Seneca ad Lucilium scribens . *Quæ obseruanda tibi sunt* ( inquit ) *ut tutior viuas dicam . Tu tamen sic audias censeo ista præcepta , quomodo si tibi præciperem , qua ratione bonam valetudinem in Ardeatino tuereris .* Hinc etiam Martialis Curiatium quendam redarguit , a quo aer Tiburtinus damnabatur .

*Ardeatinus ager sæper malè audijs .*

*Epistola CV.*

*Lib. IV. Epigr. LX.*

*Ardea solstitio , Castranaque rura petantur ,*

*Quique Cleoneo sidere feruet ager :*

*Quum Tiburtinas damnet Curiatius auras ,*

*Inter laudatas ad Styga missus aquas .*

*Nullo fata loco possis excludere : quum mors*

*Venerit , in medio Tibure Sardinia est .*

Pontinas porrò paludes , & loca finitima semper morbosa habita fuisse notius est , quàm ut probari ampliùs debeat . Hinc Seruius ad illud Vergilij , *Atina potens . Ciuitas est , iuxta Pontinas paludes dicta Atina à morbis , qui Græcè Ἀτὰς dicuntur , quos paludum vicinitas creat .* At enim insalubrem fuisse Atinam propter dictam causam verum puto ; sed vocabuli originem illinc duci non tam facilè credo : semper enim suspectas habui huiusmodi grammaticorum ἔτυμολογίας quarum radices in alienis linguis quærantur : ostendere enim

*Item loca circa Pontinas paludes .*



prius oportuit, Atinam non à Volscis (quorum lingua à Græca distabat maximè) sed à Græcis fuisse conditam. Addam locis à Strabone recensitis Pupiniae agrum (vnde Pupinia tribus ortum habuit) ab Vrbe non longè distitum; nempe octo circiter miliaribus citra Tusculum, & Gabios, olim etiam parum salubrem habitum. Columella lib. I. cap.

*Pupinia in-  
salubris.*

*Testimo-  
nium Co-  
lumelle.*

*M. Catoni  
non ignota  
fuerunt lo-  
ca pestilen-  
tia.*

IV. Nam Pupiniae (de Attilio Regulo loquitur) pestilentis simul, & exilis agri cultorem fuisse eum loquuntur historiae. Huc pertinet M. Catonis de Re rustica locus, ubi de Villa, quæ ædificanda locatur, agens ait, loco pestilenti, ubi æstate opus fieri non potest, quartam partem pretij debere accedere: nam etsi dubitari possit, an de remotioribus, atque extra Latium, & proximam Etruriam positis agris loquatur; magis est tamen, ut de propinquieribus intellexerit: cum illius ætatis frugalitas suadeat, nondum Romanos in longinquo villas ponere cœpisse. Ex dictis igitur liquet, antiquis etiam temporibus quandam campestris Latij partem parum salubrem habitam fuisse. In Etruria verò plurius locis cœlum graue, ac noxium fuisse dubitari non potest: nam ut primùm de tota regione maritima loquar, scitum est illud Plinij Iunioris villam suam, quam propè Tifernum Tiberinum habuit, Apollinari suo describentis: cum enim audisset Apollinaris Plinium in Tuscis rusticari æstate solitum; suadet ne faciat, ut valetudini consulat: ad quem ita respondet.

*Plinij Iu-  
nioris au-  
toritas.*

*Amaui curam, & sollicitudinem tuam, quòd cum audis-  
ses me æstate Tuscos meos petiturum, ne facerem suasi-  
sti,*



sti, dum putas insalubres. Est sanè grauis, & pestilens ora Tuscorum, quæ per litus extenditur: sed hi procul à mari receperunt &c. In vniuersum igitur ora Tusciæ maritima, contra quàm in Latio, grauis, ac pestilens habebatur. Notum etiam est Grauifcas, cuius situs ex obseruatu Cluuerij sub Cornetanis collibus ad mare fuit, duobus circiter passuum millibus ad læuam Martæ fluuij ripam, à cœli grauitate sic appellatas fuisse: ideoque à Vergilio *intempestas* Seruio docente vocari. Rationem affert Rutilius in Itinerario inquiring.

Ora Etruriæ maritima ferè omnis inclemens habebatur.

Et signanter Grauifca.

*Inde Grauifcarum vestigia rara videmus,*

*Quas premit æstiuæ sæpe paludis odor.*

Ad ostium fluuij Aronis non longè ab Vrbe aliud oppidum fuit Fregenæ dictum; quod item ob aeris grauitatem malè audijt: quamobrem Rutilio dicuntur *Obsessæ campo squalente Fregenæ*, ni-  
Et Fregenæ.  
mirum propter syluas, stagna, paludes, atque salinas ab Arone fluuiio ad Traiani Portum, Tiberim versus porrectas, vt idem Cluuerius notat. Huc pertinet etiam coloniarum duarum Antiatis, Colonia  
maritima  
quarum vacatio obseruata est bello Punico II.  
atque Ostiensis à militibus tradendis immunitas; quam ijs solis bello Punico secundo Senatus Romanus ratam esse voluit: nam cum aliæ quoque maritimæ coloniae teste Liuiio lib. XXVII. sacrosanctam vacationem, hoc est, legibus sacramento firmatis dicerentur habere; easque recitare iuberentur; nullius tamen, cum in Italia hostis esset, præter Antiatem, Hostiensemque vacatio obseruata est &c. Eodem etiam referri potest Cornelij Taciti testimonium



*Vaticanus  
ager testi-  
monio Ta-  
citi grauis.*

monium de Vaticani agri insalubritate ( quamuis hoc magis ad eam speculationem pertineat , quæ de Vrbe est ) cùm inde etiam sequatur , regionem propinquiorem Tusciæ non vsquequaque tutam , salubremque fuisse . Ex his satis , vt opinor , ostensum est , pauca quædam litoralis , campestrisque Latij loca insalubria olim habita ; aliquantò plura in Tuscis ; in Sabinis verò nemo veterum , quod sciam , questus est vnquam agros noxios , pestilentesque reperiri . Quare cùm multò maiorem

*Maxima  
pars agri  
Romani de-  
terior eu-  
sit .*

huius agri partem à veteri salubritate degenerasse iam videamus ; proximum est vt dispiciamus , an vlla cultura , vel industria ad pristinum statum reduci possit , & quænam ea sit porrò indicemus .

Sed quod doctrinæ ordo postulat , atque vsus mendendi suadet , aperiendæ priùs sunt huius insalubritatis causæ ; vt ijs probè cognitis , radicitus , si fieri potest , eam postea extirpemus . Et ratio ipsa , & Medicorum , ac Physicorum consensus docet , quæcunque loca tenui , puroque aere gaudent , siccoque potiùs , quàm humido ; quæ neque nimio æstu torrentur , nec nimio frigore congelantur ; quæque patulo , liberoque cœlo fruuntur , & cùm solis radijs , tùm mediocribus ventis exposita sunt , salubria , vitæque hominum idonea esse :

*Quæ cõtra  
insalubria.*

contra morbosa , atque insalubria , quæ pigro , crassoque , ac supra modum humenti aere grauantur ; item valde æstuosa , aut perfrigida ; tùm humilia , aut concaua , quò nec solis radij , nec ventorum agitatio faciliè peruenit ; vel quæ nimium violentis



violentis flatibus infestantur ; aut denique contrarijs qualitatibus non paulatim, sed subito afficiuntur. Præcipuè verò morbosa censentur nebulosa, vliginosa, palustria, sulfuginosa ; ac ventis simul humentibus, ac feruidis obnoxia ; quæque aura qualibet foetida, cœnosa, sulphurea, bituminosa afflantur ; ac demùm halitu quouis insueto, ac graui. Quoniam verò aqua non minùs ferè ad vitam necessaria, quàm aer existimatur ; adeò vt Aristoteles pronuntiet aquarum mutationem grauiorem esse, quàm ipsius aeris ; consentaneum quoque est, ea loca commodiora esse, quæ meliores aquas habent ; minùs, quæ deteriores. Aquæ verò probæ censentur, siue puteales, siue fontanæ, siue fluuiales sint ( alij enim alias optimas ducunt ) tenues, leues, ac pellucidæ ; nec odore, saporeue, aut alia extranea qualitate præditæ : quocirca cùm contrariorum contraria sit ratio ; prauæ, noxiæque erunt crassæ, turbidæ, ponderosæ, crudæ, foetentes, putridæ ; nec tantùm ingrati saporis, aut odoris, sed quouis propemodum odore, sapore, aut colore præditæ : quare minùs idoneæ potui habentur palustres, aut stagnantes, lutosæ, sulphureæ, bituminosæ, aut quocunque metallico succo infectæ ; itemque ex glacie, niue, aut grandine liquatæ ; ac demùm quæ longiùs à primigenia, ac elementari puritate recesserunt. Ea verò, quæ maximè aeris statum, & qualitatem immutant ( quo in censu sunt venti ) in dignoscendis locorum qualitatibus potissimùm attendenda

*Præcipuè morbosa.*

*Aristotelis sententia de aquarum mutationibus.*

*Quæ sint aquæ salubres.*

*Quæ prauæ.*

*Venti potissimùm attendendi.*



da sunt. Omiffa igitur differentia, fi qua est, inter Ventum, Spiritum, Flatum, atque Auram; itemque celebri ea quaestione, vtrum ventus fit aer commotus, atque agitato, vt Hippocrates, ac Stoici, veterumque plerique existimarunt; an potius terrae exhalatio, vt Peripatetici volunt; an vtrunque, vt verius existimo: illud maximè statuendum est, quosdam ventos salubres esse, quosdam noxios; ac ferè illos, qui ex siccis, frigidisque locis afflantur, salubres: ex calidis verò, atque humentibus, insalubres. Tales verò ventos existere, qualia sunt loca per quæ transeunt, experimento compertum est; ac ferè qui terrestri itinere feruntur, serenitatem; qui mare, magnaue flumina, aut lacus traijciunt, pluuias adducunt. Sic Aquilo, qui in Italia, Græciaque ficcus, ac sudus est, in Africa pluuius, atque humidus existit. Contra Auster Afris serenus, nobis summo- perè pluuius censetur. Quos duos dumtaxat permutare vices Plinius videtur credidisse, de ventis fusè tractans lib. II. cap. XLV. XLVI. & XLVII. Atqui Fauonius pari modo trans Alpeis fermè pluuias gignit, qui in Cisalpina regione serenitatem parit. Valentiae in Hispania cùm essem, Fauonium in ea vrbe vehementer calidum, atque æstuosum deprehendi, sicca nimirum, atque æstiosa Hispaniae loca transeuntem antequam eò perueniat; Subsolanum verò frigidiorē, à mari scilicet venientem: quod apud nos maris Inferi accolas contrario modo fit. Aquilo in Etruria adeò ficcus est,

*Quinā ho-  
rum salu-  
bres, quine  
insalubres.  
Tales vē-  
ti, qualia  
locā per  
quæ tran-  
seunt.*

*Non tantū  
Aquilo, &  
Auster pro  
loccorum  
diuersitate  
vices per-  
mutant.*



est, ut æstiuo tempore fruges vehementer adstringat, ac plantas adurat. In Flaminia, Æmiliaque regionibus multò humidior est, ex Hadriatico quippe sinu adueniens. Illud verò magis mirandum videtur, in ijsdem regionibus Austrum, quem ipsi *Corinam* vocant, cum ab Apennino, ac siccis terris longo tractu feratur, adeò infestum incolis esse, ut cum exoritur, validas, ac periculosas febres statim apportet. Mirum, inquam, videri hoc cuiquam poterit, qui maximè Hippocratem legit Aphorismo V. tertiæ Sectionis disertè tradentem omnes morbos, qui ab Austro gignuntur, ab eius humiditate provenire. Sed facilis est responsio, ideò Austrum ijs locis, quantumvis siccum, nihilominus exitialem esse; quòd vehemens valde sit, ac confertus; quam vehementiam, dum ex altis montibus delabitur, acquirere videtur: tales enim existere ventos, qui ex sublimioribus montibus, ac vallibus efflant, quotidie experiuntur, qui circa Pyrenæum, Cataloniae litora, præsertim, verno tempore cum niues resoluuntur, legunt; & Liguria nonnullis in locis, ut ex aduerso Monilium, quib⁹ imminet mons satis celsus, & in metæ modum fastigiatus, à quo venti, procellæque violentissimæ, ac subitæ feruntur; quem idcirco incolæ *Respo* vocant, quòd bufonis instar validè efflet: quam esse causam præcipuam puto, cur Auster Flaminia populis adeò sit infestus; licet non negem ob siccitatem, caloris vim intendi, ut Baldinius in-

*Auster Flaminia præcipue nominis à siccis locis veniens.*

*Huius rei ratio.*

*Venti ex alto labentes conferti, ac vehementes.*

*Siccitas caloris vim accendit.*

L

aere,



aere, & locis. Itaque propter hanc rationem minimè dubito, quin Mauri quoque qui sub Atlante Boream versus degunt, si quando Auster ab eo monte flat, noxium, ac morbiferum experiantur. Probabile etiam est, nonnihil humiditatis Austro, cum in Flaminiam peruenit, superesse, quæ longo spatio attenuata, cum is ventus supernè cum impetu, ac propter vallium angustias confertus feratur, eò magis penetret, ac febres acutiores prodignat: videmus enim aquas ipsas medicatas, quæ ex alto labuntur, ut fit ἐν ταῖς ἐμβροχαῖς celerius, ac validius qualitates suas corporibus imprimere: qua ratione dicendum erit eiusmodi Austros, acutiores morbos efficere; crassiores verò, ac maiori humiditate grauidos, ut in Latio, ac maritima Etruria, diuturniores potius; nec experientiam refragari puto: immò hinc euenire videtur, ut Romæ autumnus maximè pernicialis sit, cum æstiuis diebus Austri vehementiores citra imbres assidue flauerint; quod Alex. Petronius lib. I. de vitu Romanorum obseruat. Sanè, ut modicum feruida terræ tractum sufficere intelligamus ut venti incalescant; Quarnaro ventus à Pisaurensibus, & Vrbinatibus sic dictus (quem esse puto Euronotum) cum ex Apulia veniat, in ijs locis fata vehementer adurit; quodque magis mirum est, ventus Circius, qui Galliæ Narbonensis superiorem, ac potiore partem halitu suo refrigerat, regionem quæ circa Forum Iulium, & Antipolim est comburit, ac segetibus nocet, quanquam à Boreali

*Exemplū  
ab aquis  
medicatis  
ex alto la-  
bentibus.*

*Austri sic-  
ciores acu-  
tos morbos  
efficere vi-  
dentur; hu-  
midiores  
verò diu-  
turnos.*

*Circius  
Galliæ  
Narbonēsi  
infectus.*



reali plaga flans: ex quo liquet minimè fabulam  
esse, quod Prouinciales dictitant, illum ventum,  
quem ipsi *Maïstral* vocant, ab eo monte flare,  
qui ob id *Ventosus* nuncupatur, qui Prouinciam à  
Septentrione claudit: quod postea veteribus ani-  
maduersum fuisse deprehendi, apud Plinium hæc  
reperiens. Item in *Narbonensi* prouincia clarissimus  
ventorum est *Circius*, nec ulli violentia inferior. Ho-  
stiam plerunque rectà *Ligustico* mari perferens: idem  
non modò in reliquis partibus cæli ignotus, sed ne *Vien-*  
*nam* quidem eiusdem prouinciæ urbem attingens: paucis  
ante limitibus ingi modici occurſu tantus ille ventorum  
coercitus. Magna enimuero ventorum vis est, at-  
que humanæ naturæ supra modum proficua, vel  
noxia; adeò vt non tantùm inferiores facultates  
perturbet, sed superiores etiam afficiat; ac popu-  
lorum mores non sine ratione multùm immutare  
putetur. Nam vbi iidem fermè venti, nec admo-  
dum validi spirant, homines ibi esse constantes,  
ac sedatos grauissimi Autores docent; vbi verò va-  
lidiores flatus, paruoque momento contrarij exi-  
stunt, inquieti, & inconstantes homines esse solent.  
Atque vt animi causa longiùs progrediar, pro na-  
tura locorum varios esse hominum mores notum  
est: sic Asiaticos propter cœli clementiam, ac  
terræ amœnitatem molles, atque effœminatos:  
contra Scythas, ob inclementiam cœli, victusque  
asperitatem, incultos, asperos, ac bellicosos  
agnosci. Illud verò non perinde omnibus notum,  
regiones eas, in quibus crebræ, magnæque tem-

Le Mont  
Venteur  
supra Aue-  
monem.

De hoc vē-  
to Plinij lo-  
cus.

Ventorum  
vis ingens  
etiam in  
moribus  
gētium im-  
mutandis.

Exemplis  
id ostendi-  
tur

Asiatico-  
rum, &  
Scytharū.



porum mutationes fiunt, non tantum circa flatus, sed etiam circa primas qualitates, ubi scilicet & vehemens æstas, & hyems intensissima esse solet; ibi homines audaces, iracundos, magnisque perturbationibus obnoxios degere: contra verò ubique regio temperata est, nec magnis cœli mutationibus subiacens, homines mites, ac sedatos reperiri. Testimonio esse possunt iidem Asiatici, qui placidis semper moribus, nec armorum exercitio valde dediti, sed remissioribus potius studiis fuere. Ægyptij verò imbelles quidem, ac timidi, sed nihilominus rerum nouarum cupidi, instabilesque censentur. Hoc ijs accidit propterea quòd licet æstatem, hyememque permodicam sentiant, immò teste Plinio calidus semper aer apud eos sit, tamen in alia qualitatum συζυγία, magna apud eos mutatio accidit, nempe circa siccitatem, atque humiditatem: nam propter Nili inundationes, quadam anni parte aerem humidum habent, reliqua sicciozem. E contrario decimi Climatis incolæ cum longius à sole positi hyemem asperriam, ac diuturnam habeant, nihilominus, quòd æstiuo tempore dies apud eos sint longissimi, vehementer quoque solis radijs torrentur; adeò ut ij fructus, qui calido aere lætantur, modò terra sit idonea, copiosi, ac prægrandes ibi gignantur, ut pepones; cum tamen in Climate octauo minùs Boreali non tam benè proueniant. Eiusmodi est Sarmatarum, ac Roxolanorum tractus, qui ob dictas causas sanguinarij, ac bellaces existunt. Adhæc Afri,

*Ægyptij  
imbelles,  
sed rerum  
nouarum  
cupidi.*

*Ægyptus  
qualis sit.  
Lib. XVII.  
cap. II.*

*Ægyptus  
nunc sicca,  
nunc hu-  
mida.*



Afri, siue Afroarabes qui Numidiam colunt ( videlicet Tunetanum, & proxima regna, non Biledulgerid, quod Arabicè palmiferam regionem sonat, quæ potius Getulia veterum est, quàm Numidia, vt plerique Leonem Africanum secuti crediderunt ) eodem Leone testante supra modum sunt iracundi, atque ad rixam conciti; adeò vt omni ferè tempore in oppidis passim conspiciantur iurgia, ac pugnae inter incolas. Quod à summa regionis siccitate, ac ventis Meridionalibus calidis, ac siccis prouenire credendum est: eaque ratione Hispanos, quamuis & ipsi siccam, calidamque regionem colant, minùs esse iracundos, quòd eiusmodi ventis careant. Qua in re illud mihi notatu dignum videtur, quod de Pithecusa, quæ aliàs Ænaria dicitur, insula, nunc Ischia Iulius Cæsar Capacius in historia Neapolitana refert; eam insulam Pitheculam à Græcis dictam, quòd eius incolæ simias, quas *ταβίνες* illi vocant, moribus referre videantur, cùm sint subdoli, versipelles, calidoque, atque exprompto ingenio simiarum instar: quod propter ignes subterraneos, sulphureumque eius insulæ solum euenire consentaneum est; atque illinc etiam vino, quod ibi nascitur, peculiarem quandam vim communicari; sunt enim eius insulæ vina ( quæ Romæ *Grechi d' Ischia* dicuntur, & magna copia aduehuntur in vsum seruitiorum, ac tenuiorum hominum ) prorsus calida, & sicca, & sulphureæ facultatis. Sic vina in tophaceis, ac fabulosis locis nata, sicca aliquantulum sunt,

Biledulgerid non est Numidia, sed Getulia.

Afri, & Numidæ valde iracundi, & contentiosi.

Hispani sunt sedatiores.

Res notabilis de Ænaria incolis.

Vinū, etiā eius insulæ sulphurea qualitate præditum.



*Vina in-* sunt, sed leuia, ac suauia. In aluminosis, vt *Tol-*  
*aluminoso* *fana*, sicca pariter, sed validiora. Ex hæcenus di-  
*sologenita.*

*Quædam*  
*magis pecu-*  
*liares cau-*  
*se ærem*  
*salubrem,*  
*insalubre-*  
*que efficiē-*  
*tes.*

*Spiratio-*  
*nes paludū*  
*potissimum*  
*aeris inse-*  
*ste.*  
*Pōtine pa-*  
*ludes.*

*Maris Ha-*  
*driatici ora*  
*ab Histria*  
*Rauennam*  
*vsque.*  
*Ad mare*  
*Inferū ora*  
*Tusciae, &*  
*Latij.*

ctis satis patet quænam loca salubria, quæue in-  
 salubria existimari debeant, quæque sint, quæ id  
 efficiant vniuersales causæ. Sunt verò quædam  
 alia magis speciales, quæ hic, vel illic bonum,  
 prauumque aerem reddere possunt, puta halitus  
 graueolentes, ac foetidi; vt circa Amsancti la-  
 cum in Hirpinis, & olim circa Auernum; item-  
 que propè Salernum ob oryzae segetem, quæ assiduè  
 stagnantibus aquis irrigatur; vt in campo Ful-  
 ginate, vbi grauior est odor æstate, cum cannabis  
 in proximo fluuio maceratur; vt in Sardinia insula  
 propè oppidum Coginas, vbi turris quædam penta-  
 gona esse dicitur ab Aurijs Genuensibus extructa,  
 in quam si quis ingrediatur, nulla apparente causa  
 (sed certè ob pestiferum aliquem halitum) è ve-  
 stigio moritur. Verùm nihil æquè aerem inficit,  
 quàm palustrium aquarum spirationes, quæ æstate  
 cum solis radijs inardescunt, multiplices morbos  
 corporibus creant. Quamobrem Pontinae paludes  
 ob hanc causam perpetuò infames fuerunt; qualia  
 loca multa in Italia reperiuntur calamitosa, atque  
 æstiuo tempore lethalia. Talis est fermè tractus  
 omnis ad mare Superum ab Histria Rauennam  
 vsque, paucis locis exceptis, potissimum agro Pa-  
 uino. Ad Inferum verò quidquid ferè à Ligurum  
 finibus, & Macra fluuio ad Lirim, & Campaniam  
 litoris extenditur. Nec desunt huiusmodi loca in  
 alijs Italiae regionibus, vt in Apulia, præsertim cir-  
 ca



ca Salapiam, nunc *Salpe*, ob cœli potissimùm inclementiam, semidesertam: quamvis ob eandem causam antiquitus eo, ubi nunc est, ab inferiori, & maritimo loco Senatus Romani permisso Salapini oppidum suum transtulerint, ut ex Vitruvio notum est. In Samnii etiam campestri regione, ac tractu Beneventano huiusmodi loca reperiuntur, ut circa Telesiam, quæ ideò ferè nunc deserta manet; atque ipsius Beneventi aer propterea à multis damnatur: quanquam Nicolaus Eustachius, qui hac de re libellum conscripsit, iniuria id fieri contendit. Sed vide, si lubet, Procopium rerum Gothicarum lib. I. Nec desunt Lucanis insalubria quædam loca, ut in Pæstano sinu propè antiqui Pæsti ruinas, quæ *Piefti* nunc accolis dicuntur, ubi flumen *Salsum* dictum in proximam paludem refusum, morbosum aerem efficit, quod Strabo etiam agnovit. Circa Aquileiam verò vicus est *Villa Vicentina* dictus, adeò gravis, ac pestilens, ut vix ad XXV. annum incolæ pertingant. Quinetiam Liguria alioqui saluberrima, paucis quibusdam locis & ipsa, propter aquas stagnantes insalubrior est, ut propè *Finarium*, & *Albingaunum* (etsi hic quidem adscribendum potius id videtur cannabi, quæ in propinquo flumine, ut *Fulginei*, maceratur). In Hispania provincia admodum salubri, propter similem causam stagnantium aquarum, circa novam Carthaginem non optimus aer est, atque exinde ea vrbs, cæteroqui celeberrima, portuque

dinia

*Salapia sedem olim mutavit.*

*Item in Samnio loca gravia.*

*Cœlū Beneventanū à Nicolao Eustachio vindicatur.*

*In Lucania propè Pæstum.*

*In Liguria propè Finariū, & Albingaunū.*

*In Hispania propè Carthaginem novā.*



*Sardinia morbosam, & quare.* Sardinia morbosam esse adeò tritum est, vt locum prouerbio fecerit: quod sanè non alia ratione euenit, quam propter noxias exhalationes salinarum, ac paludum, quæ in ea insula sunt; quibus accedit montium versus Liguriam, & Corsicam altitudo, à quibus non modò flatus subitanei, ac vehementes afflantur, qui magnam idcirco intemperiem gignunt; sed Boreæ salubres auræ intercipiuntur. In Sicilia stagnum quoddam marinum, siue æstuarium *Thalictis* Arabico vocabulo nuncupatum haud longè ab Hypsa fluuio, nunc *Belici*, æstiuo tempore accolis perniciosum est, vt Thomas Fazellus testatur; quòd ex eius aquis aer crassior, & concretior reddatur. Sed vt antiquiora quædam repetam, Myuntis (oppidum id fuit Ionniæ) ciues Strabone referente cum ob terræ motum obstructum aliquando fuisset Mæandri ostium, tanta ibi repente exitit culicum, atque eiusmodi animalculorum multitudo, atque aer vsqueadeò nocens euasit, vt Miletum proximam ciuitatem commigrare ijs necesse fuerit. Si quis autem plura huiusmodi exempla requireret, adeat diligentiores Geographos, apud quos non pauca reperiet: ac denique si locorum qualitates dignoscere volet; in primis Hippocratem legat in lib. de aquis, aere, & locis: in lib. de diæta, & in lib. de flatibus, si eius est id opus: Oribas. collect. lib. IX. qui multa ex Anthyllo, & Sabino de regionum qualitatibus decerpit: Aetium tetrab. l. ferm. III. cap. CLXII. & CLXIII: ex Arabibus verò Auerroem,

&amp;

*Myuntis  
cælum ob  
terre motu  
insalubre  
euasit.*

*Antores  
præcipui  
qui de loco-  
rum qualita-  
tibus tra-  
stant.*



& Auicennam : ex semiantiquis Autoribus potissimum Albertum Magnum de nat. loc: ex recentioribus Ponsardum, qui de salubrium locorum ad ædicandum delectu Gallicè scripsit : aliosque quos enumerare non vacat. Verùm data occasione operæ pretium fuerit alia quædam oppida Episcopalia dumtaxat, atque intra Italiam sita ( omnia enim recensere infinitum esset ) quæ siue loci vitio, siue ob squalentes ruinas, ac solitudinem; siue iniuria, atque per calumniam ( nam id quoque malo prorsus exemplo nonnunquam prætexitur ab ijs, quos Pastoralis curæ tædere cœpit; aut terrena potius, quàm coelestia sollicitant ) damnantur, vt ex actis Sacri Cardinalium Collegij, & Consilij, siue Congregationis rerum Consistorialium; maximeq; ex commentarijs Anquisitionum Episcopatum, & Abbatiarum Consistorialium colligere licuit, enumerare. Sunt igitur præter illa, quæ supra nominaui ( Ostiam, Portum, Albingaunum, Beneuentum, Telesiam, Salernum ) in Etruria *Castrum Farnesiorum*, Sutrium, Nepes, Massa Populonienfis, *Grossetum*. In Gallia Cispadana Venetia, & finitimis locis Rauenna, Senogallia, *Cervia*, Hadria, Ferraria, Concordia, *Torcellum*, Caprula, Pola. In Campania, Samnio, ac proximis regionibus Aquinum, Cales, Calenum, Allifæ, Bouianum, Æfernia, Compsa, Acerræ. In Salentinis Brundisium. In Brutijs Croto, quis credat? cuius apud Græcos Autores adeò salubritas celebratur, vt locum prouerbio inuenerit, *κρότωνος ὑγιεινός*, quemad-

*Recensio-  
ribus Italiae  
Episcopali-  
um quæ in-  
salubres ef-  
se feruntur.*

*Croto ho-  
die insalu-  
bris habetur  
solim ita  
salubris, vt  
prouerbio  
locum fe-  
cerit.*

M

modum



*Aliud pro-  
uerbiū Cro-  
tonis vete-  
rem poten-  
tiam, opu-  
lentiamque  
ostendens.*

modum magnitudinem, atque opulentiam ipsius (fuit enim quondam princeps Italiae vrbs) indicare volentes notum Iambum vsurpabant, *Μάρατα τ' ἄλλα παρὰ Κρότωνα τ' ἄστρα*. Sed vt dixi nimium hac in parte homines quidam persuasioni suae fauent; siue potius quod dicitur, *Sabini quod volunt somniant*:

*Quedam  
ex his op-  
pida inu-  
ria insalu-  
britatis  
damnari  
videntur.  
Baiae pesti-  
lentes eua-  
serunt.*

quare pro certo habeo non pauca ex his oppida inclementiae aeris falso damnari. Etsi non ignoro magnas, atque incredibiles esse rerum vicissitudines: quis enim crederet, Baias illas veteres, Romanorum delicias, quas longis morbis fatigati reficiendarum virium causa multi olim petebant, hodie insalubres, ac pestilentes euasisse? & tamen id astitit vir in primis grauis, & doctus Iulius Caesar Capacius in Puteolana historia. De cætero priusquam propositae regionis naturam propius, atque exactius scrutemur, nonnulla signa adnotanda videntur, ex quibus qualis, quæque circa aeris

*Signa di-  
gnoscentia  
qualitatis  
aeris, &  
primū Lō-  
guitas.*

qualitatem sit regio, definire possimus. Ac primum ubicunque homines serò senescunt, ac diu viuunt, optimum, ac purgatissimum esse coelum peruulgatum est. Tales ferè sunt montanae regiones, nisi nimium gelidae fuerint, alijsue de causis, puta, aquarum vitio, aut ventorum nimis vehementium, decollent. Quapropter apud Gallos in Petrocorijs, & in Aruernorum supernatium montibus; in Apennini verò quibusdam locis, vt supra Regiensem agrum, longissimae, ac praeuiridis senectutis homines reperiuntur: quemadmodum Tmolii, qui mons Phrygiae est, cacumine, centum quin-

*Longaeui:  
Petrocorio-  
rū, & Ar-  
uernorum,  
supernatium  
quidā, &  
Apennini  
incole su-  
pra Regiū.*

quaginta



quaginta annos incolas viuere Mutianus grauis apud Plinium Autor disertè testatur ; vt longinqua magis , aut minùs comperta , fabulosaque silentio transeam . Huiusmodi etiam est insula Melita , quamuis situ humilis , ac ventosa ; propterea quòd ficca nihilominus valde est , nec magnis cœli mutationibus obnoxia . Saluberrimum item Athonis montis aerem esse credendum , vbi nunc complura cœnobia Basiliani ordinis visuntur ; olim nonnulla oppida extabant ; in his Apollonia , cuius incolæ Macrobij cognominabantur : nec enim longum huius montis incolarum æuum carniū viperinarum esui dumtaxat ( propter quem etiam *nec capiti , nec vestibus eorum noxia corpori inesse animalia* Plinius refert ) adscribendum esse putauerim . Illud verò perquam dignum notatu est , ea maximè loca temperatissimo aere frui , ac longæuos homines progignere , quæ elata quidem , ac sublimia , sed non præaltis , ac perfrigidis montibus edita ; verum , quæ longiori terrarum fastigio latenter asfurgunt ; vt in multarum regionum medijs , & à mari procul recedentibus spatijs : quorum altitudinem flumina illinc in diuersum dilabentia ostendunt ; vt in Vmbriæ tractu circa Spoletum , vbi Apennini iuga modicè attolluntur . Ibi enim , si vspiam in Italia , viuacissimi homines reperiuntur ; qualis erat Sacerdos quidam , qui expleto centum triginta quinque annorum curriculo non ita pridem excessit è viuis : qualem ostendere possum Laurentium quendam à Camuro fabrum serarium

*Qui T moli verticem incolebant C.L. annos vixisse perhibentur. Melitenses viuaces.*

*Athonis montis aer saluberrimus , ideoque eius incolæ viuacissimi.*

*An propter viperarum esum? propter hoc scilicet , atque aeris bonitatem. Loca sublimia in mediterraneis , nota me editissimis montibus asfurgentia , præcipue saluberrima.*

*Et tractus circa Spoletum.*

*Exemplum duorum Spoletanorum qui diutissimè vixerunt.*

M 2

viuidæ



viuidæ adhuc, ac vegetæ senectutis, quamuis centesimo quinto abhinc anno natum, eo nempe quo Roma Borbonio duce capta est, ac direpta; quod parentes suos dicere solitos religiosè affirmat: habitat is haud procul ab æde B. M. in Montibus; si quid & hoc ad rem pertinet. Mulierum etiam fœcunditas, partusque faciles bonitatem aeris, aquarumque ostendunt; vnde naturalium facultatum vigor, probaque alimenti digestio oritur, sine qua animantia minimè fœcunda esse possunt. Hinc apud Plinium legimus (quod in actis temporum D. Augusti se inuenisse scribit) XI. eius consulatu, Lucioque Sylla collega ad III. Idus Aprilis C. Crispinum Hilarum ex ingenua plebe Fesulana cum liberis nouem (in quo numero filia duæ fuerunt) nepotibus viginti septem, pronepotibus viginti nouem, neptibusque nouem, prælata pompa, cum omnibus his in Capitolio sacrificasse. Porro ad aeris bonitatem referre, vtrum plures mares, an fœminæ alicubi gignantur, non puto; sed potius aliunde id fieri; maximè ab alimentorum genere, ac ventis, quibus ea regio subest: ac ferè vbi plures fœminæ, quàm mares nascuntur, aer solet esse placidus, ac mollis; vt Venetijs in Italia, Aurelianis in Gallia. Corporum pulchritudo, atque elegans dispositio, atque in viris quidem compactior, ac musculosior species cum valentibus viribus; in mulieribus potius habitus plenior, ac tenerior optimum etiam indicium bonitatis aeris præbent: potissimum verò color cutis vegetus,

Aliud signum Mulierum fœcunditas.

Exemplū illustre de Fesulani cuiusdam numerosa familia.

Plures mares, quàm fœminas alicubi nasci, aliò referendum est.

Forma corporum, & robur qualitatē aeris ostendunt.



getus, ac floridus: quo indicio Claudius Tolo-  
meus, Epistola quadam ad Annibalem Bellarma-  
tum, montis Argentarij regionem salubrem esse, &  
vrbi ædificandæ peropportunam contendit. Fœ-  
minarum verò pulchritudo aerem non tantum sa-  
lubrem, sed temperatum meo iudicio indicat: si-  
quidem tales sunt in Britannia, quæ testimonio C.  
Cæsaris, quanquam Borealis, hyemes tepidiuscu-  
las experitur. Contraria sanè ratione, vbicunque  
homines luridi sunt, pallidique, corporis cute sub-  
flaccida, ac ventribus, cruribusque turgidis; ibi  
necesse est loca morbosa, vliginosa, ac palustria  
esse. Tales sunt testimonio Hippocratis Phasiani,  
qui Colchidis inferiorem regionem circa Phasim  
fluvium accolunt; quæ calida est, ac multis aquis  
perfusa. Tales videmus perpauca eos homines,  
qui maritimum Latium, atque oram Tusciæ co-  
lunt. Tales etiam Sæpini, Acerris, ac Bouiani  
homines esse Nicolaus Eustachius refert; Bene-  
uenti verò decoros, ac forma egregia: quo indi-  
cio salubritatem cœli Beneuentani adstruit. Clari-  
tas vocis deinde non obscurum signum præbet ae-  
ris, & aquæ salubris. Et sanè Hippocrates eosdem  
Phasianos omnium hominum grauissimè loqui te-  
statur, propter aeris crassitiem, atque usum aquæ  
palustris. In regione Salernitana oppidum, siue  
castellum quoddam est situ palustri admodum, &  
calido (Iouis Fanum, vulgò *Gifone* dicitur) cuius  
incolæ habitu corporis sunt crasso, pingui, ac  
prætumido; colore pallido, & cadaueroso; inces-  
su,

*Claudij To-  
lomey sen-  
tentia de  
monte Ar-  
gentario.*

*Fœminarū  
pulchritudo  
quid deno-  
tet.*

*Britannia  
temperata,  
& sermo-  
sarum mu-  
lierum al-  
trix.*

*Signa ae-  
ris noboni.  
A pravo  
corporum  
habitu.  
Phasiani  
populi qua-  
les.*

*Claritas  
vocis indi-  
cium aeris,  
atque aquæ  
salubris.*

*Deformis  
habitus in-  
colarum.  
Iouis Fanum  
in Picëtinis*



*Qualis  
Phasianus  
rū descri-  
bitur ab  
Hippocra-  
te.*

*Novū per-  
sonæ genus  
ab his in  
scenas in-  
ductum.*

*Comædie  
vernacule  
mimos ve-  
terum po-  
tius, quàm  
comædias  
referunt.*

*Voce clara,  
& valida  
Lunæbur-  
gensium in  
Alpibus  
Graijs.*

*In Alpibus  
homines  
gutturosi,  
ac strumosi  
crebrò fiūt  
ob aquas ex  
nivibus li-  
quatas.  
Gingivarū  
firmitas bo-  
nitatem a-  
quarum po-  
tius, quàm  
aeris osten-  
dit.*

*Scorbutus  
morbus  
qualis.*

su, gestuque segni, ac rustico; loquela quadam-  
crassa, lentaque; voce graui, atque intus in navi-  
bus resonante; ac denique quales ad amussim Pha-  
sianos describit Hippocrates. Ab ijs nouum per-  
sonæ nomen in scenas inductum est, quam vulgò  
*Pullicinellam* vocant, quæ in vulgaribus comœdijs  
mimos antiquorum potius, quàm comœdias refe-  
rentibus, sannionis nouum genus, & blenni, ac  
bucconis hominis exprimit; qualis in Atellanis  
erat maccus. Hæc ideò à me relata sunt, vt qua-  
les in palustribus, calidisque locis homines gi-  
gnantur exemplo fiat manifestius. Porro claram,  
validamque supra modum vocem deprehendi apud  
Lunæburgi incolas, quod castellum est ad Alpium  
Graiarum radices in Sabaudia, cùm illac transi-  
rem. Erat enim fortè dies festus sub occasum so-  
lis, cùm agrestes homines vtriusque sexus in æde  
sacra hymnos Deo concinentes audiui; admira-  
tus in primis voces admodum canoras, clarasque;  
ac simul habitudinem corporum validam, bene-  
que compactam: ex quo intelligere possumus op-  
tima, ac defæcatissima aqua illos vti; quæ cate-  
roquin in Alpibus ex glacie, ac niue liquata ho-  
mines gutturosos, ac strumosos efficit. Simili ratio-  
ne gingiuarum firmitas bonitatem aquarum potius,  
quàm aeris, quantum ego existimo, denotat: si-  
quidem à contrarijs arguendo scorbutus morbus  
(stomacacen, ac scelotyrbem veterum esse vo-  
lunt) quo in longis nauigationibus ora, gingi-  
uæque præcipuè putrescunt, cruraque vitiantur,  
non



non aliunde, quàm ex aquæ putrefactæ potu euenire creditur. Veruntamen in regione *Caindu Orientalis* Scythiæ, Marco Paulo Veneto referente, incolis gingiæ subinde putrescunt propter ingentes, ut ferunt, æstus, accedentibus palustribus quibusdam, putridisque vaporibus, qui inibi regnant; cuius ægritudinis vnicum ferè remedium habent assiduum salis in ore gestatum. Sumi etiam aliunde possunt salubritatis cœli indicia, præsertim ab aëribus, quæ cum in eo viuunt elemento, eoque plurimum indigeant, constat etiam ubi id pestilens, atque inquinatum est, naturæ quodam instinctu ab eo summoperè sibi cauere. Porro ubi frequens est copia eorum animalium, quæ ex putredine nascuntur, scire licet aerem ibi esse non optimum; quanquam minimè diffitear culicum, muscarum, atque huiusmodi insectorum frequentiam aerem non prorsus morbosum necessariò indicare; sed tamen humidiusculum, nec omnino saluberrimum; ut hic Romæ, ac Valentia in Hispania. Ea verò copia bufonum, quæ in proximis Romæ aquolis locis, quibusdam anni temporibus, aspicitur, nihil amplius, quàm corruptas eas aquas, & iam fœtentes ostendit. Notum etiam est creberrimos in agro Romano serpentes, anguesque per æstatem spectari, adeò ut non semel equitantibus acciderit in latentes foveas pondere subrutas delabi, ibique ab anguibz cum equis deuorari. Sæpenu-mero etiam, cum stipulæ incenduntur, serpentes metu flammæ velocissimè exilientes cernuntur, extin-

ctoque

*Caïdri Orientalis Scythiæ populi gingiis laborat ob magnos æstus, & palustres vapores. Ideò salem assidue ore gestant. Alia qualitatatis cœli indicia. Ab ambus.*

*A copia animalium ex putredine ortorū.*

*Bufonum copia in agro Romano aquas corruptas tantum denotat. Ibi et magna serpentium copia.*



Stoque igne complures à flamma circumuenti, atque exusti. Adhæc in paucis ijs ædificijs, quæ sparsa circum in agro sunt, oua serpentium crebro reperiri dicuntur; sicut & ipse in fenestris Episcopij Portuensis aliquando me reperijisse memini: quæ non tam fortasse coeli intemperiem, quam soli desertionem, vastitudinemque sequuntur.

*Indicium  
aeris præ-  
humidi.*

*Roma cre-  
bro tecta  
deterguntur  
ob muscū,  
& cremiū  
in tegulis  
nascens.*

*Transitio  
ad agri Ro-  
mani natu-  
ram inspi-  
ciendam.*

*Agendum  
prius de  
causis insa-  
lubritatis  
notioribus.  
Prima cau-  
sa insalu-  
britatis a-  
gri Romani  
Austri fla-  
tus crebri,  
ac validi.*

Propiora indicia sunt aeris tetri, ac præhumidi quæ à mucore quodam viridi, qui eiusmodi in locis parietibus, ac supellectili adhæret, capiuntur; sicut videre licet apud D. Anastasij ædem ad aquas Saluias via Ostiensi. Pari fermè ratione muscus, & cremium, quod in tegulis, ut hic Romæ, crebro subnascitur (ut propterea sæpius tecta detergenda sint) indidem provenire credendum est; aeris scilicet crassioris, atque humidioris vitio. Iam verò, cum abundè, ut opinor, demonstratum sit, quæ bonum, ac noxium aerem efficiant, quibusque indicijs id dignoscatur; consequens esse videtur, ut huius agri, Romani propriè, naturam diligentius inspiciamus, causasque indagemus, propter quas tantò grauior, quam olim erat, euaserit; ut ijs probè cognitis, quod polliciti sumus, opportuna remedia afferamus. Ordinem autem hunc seruabimus, ut prius notiores causas, ac magis latè patentibus; tum magis peculiare, atque obscuriores adnotemus. Primum igitur officere non leuiter puto Austri flatus, qui directò in hanc plagam feruntur: cum enim hic ventus inter alios summè sit calidus, atque humidus



humidus ( quæ duæ qualitates coniunctæ, Aristote-  
 le docente, corruptionis sunt effectrices ) humores,  
 ac præcipuè sanguinem inficit ; vnde putridæ,  
 malignæque febres existunt . Sanè hunc ventum,  
 cæteris perniciosiorem esse omnes fatentur, ac si-  
 gnanter Hippocrates libro sæpiùs laudato de aqua,  
 aere, & locis ; quotidianaque experientia idem  
 confirmat, vt pluribus exemplis, ac testimonijs  
 non sit opus : nisi quis ad rem pertinere putet,  
 quod aliquando in veteribus hisce ædificijs depre-  
 hendi, qua parte Australes ventos aspiciunt, mul-  
 tò magis, quàm reliquis locis lapides, ac parietes  
 vetustate corrofos videri . Sciendum porrò est,  
 vulgari Romanorum, omniumque ferè Italorum  
 lingua *Scirocco* ( Arabico vocabulo, apud quos di-  
 citur *Xalok* ) vocari omnem ventum à Meridio-  
 nalibus plagis venientem, atque adeò ipsum Au-  
 strum ; qui potius, vt auorum ætate dicebatur,  
*Ostro* vocandus esset . Propriè verò loquentibus *Sci-*  
*rocco* ventus est, qui Græcis *Euronotus* perhibetur,  
 Latinis veteribus *Vulturnus* . Hic sanè apud nos  
 multò deterior ipso Austro esse videtur, cùm lon-  
 giori pestilentis terræ tractu feratur ; ideoque quid-  
 quid est insalubris litoris legens à Pontinis vsque  
 campis, noxios vapores Romam versus expellat,  
 ac secum rapiat . Notus verò, siue *Auster* pro-  
 pius à mari veniens *Ostiensis* tantum paludes, aut  
 ad summum *Laurentinas*, antequam huc perue-  
 niat, transcendit . *Africus* verò ex altera *Tiberis*  
 parte ad sinistram Austro adhærens, quamuis in

*Cur Auster  
 reliquis vè-  
 tis sit du-  
 miosior .*

*Auster sal-  
 so Scirocco  
 vocatur A-  
 rabico vo-  
 cabulo .*

*Scirocco  
 propriè Eu-  
 ronotus .  
 Euronotus  
 Romæ, quã  
 Auster de-  
 terior, &  
 quare .*

*Cur Auster  
 propriè di-  
 ctus minùs  
 hic sit per-  
 nicialis .  
 Africus  
 mitior ex  
 ventis Me-  
 ridionali-  
 bus .*

N

mari



mari Tusco omnium violentissimus sit, & quòd transuersim hoc litus feriat, periculosissimus; reliquis duobus ob eandem rationem mitior est, ac minùs pestilens. Huc accedit, quòd etiam veterum testimonio, & Plinij in primis, Auster præcipuè in Italia humidus, & cæteris nocentior (Vulturum enim non excepit, quòd exitialis eius vis non tam latè pateat) *Humidi*, inquit, *Africus*, & præcipuè *Auster Italiae*. Et paulò post. *Saluberrimus autem omnium Aquilo, quia siccus, & frigidior: noxius Auster, fortassis, quia magis humidus* (ita ex vet. cod. legit Manutius.) Multùm etiam refert, quòd, vt idem Plinius, atque experientia docet, Auster (quo nomine laterales etiam, atque in his Vulturum intelligere possumus) præcipuè periculosissimo anni tempore, hoc est, post mediam æstatem exoritur; cùm Africus sub initium veris potiùs has regiones afflare videatur. Post biduum autem, ait Plinius, exortus (Caniculæ) *ijdem Aquilones constantius perflant diebus quadraginta, quos Etesias vocant. Molliri eis creditur solis vapor geminatus ardore syderis: nec ulli ventorum magis statim sunt. Post eos rursus Austri frequentes, usque ad sydus Arcturi, quod exoritur undecim diebus ante æquinoctium autumni.* Enimuerò de Roma præcipuè, ac proximis locis hæc intelligenda esse nemo, opinor, dubitabit. Secundo loco perniciem afferre non falsò creduntur tot paludes, ac stagna, quæ Latij, Tusciæue litoribus adiacent, atque interioribus etiam locis: quorum licèt aliqua pars antiquis etiam temporibus

*Alia ratio  
cur Australes venti  
cæteris grauiores sint  
ab anni tempore, quo  
flant maxime.*

*De Roma, ac proximis locis  
Plinius intelligendus.  
Secundo loco  
causa infalubritatis  
Crebre paludes.*



temporibus fuerit; eorum tamen numerus valde postea excreuit partim hominum incuria, partim desertione terrarum, cultorumque penuria. Ex his Pontinæ paludes (quæ longissimo tractu, idest, XX. circiter miliaribus protenduntur) ab omni hominum memoria extitisse videntur, ut ex supra allato loco Strabonis conijcere possumus: etsi quædam earum portio non semel exiccata fuit, ut postea videbimus. Laurentina palus, vel *πληθυντικὸς* Laurentinæ paludes Velleio etiam Paterculo memorantur lib. II. Sulpicium, inquit, adsecuti equites in Laurentinis paludibus iugulaui. Quin & Vergilius lib. XII. cum fracto gladio Turnum circumspicientem locum fugæ inducit, hæc habet.

*Farum numerus ob desertione agrorum excreuit. De Pontinis paludibus.*

*Vndique enim densa Teucris inclusere corona:*

*Atque hinc vasta palus, hinc ardua mœnia cingunt.*

Ad quem locum non sine causa miratur Cluverius hæc à Seruio notari. *Vasta palus, quæ nunc non adparet*: cum hodieque totus is tractus sylvis, ac paludibus inuius sit. Cætera, quæ hic alij notant de apris circa Laurentum frequentibus, ne actum agam, dicere superfedeo. Circa Ardeam itidem stagnantes aquas ut hodie, sic olim fuisse supra ex Strabone adnotaui; ut circa Grauiscas in Tuscia. Non omiserim hoc, quod à peritissimo Mathematico Benedicto Castellio Monacho Casinensi accepi, Tiberim amnem, ut hic propè Romam videmus, ubique ferè per angustam quandam vallem non directo cursu fluere, sed multis anfractibus Mæandri penè in modum tortuoso cur-

*Loca palustria iuxta Ardeam, Et Grauiscas.*

*Benedictus Castellius.*



*Tiberis  
cursus si-  
nuosus, at-  
que in an-  
fractibus  
reversus.*

*Paludum  
appendices  
salinae, syl-  
vae, fontes  
medicati.  
Salinae O-  
stiensis.*

*Romanen-  
ses salinae  
olim cele-  
bres.*

*Salinarum  
propinqui-  
tas noxia,  
& quare.*

*Anthylli  
sententia  
de pestilen-  
tiis spira-  
tionibus à  
salsuginosis  
locis exha-  
lantibus.*

uari: cùm igitur in ijs flexibus loca quædam con-  
caua, atque humilia occurrant, si quando ple-  
nior ingruit, facili negotio ijs in locis exundat,  
atque in æstatem vsque non sine accolarum per-  
niciæ restagnat. Paludibus tanquam appendi-  
ces adiungo salinas, sylvas, ac fontes medicatos,  
qui diuersis modis bonitati aeris obsunt. Salinae  
nunc satis amplæ circa Ostiam sunt, olim etiam  
iuxta Portum Augusti (ex quo nomen ei loco  
mansit, hodie *Campo Salino*) sed promotò longiùs  
litore ob aggestam à Tiberi terram & portus inu-  
tilis euasit, & Salinae nomen, vsunque perdidere-  
runt. Celebres olim, vel vetustissimis temporibus,  
Romanorum salinas fuisse, indicio est via Salaria,  
quam Varro sic dictam prodidit, quòd per eam  
Sabini à mari sal in suam regionem conuectarent.  
Vicinitatem verò salinarum noxiam esse & ratio,  
& scriptorum autoritas docet. Ratio, quòd cùm  
sal æstiuo tempore fiat, atque in areis ad id para-  
tis aqua paulatim exiccetur, & condensetur; ne-  
cesse est magnam exhalationum copiam inde dif-  
fundi, quæ aerem sine dubio inficiunt. Mitto nunc  
subtiliorem aliam, abstrusioresque rationem,  
quam accuratiùs infra exponam. Autoritas verò  
Anthylli Medici præstantissimi apud Oribasium  
collect. lib. IX. cap. XI. ostendit regiones falsas,  
ac suapte natura perhumidas, spirationes graues,  
ac perniciales emittere; vt dubitari non possit,  
quod supra ex Strabone attulimus, quin verissi-  
mum sit ob huiusmodi salinas Sardiniam maximè  
morbosam



morbosam esse. Sylvæ autem, quæ plerunque La- *Sylvæ cir-*  
 tini, ac Tusci litoris plagam hodie occupant, *ea litus fre-*  
 non modicam & ipsæ partem huius insalubritatis *quentes.*  
 ferunt: cùm enim humili, madentique solo pluri- *Cur nonis*  
 ma earum pars sit, necesse est passim lamas, at-  
 que huiusmodi loca hyberno tempore effici;  
 quæ siue penitus adulta ætate exarescant, siue pau-  
 lulum siccentur, siue in hyemem vsque perdurent  
 ( vt credibile est accidere in umbrosis, depressis-  
 que locis ) non minùs quàm paludes, ac stagna,  
 nisi quòd sparsim, non confertim, halitus tetros,  
 ac foetentes expirant. Quinetiam hæ sylvæ præpe-  
 diunt, ne venti montani, ac salubres, cùm flant,  
 aerem ibi conclusum euerrant, purgentque. A *De aquis*  
 medicatis, seu metallicis aquis nemo sanè mentis *medicatis,*  
 perniciales vapores exhalari negauerit; præsertim *sive metal-*  
 qui non ignoret metallorum afflatus quantum fos- *licis.*  
 foribus obsint; aut audiuerit vnquam propè Viter-  
 bium, alijsque regionibus, vbi graueolentes, ac  
 sulphurati fontes scaturiunt, quàm longissimè illinc  
 homines abscedere. Sunt verò huiusmodi fon- *Fontes me-*  
 tes non vno in Latij loco, vt puta, circa Ardeam; *dicati in*  
 de quibus ita Vitruuius libro octauo, capite *Latia fre-*  
 tertio. *Sunt etiam, inquit, odore, & sapore non bono*  
*frigidi fontes, qui ab inferioribus locis penitus orti,*  
*per loca ardentia transeunt, & ab his per longum*  
*spatium terræ percurrentes refrigerati perueniunt supra*  
*terram, sapore, odore, coloreque corrupto, vt in Tibur-*  
*tina via flumen Albula, & in Ardeatino fontes frigidi*  
*eodem odore, qui sulphurati dicuntur. Nec verò diffi-*  
 teor



teor eiusmodi fontes non vbique aerem inficere ;  
 quod certè in Puteolano , atque Ænaria insula  
 minùs præstant : sed tamen vbi cæteroquin aer  
 grauior est , si odores , atque halitus extranei , ac  
 foetentes accedant , multò deteriore eum fieri ob  
 talem commistionem verisimile est . Constat enim  
 multas res prorsus putridas , etiamsi maximè con-  
 clusæ sint , nisi vnà commisceantur , non proinde  
 aerem corrumpere : alioquin si minùs id esset ne-  
 cessarium , cùm tam multa in priuatarum ædium  
 latibulis quotidie putrescant , multò sæpius vitari  
 aerem videremus . Insigne huius rei exemplum ex-  
 tat in supra laudato Baldinij commentario , quam  
 suo tempore Florentiæ euenisse testatur . Erat in-  
 quit puteus in caupona quadam ad D. Laurentij  
 non admodum profundus , nec alioqui contactus ;  
 in quem omnis generis eius tabernæ sordes , ac  
 purgamenta proieciabantur , quæ vsque adeò aerem  
 intus inclusum vitiarunt , vt cùm fortè gladius ali-  
 quando intrò cecidisset , eiusque dominus libramen-  
 to funis se illò demississet ; vix ad imum peruene-  
 rit , cùm subitò occlusa anima enectus est . Inte-  
 rim alius accessit , vt ei misello spiritum iam ef-  
 flanti opitularetur : sed ipse quoque celeriter est  
 præfocatus . Tertius qui descenderat , citiùs ani-  
 maduerso periculo , ac retractus vix mortem effu-  
 git . Quæ narratio satis docet , ex rerum diuersa-  
 rum , simulque commistarum putredine pestilentis-  
 simum aerem , halitumque progigni ; quod adeò  
 verum est , vt non modò res per se foetidæ , no-  
 xiaque

*Nec est ma-  
 xime, ubi  
 alioquin  
 aer non pro-  
 bus est.  
 Res putre-  
 facta ob va-  
 riam, ac  
 discordem  
 mistionem  
 potissimum  
 aeri officiat.*

*Exemplo  
 id proba-  
 tur.*



xiæque, sed esculenta, ac potulenta, si vnà putrescant, vehementer aerem corrumpere possint.

Quod in postremo *Conclavi*, in quo Sanctissimus D. N. felicissimè electus est Pont. Max. liquidò apparuit: nec enim aliunde doctiores medici existimant tot vno tempore, tamque exitiales morbos ibi extitisse, quàm ex vino, fructibus, carniū fructis, cæterisque mensarum analectis proiectis, atque aceruatis; baiulorum potissimùm, aliorumque ministrorum ignauia, atque incogitantia. Tertia huius insalubritatis causa, immò fortasse pondere, ac τὴν ἐρεπυεῖα cæteris prior censenda est situs, ac positio litoris. Est enim totum

*Tertia causa Litoris situs, ac facies.*

hoc Latij, ac Tusciæ litus valde humile, ideoque decliue, & arenosum; quale genus litoris, ut puto, antiquitus plagam vocabant (vnde nostrum *piaggia*, & *spiaggia*). Necesse est igitur mare mi-

*Quid plaga proprie.*

nus profundum esse; sed quasi perpetuum æstuarium: atque hinc euenit, ut cùm fluctus alluerit, relabente mox æstu, non modicam arenæ partem madentem relinquat; quæ assiduus solis radijs ver-

*Cur litus humile, & arenosum, valde obsit.*

berata, atque alga passim putrescente (quod graueolentia ipsius docet) magnam, æstate præsertim, noxiarum exhalationum copiam quodammodo exsudet, ac remittat; quæ totum, quoquouerfus patet, campestem tractum inficere, atque inquinare possunt. Quod adeò verum est, ut quamuis hoc mare perpetuò immotum, atque inagitatū maneret, tamen adhuc non modicam vaporum vim eructaret; quò magis enim à sole ferue-

fit,



*Compara-  
tione lo-  
corum id  
ostenditur.*

*Ratio Gome-  
si in-  
pta.  
Cur edita  
litora salu-  
bria.*

*Ex aqua  
falsa non  
nisi dulcis  
evaporatur.*

fit, eò magis exhalat: vehementiùs autem calefie-  
ri, quò minùs aquæ sustinent huiusmodi breuia,  
nec profunda litora, satis, vt arbitror, manife-  
stum est. Hæc causa si sola esset, non omnino  
fortassis oram maritimam inhabitabilem redderet;  
sed magni vtique eam esse momenti negari non  
potest: videmus quippe vbi hæc litoris species de-  
ficit, statim omnes grauioris cœli cessare quere-  
las. Hinc enim quâ desinit Latium, Circeius  
mons, & Caietæ oppidum optimo, ac purga-  
tissimo aere gaudent; nec minùs vbi vadofum Tu-  
scia finitur litus, statim post Macram fluuiam, Li-  
guriæ ora saluberrimo cœlo fruens attollitur: non  
quòd illisa cautibus, ac scopulis, atque in altum  
tenui aspergine vnda resiliens, feruenti spuma cir-  
cumfusus aerem purget, vt Bernardinus Gome-  
sius in opere elaborato de Sale nimis leuiter credi-  
dit, sed partim quòd is non nisi iam terrestribus,  
& crassioribus inquinamentis depuratus, ad edi-  
tiora loca pertingat; partim quòd eiusmodi litora  
profundo mari (quod nullas, aut paucas *avardus d-*  
*scit* efficit) non cœnosis, ac foetidis æstuarijs val-  
lantur. Nam etsi ex falsuginosis locis vapores qui  
eleuantur, falsedinis expertes esse credi possit, cum  
docentibus Chymistarum experimentis, ex aqua  
falsa per *destillationem* quam vocant, non nisi dul-  
cis euaporetur; nihilominus quoniam litorale so-  
lum siue suapte sponte, siue ob cadentes pluuias,  
dulci intus humore aliquatenus madet; atque vt  
experimento comperi, aqua dulcis falsæ commi-  
sta



sta citius, ac facilius putrescit; non propterea marinam aquam euaporationum expertem esse credendum est: præsertim cum omnis aqua, quantumvis falsa, dulcis humoris portiones quasdam semper habeat admistas; ut ex eodem supra allato experimento constat: de quo fusiùs Blasius Vigenerus in erudito Commentario de Igne, & Sale: ne Aristotelem, aliosque Autores aduocem, qui crediderunt demisso in mare vase aliquo cereo, aut hederaceo inani, atque obturato, per eius meatus dulcem laticem paulatim intus penetrare. Quare etiamsi litus hoc nostrum humile, atque arenosum nullis lacunis, lamisque squaleret, nec vnquam imbribus madesceret; attamen ipsamet aqua marina terræ, arenæque permista magnam grauiorum halituum vim æstiuo tempore emitteret; tantoque magis pestilentium, quantò, fauente locorum situ, non pauxillo tempore, sed diutiùs, ac tractim computrescerent. Quarta huius insalubritatis, & ipsa minimè contemnenda, ratio afferri potest ex Romani cœli (quo nomine proximam circa regionem etiam intelligo) intemperie; non quidem quatenus ea significat vel nimium vehementes calores, vel supra modum intensum frigus, vel vtrunque: nam reapse de huiuscemodi intemperie neque Vrbs, neque ager ipsius iure queri possunt: sed quatenus hoc cœlum obnoxium est subitis, magnisque mutationibus; caue enim credas quidquam illo mutabilius, aut inconstantius; vsqueadeò Protei in morem mille

O

formas

*Aqua dulcis salsecō-  
mista faci-  
lius putre-  
scit.*

*Aqua falsa  
dulcis por-  
tiones habet  
admistas.*

*Quarta  
causa In-  
temperies,  
ac mutabi-  
litas huius  
regionis.*



*Huius in-  
constantia  
causa.*

formas induit: vnica quippe die nonnunquam vi-  
demus sex, vel octo conspicuas temporum con-  
uersiones à frigore, vel calore, vel medio tempo-  
re; à serenitate, vel nubibus; Borea, vel Austro,  
aut alijs ventis; pluuiæ, niue, grandine, Iride,  
cæterisque aeris impressionibus. Huius inconstan-  
tiæ causam nullam aliam manifestiorem afferre  
possumus, quàm modico terræ spatio duas quo-  
dammodo contrarias, diuersissimasque regiones;  
quarum ea quæ in plano est, tepens, atque hu-  
midior, solique ostenta, ac marinis auris obno-  
xia longè alium aspectum, ac temperiem obti-  
net, quàm superior, ac montana; quæ valde fri-  
gida, & ventosa, atque alijs ventis exposita, plu-  
rimùm ab illa distat. Accidit id propter altitudi-

*Latij, &  
Etruriæ  
campestris  
regio præ-  
altis mon-  
tibus val-  
latur.*

*Descriptio  
horum  
montium.*

nem montium, qui hanc Latij, Etruriæque plani-  
tiem, nisi quæ mari alluitur, perpetuo quasi iugo  
coercent: inter quos è regione Latij non pauci  
sunt elati admodum, & cum Italiæ editissimis cer-  
tantes; vt indicium præbent niues maxima anni  
parte ijs insidentes. Incipiunt igitur Volscorum  
montes ( vt de interioribus, ac celsioribus ta-  
ceam, quorum amplior circuitus est ) secus Vfen-  
tem fluuium non longè supra Tarracinam: mox  
supra Priuernum, Setiam, Signiam, Norbam Se-  
ptentrionem versus ascendunt: dehinc supra Co-  
ram; inde supra Velitras in Occidentem flectun-  
tur, atque Albanis iugis continuantur: qui rursus  
in Septentriones reflexi, quæ Tusculanos colles  
excipiunt, paululum deinceps ad Orientem re-  
deunt,



deunt, dum Prænestinis iugis connectantur; quibus Æquicolarum, mox Tiburtium præalti montes adhærentes denuò ab Aquilone ad Occasum vergunt; quos Sabinorum non humiles colles excipientes cum Soracte coniungunt. Ii mox non longo camporum interstitio (qui & ipsi remotioribus montibus ponè clauduntur) Ciminijs iugis appropinquant; quæ inter Occidentem, ac Septentrionem supra Volsinios procurrentia, dehinc ab ea regione Volsiniensium collibus in solstitialem Occasum directis finiuntur: qui & ipsi Tinnis montibus inter Suanenses, & Volcientes in Meridiem versis; ac supra Cosam non longè à monte Argentario desinentibus, propè nectuntur. Sunt & intra hanc regionem quidam tumuli, collesque, maximè in Etruria: sed ij permodici sunt, nec vilo loco habendi. Quare manifestum est hunc terræ tractum instar alicuius theatri montibus vndique esse circumclusum, nisi qua parte mari alluitur; quod quasi proscaenium caueam prospectat: ac proinde media planities orchestræ locum quodammodo obtinet. Et sanè decebat Coelestis Numinis prouidentia hunc locum ad speciem theatri conformari, qui tanquam orbis terrarum compendium, quidquid alibi dignum memoratu geritur mortalium oculis hic quotidie exhibet. Cùm talis sit igitur horum locorum facies, ac positio; minimè dubitandum videtur, quin propter hanc inæqualitatem, tam subitæ temporum mutationes, & non vnus tenoris dies hic crebrò existant.

*Hæc campestris regio in modum theatri figurata.*

*Allusio.*

O 2

Multis



*Sardinia  
Australis  
pars Roma-  
nae regionis  
valde si-  
milis.*

*Circumpada-  
dana regio  
quasi ex  
diametro  
ei aduersa.*

*Periculosa  
mutatio cū  
subito ē fri-  
gidis locis  
in calida,  
aut contra  
transitus sit.*

Multis id probare possem rationibus, atque exem-  
plis; sed ne nimium in singulis hæream, consultò  
ea missa facio. Hoc vnum dicam, Sardiniae Au-  
stralem partem temporum inæqualitatibus, ac mu-  
tationibus & ipsam valde obnoxiam, & pariter  
morbosam ( cuius quoque planities Austro expo-  
sita vndique præaltis retrò montibus circumcludi-  
tur ) Romanæ regioni quasi ἐκ τῆ παραλλήλης respon-  
dere: contra quasi ex diametro ei aduersari Cir-  
cumpadanam regionem, quæ vniuersi ferè fi-  
tum planum, patulumque obtinet, & statas tem-  
porum vices perpetuo ferè tenore conseruat; eo-  
que nulli prouinciæ salubritate cedit. Porro cū  
omnes subitæ, magnæque mutationes humanis cor-  
poribus plurimū incommovent, vt Medici do-  
cent, & nominatim Hippocrates lib. de octime-  
stri partu, & post eum Federicus Bonauentura in  
eruditissimo opere, quod eodem titulo Ducis Vr-  
bini iussu conscripsit: præcipuè verò noxiæ, quæ  
in horum trium aliquo consistunt, in genere vi-  
ctus: in locis: in temporibus. Verū omisso pri-  
mo capite, quod huc minimè pertinet, dico non  
sine periculo de locis admodum frigidis in valde  
calida, aut è conuerso transitum fieri, quod in pri-  
mis ex animaduersione Suetonij Paullini de bello  
cum Germanis committendo apud Tacitum disse-  
rentis elucescit; ait enim. *Iam Germanos, quod ge-  
nus militum apud hostes atrocissimum sit, tracto in æsta-  
tem bello, fluxis corporibus, mutationem soli, cælique  
haut toleraturos.* Sed multò magis id liquet ex eo  
quod



quod de Peruiæ provinciæ natura Nicolaus Mo-  
nardes refert . Huius planitiem æqualem admo-  
dum , patulamque in immensam ferè longitudi-  
nem , hoc est , ad tria leucarum millia secundum  
maris litus protendi : à mari introrsus non ampliùs  
octo leucarum spatio dilatari . Cæterùm perpe-  
tuam ferè æstatem hic esse ; adeoque feruidam , vt  
vix vnquam decidant imbres : in proximis autem  
montium iugis , quæ longissimo tractu planam hanc  
regionem terminant , editaque valde sunt , assidu-  
um toto anno rigorem , atque intolerabile fri-  
gus cum quotidianis ferè pluuijs vigere . Itaque  
cuiuscunque generis animantia montanæ regioni  
assueta , si in planitiem descendant , breui omnia  
in languorem incidunt , ac pereunt : quod ex eiuf-  
modi locorum diuersitate , nec aliunde euenire  
pro indubitato habetur . Sed quod res nostras  
propiùs tangit , hæc superioris , inferiorisque re-  
gionis discrepantia ibi maximè elucet , vbi breui  
locorum confinio altera alteram sequitur : quod  
vt euidentius appareat , exemplum à Bernardo Sac-  
co allatum , hodiernaque experientia confirmatum  
proponam . Tusculani collis radicibus adiacet cœ-  
nobium in primis nobile , ac splendidum , quod  
*Crypta Ferrata* dicitur , à Basilianis monachis habi-  
tatum . Ædificio constat amplo , laxoque in mo-  
dum arcis , vel castelli ; & supra Tusculanæ Cice-  
ronis villæ parietinis , non obscuris indicijs , ex-  
structum creditur . Distat is locus ab agri Roma-  
ni infima planitie milla passuum duo . Medio cli-

*Exemplum  
diuersitatis  
regionum  
ex Cryptæ  
Ferratæ si-  
tu descriptum.*



ui spatio versus solis occasum vicus desertus, ac  
 femirutus conspicitur, modico tantum diuersorio  
 superflite, quem *Burghettum* vocant. Inter eum  
 vicum, & *Cryptam Ferratam* antiqua sylua stadij  
 longitudine protenditur. Infra hanc versus Occa-  
 sum, & ipsum vicum aqua insuavis scaturit, nec  
 aer admodum tutus est: quapropter is vicus de-  
 sertus remansit. Verum ab sylua ad coenobium  
 pergentibus, siue ad orientem solem, ac monta-  
 nam regionem aer purus, atque innoxius per diu,  
 noctuque occurrit; aqua etiam in medijs pratis è  
 fonte quodam saluberrima promanat. Huius di-  
 uersitatis rationem Paulus III. Pont. Max. quon-  
 dam admiratus dicitur: quam idem Saccus adfert  
 talem. *Burghetti* vicus grauem, foetidamque au-  
 ram à tetra, pernicialique scrobe haurit non lon-  
 gè ab eo loco in planitie sita; quæ sulphureum  
 vaporem assidue exhalat, atque ob id *Sulphurata*,  
 vulgò quoque dicitur. Igitur Occiduis ventis spi-  
 rantibus vapor ille pestilens directò fertur in vi-  
 cum; sed nequiquam syluæ illius tractum, confi-  
 niumque transcendit: quod experimento sit atim co-  
 gnoscitur; nam si ab hac sylua egressus in prata  
*Cryptæ Ferratæ* coenobio propinqua gradum feceris,  
 Orientali aura ab Algido, ac montibus perflante  
 mirificè te recreari senties. Sanè vt non grauati  
 concesserim, propter huiusmodi sulphureum hali-  
 tum magna ex parte eum tractum grauem esse,  
 ac morbosum; sic fatendum etiam videtur, vt nul-  
 la esset sulphuris exhalatio, tamen quò campestri  
 regioni



regioni situs propior est, eò deteriorem editioribus locis habendum esse: statuendum enim aliquod confinium vtriusque regionis, salubris nimirum, & insalubris; atque etiam interstitium quoddam ex utroque temperatum, quod neque omnino sit noxium, nec prorsus salubre, tutumque: & fanè si quis est in hoc campestri tractu elatior paulò tumulus, haud parum commodior, quàm subiecta planities existimandus est: siquidem aer eiusmodi vaporibus crassus, ac palustribus grauidus non valde, vt iam ante diximus, supra terræ infimum solum attollitur; neque tamen certa, perpetuaque huius discriminis regula, aut mensura tradi potest: adeò vt sub eodem tecto, hic Romæ præsertim, longè salubrior sit in superioribus cœnaculis habitatio; quamobrem bonæ valetudinis studiosi quàm possunt maximè hanc cautionem obseruant: contra in siccioribus locis, vt Madriti, infra terram depressis cubiculis sine noxa vtuntur. Quinetiam minimè dubitandum est, si quis diligentius obseruet, circa campestris, & montanæ regionis confinia nonnunquam spirantibus à mari ventis Australibus, perniciosisque, simul salubres, ac montanas auras exaduersum flare; quæ, vbi iam in campos descenderis, vtpote imbecilliores, nullo modo sentiantur. Quod (mirum fanè tam breui interuallo) liquidò me obseruare memini cùm propè Genuam secundùm litus nauigaremus, eius enim triremis, quæ litus propius legebat, flammulum puppi impositum (quod ab officio Anemoscopium

*Non tantum sulphurati fontis halitus, sed etiam campestris loci natura plagam inferentem. Cryptæ Fertæ cōtaminat.*

*Tumuli elatiores campestris Latij haud parum commodiores.*

*Romæ quoque salubrius in summa edificum parte habitatur. Madriti hypogæa impune habitantur.*

*Observatio de diversitate ventorum in mari.*



*Obicitur  
Austri fla-  
tus ad col-  
les usque  
assurgere  
posse.*

*Obiectionis  
solutio.*

*Cōparatio  
à quibus-  
dam flumi-  
nibus sum-  
pta.*

Anemoscopium quispiam dixerit ) terrestri aura ventilabatur ; alterius verò non longo interuallo distitæ marino, atque exteriori flatu in contrarium pulsabatur. Verùm obijcere quis possit, cùm Austro ( eadem ratio est lateralium ventorum Euroti, atque Africi ) ab humili, infimæque plaga spiret ( quæ causa est vt vehementiùs, ac diutiùs mare commoueat, quàm Boreas ) & campestris huius agri facies deuexa sit, ac sensim in litus decliuis, proinde videri eiusdem Austri vim, & quos secum rapit malignos vapores, locis à mari distitis non modicè assurgere; ac minimè, vt dicebamus, infimum tantùm, ac solo proximum aerem grauem propterea, & perniciosam esse. Cui ἀπορήματι vt satisfaciam, non nego quin ingruentibus Austrois grauiiores huiusmodi halitus satis altè extolli queant, & saltem ad modicos colles pertingere: veruntamen multò perniciosiores sunt certè, vbi ferè semper incubant, quàm vbi rarò, ac fortuitò aerem quasi per transfennam inficiunt: quippe vbi ventus conquieuerit, non tantùm ij crassi vapores residunt, ac deorsum feruntur; sed etiam inquinatior, ac deterior aeris pars procul dubio subsidit: quemadmodum de nonnullis fluminibus fertur, quæ lacus quosdam, aut alios amnes influentia, propter aquarum suarum leuitatem, minimè commiscuntur; sed perpetuò immista, ac discreta labuntur. Porro loca secundùm litus posita multò melioris conditionis esse ( quod supra innui ) quàm interiùs sita, ac longiùs à mari, non vna ratio conuincit; nam







tela , ac securitate ditionis Ecclesiasticæ mirè sollicitum assiduè exercent , non postremam hanc reputauerim . Dignam enimuero mentis suæ magnitudine cogitationem , quæ non ad breue dumtaxat tempus , sed in longam posteritatem extendit utilitatis egregiæ fructum . Cùm sit igitur Centum Cellarum aer non omnino pestilens , ac noxius ; accedente incolarum frequentia , multiplicatisque tectis , satis commodum , salubremque tandem eufurum sperare possumus . Verùm cùm tanta sit campestris huius regionis , & montanæ , seu colli-

*Qui æstate  
Roma dis-  
cedunt ad  
montanos  
secessus, re-  
uertu non  
solent ante  
Idus Octo-  
bris .*

næ diuersitas ; minùs mirandum videtur eos , qui æstiuo tempore vitandi caloris gratia , aut captandæ solitudinis , ac quietis siue Tibur , siue in Tufculanos , Albanosque colles , atque huiusmodi loca secedunt ; non nisi post refrigeratum autumnalibus pluuijs aerem , exortumque Aquilonis ( quod circa Idus Octobris euenire solet ) Romani fermè reuerti . Iam verò opportunum videtur , vt de

*Digressio  
de æstiuo  
ad Urbem  
accessu .*

æstiuo ad Urbem accessu , indidemque recessu , animi saltem gratia , aliquid dicamus ; vtrum scilicet non modò eo tempore periculosa sit huc ex longinquo migratio , sed etiam discessio : an verò sit hoc commentitium , & falsum . In priori quidem sententia plerosque esse video , & nominatim id docet sæpiùs laudatus Baldinius in Commentario in dictum Hippocratis librum . Contrariam verò opinionem Marsilius tuetur ( cuius apud me potior est autoritas ) qui disertè tradit , si quis æstate salubriorem in locum ex Vrbe proficiscatur

*Dissensus  
Baldini ,  
& Marsilij  
de periculo  
discessus æ-  
stiuini ab Vr-  
be .*

( sic



( sic enim intelligendus est hic discessus ) tutò id  
 facturum . Cui sententiæ ego quoque , vt verum  
 fatear , non inuitus accedo ; cum ea tamen cau- *Morsili  
sententia  
probabilior.*  
 tione , vt qui in viam se dat , intermedio itinere  
 locis grauib ; noxijsque moram ne trahat , præ-  
 cipueque ne dormiat : inde enim accidere puto ,  
 vt multi æstate Florentiam petentes intereant ; mul-  
 toque plures , qui Neapolim proficiscuntur . Cum  
 enim proxima viæ Flaminia pars propter huius  
 regionis qualitatem sit insalubris ; sed Cassia , quæ  
 Florentiam itur , multò maior portio ; Appiæ verò  
 quæ Neapolim ducit , aliquantò etiam magis  
 ( quippe ad Lirim vsque propemodum ) nil mi-  
 rum si hausto per viam noxio aere , atque humo-  
 ribus iam corruptis , vbi quis quieuerit , morbus  
 exsurgat . Quinimò , vt ex multis itineribus à  
 me confectis obseruasse videor , plerunque acci-  
 dit , vt qui longo aliquo itinere cœli , ac tempe-  
 statum aduersitatibus afflictatus fuerit , non ante  
 ferè in morbum incidat , quàm post absolutam  
 peregrinationem . Quod in nostro ex Gallia re-  
 ditu compluribus ex familia EMINENTISSIMI  
 DOMINI CARDINALIS BARBERINI euenit : *Reditus ex  
Gallia E-  
MINEN-  
TSSIMI  
CARDI-  
NALIS  
BARBE-  
RINI.*  
 quos inter Andreas Eudæmon-Ioannes , eruditissi-  
 mus Soc. Iesu Sacerdos , postquam aliquot dies  
 inter Senam , ac Romam ægrotasset , intra paucas  
 horas quàm Romani Collegij limen attigisset , ex-  
 pirauit : eius verò socius Hieronymus Albergottus  
 Aretinus nobilitate generis non minùs , quàm san-  
 ctitate vitæ insignis , qui priùs satis bellè valuisset ,



vix dum inita Vrbe, maligna febris oppressus paucis diebus ex humanis excessit in ipso flore ætatis. Ego verò, cùm in toto itinere nec minimum languorem expertus essem, vix Romam sub vesperam redij, cùm eadem nocte in febriculam incidi, à qua tamen Deo volente celeriter sum liberatus.

*Aer tenuis,  
ac salubris  
quibusnam  
mortē ac-  
celeret.*

Cæterum si quis habitu cacoethicus, prauisque humoribus refertus vel in salubriora loca demigret, cùm ea ferè tenuiori aere constent, hunc sibi mortem plerunque accelerare compertum est: quippe rarus, ac subtilis aer tam prauis, quàm bonis humoribus faciliorem transitum, & quasi vehiculum, vt Medici loquuntur, per internas venas, & conceptacula ad vitalia præbet. Verùm, vt in-

*Digressio  
de æstiuo ad  
Vrbem ac-  
cessu.*

gratiam Transalpinorum aliquid de æstiuo ad Urbem accessu, saltem rudiori Minerua, dicamus; si quis in itinere non fuerit supra modum à sole calefactus; neque in labore, vigilijs, Venere, crapula modum non tenuerit; nec grauioribus locis, noctu potissimum, somno indulserit, videtur sine periculo quouis tempore Romam accedere posse;

*Quid ob-  
seruandum  
estate Ro-  
mā adeun-  
tibus.*

præsertim si aliquot dies loco clauso domi se contineat, ac quiescat; victuque tenui, ac refrigerante vtatur. Si verò is sit *πληθώρα* prægrauatus, aut nimio sanguine vel natura, vel ob pleniorum victum turgens, plurimum ei proderit, si quamprimum phlebotomia sibi cauerit. Enimverò non

*Temporū  
inequalitas  
aliquando  
periculo-  
sior, quàm  
locorum.*

tam locorum fortasse, quàm temporum inæqualitas, atque *ἀνωμαλία* metui, attendique debet: nec enim statim ac aliquis per æstatem ex planitie, in frigidam



frigidam, ac montanam regionem commigrat ( ut  
quotidie euenit ijs , qui Tibur secedunt ) morbo  
se implicat : sed tamen cum aliquo fortasse peri-  
culo id fieret, si quis ad altissimos vsque, ac fri-  
gidissimos montes nulla interposita mora ascende-  
ret, ibique consisteret; præsertim minùs mutata  
veste. Quanquam æstate quidem minùs periculo-  
fior esse videtur ex calidis locis in frigidiora tran-  
situs, quàm vice versa; modò ne eodem reditus  
fiat. Vtcunque se res habeat, maneat illud per-  
petuò fixum, ratumque omnes magnas, ac repen-  
tinas mutationes plenas esse periculi, atque exitij;  
quantumuis æstate à calidis locis in frigida, hye-  
me à frigidis in calida transitus fiat: moderatio-  
res autem non modò non nocent, sed etiam sunt  
valde aliquando salutare. Multò plus itaque di-  
scriminis habent subitanæ temporum conuersio-  
nes, cùm propter alias causas, tùm quòd magis  
de improviso fiunt, ac sæpe nec alleuandæ vestis,  
nec onerandæ nobis spatium tribuunt: quæ sola  
mutatio de hac campestri plaga tantùm loquenti-  
bus habenda præ oculis est; cùm de agricolis præ-  
sertim sermo sit non adeò delicatis hominibus, ut  
his cautionibus obstringi debeant: neque vtramuis  
regionem colentibus vtrò, citroque commeandi  
necessitas admodum incumbat. Cæterùm intem-  
periem regionum, quatenus ingentem hyeme rigo-  
rem, ibidemque validiores æstate regnantes calo-  
res; aut contra æstiuo quidem tempore feruentissi-  
mum æstium, hyberno non modicum frigus signi-  
ficat,

*Cur subite  
temporum  
conuersio-  
nes pericu-  
losiores,  
quàm loco-  
rum muta-  
tiones.*



*Quales re-  
giones ve-  
hementius  
pestis affli-  
gat.*

*Quinta  
causa Su-  
perficies a-  
gri Latini.  
Qualis il-  
la sit.*

*Sexta cau-  
sa Aëstui  
calores im-  
modici.*

ficat; minimè salutiferam esse notius est, quàm vt argumentis, ac testimonijs indigeat: illud non omnibus notum in huiusmodi locis pestilentiam, si quando ingruat, violentiùs grassari solitam; vt in Polonia, ac Lithuania, quæ cùm vehementissimo gelu hyeme premantur, non parum etiam æstate ob dierum longitudinem incalescunt: & pariter in Mauritania, quæ non tantùm æstuosissima, sed etiam ob altissimos montes, qui perpetuò ferè niue operiuntur, hyeme algentior est paulò. Quintam insalubritatis causam sibi vindicat, ni fallor, huius regionis superficies; quæ cùm nec plana sit, nec montosa, sed potiùs vbique multis conuallibus, & concauis locis depressa; qui in ijs cavitatibus intercipitur aer haud facilè à ventis perflari potest, ideoque inagitatus permanens ex facili putrescit, ac vitiatur; & licèt non putresceret, qui ab Austris ibi relictus est vix à superuenientibus Aquilonibus penitus depurgari, aut renouari posset. Quod in locis planis, ac montosis contrafit: in ijs enim ventorum vis totum hoc inane sine villo obstaculo peruadit: in his montosis etiam si colles occurrant, tamen ijs circumfusus flatus oppositam etiam partem per vallium angustias collustrat: aut quamuis perpetuum dorsum occurrat, nisi præaltum fuerit, ei illisus extollitur, ac superfunditur; aut si ex alto venit, vt Boreales solent, nullo negotio transcendit. Sextò intemperiem inducunt calores æstiu, sub sole præsertim, quibus hæc regio nimiooperè torretur; ac vehementiùs sanè



nè quàm pro Climatis ratione : qui tantò magis perniciousales sunt, quantò minus noctes eundem tenorem feruant; cùm frigidiusculæ hic potiùs esse soleant, tum propter auras marinas, atque Occidentales; tum propter earum spatium prolixius, quàm in Climate magis Boreali, vt notum est. Auget verò hanc validioris æstus noxam non minor profectò eiusdem aeris humiditas, quæ *συχρότης* efficit humanis corporibus planè infestam. Nam vt rectè notat Magnus Albertus, quibus in locis aer à sole sic incalescit, vt magnam vaporum copiam solum eructet; nec tamen calor sit vsque eò vehemens, vt illos discutere queat, atque *ἀπαρξεν*, minimè salubris est habitatio: qualia loca magnis, ac frequentibus tonitruis, fulgetrisque infestari solent; quod in Latio, ac litorali Etruria euenire videmus: quam esse causam ferunt, cur olim Tusci Fulguralem scientiam præ cæteris nationibus calluerint. Oritur verò immoderatus hic æstus non tam ex percussu solis radiorum ad montes oppositos, qui à Septentrionibus Romæ imminet; quàm ab eiusdem aeris crassitie, quæ vehementiùs calorem concipit; & reflexu eorundem radiorum, qui in proximo mari, ac litore fit. Cùm enim à Meridiano, atque Occiduo cardine hæc regio solem aspiciat, reflecti radios introrsus necesse est, & quidem ad maximam diei partem; eoque validius, quò litus æquabilius est, atque arenosius: mare verò propter perspicuitatem, ac superficiei læuitatem ad radiorum *ἀνὰ καμψιν* tanquam speculum

*Eò magis noxij, quò noctes frigidiusculæ sunt.*

*Præsertim ob adiunctam aeris humiditatem.*

*Alberti Magni sententia.*

*Quenam loca magnis, ac crebris tonitruis, ac fulgetris infestari soleant.*

*Tusci olim rei Fulguris peritissimi, & quare.*

*Causa effectrix immodici huius æstus Crassities huius aeris. Reflexus solis radiorum in proximo mari.*



Cur reper-  
cussus horū  
radiorū sit  
validus, ac  
diuturnus.  
Conualles  
agri Lati-  
ni calorem  
acuumt.

lum accommodatius. Intendi præterea calorem  
credibile est ex frequentia harum conuallium, de  
quibus supra egimus, quæ multò magis, quàm  
memorati montes (longiusculè enim ij absunt) ex  
repercussu solis feruorem augent. Vt autem cla-  
riùs elucescat reflexionem solarium radiorum po-  
tissimam esse magnorum æstuum causam (quan-  
quam id lippis, ac tonsoribus notum est) illu-

Sus a æstuo-  
sissima

stri exemplo rem confirmabo. Susis (qua in vr-  
be olim reges Persarum hyemare consueuerant)  
adeò feruens æstas sentitur, vt comburat lacer-  
tas sub meridiano sole per apricum reptantes;  
ideoque incolas cogi ædificia superingesta humo  
ad binarum vlnarum crassitudinem contegere Stra-

Ob montes  
ad Septen-  
trionē im-  
minentes.

bo testatur. Id autem euenire propter montes ad  
Boream obiectos, qui partim frigidiores auras in-  
tercipiunt; partim ex reflexu radiorum solis eorū  
vim augent, ac conduplicant. Contra Carpetani  
montes (nunc *Sierra de Guadarrama*) qui Septen-  
trionem versus Madrìto obiacent, cū remotio-  
res sint, ac toto ferè anno niuosi, non modò ei ab  
calore non officiunt; sed potiùs frigidiusculis auris,  
quæ circa vesperam quotidie ferè illinc solent ex-  
surgere, non leuiter commodant; quam ob cau-  
sam, & propter aeris siccitatem, ac tenuitatem,  
æstus sanè pro regionis positu non admodum mo-  
lesti ibi sentiuntur. Septimo loco afferri potest

Septima  
causa A-  
quarum  
malitia,  
que tamen  
vitari po-  
test.

aquarum malitia, quæ in his regionibus non vbi-  
que sanè probæ existunt: fit enim plerunque, quod  
supra indicaui, vt quæ loca parum propitium ha-  
beant



beant cœlum, aquis etiam bonis minùs abundant. Sed quoniam non tanta hic est aquarum penuria ( vt inferiùs ostendemus ) vt deteriores etiam necessariò bibendæ sint, superuacaneum est antiquissimum rerum principium, si Thaleti credendum est, ac rem oppidò omnium vtilissimam, vt cum Pindaro loquamur, in societatem criminis cum aere isto tot modis infesto vocare. Aliquantò plus difficultatis, ac controuersia habere videtur quod nonnulli suspicantur magis, quàm affirmant, huius agri solum suapte vi halitus quosdam noxios, æstate potissimùm, remittere: in quam eos suspicionem adducit color quidam insolens ( vt ijs videtur ) nec passim obuius, quo cùm summa ipsius superficies, tùm inferior etiam pars infecta conspicitur: quod si ita esset, parum humana remedia profutura metuendum foret. Sed vt quod sentio liberè dicam, non arbitror sanè ita esse, nec vapores ascendere puto, nisi vbi cœnosa, palustria, aut aqua marina perfusa loca occurrunt, aut vbi Charonij quidam specus, vel aliqua mephitis à metallicis spirans venis exhalatur: nec alioquin colorem istius terræ ( quantum mihi videre licuit ) adeò insolitum adnotaui, vt non alibi sæpe saluberrimis in regionibus planè similem obseruauerim. Aliquantò subtiliorem indaginem meretur inferior huius soli natura extopha vt plurimùm, atque arenacea materia constans: in quo maximè dispiciendum videtur, an eiusmodi terræ species, accedentibus alijs noxiorum halituum causis, earum vim

Q

acuere,

*Color terre  
in hoc agro  
quibusdam  
videtur in-  
suetus.*

*Nō videri  
tamē hunc  
colore adco  
insolitum;  
nec credi-  
bile gra-  
ues halitus  
passim ex-  
halari.*

*Disquisitio  
de soli in-  
ferioris na-  
tura.*



*Tophus per se non videtur insalubritatem afferre.* acuer, atque augere possit; nam per se quidem tophum satis esse salubrem ostendit Etruriæ Pontificiæ mediteranea pars, cui ubique ferè tophus subest, & nihilominus saluberrima censetur; vt circa

Vrbem Veterem, Perusiam, & totum eum tractum: immò extra Ecclesiæ fines in Senensi; quod

*Iulij Mancini Commentarius MS. de rebus Senensibus.* Iulius Mancinus in Commentario inedito de rebus Senensibus ad salubritatem conducere existimauit; tale solum minùs vaporosum esse ratus. Quod si verum est, frustra dubitamus an propterea Latium

insalubrius sit; cùm vice versa salubritatem id augeat. Sanè non dissimulandum est (quod alicui mirum fortasse videbitur) etsi interdium quidem filices, aliaque saxa duriora intensissimum sub sole feruido calorem concipiant; noctu tamen refri-

*Tophus pertinaciter calorem noctu retinet magis, quàm filix.* gescere: contra tophum, arenosamque terram, licèt interdium non adeò vehementer solis radijs inardescat; multò tamen pertinacius in noctem calorem fouere: vnde fortasse euenit, vt cryptæ in huiusmodi solo excauatae æstate frigidissimæ sint.

Cardanus hoc ampliùs; non retinere tantùm, sed multum etiam concipere caloris tophum putauit; cuius rei causam affert, quòd suapte natura calidus sit: in quo meritò à Scaligero reprehenditur;

*Cardanus meritò à Scaligero reprehensus.* quanquam & ipse aberrasse à verò videtur, dum ait id euenire potiùs, quòd densus sit: cùm multò densior sit filix, immò omne aliud ferè lapidum

*Ipsius etià Scaligeri ratio improbat.* genus; qui minùs tamen pertinaciter calorem fouent. Probabiliùs igitur dici potuisset, non tam

celeriter à topho, quàm à filice calorem excedere,



re, quòd ille minùs suapte natura frigidus sit; nam propterea calidum dici non posse ex eo etiam liquet, quòd infra terram cryptarum aerem ambiens, vehementiùs quàm lapides eum refrigeret, aut certè frigidum conseruet. Vereor enim ne mihi non constem, si maiorem refrigerandi vim topho, quàm filici tribuam, qui hunc & densiorem, & naturali facultate frigidiorē statuerim. Verùm quomodo tophus, qui medium quiddam est inter lapidem, & terram (cùm sit densior terra, rarior verò lapide) calorem supra terram pertinaciùs retineat, frigus verò infra terram intensiùs foueat, altioris est indaginis: quodque penitus definiri nequeat, nisi probè cognita natura τῆς ἀντιπεριστάσεως; cuius contemplatio non est huius loci. Illud verò minùs intelligere me fateor, cur idem Scaliger acerrimi iudicij, atque incredibilis eruditionis vir pronuntiauerit, solum vliginosum maximis calibus suppeditare materiam; cùm certè vligo, & aqua ad terram, atque aerem refrigerandum potius valeat. Nunc illud quæri posset, an cùm experientia constet tophum æstate in multam noctem diurnum retinere calorem, conducibile id sit sanitati corporum, an aduersum: seu vt thesim potius, quàm hypothesim statuamus, magisne salubres sint æstate noctes calidiores, an frigidiores. Verùm in confesso esse debet, vt æstiuæ noctes frigidiusculæ, quales Romæ multò magis, quàm in Gallia Cisalpina, aut Florentiæ sentiuntur, ad quietem captandam commodiores sunt;

*Quid probabilius dici possit.*

*Tophus medium quiddam inter terram, & lapidem.*

*Scaliger asseruit vliginē soli augere calorem.*



Noctes æ-  
state nimis  
frigide in-  
salubres.

ita si nimium frigida forent, ob rationes supra po-  
fitas improbandas esse. Sed id quidem in tempe-  
ratis regionibus vix, aut rarò contingit. Mirum  
enim mihi visum fuit, cum Augusto mense Ma-  
drito Valentiam nocturnum iter in comitatu EMI-  
NENTISSIMI CARDINALIS BARBERINI ca-

Ubinā no-  
ctes perfri-  
gidas aut  
expertus  
sit.

In Lusita-  
nia æstiva  
noctes satis  
frigida.

Cuius etiā  
causa in-  
dagatur.

Scatebræ  
fontium in  
Lusitania  
tepidæ.

Lusitania  
valde are-  
nosa.

Discepta-  
tio de cry-  
ptis, ac pa-  
rietinis a-  
gri Roma-  
ni.

passerem, adeò frigidæ in Castella noctes exper-  
tum me esse, ut cum in trajciendo *Sarama* fluuiio  
scapham præstolarer, dum ad citeriorem ripam  
accederet, pedibus penè obrigescerem. Nam in  
Lusitania quidem, regione alioquin æstuosissima,  
perfrigidæ esse noctes æstivas nil mirum; cum id  
ab Fauonio longissimo tractu ab Oceano afflante  
euenire possit: quanquam, nisi pari forte sit Gal-  
laciæ, Aquitaniæ, & Mauritanæ maritima pars  
eidem mari obiacens, existimare possumus aliun-  
de hoc euenire; nimirum ex vaporibus ab ipsa  
met terra noctu surgentibus, quæ alioquin aquas  
in summo habere fertur; adeò ut fontium scatebræ  
ibi tepidiusculæ sint: quapropter haustam ex ijs  
aquam noctu refrigerant, ut fiat potui iucundior.  
luuat hanc coniecturam natura soli illius valde are-  
nosa, ideoque permeabilis; potissimum Transga-  
ganæ regionis, quæ propterea sterilior est. Po-  
stremò illud in disceptationem adduci posset (nam  
de hoc quoque affirmare nihil ausim) de frequen-  
tia cryptarum, cauernarumque quæ circa Ro-  
mam sunt (eademque ratio est veterum parietina-  
rum, quamuis pleræque hodie defecerint) in qui-  
bus aer inclusus faciliè corrumpi posse videtur, ac  
proximum



proximum porrò inficere. Credidisse hoc videtur grauis in primis, ac nobilis scriptor Otho Episcopus Frisingensis Friderici primi patruus, & Cisterciensis monachus, qui vbi de aduentu Imperatoris ad Urbem tradit, inter alia hæc scribit. *Iam tempus imminebat, quo Canis ad morbidum pedem Orionis micans exurgere deberet. Et vicinis stagnis, cauernosisque, ac ruinosis circa Urbem locis, tristibus erumpentibus, & exhalantibus nebulis totus vicinus crassatur aer ad hauriendum mortalibus lethifer, ac pestilens. Urgebatur hoc incommodo in Vrbe ciuis, hoc tempore ad montana consuetus fugere: in castris miles tanta desuetus aeris intemperie &c.* Ex quibus cognosci potest Othonem existimasse partim ob propinquas paludes, partim ob cauernas, veterumque ædificiorum squalentes, ac semidirutas cameras, quibus aer conclusus putrescit, insalubrem eum fieri. Verùm hoc loco notandum est, Cauernas propriè esse cauitates terræ non admodum profundas, latasque; Cryptas verò profundiores specus, vt Arenarias, de quibus supra diximus. Et quidem superuacuum meo iudicio sit, huiusmodi cauernas à cryptis, quibus adde si lubet Antra, ac Speluncas, distinguere: cùm eadem ferè aeris qualitas sub terram conclusi hic, aut illic esse videatur. Alia tamen ratio esse potest parietinarum supra terram extantium; in quibus qui intercipitur aer, faciliiori negotio fortasse corrumpitur. Sanè qui huiusmodi arenarias cryptas non semel introgressi sunt, differtè testantur nulla in eis foeda animantia, non halitus

Otho Frisingensis perniciatiles eas esse cēsit.

Quid differat Cauernæ à Cryptis.

Cur cryptarū aer existimandus sit minime putridus, ac pestilens.



halitus grauiores , aut aquarum colluuiem , aut quippiam tetrius , atque insuetius occurrere ; sed omnia fermè sicca , & pura , & ( quod mirum maximè videri debeat , cùm in modicis his vinarijs cryptis contra sit ) nec æstiuo tempore aerem

*Idē valde  
temperatus  
cognoscitur.*

perfrigidum , nec hyberno nimium calidum deprehendi . Cuius rei causam non deerunt fortasse , qui ex Physicis principijs inquirant ; mihi enim sufficit , vt rem à fide dignis accepi , simpliciter attulisse . His igitur ita se habentibus non vsque adeò pestiferum esse crediderim aerem in cauenosis huiusmodi locis interclusum : præsertim cùm

*Christiani  
veteres  
persecutio-  
num tem-  
pore satis  
tutò ibi de-  
gebant.*

*Sed inter-  
diu ferè ,  
non noctu .*

Christiani veteres , sæuiantibus τῶν εἰδωλολατρῶν persecutionibus , diutissimè hic degere consueuerint .

Etsi tamen , vt verum fatear , interdium tantùm his latebris eos vsos puto ; cùm propter immensam

Vrbis magnitudinem , ac frequentiam noctu apud familiares suos in suburbanis , immò vrbis etiam

domibus tutò latitare potuerint . Verumtamen ,

vtut sit , harum parietinarum , cryptarumque eam

esse vim , ac malignitatem , vt notabiliter aeri offi-

cient in tanta regionis latitudine , haud facilè mi-

*Aliæ cau-  
se extra  
ordinem ,  
quæ cultoribus  
agri  
Romani  
obsunt .*

hi persuadeo . Sequuntur eæ rationes , quæ non

tam regionem pestilentem , atque inhabitabilem

reddunt , quàm id efficiunt , vt eius cultores du-

rare ibi planè non possint . Mitto desertionem

ipsam agrorum , ac vastitudinem vnā ex potissimis

causis esse , cur hæc ipsa regio deterior fiat :

etsi id quoque ab hisce causis maximè efficitur ;

hoc enim ad vltimam huius sermonis partem pro-

priè



priè pertinet, in qua de remedijs agemus. Aio igitur, non tantùm quia huius agri constitutio partim natura, partim euentis infalubrior est, lethali-  
 bus, ac difficillimis morbis eius incolas implicari; sed alijs etiam de causis aliunde petitis. Primùm enim homines, qui has terras colunt, omnes ad vnum sunt aduenæ, atque ex longinquis locis, ijsque saluberrimis, maximaque ex parte montanis; quæ longissimo interuallo, multisque differentijs ab hoc tractu distant: scilicet frigoris, & caloris; situs montani, & campestris; & consequenter aeris tenuis, ac crassus; soli sicci, atque humentis; ac demùm positionis mundi, illic quidem propiùs ad Septentrionem, hic remotiùs: quapropter vix vnquam huic regioni affluescunt: ab insuetis verò plus noxæ fieri peruulgatum est. Deinde miseris hisce agricolis omnia penè sunt aduersa: nam cum in agris opus faciunt, sine requie vlla laborant, ac totos dies in sole consistunt; rarò occurrentibus tectis, aut antris, ac rarissimè arboribus, sub quibus meridianos æstus vel paululum deui-  
 tent. Iam verò casæ illæ agrestes maxima ex parte malè materiatae, nec optimis locis positæ exiguum præstant aduersus cœli iniurias præsidium: tùm verò nullis cameris intus suspensæ, & rarò hypogæis excauatæ, æstiuos ardores, qui vehemētissimi hic sunt, vix leuiter arcent; atque humi plerunque cubantibus haud sanè tutum noctu cubile præbent. Quid verò de ijs dicam, qui sub dio nocturnam quietem capiunt? quæ cum parum  
 tuta

*Cultores  
huius agri  
omnes ad-  
uenæ, & sa-  
luberrimis  
locis adfue-  
ti.*

*Aliæ ad-  
uersitates  
horum ho-  
minum.*

*Casæ agre-  
stes malè  
materiatae.*

*Æstiuo ca-  
lores in  
hoc agro  
vehemen-  
tissimi.*



*Subdialis* *tuta* ubique sit, tùm multò infestior humilibus,  
*culatio quā* *atque* humentibus locis, ac præsertim

*perniciosa;*  
*maximè*  
*his locis, &*  
*cum Luna*  
*lucet.*

*Cum* suos ignes cocunte cornu

*Iunxit, & curru properante pernox*

*Exserit vultus rubicunda Phæbe.*

Ex dictis igitur satis constare arbitror, ea quæ circumfusam Romæ regionem morbosam, insalubremque reddunt, partim congenita, atque à natura insita illi esse; vt tolli non possint; partim aduentitia, ac separabilia. Quæ cum ita se habeant,

*Ex supra-*  
*dictis in-*  
*fertur agrū*  
*Romanum*  
*nec omni-*  
*no insalu-*  
*brem esse,*  
*nec valde*  
*salubrem;*  
*talem ta-*  
*men, vt di-*  
*ligentia ad-*  
*hibita tuto*  
*coli, habi-*  
*tarique*  
*possit.*

exploratumque sit antiquis temporibus nullum penè terrarum angulum tam benè ædificatum, ac frequenter habitatum fuisse vt regionem hanc nostram; illud necessario sequi videtur, eam non esse vsqueadeò morbosam, ac pestilentem, vt prorsus sit inhabitabilis existimanda; nec rursus adeò salubrem, vt cum Italiæ plerisque conferenda sit: tutam tamen, & quouis tempore, & cuiusvis sexus, ætatis, & conditionis hominibus accomodam, si diligentia accedat, eaque fiant quæ pristinum statum, ac formam, ex parte saltem, ei reddere possint.

*Prepara-*  
*tionibus o-*  
*pus esse nec*  
*immensis,*  
*nec nimium*  
*sumptuosis.*

*Gradus*  
*quidam bo-*  
*nitatis aeris.*

Quibus perficiendis nec intolerabilem laborem, nec infinitos sumptus, nec immensam operarum multitudinem, nec longissimum tempus requiri, satis etiam, opinor, ex infra dicendis manifestum erit. Sed priùs constituendi videntur quidam gradus bonitatis aeris, ac locorum; quò res comparatione, & exemplis illustrior fiat; vt quoto reponenda sit hæc regio faciliùs æstimare possimus. Primus est saluberrimi, ac tempe-



temperatissimi, atque omni prorsus vitio carentis; in quo homines & diutissimè viuere, & vitalia munera iucundè, atque εὐμαρῶς explere possunt: in quo Fesulas, exempli causa, apud Tuscos ponimus; Pausilypum, & Stabias apud Campanos. Secundus est in quo nulla notabilis grauitas, aut qualitas bonæ valetudini officiens deprehenditur, vitæque cursus ordinarius est; vt Bononiæ. Tertius vbi coelum iam est vel iusto humidius, aut calidius, aut frigidius, aut alia eiusmodi qualitate supra modum afficitur, vt aliquantum humanæ vitæ incommodet; quemadmodum inter Bononiam, ac Ferrariam; vt in Alpium vallibus; vt in Apuliæ Dauniæ campis. Quartus vbi præ nimio alicuius qualitatis excessu morbi periculosi, ac difficiles existunt, ex quibus nonnulli pereunt, compluresque habitu fiunt morbofo, & languido; vt Ferrariæ, proximisque locis inter Padi ostia. Quintus vbi iam insignis est coeli grauitas, ac lues, quæ plerosque malignis febribus perimit, aut morbis insanabilibus implicat; licèt cum aliqua cura nonnulli tutò ibi degere possint; vt circa viam Appiam, & Ostiam. Huic classi adscriberem insulam quandam Australem Gulielmi Schutteni nauigationibus paucis abhinc annis detectam; ad quam cùm Bataui appulissent, omnes incolas peculiari aliquo morbo, aut vitio affectos deprehenderunt; vt nihil deformius, aut monstrosius fingi potuerit: hunc enim gibbum, hunc ventriosum, hunc varicosum, hunc distortis oculis, hunc gutturosum, hunc tu-

*Insula Australis, cuius omnes incole morbofi, ac deformes.*

R

mentibus



mentibus buccis visos fuisse ; & cætera ad hunc modum . Sextus , & ultimus vbi iam locus est pestilens , ac planè exitiabilis , atque omnes ferè breui intereunt ; vt circa Aquileiam , & apud

*Quotogra-  
du olī fue-  
rit ager  
Romanus.*

*Montem Altum* in Tuscis . Ex his facilè tertium gradum antiquis temporibus obtinere potuisse agrum Romanum existimo : & nunc etiam non

*Falso qui-  
dā credunt  
naturā hu-  
manā pror-  
sus senio  
effætam  
esse.*

*Citra ali-  
quot sæcula  
homines  
imbecillio-  
res, ac bre-  
uioris vitæ  
sunt.*

immensis molitionibus ad eundem statum paulatim posse reduci . Nec enim credendum est naturam ipsam humanam eousque senio effætam , ac fatigatam esse , vt minimè sub eo cœlo durare possimus , vbi veteres sine periculo , noxaque degebant . Vt enim concedam aliquot abhinc sæculis breuiori spatio humanæ vitæ curriculum definiri cœpisse ; hominesque partim imbecilliores , partim breuioris staturæ iam nasci ( quod minimè ambigendum videtur ) ex multis tamen indicijs deprehendere licet , præsertim ex ossium mensura in antiquis sarcophagis repertorum , & eorum compluribus Inscriptionibus ( in quibus quantum quisque vixerit , more tunc passim recepto , adnotatum videmus ) nihil , vel perparum ab Augusti

*ACHRI-  
STI DO-  
MINI tē-  
poribus hu-  
manæ vitæ  
cursus , &  
mensura  
corporum  
vix dimi-  
nuta.*

*Ratio de-  
sumpta ab  
indivaniis.*

Imperio, quo CHRISTVS DOMINVS natus est , ad hanc vsque ætatem diminuta corporum amplitudo , aut humanæ vitæ cursus contractus cognoscitur . Quod ita esse , etiamsi omnia quodammodo in peius ruere , ac retrò sublapsa referri exploratum sit , minùs mirum videri debet . Etenim sicut homines videmus , cùm à virili , ac florida ætate in senium declinant , siue canescentibus capillis , siue



siue cute in rugas subidente, paruo tempore magnam subire mutationem: postquam verò iam senilem habitum, & κατάσασιν ceperint, aliquot annorum interstitio eundem aspectum, atque ætatis tenorem propemodum præferre; ipsis viribus vix, aut parum decrefcentibus, tametsi sensim immutentur: ita planè magno huic mundo, totique hominum generi euenire credendum est; cumque iam ad senectutem suam peruenerit, latenter, atque ἀκαταλήπτως immutari. Quocirca stultè faciunt qui verentur nec ad excolendum hunc agrum, quem ipsi prorsus damnabilem, ac pestilentem sibi fingunt, vltos iam homines idoneos repertum iri. Nec item audiendi sunt, qui nihil nisi de visu, ac mensura animi sui æstimantes, de antiquitate perperam iudicant; nec faciliè admittunt quæ de magnis veterum operibus prædicantur: nec qui versa vice de nostris temporibus tam angustè sentiunt, vt si quod opus magnificum ab antiquis ædificatum proponitur, continuò exclament nec omnium hodie Principum vires ad simile faciendum suffecturas; perinde ac si huiusmodi opera à Gigantibus essent ædificata, aut à laruis, ac dæmonibus (vt ignarum vulgus non in Italia tantum, sed alibi etiam ridiculè putat) ac nos è genere Pygmarum essemus. Apage huiusmodi nugas, ac peruersa iudicia. Faceffant procul etiam qui omnia metunt: omnia desperant: omnia noua, aut ἐκ τῆς παλαι repetita, fictitia, ac chimærica appellant: qui nihil fieri posse putant, nisi quod quotidie fieri vident.

*Attilus ad senectutem peruenit.*

*Minimè audiendi qui desperant vltos tam repertum iri idoneos his agris frequentâdis.*

*Nec qui antiquitati parum fauent, aut rursus nimium tribuunt.*

*Nec qui omnia metunt.*



*Proponun-  
tur difficul-  
tates in re  
nostra oc-  
currentes.*

vident. Quos ut refellamus, videamus quænam potissimum difficultates in re nostra sese obijciant; & an vlla ratione tandem expugnari queant.

*Quod pri-  
mi qui hæc  
loca ingre-  
diuntur ma-  
lignitati  
aeris resi-  
stere ne-  
quibunt.*

*Quod non  
reperientur  
qui velint  
tâto peri-  
culo se ex-  
ponere.*

*Quod ar-  
gum sit tã-  
tam multi-  
tudinem,  
qua frequen-  
tandis his  
agris suffi-  
ciat, repe-  
rire.*

*Primū ex-  
ponendum  
quo ordine  
preparatio-  
nes locorū  
faciendæ  
sint; tū ad  
difficultates  
propositas  
respondēdū.*

Principiò cum indubitatum sit nullum esse præstantius remedium huic regioni sanandæ, quàm tectorum ædificationem, & deductionem colonorum (quorum vel sola frequentia, atque ignes domestici aerem purgare possunt, ac meliorem efficere)

primi inquit, qui hæc loca ingredientur, miserabiliter occumbent, nec malignitatem aeris euincere poterunt; atque idem fiet de secundis, de tertijs, alijsque: quare hæc difficultas erit inexplebilis. Secundò vndenam homines euocabuntur vel adeò sui negligentes, vel confidentes, ut

tanto cum periculo hæc resqua, ac deserta velint excolere? Aliorum scilicet exemplo docti cauebunt, si sapient, ne Caniculæ sydyus eos hic op-

primat. Tertiò quibusnam ex locis tantam multitudinem cogemus, quæ tot incultis, ac squalentibus locis sufficiat? nam si particulatim vacua hæc loca complere velimus, non poterit à paucis regio probè purgari: non exiccari paludes: non syluæ collucari: non ea denique fieri, quæ miti-

gare aerem possunt. Hæ sunt igitur difficultates, hi scopuli, quos ineuitabiles quidam sibi persuadent: quibus ut respondeam, exponam primū qua ratione administranda mihi videatur harum regionum προπαρασκευῇ, quoue ordine in his operibus procedendum sit: tū si quæ manebit difficultas, pro ingenij mei captu ei satisfaciam. Ac

primū



primùm eo posito, quod ambigendum non est, naturam locorum, ac situm nulla humana vi mutari posse; nec effici, exempli gratia, ut cœlum hoc Romanum sit constantius, ac magis æquabile; nihilo minus affirmo hominum manibus, atque industria, & sumptibus non immodicis ad pristinum statum reduci posse; fierique hanc regionem prorsus habitabilem, ac tutam. Primùm ergo paludes, ac stagna ductis in mare fossis quàm diligentissimè siccabuntur, ut nihil pigræ, ac marcentis aquæ, si fieri possit, intus remaneat: complanatis etiam depressioribus locis, aggestaque terra ubi opus erit. Non nimium magna id molitione fiet, præterquam circa Pontinas paludes: reliquæ enim nec sanè prægrandes sunt; aut à mari, ac fluuijs sic remotæ, ut non facilè deriuari possint. Maius sine dubio negotium erit in Pontinis; de quibus satis causæ esse videtur ut fusiùs agamus, earumque situm describamus, quantum ex eorum qui viderunt relatu, & Chorographicis chartis colligere potuimus. Pontina igitur palus (siue Pomtina, nam à Pometia celebri olim Volscorum vrbe dictam nonnulli putant) planitiem satis magnam occupat veteris, ac noui Latij, quod magna ex parte Volscorum fuit: in longum enim triginta circiter miliaribus extenditur à Tribus Tabernis (quas ferè ubi nunc Cisterna est Cluuerius fuisse docet) ad Tarracinam vsque; in latum verò à mari introrsus, ubi latissima est, octo passuum millia propemodum patet. Eius pars quæ in mare longiùs procurrit, subiecta est Circeo monti satis edito, qui

*Naturalis  
locorū con-  
stitutio mu-  
tari nō po-  
test.*

*Primū opus  
preparato-  
rium Palu-  
dum desic-  
catio.*

*Nō magno  
labore id  
prestatitur  
præterquā  
in Pontino.*

*Accuratior  
descriptio  
Pontinarū  
paludum.*

*Longitudo  
XXX.  
miliarū.*

*Latitudo  
VIII.*



*Circeius  
mons insu-  
la fuit Tro-  
ianis tem-  
poribus.*

qui peninsulam facit: quæ quidem Troianis tem-  
poribus insula fuisse perhibetur, vt ex Homero  
collegere multi, atque in his Varro apud Seruium.  
Locus, vt olim à Circe nobilitatus (quam in  
eius vertice Regiam habuisse in fabulis habetur)

*Multiplicē  
herbarum,  
copiā edu-  
cat ad rem  
medicam,  
conducētū.  
Nomina  
præcipuorū  
fluminum  
Pōtinas pa-  
des lun-  
fluentium.  
Qualis olī-  
harum pa-  
ludum sta-  
tus.*

fic hodie multiplici herbarum genere, quæ in va-  
rios rei medicæ vsus à rhizotomis conquiruntur,  
famam obtinet. Influunt in hanc paludem, eam-  
que efficiunt Nymphæus fluuius, nunc *Ninfa*, qui  
potius riuus dicendus esset: vterius Amasenus su-  
pra Priuernum incipiens: mox Vfsens, hodie etiam  
*Aufente* dictus: alijque riui, ac minores fluuij.  
Huius tractus antiquissimis quidem temporibus in-  
firmam tantum, ac proximam Circeijs partem aquis  
contectam fuisse, atque ijs profundis, verisimile  
est; cætera sicca, aut stagnantibus aquis immu-  
nia: alioqui non video quomodo ea, quæ à Pli-  
nio ex Mutiano afferuntur de viginti tribus vrbi-  
bus, quæ olim hic erant, congruere possint cum  
Homeri testimonio, qui Circeios mari circumda-  
tos prodidit. Vtunque se res habeat, posteriori  
etate exaggeratis limo eorum fluuiorum ostijs, eo-  
que restagnantibus aquis palus excreuisse, ac di-  
latari cœpisse videtur. Scimus hanc sæpius fuisse  
exiccata tam ad lucrandos agros, qui demersi  
nulli vñui sunt, quàm ad noxium aerem, qui vt  
supra diximus, inde ab Austris Romam infertur,  
propulsandum. Cæterum à nemine in totum id  
præstitum videtur; nec fortasse natura loci id pa-  
titur. Antiquissima huius rei memoria extat ab

*Sæpius à  
multis de-  
siccata, sed  
nō penitus.*

Anno



Anno V. C. DXCI. quo, ut ex Liuij Epitome constat, Pontinae paludes à Cornelio Cethego Cos. cui ea prouincia euenerat, siccatae, agerque ex ijs factus. Iulius Caesar dehinc, quo nemo magnificorum operum studiosior fuit, easdem vel siccare molitus est, ut Plutarchus in eius vita prodidit; vel certè destinauit, ut Suetonius cap. XLIV. scribit. Aggressus postea id felicius est Augustus Caesar, qui magnam earum partem deficasse videtur: quò pertinent versus Horatij.

*A Cornelio Cethego Cos.*

*Iulius Caesar idē efficere vel incipit, vel destinauit.*

*Augustus Caesar eas deficauit.*

*Debemur morti nos, nostraque, siue receptus  
Terra Neptunus, classeis Aquilombus arcet,  
Regis opus: sterilisue diu palus, aptaque remis  
Vicinas urbeis alit, & graue sentit aratrum:  
Seu cursum mutauit iniquum frugibus annis.*

Ad quem locum vetus Interpres hæc habet.

*Diuus Augustus duas res diuinas fecit, ut Pontinam paludem exsiccaret, & ad mare meatum habere cogeret, ut postea arari posset: deinde portum Lucrinum munuit. Post Augustum an alij Romani Principes idem opus præstiterint incertum; quando nihil de hoc produnt Autores: nisi quòd Traianum per eas viam strauisse Dio Cassius refert. Τα ἔλη, inquit, τὰ Ποντῖνα ὁδοποιήσε λίθῳ καὶ τὰς ὁδὸς παροικοδομήσας καὶ γεφύρας μεγαλοπρεπείας ἐξποιήσε. hoc est, per Pontinas paludes viam saxo strauit, extruxitque iuxta ædificia: pontesque magnificentissimè fecit. Posteriori ætate Theodoricus Gothorum Rex excelsi animi Princeps, & veterum æmulator, obliuio tempore iniuria fossis, & fluminum faucibus*

*Traianus per Pontinas paludes viam strauit.*

*Theodoricus Gothorum Rex easdem siccauit.*



bus aggestione terræ obstructis, suggerente Decio quodam; viro Patricio, denuò hoc opus refecit; ut constat ex Cassiodoro lib. II. epist. XXXII. & XXXIII. quod confirmat etiam vetus Inscriptio Tarracinæ reperta, quamvis magna ex parte vetustate oblitterata, quam non abs re duxi huc inferere.

DN. GLORIOSISS. ADQ. IN  
CLVTVS. REX. THEODORICVS. VICT  
AC. TRIF. SEMPER. AVG. BONO. REIP.  
NATVS. CVSTOS. LIBERTATIS. ET  
PROPAGATOR. ROMANI. NOMINIS  
DOMITOR. GENTIVM.

DECENNOVII. VIAE. APPIAE. ID. EST. A. TRIP.  
VSQ. TERRACENĀ. ITER. ET. LOCA. QVAE  
CONFLVENTIBVS. AB. VTRAQ. PARTE. PALVDVM  
PER. OMNES. RETRETRO. PRINCIPVM. INVNDAVERANT  
VSVI. PVBLICO. ET. SECURITATE. VIANIVM  
ADMIRANDA. PROPITIO. DEO. FELICITATE  
RESTITVIT. OPERI. INVICTO. NAVITER. INSVDANTE  
ADQ. CLEMENTISSIMI. PRINCIPIS. FELICITER  
DESERVIENTE. PRAECONIIS. EX. PROSAPIA. DECIO  
RVM. CAEC. MAV. BASILIO. DECIO. V. C. ET. INL.  
EXPF. VRB. EXPPO. EXCONS. ORD. PAT. QVI. AD  
PERPETVANDAM. TANTI. DOMINI. GLORIAM. PER  
PLVRIMOS. QVI. ANTE. NON. ERANT. ALBEOS. . .  
. . . . . DEDVCTA. IN. MA  
RE. AQVA. IGNOTAE. ATAVIS. ET. NIMIS. ANTIQVAE  
REDDI



REDDI .....

.....

.....

.....

Porro Decennouium inferiori sæculo fluuium ipsum Vſentem incolæ appellarunt ( vt ex Procopio Gothicorum libro primo docet Cluuerius ) quòd vndeuginti milliarium ſpatium ſupra Tarra- cinam conficiat. Poſt Gothorum tempora ad no- ſtram vſque memoriam, an aliquis præter Sixtum V. aggreſſus hanc molitionem fuerit, dicere pla- nè non poſſum; quando librorum penuria valde laboramus: nec alioquin otium nobis ſuperfuit eos, vnde hæc haurire poſſemus, ſtudioſius conquiren- di, euoluendique. Verùm inter alia egregia ope- ra Nicolaum V. id aggreſſum fuiſſe ab EMINEN- TISSIMO DOMINO FRANCISCO CARDINA- LI BARBERINO accepi; cuius inter tot ardua negotia, quæ aſſiduè illum ſolicitem habent, non poſtrema cura, eſt recondita etiam, ac paucis no- ta, nedum obuia, ac protrita ſolerter rimari; at- que omnifaria eruditione capaciffimum rerum omnium pectus inſtruere. Denique patrum noſtro- rum ætate Sixtus V. Pont. Max. Princeps ànimi magnitudine nulli ſecundus, & ipſe pariter huius paludis exiccandæ prouinciã ſuſcepit, & aliqua ex parte perfecit. Verùm, vt quod dicebam ma- gis eluceat, nunquam penitus has paludes fuiſſe de- ſiccatas; notandum eſt multos veterum ſcriptorum

*Quid ſit  
Decennouium  
in hac In-  
ſcriptione.*

*Nicolaus  
V. proano-  
ru noſtrorum  
ætate Pon-  
tinas palu-  
des ſiccare  
aggreſſus  
eſt.  
FRAN-  
CISCI  
CARDI-  
NALIS  
BARBE-  
RINI eru-  
ditio.  
Sixtus V.  
poſtremo i-  
dem opus  
aliqua ex  
parte per-  
fecit.*

S

earum



Ex eo estē-  
ditur nun-  
quam has  
paludes de-  
fuisse, quod  
plurimi  
scriptores  
earum me-  
minerint.

Strabo ad  
vsum de-  
scribit in  
Pontinas  
paludes.

Horatius  
fossa navi-  
gabilis Pō-  
tino memi-  
nit.

Appia via  
in Pontino  
nō amplius  
frequentan-  
tur.

An palu-  
des Ponti-  
ne penitus  
exiccandæ  
sint.

earum meminisse: ut Vergilius, qui Saturæ palu-  
dem nominat ( ut rectè Cluverius affirmat ) lib.

VII. Quà Saturæ iacet atra palus &c. Iuuenalis Sat.

III. Lucanus lib. III. Martialis lib. X. epigr. LXXIV.

Vibius Sequester, Plinius, Seruius, alijque. Opti-  
mè verò, ut solet, eius situm, ac positionem de-

scribit Strabo his verbis. Πλησίον δὲ τῆς Ταρρακίνης βα-  
δίζοντι ἐπὶ τῆς Ρώμης παρὰ βέβληται τῇ ὁδῷ Ἀππία. διώρυξ ἐπὶ  
πολλὰς τόπας πληρημένη τοῖς ἐλαίοις τε καὶ ποταμίους ὕδασι. πλεί-  
ται δὲ μάλιστα νύκτωρ ὥς ἑμβάντας ἐφ' ἑσπέρας ἐκβαίνων πρῶτας  
καὶ βαδίζων τὸ λοιπὸν τῇ ὁδῷ τῇ Ἀππίᾳ. ἀλλὰ καὶ μεθ' ἡμέραν  
ρύμμελκεται δι' ἡμιόνων. hoc est. Propè Tarracinam, quā

Romam itur, adiacet oblonga fossa palustribus, ac flu-  
vialibus aquis plena, per quam noctu potissimum nauiga-  
tur, ut qui sub vesperam conscendunt, manè egredian-  
tur, & reliquum terrestri itinere per Appiam conficiant:  
ceterum interdiu etiam ducentibus mulis remulco navi-

gatur. Meminit huius fossæ Horatius Sat. V. lib. I.  
qua festiuè iter suum à Roma Brundisium descri-  
bit: ex quo intelligitur à Foro Appij ad Lucum Fe-  
roniæ XV. passuum millibus protensam fuisse.

Hodie verò corruptis vetustate itineribus, atque  
Appiæ viæ tramite multis in locis derelicto, non  
amplius per paludes transitur; sed altiori itinere  
per montes à Cisterna Sulmonem Caietanorum  
Ducum oppidum, atque inde aliquot mansionibus  
in viam Appiam propè Tarracinam reditur.

Num igitur, inquiet aliquis, Pontinas paludes,  
quibus exiccandis antiquorum potentia non suffe-  
cit, multò nunc minoribus opibus iam erunt de-  
siccandæ,



ficcandæ, vt Latio, atque Vrbi æstiuo tempore consultum sit? Respondeo etiam si scriptores minimè tradant qua fini exiccata olim fuerint ab Augusto Cæsare primùm, deinde à Theodorico Rege Pontinæ paludes; attamen verisimile esse eatenus stagnantes in ijs aquas egestas fuisse, quâ longiùs à fluminibus distat, vix, aut nunquam ab ijs refrigerabantur: sed potiùs hæc, atque illac, quâ concaua, depressaque loca occurrerent, seorsim putrescebant: nec necesse fuisse, aut hodie esse omnes eas aquas quæ stagnum efficiunt emitti, & corriuari; sed eas tantùm, quæ vel occultis venis scaturientes exitum non reperiunt, vel imbribus coaceruantur, vel certè quas fluuij excrescentes longiùs ab alueis suis humilibus in locis deponunt: quæ postea fluuijs ipsis subsidentibus, ob altius solum intermedium, in cœnosis lacunis putrescunt; aut cum grauibus, ac *θολεραῖς ἀναθυμιάσει* æstate exarescunt. Quantum verò ex tabula quadam Chorographica huius regionis apud humanissimum, cordatumque virum Petrum Benesium colligere licet, flumina quæ olim in stagna litori adposita ( quæ quatuor præcipua comparent in longum porrecta, atque inter se faucibus quibusdã peruia ) è montibus fluebant, lucrandorum agrorum causa, commutato cursu per nouos alueos in mare feruntur inter Circeios, ac Tarracinam. Verùm ne quis existimet ijs operibus, quæ Sixto V. Pont. Max. administrata sunt, quidquam ad Latini cœli bonitatem effectum esse; sciat à priuatis redemptoribus (per

*Quatenus  
desiccando  
videantur.*

*Tabula  
Chorographica  
Petri  
Benesy.*

*Opera Sixti V. temporibus in Pontino effecta ad salubritatem aeris nihil profecerunt.*



*Obfrandes, ac sordes redemptorum.* quos, non per publicos mancipēs res gesta est) dum suum quisque compendium sequitur; nec tantum agros lucrari studet, sed ex piscatu quoque

loculos implere, coercitis passim cataractarum quarundam obice fluminum alueis, magnam terrarum portionem, quæ deficcanda erat, aquis adbruissē: ac fortasse vice versa ritos, canalesque ab ijs locis auertissē, quæ cū æstate non penitus ficefcent, præstabat potiùs inductis perennibus

*Prinatorū questus sepe publice nocet.* aquis cooperiri. Quare priuatus quorundam questus communi vtilitati, vt euenire solet, non leuiter incommodauit. Quod vt à peritis, ac fide dignis accepi, eò retuli, vt quantum huic generi hominum partim indocto, partim auidiori, certè de gloria, ac publica vtilitate minùs sollicito in

*Principes huiusmodi mercenarius nimium fidei re nō oportet.* huiusmodi molitionibus adhibendum sit fidei, Principes hoc documento intelligant; atque vt magis elucescat magnis hisce operibus nullum esse maius obstaculum, quàm auaritiam, ac sordes. Sed hæc exactiorem quandam *τοῦτοδεσία*, inmodò diligentem ipsorum locorum inspectionem desiderant; si quis rectum proferre iudicium velit de harum paludum natura, situque, atque operibus, quæ ibi fieri possent. Veruntamen in vniuersum statuendum videtur, vt quæcunque paludum partes à fluentibus aquis seiunctæ refrigerari, ac subinde renouari nequeunt, omnino si fieri possit desiccantur; conuectaque terra compleantur, ne rursus lacunas efficiant. Stagna verò profundiora, amplioraque, quæ siccare penitus nequibunt, quantum plurimum

fieri



fieri poterit, contrahantur; & quacunque copia erit, perennes à fluminibus, ac riuis aquæ inducantur. Circa Urbem verò tantò diligentius id fiat, quantò propinqua, quàm longinqua pestis perniciosior. Iam verò cùm salinarum propinquitas vsque eò pernicialis sit, vt supra ostensum; optimum quidem foret in tota hac Romanensi regione nullas esse: quod si carere ijs non possumus, nec tam certum lucrum agri sanandi gratia despiciendum ducimus; proximum est, vt quàm longissimè, si fieri possit, Ostienses hasce transferamus: puta circa Tarracinam, aut Circeios in Pontino litore; vbi fortasse opportuni situs copia non deerit. Quoniam verò ab vsque eo tractu flantibus Euronotis pestilentes halitus Romam peruenire possunt, haud futile remedio, ni fallor, huic malo occurremus, si iuxta easdem salinas Urbem versus procerarum arborum sylvam, maximè pinorum, obseremus: exaggerata etiam, si opus fuerit, quàm altissimè terra ad eam latitudinem, quæ aliquot arborum ordinibus sufficiat; vt multò efficacius ab exitialium ventorum flatibus illinc surgentibus non Latinus ager tantum, sed Roma quoque ipsa protegatur. Atque hanc quidem pineti consitionem secundum citeriorem paludum Pontinarum limitem, tametsi nullæ ibi salinae extruerentur (modò tamen reliqua opera non omittantur) vtique faciendam existimarem: eaque ratione omnem ferè illarum noxam cessaturam: præsertim cùm eiusmodi materia ad tot, tamque multiplices

vsus



vsus expetatur . Sequitur opus huic contrarium ;  
 sed non minimæ profectò vtilitatis, ideoque omni  
 ratione perficiendum : sylvarum nimirum exci-  
 sio , quæ maximam partem horum litorum occu-  
 pant ; nec exiguo sanè aeris detrimento : quippe  
 non tantum ventorum liberum perflatum impe-  
 diunt , sed solis radios magnoperè præpediunt :  
 unde frequentes lamæ, lacunæque cœnosæ depres-  
 sis, condensisque locis existunt, quæ non minimam  
 partem coeli huius grauitatis ferunt : vt appositè  
 omninò Albertus affirmauerit inter magnas syluas  
 aerem spissum , ac suffocatum reperiri : ideoque  
 interiectas ijs terras parum commodas esse , quas  
 ideò succisione sylvarum ab antiquis purgari con-  
 sueuisse . Nec ideò tamen necesse erit omnes  
 omnino syluas radicitus extirpare ; sed hic , atque  
 illic sparsim : ac ferè vbicunque cœnosa loca sese  
 obijciunt . Interim vt in Urbis vsum ligna suffi-  
 ciant , seruari hic modus poterit ; vt emundato  
 priùs à dumis , ac virgultis solo , arbores dumta-  
 xat interlucentur, hoc est vbi densiores sunt, suc-  
 cidantur ; nonnullæ solo tenus , reliquæ ad homi-  
 nis altitudinem cædantur, ex ijsque fiant syluæ cæ-  
 duæ capitatae , sicut apud nos in Etruria ; vbi so-  
 lent quercus eo modo amputatas relinquere , vt  
 iuxta incisionem cum pullulauerint , validissimos  
 in gyrum furculos , cæteris defractis , crescere si-  
 nant : ij mox septenum, vel octonum annorum spa-  
 tio cum adoleuerint, ad brachij ferè crassitudinem  
 eodem modo circa eum locum defecantur ; atque  
 ita

*Aliud opus  
 huic adne-  
 ctitur Syl-  
 varum exci-  
 sio .*

*Quæ mul-  
 tisariam  
 salubritati  
 officiant .*

*Non tamē  
 prorsus ex-  
 cindenda .*

*Arborum  
 interluca-  
 tio .*



ita sylua rursus emundatur. Quæ culturæ species, *Hæc cultura species salutaris simul, ac lucrosa.*  
 si in his Latij, ac Tusciæ maritimis syluis vsurpetur, non tantum ad aerem depurgandum salutariter cedit, sed etiam ad lucrum ex agro capiendum vtiliter: partim enim aruorum modus augebitur, partim maior graminis copia ad alenda pecora subnascetur: nam arbores quidem relictæ superfluo pondere leuata, ac rarefactæ celerius adulescent; vnde lignorum iactura non parum reficitur. His absolutis extruenda erunt tecta, atque *Tectorum edificatio.*  
 habitacula nouis colonis, eaque quàm scientissimè, atque appositissimè fieri poterit. Mirum enim est quantum in huiusmodi grauioribus locis *Multum refert in his locis, qua ratione domus extruatur.*  
 domus domui præstet: rectè, ac prudenter ædificata, temerè, ac sine iudicio extructæ. Itaque in primis opus erit acri, peritoque architecto, addo etiam erudito, quales hodie pauci reperiuntur; *Eruditi architecti pauci hodie occurrunt.*  
 qui omnia exploret, omnia perscrutetur, nihil intentatum relinquat, nihil sine summa ratione, atque iudicio moliatur. Et sanè multis exemplis docemur quantum momentum afferat ad vtilem, salubremque habitationem opportuni situs electio, atque ædificij commoda, aptaque distributio.  
 Vnico M. Varronis contentus ero, qui in lib. I. *Insigne exemplum ostendens multum conferre ad salubritatem aptam ædificiorum positionem, ac distributionem.*  
 de Re rustica sub Tremellij Scrofæ persona, Ita enim, inquit, salubritas quæ ducitur è cælo ac terra non est in nostra potestate, sed in naturæ: ut tamen multum sit in nobis, quod grauiora quæ sunt, ea diligentia leuiora facere possumus. Etenim si propter terram, aut aquam, odoremue, quem aliquo loco eructat, pestilentior

est



est fundus, aut propter cæli regionem ager calidior sit, aut ventus non bonus flet: hæc vitia emendari solent domini scientia ac sumptu: quod permagni interest ubi sint posita villæ, quantæ sint, quò spectent, porticibus, ostijs, ac fenestris. An non ille Hippocrates medicus in magna pestilentia, non unum agrum, sed multa oppida, scientia seruauit? Sed quid ego illum voco ad testimonium? Non hic Varro noster, cum Corcyra esset exercitus, ac classis, & omnes domus repletæ essent agrotis ac funeribus, immisso fenestris nouis aquilone, & obstructis pestilentibus, ianuaque permutata, cæteraque eius generis diligentia suas comites ac familiam incolumes reduxit? Quem locum ideo huc integrum inserui, ut magni Autoris testimonio manifestum sit, quantum diligentia, atque ars valeat in corrigendis etiam locis suapte natura grauibus, ac morbosis.

*Quinā si-  
nus eligendi.*

Porro quod ad situs capiendos attinet, enitendum in primis, ut celsissima quæque loca eligantur; utpote in regione humili, ac præhumida, nec nimium editis collibus assurgente. Quod si deleta olim oppida, aut quædam semideserta minuendæ impensæ gratia (quod valde rationabile est) reficere præoptarimus, quàm noua ædificare, facili negotio id consequemur: antiqui enim, qui sapientissimè optimos quosque situs in condendis oppidis eligeabant, nec huius qualitatem regionis ignorabant, editiora quæque loca adamasse videntur; ut ex oppidorum veterum Ariciæ, Lanuij, Lauinij positionibus liquet. Quamobrem si locorum optio dabitur, præferenda sine dubio primùm sunt

*Antiqui-  
ditissima  
quæque loca  
in hoc La-  
rio ad ha-  
bitandum  
delegerunt.*



sunt præalta, & secundum mare posita; sed ea diligenter munientur propter piratas: secundò præalta, ac remota à litore: tertio humilia, sed mari proxima. In planis verò locis, atque à mari remotis nullo pacto inædificandum videtur, nisi post longum tempus, crebris iam vndique tectis cuiuscunque modi excitatis. Præcipuè verò memoria teneamus Columellæ præceptum: is enim vbi de Villæ positione loquitur, hoc habet. *Præstat à mari longo potius intervallo, quàm breui refugisse, quia media sunt spatia grauioris halitus.* Verùm antequam peculiare quædam cautiones in his agrorum ædificijs adhibendas trado, dispiciendum videtur, an conducibilius sit casas, villasque rusticas sparsim per agrum collocare in suis quasque fundis, prædijsque: an potius certis quibusdam locis castella extruere, in quibus agrestium vnius pagi, vel regiunculæ omnis turba versetur; singulæ tamē familiæ seorsim suos lares colant. Priori modo aliquantò minores sumptus fient: quippe mœnia, vel fossæ, aliæque huiusmodi munitiones comprehendissent; atque habitationis utilitas, quæ maximè à focus, atque aeris agitatione petitur, latius se communicabit. Posteriori ratione maior quidem fiet sumptus; sed cum grandi, solidoque emolumento. Primùm enim rusticorum familiæ, & fructus agrorum tutiores erunt, non modò aduersus subitos grassatorum incursus; sed à manu etiam militari; dum mediocribus saltem operibus loca muniantur: deinde longè certiori euentu, atque

*Quenā loca ceteris potiora sūt.*

*In planis, atque interioribus locis initio minimè inædificandum.*

*A mari refugisse longius præstat, quàm breui intervallo.*

*Utrum conducibilius sit villas sparsi extruere, an castella, seu vicos potius. Quid prior ratio commodi habeat.*

*Quid posterior.*

T

efficaciùs



*Hac ante-  
ferenda est.*

*Quo ordi-  
ne proceden-  
dum.*

*Oppidum,  
aliquod  
maritimū  
opportuni  
sitū prae-  
dicandum  
videri.*

*Quanam  
aedificia  
struenda.  
Aedes sa-  
cra.  
Domorum  
numerus.*

*Fossa.*

*Et agger  
ex caespiti-  
bus.*

*Atque in  
eo vallum.*

efficaciùs aer depurgabitur: quod enim uerò disper-  
sis habitationibus vix sperandum est. Præstat igitur  
minora spatia cum certiori effectus spe occu-  
pare, quàm latiora cum minori fructu. Proinde  
ut super tanta re iudicium meum proferam, sic fa-  
ciendum existimarem. Deficcatis paludibus, syl-  
uisque aut excisis, aut collucatis, nisi oppidum  
aliquod maritimum, puta Antium, aut Laurentum  
reparare velimus ( quod pulchrius, ac gloriosius  
foret ) aut locum aliquem semidesertum nouis  
agricolis complere, ut Ardeam, aut Sabellum;  
proxima aliquot Vrbi loca, vel vnum saltem, si  
quis experiundi gratia id malit, deligendum esset  
optimo, ac maximè opportuno situ; præsertim vbi  
probæ, ac perennis aquæ copia non desit; in ali-  
quo colle edito, aut tumulo elatiori. Ibi præter  
ædem sacram ( cuius procuratio erit eius Sacer-  
dotis, cui animarum cura incumbet ) domus ædi-  
ficandæ erunt quot primæ statim ἐνοικήσας suffecturæ  
videbuntur, exempli gratia centum, vel ducentas.  
Quamprimum etiam præalta Fossa locus munien-  
dus erit, introrsus regeſta terra, ac firmiter exag-  
gerata, opere potissimùm caespitio, si solum erit  
tenax: additisque vallis, aut validis stipitibus in-  
summo aggeris margine confertim defixis, muni-  
mentum habebimus ad multos annos durabile, &  
cùm ad speciem decorum, tum contra hostilem  
vim satis tutum. Vallorum modum, ac speciem  
quoniam ex Polybio, Lipsioque petere promptum,  
ne actum agam, hic non describo: hoc tantum  
addo,



addo, si valde robustos, densosque, nec vnica ferie connexos defigamus, ita vt intermedia spatia luto paleis solidato stipentur, loricae muralis vsum, atque, vt opinor, aduersus mediocria tormenta satis firmæ bellè præbituros, & aduersus incendia vix penetrabilis. Figura Castelli opportunior videtur fore quadrata; cuius singulis angulis totidem Propugnacula ad hodiernum morem applicabuntur. Magnitudo erit nec nimis laxa, vt nullo tempore verisimile sit eam implendam; nec rursus adeò angusta, vt quandoque crescentibus incolis spatium desit: id quod Ligurno oppido propter opportunitatem, ac celebritatem illius portus memoria nostra accidit: quanquam non æquè id metuendum hic est; præsertim cùm quantumcunque velimus, extollere domus, ac tolerabili sumptu terreas has munitiones proferre liceat. Portas satis erit binas relinqui, è regione inuicem oppositas. Qua in re illud animaduersione dignum est, huiusmodi opera, ac munimenta ab ipsismet agricolis, ijs diebus quibus à cultura agrorum feriabuntur, fieri posse: magna vtique commoditate, ac sumptuum compendio. Magistratibus, atque iudicibus haud sanè opus erit: nisi dum oppidorum faciem castella induerint, & numero, ac splendore incolentium excreuerint. Verùm sufficiet ex prouectioribus ætate, atque experientibus vnum, vel alterum fieri Vicomagistrum, qui quandam præfecturæ speciem obtineat; eiusque opera, cùm quid erit castellanis denuntiandum, Princeps vta-

*Quid ad valli speciem anti-quā addēdū videatur.*

*Figura Castelli quadrata.*

*Propugnacula in angulis.*

*Magnitudo Castelli.*

*Ligurni portus, & oppidū nimis angustè definitū fuit.*

*Magna pars harū munitionū ab ipsis agricolis fieri poterit.*

*Vicomagistri.*

*Eorum officium.*



*Rerum militarium magistris, ac duces.*

*Sine ullis præfecturæ insignibus.*

*Armamentarium, & Horreum.*

*Horum custodes.*

*Satisdato cauebunt. Armamentaria que paranda.*

*Exercitatio sclopi diebus festis permittenda.*

*Scorpionum seu arcuballistarum aliquot dena.*

*Eorum usus nondum apud Gallosexolent planè.*

tur. Adhæc duo, vel tres rerum militarium non omnino rudes ex ijs, qui aliquot stipendia laudabiliter confecerint (nec deerunt, si militandi præbebitur occasio) nec imperando sint prorsus inhabiles, rebus militaribus præficientur: nullis tamen militiæ insignibus, vel autoramentis supra agrestem modum decorandi. Eorum munus erit armorum tractationem cæteros docere, stationes seruare, excubias agere; & reliqua ad hunc modum: ut si quando necessitas ingruat, incolæ Castellum defendere, ac fortiter repugnare per se ipsos sciant. Quare utile erit vnicum saltem Armamentarium, itemque vnicum Horreum in Castello fieri; additis singulis custodibus, qui clauces penes se habeant, atque earum curam gerant: qui nisi quantum opus erit in solo possederint, satisdato reipublicæ caueant. In Armamentario seruabuntur armorum aliquot paria, puta galearum, loricarum, hastarum, & scloporum maioris formæ: minores quidem sclopi (caue de sclopolis manuarijs intelligas) rusticis vnà cum gladijs permitti poterunt, ut ad sui defensionem, atque in aucupio ijs vtantur; tùm etiam ut diebus festis (quemadmodum in Gallia solent) in fossis Castelli, aut campo ad scopum, si volent, se exerceant. Poterunt etiam aliquot dena scorpionum, seu maiorum arcuballistarum parari, quibus vtiliter munitiones defensabuntur; præsertim si fortè sulphuratus puluis defecerit. Et sanè huius teli species apud bellicosam Gallorum gentem nondum planè exoleuit;



exoleuit ; quamuis in expeditionibus , ac prælijs minimè ab ijs assumatur , sed in tuendis moenibus maximè vsum suum præstet ; quemadmodum arcus , & sagittæ apud Anglos , nationem alioqui pugnacem , nec sclopi tractandi imperitam . Iam verò Horreum reponendo frumento , sali , cæterisque annonarijs copijs , quæ vel incolis publicè attribuentur , vel contra ab ijs pensitabuntur , destinari quivis intelligit . In eodem Castello , ne quotidie rusticos ab opere auocari contingat , opifices magis necessarij , eorumque tabernæ collocabuntur ; singulæ saltem in vno quoque genere opificij . Hi fermè sunt calceamentarij , vestiarij , artopolæ , lanij , mulomedici , fabri materiarij , ferrarij , cæmentarij , caupones . Ad tuendam etiam sanitatem satis erit vel vnicum esse pharmacopolam , qui rei medicæ non sit prorsus imperitus , eique facultas dabitur propter loci tenuitatem alia quædam ad victum vtilia vænum exponendi . Vnicus etiam tonsor suffecerit ad chirurgi vices , in leuioribus saltem curationibus , implendas . Consultum etiam fuerit ad euitanda prorutabulorum pericula , quibus de improviso , ac nocturnis ferè impressionibus castella , oppidaque perruptis claustris à Turcis , vel grassatoribus opprimuntur , Pontes subductarios singulis Portis adnecti ; nonnullaque tormenta muralia , saltem minoris formæ quæ in Propugnaculis statuuntur , incolis tradi . Verùm cum præcipua cura esse debeat , quæ ad opportunam collocationem , idoneamque dispositionem

*Quid in  
Horreore-  
ponendum.*

*Opifices  
magis ne-  
cessarij qui-  
na in Ca-  
stello sta-  
tuendi.*

*Pharma-  
copola rei  
medicæ nō  
omnino im-  
peritus.*

*Tonsor pa-  
riter rei-  
chirurgica  
non planè  
rudis.  
Prorutabu-  
la vulgo  
Petardi.*

*Pōtes sub-  
ductarij.  
Tormenta  
muralia  
minoris  
formæ.*




dispositionem Castelli pertinet, operæ pretium duxi (quanquam nimio fortasse arrogans videbor ijs pertractandis, quorum minimè scientiam profiteor) tamen ut hæc *πραγματεία* absolutior sit, quidnam præterea in distributione ædificiorum obseruandum videatur, indicare. Siquidem igitur collem ceperimus modicè editum, satisque capacem; in summo ipsius vertice totum Castellum ædificabimus: sin autem apex sit angustior, collis verò ita sublimis, ut tecta alicui lateri applicata, nihilominus ab infima planitie satis extollantur; tùm Ædes sacra in summo extruetur cum adiuncta Area, eoque numero Casarum, quem locus recipiet: reliqua Castelli pars ei lateri potissimum applicabitur, quod verget in Septentrionem. Igitur in huiusmodi positionibus perpetuò ferè hæc regula seruari poterit; ut Ædis sacræ absis, seu postica pars in Meridiem, atque Austrum spectet, aut etiam versus Euronotum, seu Ortum hybernum, pro conditione cuiusque loci; quæ inspecta peritus architectus vtram volet regionem cœli sectabitur. Sed ponamus Ædis sacræ anticam partem in Septentrionem, posticam in Meridiem constitutam esse; quæ positio sanè cæteris salubrior existimari debet. Nam de Ecclesiæ amplitudine, ornatuque qualis esse debeat, nil certi definiri potest; cùm id pro præsentibus copijs, tùm pietate, ac voluntate ædificantis æstimari oporteat. Cæterùm autor sim, ut ante frontem Ecclesiæ Pronaum, siue Porticus statuatur, quæ multiplices

*Quomodo  
colli edito,  
& in summo  
capacitatem  
edificandū.  
Quid in  
angustiori  
colle seruā-  
dum.*

*Quid ubi-  
que ferè.*

*De Eccle-  
siæ ampli-  
tudine, &  
ornatu ni-  
hil certi  
status po-  
test.*





am  
mul  
am

tra  
fia  
lari  
nume

eteru  
i Eo  
mfa  
lum

itoria  
tulia  
mplis  
facter

a, seu  
a an  
Eccle

uum  
i viri  
uono  
llocu

ulis  
toti  
Chor  
idinn  
e

fiac











Quomodo  
colle editi  
in sin  
capaci in  
dificandi  
Quid in  
angustior  
solle seru  
dum.

Quid et  
que fere

De Et  
sic an  
tudine  
ornatu  
hil c  
statu  
est.



plices usus præstabit, si satis lata pro loci conditione fiet; cuius tectum lapideis columnis, si ratio impensæ, aut commoditas suaserit; si minùs, lateritijs parastatis suspendetur. Fenestras omnes specularibus cuiuscunque generis muniri præstabit, quàm apertas relinqui; aeris noxij vitandi causa. Cœmeterium extra Ecclesiam potius fieri oportet, quàm intra eam structilia monumenta; etsi hic mos hodie ubique ferè inoleuit. Non rarò enim huiusmodi conditoria non satis diligenter operculata adeò foetentes halitus eructant; ut non sine valetudinis periculo diutiùs quis ibi consistere possit. Ante Ædem sacram, ubi ampla Area aperiri nequibit, saltem Platea pro modo lata relinquitur; recta regione secundùm Ædis longitudinem producta. Ab utroque latere Plateæ Domuum series collocabuntur; singulæ tricenarum ferè, aut quinquagenarum; quarum hæc Orientalis erit, illa Occidentalis: utrique à tergo alia series totidem Domuum adijcietur; relicto tamen inter utranque eo spatium, quod binis in ordinem Chortibus collocandis sufficiat; ita ut singulæ Domus singulas ponè se habeant, à fronte, & à lateribus macerijs, vel sœpibus inuicem diuisas. Verùm ut omnia clariùs elucescant, non ab re fuerit supradictam Castellì distributionem appposito schemate ob oculos ponere.

*Pronaum  
tēpli mul-  
tisariam  
utile.*

*Fenestra  
Ecclesia  
speculari-  
bus munē-  
da.*

*Cœmeteriū  
extra Ec-  
clesiam fa-  
ciendum.*

*Conditoria  
structilia  
in templis  
sæpe foēt.*

*Area, seu  
Platea an-  
te Eccle-  
siam.*

*Domuum  
series utri-  
que quomo-  
do collocā-  
da.*

*Singulis  
Casus toti-  
dem Chor-  
tes adiun-  
gende.*

Hæc



*Hæc Domorum dispositio accommodatior ijs locis, ubi venti Occidentales graues non sunt.*

*Ianuæ Domorum, & fenestræ.*


*Alia dispositio Domorum ubi venti Occidentales noxiique sunt.*

*Chortibus rusticis multis modis utiles.*

Hæc ædificiorum dispositio potissimum conueniet ijs locis, ubi tam Occidentis, quàm Orientis aspectus saluber est. Ibi enim ianuæ Domorum tam in publicum exeuntes, quàm in Chortes; itemque fenestræ utrobique spectantes partim ad Ortum, partim ad Occasum aperientur: extremæ etiam Domus, idest ab Ecclesia remotiores, à Septentrione etiam lumina, atque introitus habere poterunt. Vbi verò nec Occidentalis aspectus, ventique inde spirantes tuti sunt, maior erit adhibenda cautio, ac diuersa paulò dispositio: namque ad eosdem cœli cardines directis cum ipsius Ecclesiæ, tum vicorum limitibus, Domorum tantum parietes alio modo ordinabuntur: ita ut in utroque latere tam Orientali, quàm Occidentali vacuum spatium inter geminos Domorum ordines, videlicet interiorum, atque exteriorum relinquatur, hoc est, minimè Chortibus attribuat; sed, ut in urbanis semitis, peruium fiat. Chortes (quæ multis rusticorum vsibus necessariae sunt) singulis Domibus alternatim interserantur; ianuæque, ac fenestræ ad Septentrionis, & Orientis regiones dumtaxat aperiantur: exempli causa, Series Domorum interior lateris Occidentalis ianuas in Plateam Castellī, seu malis Aream Templi, exeuntes habebunt: fenestras item anteriorum cubiculorum eodem respicientes: ostia Chortibus applicita Septentrionem aspicient: in postica verò parte cubicula indidem à Septentrione illuminabuntur: Porticus, quæ Chortis partem quandam tegere debent,



debent Orientem, ac Plateam versus spectabunt. Verum in lateris Orientalis interiori ordine Domuum omnia contrario modo fient: nam ianuæ quidem minimè in Plateam patebunt, ne Occidentales ventos excipiant; sed in postico, quà semita binos ordines tectorum discriminat, aperientur; eodemque respicient fenestræ contiguorum, seu Orientalium conclauium, & Porticus rusticæ in Chortibus: cubicula verò, seu conclauia Plateæ continentia fenestras pariter à Septentrione habere poterunt: & vice versa, huius lateris exterior series, sicut interior Occidentalis ordinabitur: quemadmodum exterior Occidentalis, sicut interior Orientalis; ut sequens ichnographia ostendit.




V

Cæterum



Notandum  
est in utro-  
que sche-  
mate Chor-  
ribus rusti-  
cis adun-  
ctas esse  
Porticus,  
quibus in  
hoc tantum  
litera X  
apponitur;  
tum quod  
autor de  
hac Domo-  
ru dispositione  
agens me-  
minerit, tu  
maioris  
perspicui-  
tatis gra-  
tia, quod  
præses Do-  
morum al-  
terius late-  
ris Ichmo-  
graphia la-  
xiori for-  
ma desi-  
gnatas ex-  
hibeat.





Cæterum extremus limes , qui in priori *διαυπώσσει* *Maceria*  
series Chortium Austrum versus terminat ; in po- *altior , quæ*  
steriori verò distributione vicos , siue semitas finit, *Austru ar-*  
præcludi poterit Maceria , siue Muro altiori , qui *ceat , ubi*  
Austrinos flatus quàm maximè arceat ; præsertim *struenda.*  
vbi Castellum non accliui , sed plano loco collo-  
cabitur . Post eam Maceriam ad Ædis sacræ vtrun-  
que latus totidem Luci statui poterunt , siue vni-  
cus , qui totam Ecclesiam excepta fronte ambiat ,  
ex proceris , ac densis arboribus , puta cupressis ,  
pinis , vlmis ; prout hanc , vel illam speciem loci  
conditio magis adamauerit : nam & eæ , quibus *Arbores*  
folia decidunt , vtiliter assumentur ; cùm æstate po- *φυλλοβό-*  
tissimùm vsus suos habituræ sint . Quare non me- *λος etiam*  
diocris loco gratia , atque ornatus conciliabitur : *utiles .*  
totaque Australis Castellī regio partim obiectu  
Ædis sacræ , partim Luci ( qui eius altitudinem *Ædis sa-*  
facile æquabit ) obsepta , Austrinos flatus , quan- *cræ, & Lu-*  
tum opus erit , excludet : idemque præstabunt al- *ci altitudo*  
tiora quædam ædificia ad vtrunque latus Ecclesiæ *noxios vē-*  
in vicorum capitibus iuxta Luci limites excitata , *tos arcebit.*  
puta hinc Horreum , illinc Armamentarium . Ca- *Idem præ-*  
uendum porrò erit , ne in Australem regionem , *stare pote-*  
vbi Lucus est , aditus Ostiorum patefiant à Septen- *rūt Horre-*  
trione in Meridiem ; sed obliqui potiùs , vt in prio- *um, & Ar-*  
ri schemate : in quo non tantùm Orientalis Eccle- *mamenta-*  
siæ , & Pronai paries singulis Ostijs perforatur ; *rium .*  
sed Occidentalis etiam : in hac enim parte toti-  
dem fieri posse dictum est , vbi flatus inde spiran-  
tes non fuerint insalubres . Sed communis quædam



*Cautio adhibenda in luminibus ostiorum, & fenestrarum aperiendis.*

regula in ostiorum, ac fenestrarum luminibus aperiendis tradenda videtur; ut si alicubi Australium ventorum ingressus vitari non poterunt, detur opera saltem, ut exaduersum aditu patefacto ex facili effluant; ne quoquam impingentes resiliant, aut residant. Multis enim id modis nocet, ac longè perniciosius est, quàm si in transcurso tantùm pestilens aura locum aliquem inficiat. In aggeribus

*In aggeribus Castellæ lauri obseruanda.*

Castellæ eleganter, atque vtiliter lauri singulæ, vel binæ feri poterunt; quæ & loci gratiam, & salubritatem etiam augebunt, ac munitiorem efficient. Quod genus arborum, ut præ cæteris seligendum putem, magis etiam quàm vlnos, populosque, quæ *Antuerpiæ*, ac *Lucæ* mœnia eleganter coronant, illud maximè me mouet; quòd earum vmbra, atque halitum non minùs salutarem esse, quàm odoratum verisimile sit: quod Herodiani astipulatu confirmari potest; qui lib. I. Hist. Commodum Imperatorem ad euitandam pestilentiam Laurentum secessisse scribens, ait id à medicis ei persuasum, quòd existimarent syluas laurorum, quibus illa regio abundabat, suauitate odoris, & vmbrae amœnitate ad aeris propulsandam contagionem plurimùm valere. Sed præstat hic Autoris testimonium afferre. Κόμμοδος, συμβουλευσάντων αὐτὰ τινῶν ἰατρῶν, εἰς τὸν Λαύρεντον ἀνιχώρησεν. εὐψυχέστερον γὰρ τὸ χωρίον, καὶ μεγίστοις κατὰ σκιον δαφνηφόροις ἄλσεσιν (ἴδεν καὶ τὸ ὄνομα τῶν χωρίων) σωτήριον εἶναι ἐδόκει, καὶ πρὸς τὸ τῷ ἀέρι φθορὰν ἀντέχεσθαι ἐλέγετο, εὐωδία τε τῶν δαφνῶν ἀποφορᾶς, καὶ τῶν δένδρων ἡδύας σκιᾶς. idest, ut vertit Politianus. Commodus

(ita



( ita scilicet quidam medicinae periti persuaserant ) Lau-  
rentum secessit, quod frigidior ea regio sit, sylvisque è lau-  
ru permultis opaca, à quo etiam regioni inditum nomen.  
Valere enim plurimum aiebant ad aeris evitandam con-  
tagionem, cum odores laurorum, tum ipsarum amœnita-  
tem umbrarum. Quinetiam cum quarundam arbo-  
rum ( quid nisi propter halitus spirantes ? ) ut nu-  
cum, ac taxorum graues umbræ, noxiæque perhi-  
beantur, contrarium illis genus salubrium solertif-  
simam, benignamque naturam non genuisse ratio-  
ni congruum non est. Quod si quis in grauiori-  
bus locis lauros, in salubrioribus vlmos, aliasue  
huius generis ferendas esse putauerit, non repu-  
gno. Illum etiam usum hæ arbores præstabant,  
vbi crassiores euaserint, præsertim vbi nec mœ-  
nia, nec loricae murales erunt; quod post eas tu-  
tius consistere poterunt explodendis scelopis mili-  
tes, qui locum tuebuntur. Illud quoque monen-  
dum videtur, ut Casæ huiusmodi rusticæ, tametsi  
propter crassitiem parietum duplicabitur impensa,  
quàm altissimæ fiant; ut ad purgatorem, ac salu-  
briorem aerem tantò propius accedant. Adnotaf-  
se præterea videor, fornicati operis, atque omnis  
generis camerarum usum valde frequentem apud  
antiquos fuisse, non modò in publicis, ac lautio-  
ribus ædificijs; sed etiam in priuatis, ac rusticanis:  
ut ex parietinis passim extra Urbem occurrentibus  
animaduertere licet. Eorum exemplo camerata  
in primis cubicula fieri vellem, nisi sumptus mo-  
dum excedat; non tam quia per æstatem frigidio-

Quarundam  
arborum  
umbræ gra-  
ues.

Coniectura  
à contrarijs  
ducta.

Alius usus  
harum ar-  
borum.

Casæ rusti-  
corum quàm  
altissimæ  
faciendæ.

Fornicum  
usus quàm  
olim fre-  
quens.

Camerarum  
in cubiculis  
utilitas.



ra sunt ( nec enim id agrestibus hominibus curæ esse debet ) sed quoniam crassiores, firmioresque parietes ideò ædificandi erunt : qui & diutiùs durabunt, & non tam facilè rimis patebunt ; quæ humentes, ac noxios regionis flatus admittunt.

*Aqua salubres omniratione cōquirenda.* Aquarum verò salubrium copia dici vix potest quantum utilitatis allatura sit : ideoque ijs deligendis non minor cura adhibenda est, quàm aeris, ac situs. Omni igitur studio curandum, vt quàm optimæ, ac frigidissimæ ( nam & id magni refert æstiuis caloribus mitigandis ) ex quocunque ge-

*Quid faciendū ubi manantes aque non sunt.*

nere haberi poterunt, conquirantur. Vbi ergo manantium aquarum copia non erit, ibi putei, si intus salubres erunt venæ; si minùs, cisternæ ædificandæ erunt, quæ ad vsum incolarum sufficiant; nec impensis tam necessarijs parcendum: quamquam vix vspiam, quantum ego conijcio, id necessarium erit: quotus enim locus occurreret vbi, si putealis aqua, aut fontana potui idonea deficiat, non ab aliquo fluuiio, riuoque duci possit? Nam in Latio quidem præter Tiberim, atque Anienem, & obscuriores quosdam fluuios in alterutrum defluentes, Veresis mediocris amnis ( nunc teste Cluuerio *Paferano* dictus ) qui paulò supra *Gallicanum* exortus, quatuor millia passuum infra Tibur Anieni miscetur, circumiectis campis fermè sufficere potest. Sub vrbe Roma Almo tenuis, sed nobilis antiqua superstitione fluuius, inter primum, & secundum lapidem in Tiberim labitur; qui vulgò *Acqua d' Accia* dicitur: vnde similitudine nominis,

*Enumeratio fluuiorū Latij. Tiberis. Anio. Veresis fl.*

*Almo fl.*



nis , vt existimo , inducti quidam aquam Ap-  
 piam , quæ opere arcuato in Urbem olim duceba-  
 tur , esse putant . Sequitur exiguus & ipse , sed *Numicius*  
 clarus fabulis fluuius Numicus , siue Numicius di-  
 cendus est , iuxta locum vbi quondam Lauinium  
 situm erat , exoriens ; ac tribus infra miliaribus in  
 mare influens . Dehinc iuxta *Neptunium* Loraci-  
 na prælabitur , & ipse modicus fluuiolus ; sed aquæ , *Loracina*  
 vt coniectura fert , non malæ : siquidem ex eo C.  
 Lucretius , qui Prætor bello Persei Macedonico *Linus lib.*  
 fuerat , impensa sua aquam Antium perduxit . Vl-  
 tra Antium Astura amnis celebrior ( hodie etiam *Astura fl.*  
 nomen retinet ) & maior , è montibus longiùs in  
 mare delabitur . Post hunc Nymphæus ; alijque , *Nymphæus*  
 qui in paludes Pontinas confluunt . Nec desunt *fl.*  
 etiam in proximo alij vberes , ac salubres riui ,  
 quamuis minimè fluminum vocabulo insigniti ; qui  
 non modicam aquæ copiam accolis suppeditent .  
 Vt aqua Crabra ( huius Cicero pluribus locis me-  
 minit ) quæ sub Tusculo vberi vena scaturiens *Aqua Cra-*  
 riuum efficit , qui vbi proximos hortos rigauerit ,  
 vallem Circi Maximi inter Palatinum , & Auenti-  
 num secans , Tiberi commiscetur , aquæ *Marane* ,  
 seu *Marianæ* vocabulo . Vt aqua Ferentina , quæ *Aqua Fe-*  
 sub *Marino* castro in nemorosa valle , pulcherrimo  
 ac copiosissimo fonte promanans , infra quartum  
 ab Urbe lapidem in Tiberim fluit . Nec omitten-  
 dus Iuturnæ fons , & lacus ; nam & hic præcipuè *Iuturnæ*  
 ob salubritatem ab antiquis celebratur . Varro lib. *fons, & la-*  
 IV. de Lingua Latina . *Nympha Iuturna , quæ iuuat*  
*ret :*



ret. Itaque multi agroti propter id nomen hinc aquam petere solent. Seruius ad lib. XII. *Aeneidos*. *Iuturna* fons est, inquit, in Italia saluberrimus iuxta *Numicum* fluvium, cui nomen à iuuando est inditum. Hunc *Iuturnæ* fontem, ut *Cluuerius* ostendit, necesse est eum esse, qui ex *Albani* montis radicibus, atque ex ipso lacu, ut vulgò fertur, profluens, sub ipsa via *Appia* sonorus, & copiosus adeò, ut statim molas verset: unde non longè progressus in lacum diffunditur haud magnum, quem paululum corrupta voce *Lago di Turno* nunc vocant: ex lacu deinde ad *Tiberim* deferitur, cui miscetur quinto mil-

*M. Tullij, & Augusti Cæsaris ætate ex emissario lacus Albani aqua rigandis hortis deserviebat.*

liario ab *Ostia*, septimo verò ab urbe *Roma*. Notandum tamen est *M. Tullij* quoque, atque *Augusti Cæsaris* ætate ex lacus emissario in usum agrorum reductis claustris aquam deriuari solitam fuisse. Ostendit id locus *Ciceronis* II. de *Diuinatione* post hiatum quendam . . . Ita aqua *Albana* deducta ad utilitatem agri suburbani, non ad arcem, urbemque retinendam. *Dionysius* lib. I. ἡ δὲ λίμνη βαθεῖα ἐστὶ καὶ μεγάλη καὶ αὐτὴ διὰ κλεισιᾶδων ἀνοιγομένων ὑποδέχεται τὸ πεδίον ταμεινομένων ὅποσα βούλονται τῶν ἀνδράπων τὸ ὕδωρ. idest, lacus profundus est, atque magnus, ex quo reductis claustris in subiectos campos aqua promitur, quantum eius volunt incole. Deinde ut alios quosdam lacus,

*Lacus Nemorensis, & Regillus.*

*Nemorensis* scilicet, siue *Aricinum*, nunc *Lago di Nemi*, o di *Genzano*; *Regillum*, nunc *S. Praxedis* nuncupatum pertranseam; itemque nonnullos olim celebres fontes; multorum aquæductuum capita, scatebrasque (quas exaruisse non est credendum)

*Aquæductuum veterum fontes.*

è *Latij*



è Latij potissimum regione Urbem olim influen-  
tium, nunc verò deperditorum, si quis in eo cu-  
ram intendere vellet, facile deprehendet; ut aqua-  
rum Iulæ, Tepulæ, Appiæ, Martiæ. Quinetiam  
ex ipsismet ductibus qui in Urbem hodie influunt,  
è Latio quidem aquæ *Felicis*, è Tuscia *Paulianæ*  
(siue ea *Sabbatina*, siue *Alfietina* est) quæ non  
optimæ potui deprehenduntur, quædam pars in  
vsum agricolarum, atque *οικονομικῶν* propinquarum  
concedi poterunt: quæ nihilominus rusticanis ho-  
minibus erunt non ingrata, aut inutiles; præser-  
tim si antequam bibantur, in cisternis ad id factis  
eliquentur, attenuenturque, quod factu difficile  
non est: geminæ enim cisternæ fabricantur inui-  
cem iunctæ, non modicæ amplitudinis, si castel-  
lis, vicisque integris inseruire debeant; sed altera  
capacior minuta glarea substernitur, per quam  
minutatim aqua transcoletur in alteram minuscu-  
lam, unde hauritur: atque hac ratione commo-  
dior potui euadit. Hæc igitur, aliaque ignobiliora  
flumina, lacus, fontes, quos sciens prætereo, re-  
gionem Latij rigant: proxima autem Etruria, ac  
Sabīnorum ager non minùs, quàm Latium salu-  
berrimis aquis exuberant. Quibus igitur locis lon-  
ginquior erit aquatio, quacunque ratione poterit,  
eò aquam ducendam vel opere arcuato, vel sub-  
terraneis cuniculis, vel apertis riuīs existimo; ut  
res humanæ vitæ tam necessaria potius redundet,  
quàm deficiat: præsertim si non vicum, castellum-  
que, sed aliquod oppidum reficere, aut de nouo

*Qua ratio-  
ne supradic-  
tæ aque  
commodio-  
res reddi  
possint.*

*Geminæ  
cisternæ  
quomodo  
fabricandæ.*

*Etruscus,  
ac Sabīnus  
ager non  
minùs quàm  
Latium a-  
quis abun-  
dans.*

*Quid fa-  
ciendū ubi  
longinqua  
erit aqua-  
tio.*

X condere,



condere, atque ornare aggrediemur. Qua in par-

*Antiqui  
diligentes  
& magni-  
fici in pro-  
ximis op-  
pidis aque  
copia in-  
struendis.*

*Quam sit  
utilis, ac  
necessaria  
hec salu-  
brum aqua-  
rum conqui-  
sitio.*

*Exemplis  
id confir-  
matur.  
Philostra-  
tus in eius  
vita.*

*Canusium  
inducta a-  
qua ab He-  
rode Atti-  
co readifi-  
cari, ac  
frequenter  
cepit.*

*Pisarum  
urbs ob eā-  
dem causā  
comodius  
habitatur.*

te non minùs, quàm cæteris rebus maiores no-  
stros & magnificos, & diligentes fuisse cognoscet,  
qui aquæductuum quæ Ostiæ supersunt vestigia,  
quamvis tam propinquo Tiberi, inspexerit: qua-  
les & Antij, alijsque non ignobilibus oppidis sine  
dubio extiterunt. Sanè hæc salubrium aquarum  
conquisitio inter magis necessaria, atque utilia  
opera præsentis *πρᾶγματος* adscribenda est; adeò  
ut cum paludum exiccatione, probaque ædificio-  
rum collocatione contendat: quibus tribus quasi  
præcipuis fundamentis tota hæc molitio innititur:  
quod ita esse tùm antiquis, tùm recentibus exper-  
imentis probandum insuper videtur. Herodes At-  
ticus non magis liberalium artium studijs, quàm  
cæteris laudibus florens, atque ob id Imperatori  
Hadriano carus in paucis, cùm super Principis  
gratiam opibus etiam polleret, Canusium non  
obscurum Apuliæ oppidum aquæ inopia valde la-  
borans ( ut omnis fermè ea regio, adeò ut multis  
in locis hodieque pretio ematur ) atque ob id de-  
sertum, inducta aqua ut frequentaretur rursus, ac  
refloresceret effecit. *Ὡκισε δὲ* ( inquit Philostratus )  
*καὶ τὸ ἐν Ἰταλίᾳ Κανύσιον ἡμερώσας ὕδατι. μάλα τὸτο δεινόν.*  
idest, *Canusium in Italia inducta dulci aqua, cuius  
vehementer indigebat, habitabile reddidit.* Nostra verò  
ætate cùm Pisis æstivo tempore plurimi ægrota-  
rent, eaque ciuitas salubris aquæ copia vehemen-  
ter deficeret; Ferdinandus Primus maximi animi,  
ac prouidentiae Princeps rem dignam sua magni-  
tudine



tudine aggressus est : nam conquisito , perductoque aquæ riuo eam urbem & ornauit , atque insigni utilitate affecit : nam ab eo tempore tanta mutatio insecuta est , vt longè salubrius , ac tutius ibi incolæ degant . Sed nihil attinet omnia ea loca , quæ inductis aquis conualuerunt , ac salubria facta sunt , curiosius persequi , atque in superfluis morari lectorem . Quod reliquum est , præter dictas molitiones alia quædam maximi momenti se scribenti obijcit : sed quæ propter magnitudinem operis non nisi longo tempore , & à multis hominibus perfici potest ; ideoque non nisi post multiplicatos cultores , regionemque tractabilior

*Aliud opus  
magna molitionis quod  
dubitanter  
proponitur ;  
nec nisi longō  
post tempore tentandum .*

rem iam effectam de ea cogitandum videtur . Sed tamen quandocunque licuerit ; tentanda utique est , cū prius inter peritos constiterit operis fructum non minorem labore , atque impensa futurum ; nec negotium supra modum impeditum fore . De hoc enim iudicium ferre non est eius , qui vt liberè ac simpliciter , ita parcè , ac modeste in publicum vsum cogitationes suas profert non vt normam agendi alijs tradat , sed ansam potiùs , ac materiam meliora proferendi . Etsi igitur perdifficile videatur naturalem statum , ac *diastem* finitimæ regionis corrigere , atque immutare ; ideoque nullo humano consilio , nulla vi , aut operibus litoris positio , ac facies ( quam inter præcipuas pestilentis aeris causas tertio loco recensuimus ) in aliam speciem conuerti possit ; arbitror tamen & huic incommodo remedium aliquod fa-



tis certum, atque efficax me reperturum, si laboris, atque impensæ ratio constaret. Sed res exem-

*Batania, & Frisia ora litoralis qualis.* plo fiet manifestior. Batauorum, ac Frisiorum ora litoralis adeò humilis, ac depressa est, ut ab Oceani fluctibus quandoque demergeretur (sicut

portioni cuidam *Zelandiæ* euenit, cuius adhuc sub aquis turres, tectorumque culmina conspiciuntur)

*Aggeres, siue Dunæ Batauorū, ac finitimorum.* nisi aggeribus quibusdam præaltis, ac continuis in extremo margine appositis, quas *Digas*, siue *Dunas* vocant indigenæ, maris æstum, ac violentiam

*Huiusmodi aggeres in his litoribus constructi fortasse tertiam in salubritatis causam tolleret, aut mitigaret.* arcerent. Ad hoc exemplum si humilis hæc, & decliuus Latini, Tusque litoris plaga, quæ primum madescere fluctu incipit, huiusmodi aggeribus præductis communiretur; fortasse si non in totum, at maiori tamen ex parte pestilentium *avastorum* fomes, atque origo cessaret. Ut enim pe-

nitus tolli posse verear illud me mouet, quod cum longius à litore huiusmodi aggeres iaci nequeant tum propter immensitatem operis, tum quod intrinsecus vacuus locus complendus esset, probabile est proximiorē adhuc maris partem, utpote parum profundam, nonnihil exhalaturam: quodque magis refert, ubicunque flumina, ac riui sese in mare exonerant, atque ubi incilia palustribus, aut pluuiialibus aquis exhauriendis aperienda erunt, intermisso ibi, intersectoque aggeritio opere quandam æstuarij speciem futuram; quæ nonperinde salubris euaderet. Veruntamen non magnoperè id mihi formidandum videtur; sed potius credendum hoc opere absoluto, multis partibus

campestris



campestris huius regionis aerem puriorem, ficcio-  
rem, ac denique commodiorem fore. Nec est,  
cur quisquam vereatur Turcarum, ac Maurorum  
exscensionibus oram Latij maritimam (cuius vni-  
ca tutela perhibetur litoris natura importuosa, at-  
que inaccessa) propterea magis expositam fore;  
cùm eo loci aggeres ducendi sint, quò breuibus  
tantùm nauiculis dabitur accessus: immò si quan-  
do piratarum nauigia aperta vi milites exponere  
conabuntur, tantò magis nostris ex superiori loco  
repugnandi facultas præstabitur. Atque hæc præ-  
cipua fermè opera sunt, quæ ad conciliandam  
agro Romano salubritatem tanquam fundamenta  
quædam præstruenda videntur. Sunt & aliæ leui-  
oris operis molitiones tanquam subsidiariæ; quæ li-  
cèt à maioribus, quas dixi, seiunctæ paruum mo-  
mentum sint allaturæ, attamen ijs adiunctæ non  
leuiter collatis viribus conducent. Huius generis  
sunt arbores, quæ si recto ordine circa camporum  
limites conferantur, & fructum ijs, & gratiam  
augebunt; atque agricolis sub meridiem opus fa-  
cientibus, feruidioribus horis (quibus interquie-  
scere ij solent) non sine magno valetudinis com-  
modo tutamen aliquod ab nimio solis ardore præ-  
bebunt. Qui eousque vehemens circa Romam  
est, vt supra diximus (ob aeris crassitiem sine du-  
bio) vt non tantùm vrbis, ac delicatioribus  
hominibus, sed durioribus etiam, ac rusticis ve-  
hementer obesse possit; etsi non statim eius vio-  
lencia, noxaque ab his sentitur. Laudauerim ita-  
que

*An maior  
esset peri-  
culū pira-  
tarū ex-  
scensionum.*

*Respondetur  
oram ma-  
ritimam  
potius tu-  
tiorē fore.*

*Aliæ mo-  
litiones tā-  
quam sub-  
sidiariæ.*

*Arborum  
ordines in  
campis.*

*Sol hic  
valde ve-  
hemens.*



*Syluolare-  
tiaria, siue  
aucupato-  
rie Floren-  
tinorum.  
Earum v-  
tilitates.*

que in primis vt, præter arbores fructiferas, aliasque lignorum, aut pabuli causa deplantandas, quàm creberrimis locis syluulæ aucupatoriæ more nostratium Florentinorum plantarentur, maximè secundùm fluuios, riuosque; quos hic non deesse supra demonstratum est. Multas enim, ac multi-  
juges commoditates, & delectationes exhiberent: nam neque tantùm miscellis agricolis vmbacula meridianibus offerrent; sed etiam cremium, lignorumque nonnullam copiam ad vsum furnorum, ac domestici foci: quodque caput est, fundorum dominis iucundissimum in primis aucupij genus maxima anni parte suppeditarent. Sed quoniam res est non passim omnibus nota, consultum videtur, vt data occasione, in gratiam eorum qui ingeniosa commenta adamant, atque imitari student, hu-

*Earum de-  
scriptio, at-  
que aucu-  
pandi mo-  
dus.  
Electio lo-  
ci.*

iusmodi syluulas instituendi rationem ostendam, sicut à nostratibus in suis illis amœnissimis, ac cultissimis fundis adornantur. Primùm ergo locus eligitur, qui potiùs humilis, & concauus sit, quàm sublimis, ne validioribus ventis infestetur; quique à syluis aliquanto spatio sit remotus: maximè in agris cultis, vbi ficus, aliorumque agrestium fructuum, qui aues allicere possint, copia non desit: ac potissimùm secundùm fluuios, aut riuos perpetuò manantes; aut si ij desint, iuxta torrentes, qui autumno saltem, atque hyeme fluant. Totus autem is locus, quem conferere voles, pastinandus priùs est satis altè; vt feliciùs stirpes proueniant. Longitudini nullus modus præfiniri potest: latitudi-  
dini

*Loci præ-  
paratio, ac  
repastina-  
tio.*



dini decem, vel duodecim ad summum passus sufficient; quantum scilicet rete maioris formæ, quod Pantherem, siue Panagrum dicere possumus (vulgò *una ragna* vocatur) in transuersum extenso obsepi potest. Vbi locus repastinatus est, omne genus syluestrium arborum, ac fruticum ibi deplantatur, ex ijs potissimum, qui baccas turdis, ac merulis gratas diutissime proferunt; atque etiam ex perpetuo virentibus; quæ ita cum alijs admiscuntur, vt sylua non transluceat. Huiusmodi sunt Lauri, Iuniperi, Arbuti, Oleastri, Lauri tini, Myrti, Ilices, Alni, Vlmi, Aceres, Pruni, Cerasi, Pyrique syluestres, Corni, Frutices sanguinei, Vitices, Ligustra, Rubi. Quinetiam Hederæ, Labruscæ, atque huiusmodi plantæ, quæ aliarum futura egent, quæque copiosam, gratamque auibus escam præbent, quàm creberrimæ esse debent; vt libentius aues ibi consuescant. Laudatur & Salix perticalis; quoniam cum arefieri, & putrescere incœperit, maiores formicas complures gignit, quæ mirum in modum ab auiculis expetuntur. Quod si ficedularum magnam copiam habere potissimum voles, ficus frequentes vtrinque iuxta syluam adserantur; maxime præcoces, atque eius generis, quæ fructus dulces, ac copiosos, diutissimeque pariunt: cuiusmodi sunt ficus *albæ* à nobis dictæ, Romæ satis *ἀρύρα* *fichi rouelli*, quæ Plinij albiceratæ esse videntur, ab albo, cereoque colore sic nuncupatæ. In huius syluulæ medio relinquendus est trames purus, vt per eum singuli homines commodè

*Latitudo harum sylularum.*

*Panagrium retis genus.*

*Quale genus arborum, ac fruticum conferendum.*

*Præcipue copiosam escam supeditanti.*

*Salix perticalis Floræ retinis Salicone.*

*Crebre fici ficedularum gratia iuxta ferenda.*

*Ficus albiceratæ.*

*Trames per mediam syluulam pergens.*



*Calles trans-  
uersi ad  
eandem  
retia.*

commodè incedere possint : verùm certis quibus-  
dam spatijs , puta quæ inter se interfint vnico ia-  
ctu lapidis , calles transuersi emundato loco facien-  
di ; eius latitudinis , vt cùm rete ibi tensum fue-  
rit , impellente vento , non facilè spinis , ac vir-

*Stipites v-  
trinque in-  
tra calles.*

gultis , ramisque arborum adhærescat . Vtrinque  
verò ad extremos calles erigendi sunt stipites sin-  
guli eius mensuræ , quæ syluam ad certam altitu-  
dinis normam æqualiter detonsam paululum exce-

*Trochlea  
in stipitum  
vertice.  
Transenna  
retis.*

dat . In horum summis capitibus trochleæ , vel  
harpagones affigendi sunt ; per quos transfenna ,  
quæ rete sustinet , duci possit . Altitudo retis ea  
esse debet , vt in summo syluæ fastigium adæquet ;  
deorsum verò paulum supra humum attollatur , ita

*Lapides ab  
imo appēsi.*

vt spatium ne desit lapidibus , qui crebri funiculis  
quibusdam ab imo margine dependentibus suspen-  
duntur , stabiliendi retis gratia : quod fusco colo-  
re tingendum ; vt cùm extensum est , quàm mini-  
mè cernatur , eoque magis aues decipiat . Quòd

*Panagrum  
pro turdis ,  
ac paruis  
auiculis ve-  
ficiendum.*

si turdis , ac minoribus simul auiculis capiendis  
idoneum cupis , angustioribus maculis faciendum  
est ; sed tam crasso filo , vt à minoribus auiculis  
non impunè traijciatur ; aut à turdis , merulisue

*Retia cras-  
siora vtri-  
que pana-  
grum te-  
gentia.*

disrumpatur . Porro rete hoc minusculum vtrin-  
que retijs singulis crassioribus , ac grandibus ma-  
culis contextis prategitur ; ita vt omnium trium  
extremæ oræ simul conueniant , connexæque sint  
communi funiculo , qui totum retis ambitum con-  
tinet . Summus autem funiculus , qui rete exten-  
sum sustinet , anulis osseis adnectitur , qui per tran-  
sennam



fennam ( funis sic vocatur à quo rete dependet )  
 ducuntur . Superioribus angulis altrinsecus alij *Funiculi*  
 duo funiculi alligantur , quibus rete vtrunque dila- *ductorii.*  
 tatur , atque extenditur ; similique ratione postea  
 reducitur , ac constringitur . Iidem extenso rete  
 vtrunque vltra stipites humi alligantur . Infimi *Alij duo su-*  
 item anguli breuiiores singulos funiculos habent , *nicali bre-*  
 qui infimam retis partem ad stipitem continent . *uiiores deor-*  
 Item à media ipsius , summaque ora singuli funi- *sum.*  
 culi vtrunque descendunt , qui cùm æqualiter pro- *Alij duo su-*  
 tensi sunt , ac deorsum alligati , diagonalem cum *nicali me-*  
 medio rete angulum efficiunt ; præstantque ne à *diani.*  
 ventis huc , vel illuc impellatur . Extenso rete dan- *Sinus cre-*  
 da opera est , vt creberrimi per omnem ipsius *bri faciendi.*  
 regionem sinus fiant ; vt cùm aues impetu volan-  
 tes impeerint , ijs inuolutæ ne elabantur : qua-  
 propter medium rete tenue aliquantò amplius , ac  
 sinuosius fit , quàm crassiora duo , quæ extensa nul-  
 los sinus facere debent . Huiusmodi autem sinus ,  
 cùm rete probè extensum fuerit , ac funiculis quo-  
 quouersus firmatum , geminis arundinibus in sum-  
 mo crenatis fiunt ; quibus rete varijs locis com-  
 prehensum , vtrinde voles , per maiores maculas  
 educitur . Modus autem aucupandi hic est . Ab *Modus au-*  
 vno capite syluulæ tres homines sensim inceden- *cupandi.*  
 tes ad eum locum pergunt , vbi rete subtensum  
 est ; ita vt vtrunque singuli iuxta syluam , tertius  
 medio ipsius tramite æqua fronte , vel aliquantò  
 magis retrò incedentes , tùm aspectu , tùm modi-  
 cè excitato strepitu aues intra syluam volitantes  
 Y impellant



*Diversa  
ratio pel-  
lendi aves  
pro earum  
differētijs.*

impellant in retia : cum hoc tamen discrimine ,  
quod si turdos , præsertim ante adultam hyemem ,  
ac priusquam pingues euaserint , capere voles ; le-  
uissimo strepitu , lentoque valde incessu in plagas  
vrgeantur ; alioqui perterriti facillè euolant , atque  
aucupis spem decipiunt : si autem merulas , ali-  
quantò maiorem strepitum pedum , & virgulto-  
rum quassationem facere licet : si ficedulas , atque  
eiusmodi auiculas χαμαιπετεῖς , vehementius adhuc  
obstrependum est ; atque etiam ab ijs , qui forin-  
secus incedunt , glebæ , ac lapides antrorsum in  
syluam conijciendi , vt piger auicularum , præser-  
tim pingium , volatus excitetur . Quin & illud in  
venatu turdorum solertes aucupes faciunt , ne fa-  
cillè ij sursum auolent : fissiculo vocem accipitris  
imitantur ; aut etiam si avis est ad manum , eam  
sursum dimittunt : qua , vt consuevit , supra syl-  
uam circumuolante , maiore metu perterriti turdi  
non audent euolare ; sed sensim , ac taciti in pla-  
gas incurrunt . Atque hæc ὁδὸς πέρετρον dicta suffi-  
ciant de conferendis in agro Romano ad morem  
nostrum retiarijs syluulis , non minori cum utilita-  
te , quàm oblectamento . Nunc quod instat aga-  
mus . Quoniam verò superiùs nonnullas externas ,  
atque aduentitias causas delibauimus , quæ præter  
natiuam cœli huius grauitatem , agricolarum va-  
letudinem perturbant , ac morbos exaugent ; con-  
gruum videtur , vt & extraordinarias quasdam  
cautiones ostendamus , quæ plurimùm & ipsæ ru-  
sticis hominibus conferent ad bonam valetudinem  
confer-

*Extraordi-  
nariae qua-  
dā cautio-  
nes à rusti-  
cis nostris  
seruandæ.*



conseruandam, morbosque præcauendos. Ac primò quidem occurrunt aquæ: cùm enim fortasse quantauis diligentia adhibeatur, superfutura quædam loca sint probabilis aquæ carentia; videndum est, num aliquo artificio (quando nihil ferè est, quod industria non assequatur humana) aquæ probæ, ac potabilis copia vbique haberi possit. Sunt quidem multa experimenta corrigendarum aquarum, quæ à varijs afferuntur; sed ea nimis operosa sunt, & potiùs explendæ curiositatis, quàm tuendæ valetudinis: quæ putidum est recensere. Omitto etiam ridicula, & magica; quale est illud, quod Plinius de herba Æthiopide ex Magorum libris refert, amnes ac stagna ea coniecta desiccarì: quod tamen meritò deridet. Siccentur, inquit, hodie Æthiopide Pontinæ paludes, tantumque agri suburbanæ reddatur Italie. Prætermitto quoque pulegium quod, si aquæ insalubres bibendæ fuerint, idem tritum aspergi iubet: quod nimiam diligentiam, siue potiùs curiositatem redolet. At enim quod de allio produnt, eius esu aquarum vitia corrigi; & verissimum puto, & operæpretium duco, vt de illius vtilitate, quæ multiplex est (adeò vt *theriaca rusticorum* vocetur) agrestes admoniti, magnam ipsius copiam, vbicunque sedem fixerint, diligenter serant. Quam præcipuam fuisse causam puto, cur olim Athenienses nauigationem adornantes allia in retibus imposita secum ferrent; Romanique remiges tam libenter ea quondam esitarent: vnde Plautus in *Pœnulo*.

*Cautio de aquis.*

*Artificia quedam depuranda aquæ nimis operosa.*

*Plinius pulegium aquis potandis aspergi iubet.*

*Alli esu aquarum vitia corriguntur.*

*Romani remiges multum allio utebantur.*



— tūc autem plenior

*Allij vulpici, quā sunt Romani remiges.**Allij vis  
putredini  
resistēs, ac  
corroborās.*

Habet enim allium vim quandam *avriantū*, hoc est putredini, ac corruptioni directò aduersantem: tūc etiam robur, ac vires mirificè auget, excitatque spiritus; quanquam minimè vnguenta exotica redolens. Sapienter itaque antiqui, qui eius facultatem non ignorarent, atque animadu-  
*In classibus  
frequenter  
aqua cor-  
rumpitur.* uerterent in nauibus frequenter aquas corrumpi ( vnde longiores nauigationes fumentes in scorbutum morbum incurrunt, de quo supra nonnihil diximus ) nautas, remiges, classiarios allijs præmuniebant; quæ non modò antidoti vsum præberent, sed obsonij quoque. Erat etiam poscæ vsus olim apud milites, atque agricolas frequens; nunc etiam, vt audio, in Venetorum nauibus; quam

*Poscæ vsus  
laudatur.**Quid sit  
poscæ.*

non sine magna vtilitate æstiuo tempore rustici nostri vsurpare possent. Habet enim & ipsum acetum ( quòd aquæ admistum poscæ vocatur ) vim putredini maximè resistantem, atque in magnis caloribus, vt notum est, multum refrigerat.

Quinetiam animaduertisse videor poscæ potum apud nauticam turbam valde olim vsitatum fuisse. Huc enim referendum est quòd Suetonio teste A. Vitellius Asiaticum libertum olim sibi carum, Puteolis poscam vendentem deprehendit: quo in oppido propter propinquitatem Misenatis classis maxima nautarum, & classiariorum turba versabatur. Atque hæc de potu dicta sufficiant. De ci-  
*De cibatu  
rusticorum  
paucæ.* batu verò rusticorum quid attinet plura persequi,

cūc



cùm ijs necesse sit vesci quaecunque casus obtulerit, aut præsens copia suppeditarit? cùm tamen & illud in confesso sit, quò magis à noxijs, prauisque alimentis abstinerint, eò saniores, magisque longæuos fore. Ac fructus quidem in agro minùs suppetere, tantisper dum ad pristinam salubritatem prorsus redierit, hominesque penitus ei insueuerint, non adeò dolendum est. Notum enim puto quot, & quàm graues morbos per autumnum nimium liberalis fructuum esus concieat: quibus si etiam aeris non omnino tuti labes accesserit, metuendum erit ne hominum quantumuis valentium, ac robustorum natura tot aduersis victa tandem succumbat. A cibatu, potuque proximum est vestitus dixisse rationem; de quo illud tantùm monendum habeo, thoraces scorteos in hoc agro, & vbicunque noxij regnant venti, plurimùm vtilitatis allaturos: cùm enim densa, atque impermeabilis sit pellium materia, aeris, ac præcipuè ventorum iniurias à corporibus validè prohibet; quæ alioquin multis cutis meatibus peruia, facillè eorum malignam vim exciperent, ac prauas qualitates imbiberent. Vtantur igitur rustici, si me audiunt, scorteis corporis integumentis minimè antrotrorsum apertis, sed prorsus clausis; quæ longè fortassis vtiliora per æstatem forent, quàm per hyemem pelliceæ vestes; quibus eos Satyrorum instar amictos videmus, frigoris arcendi causa, vel potius ob pellium vilitatem. Solem autem æstate valde noxium capiti, præsertim eorum quos stantes,

*Fructuum esus.*

*Largior fructuum esus morbos excitat.*

*De vestitu eorundem pauca.*

*Thoraces scortei laudantur.*



tes, & immotos ferit, cū omnes fateantur ( etsi rusticos nostros nimium delicatos neutiquam velim ) quoniam tamen his in regionibus, vt sēpius dixi, prāter modum perniciosus est; laudauerim, fanē vt agricolæ, ac pastores, dum æstate opus in

*Petaforum latiorū gestatus etilis agricolis, ac pastoribus per æstatem.*

agro faciunt, ac pecora custodiunt, petasis, aut vmbellis latioribus ex quacunque materia factis vtantur: saltem vsque dum perpurgato aliquantūm aere, orta que ex ijs sobole alij subnascantur huic cœlo magis assueti, atque assuetudine firmiores.

*Nocturnaximē huius regionis aer noxius. De cubatu rusticorum.*

Cū verò nocturno potissimū tempore Latini cœli maligna, noxiaque vis sentiatur, multa salubriter excogitari possent ad cubatum rusticorum spectantia; quæ non modicē, vt ego quidem existimo, eorum sanitati conducerent: puta si in summa, atque altissima ædium parte cubarent: si supra stramenta quædam ex siccis, atque odoratis herbis confecta, quibus tomenti vice segestria inferciri possent: prāterea conquisitis ijs frondium, herbarumque generibus, quæ assiduē odoratos halitus remittunt, propriamque vim aduersus aeris malitiam habent, manipuli ex ijs parati parietibus, & contignationibus vtiliter suspendi possent; & maiorem vtique fructum, quā suffimenta præstarent, quæ ad breue tantū tempus durant. Illud

*Aliud monitū leuius de colūbis alendis. Pisces in cisternis aquam seruant incorruptam.*

quoque quamuis fortasse subtile nimis, ac *πρῆσις* non omiserim: sicut pisces in puteis, ac cisternis agitati suo creduntur aquam incorruptam tueri; ita fortasse columbæ circa rusticorum tecta volitantes, nonnihil aerem, præsertim immotis, ac silentibus



silentibus ventis, ventilarent, ac tenuiorem me-  
 ioremque efficerent. Quare quàm creberrimos  
 peristereonas in summis testorum culminibus fa-  
 ciendos censeo: ex duplici autem columbarum ge-  
 nere domesticas potiùs, quæ haud longè à nido  
 recedunt, ideoque ad hoc officium accommoda-  
 tiores sunt, deligendas. Quòd si quis suspicetur,  
 propterea quòd hæ aues pestilentiae tempore occi-  
 di solent, bonitati aeris potiùs officere, ratus à  
 stercoris odore id prouenire; sciat enecari eas  
 consueuisse, quòd facilè de loco in locum pesti-  
 lentiae semina, vt cæteræ quoque aues, animalia-  
 que domestica, transferre possint: non quòd ipsa-  
 rum stercus cæteris grauius, atque ad citandam  
 pestem efficacius sit: immò cùm præcalidum sit,  
 siccaeque facultatis, adeò vt à Medicis in vsum  
 τῶν σπαστισμῶν adhibeatur; videtur potiùs pestilen-  
 tia aduersari, sicut reliqui quoque acutiores odo-  
 res. Sed de hoc quidem Medici iudicabunt: no-  
 bis non vacat de columbino fimo disputare. De  
 caminis verò tam notum est, quàm quod notissi-  
 mum, eorum frequentia, crebraque succensione  
 aerem perpurgari, atque effici salubriorem: quare  
 fusiùs de hoc agere nihil attinet. Verùm locus  
 admonet, vt de stipularum succensione aliquid di-  
 camus: solent enim Romanenses agricolæ peractis  
 messibus (quas non ad infimum solum seruandæ  
 paleæ gratia, vt nostrates faciunt, quibus foeni  
 penuria est; sed ad medium culmum recidunt)  
 Augusto mense, circa Idus ferè, ignem stipulis im-  
 mittere,

*Peristereo-  
nes.*

*Ex vitro co-  
lubarum  
genere seli-  
gendum.*

*Obiectio  
quorundā.*

*Pestilentiae  
tempore co-  
lumbæ non  
occiduntur  
propter ster-  
coris odorē;  
sed quòd pe-  
stis semina  
transferre  
possunt, vt  
cætera do-  
mestica a-  
nimalia.*

*Camini,  
focique fre-  
quētes aeris  
profunt.*

*De stipula-  
rum incen-  
sione qua-  
dam.*



*Quamobrē id fiat. Loco ster- cerationis adhibetur.* mittere, vt vnā incensis malignis herbis, earum-  
que seminibus ( quod stercorationis pariter, ac fermentationis terræ vicem implet ) cū autumno insequente solum proscissum fuerit, latius deinde segetes proueniant. Vnica enim hæc ferè est campestris huius regionis stercorandæ ratio. Caterū id non hodie, atque heri inoleuisse ex eo colligitur, quod in Calendario rustico lapideo, quod est in peristyllo Farnesianæ domus, sub Augusto mense legitur STVPVLAE. INCENDVNT. idest,

*Calēdaria rustica vetera.*

incenduntur: quod item extat in altero simili Calendario Vallengium, nisi quod quædam verba aliter concipiuntur; vt hic STVPLAE ( pro stipulæ, siue stipulæ ) vnde proxima in hodiernum vocabulum *stoppie* mutatio emanat: quapropter vt rei fortasse nimis notæ, tritæque scriptores Rei rusticæ qui quidem extant, Vergilio excepto, mentionem facere supersederunt. Quindecim verò dierum spatio plus minùs hæc stipularum durat incensio; nisi quod prout sicca, aut pluuia fuerit æstas, ita vel maturius, vel ferius perficitur. Iis diebus manifestè Romæ calor intenditur: tūm verò aer densus, ac fumidus circa Vrbem facilè animaduertitur. Etsi autem non ea gratia stipula succenditur; hinc tamen quandam aeris depurationem subsequi & communis fert opinio, & ratio ipsa conuincit, quæ purgatricem igni vim indubiè tribuit. Quamobrem institutum esse huius Vrbi saluberrimum, quidquid putet Bernardus Saccus in Historia Ticinensi, minimè dubitandum.

*Scriptores Rei rusticæ ærem tritā prætermiserunt. Quamdiū duret.*

*Iis diebus calor Romæ intenditur. Inde aerē depurgari vulgo creditur, nec falsò.*

*Bernardus Saccus falsò credidit hoc institutū aeri potius obesse.*

Poterit



Poterit fortasse nonnunquam contrarium accidere; ut si per eos dies pluviae fortè deciderint, atque ita humor intempestivè cum calore aduentitio, nimioque, qui febrium seminarium esse solet, geminetur. Sed id vix, aut perrarò evenit: quare minùs est attendendum. Insignem verò vim esse ignis ad aerem depurgandum, illinc quoque discere possumus, quòd inter alia depellendae pestis remedia, Medici doctissimi præcipiunt crebras lignorum strues succendi, quibus perniciofa lues per aerem inexplicabili modo diffusa tollatur. Quod diuinus Hippocrates in magna illa pestilentia, quam Thucydides describit, non sine ingenti vtilitate, magnaue sua laude factitasse proditur. Deinde si calor siccus, ac purus, quantumvis vehemens, humanis corporibus tantopere incommodaret, non tam salubris esset Africa, ac Numidia, cuius incolas rarò morbis tentari; sed senectute plerunque dissolui gravissimus cum primis Autor Sallustius scribit in Iugurthino. Non negamus tamen quin locis natura siccis, & feruidis, si æstas supra modum calida contigerit, febres ardentes, acutæque nonnunquam existant: quod tamen fortasse non tam caloris immodici culpa, quàm prauorum humorum vitio (siue à victu inordinato, siue à præcedenti aeris constitutione) quos subsequens æstus in venis corrumpit ac putrefacit, evenire crediderim. Sic Anno MDCVII. quo æstas calida ac sicca fuit, in Apulia, & Campaniæ locis nonnullis calidioribus magna copia febrium acutarum, atque ardentium succreuit; ex quibus multa

*Ad pestilentiam depellendam quidam iubet crebras ignes succendi.*

*Hippocrates id feliciter præstitit.*

*Aliud argumentum ostendens stipularum incensatione proficuum esse.*

*Sallustius Africam, ac Numidiam salubrem esse testatur.*

*Cur in regionibus feruidis calores immodici nonnunquam noceant.*

*Anno MDCVII. Apulia, & Calabria exitialis.*

Z

millia



De aere  
& situ Be-  
neuent. ci-  
uit.

Pestilentia  
no tam ae-  
ris vitio,  
quàm syde-  
rū influxu  
deriuatur.

Crebri in-  
gnes post  
stipulas in-  
censas cir-  
ca noua  
habitacula  
accēdi pos-  
sent.

Autumni  
posterior  
pars Græcis  
φθινόπωρον  
pa.

Autoris as-  
seruatio de  
felici euentu  
harum mo-  
litionum.

Io. Bapti-  
sta Sac-  
chetti co-  
natus in  
Ostiensis.

millia mortalium interiere, vt Nicolaus Eustachius testatum reliquit. Quanquam huiuscemodi morbi epidemici, cuiuscunque generis sint, non tam vitio tempestatum, atque aeris, quàm superiorum corporum; ac syderum multifariam coeuntium, maligna quadam vi in hæc inferiora occulto influ-  
xu deriuantur. Quibus omissis, quæ ad præsens in-  
stitutum non faciunt, non modò retinenda vide-  
tur hæc stipulas incendendi consuetudo, quæ hac-  
tenus in Latio viguit; sed sumpto hinc exemplo  
quàm creberrimos ignes circa *οἰκίστας*, si quæ in  
proximo fient, post eas consumptas excitandos  
putauerim vsque ad autumnii conuersionem: quod  
tempus Græci, ni fallor, *φθινόπωρον* vocant. Hæc si  
rectè, atque ordine fient, quauis sponsione facta  
reciperem, rem ex sententia processuram. Ast his  
operibus, ac *ποταμολογίας* omissis, quicunque agri-  
colæ in has terras inducentur, in certissimum exi-  
tium dabuntur. Quod inter alios expertus est ali-  
quot abhinc annis optimus, ac nobilissimus vir Io.  
Baptista Sacchettus; qui cùm latifundium, quod  
amplissimum hæc familia in Ostiensis habet, benè,  
ac diligenter cultum vellet, accitis aliquot ex agro  
Florentino rusticis, culturam aggressus est: sed id  
tam improspere ei cessit, vt breue intra tempus  
exitialibus morbis omnes absumpti fuerint: insigni  
præbito documento non esse alienigenas cultores  
in hæc loca temerè inducendos. Verùm vt, quod  
extremum in hoc sermone nostro propositum erat,  
explicemus: age iam sit eo modo, quem dixi,  
præparatus



præparatus ager ; exiccatae noxiae paludes ; excisae  
 sylvae ; corriuata opportunis locis aqua , aut de-  
 fossis puteis vsui hominum exposita ; sit etiam vni-  
 cum aliquod castellum , aut si mauis vicus op-  
 portuno loco , habitaque ratione salubris pro-  
 spectus in luminibus aperiendis , ædificatus , ac re-  
 bus ad victum necessarijs instructus : vndenam ,  
 quoue ex hominum genere novos colonos desume-  
 mus , qui agros colere sciant , & velint ; & non  
 modò sine periculo viuere ; sed sobolem etiam ex  
 se relinquere valeant ? Non leuis profectò quæ-  
 stio , ac difficultas ; & quam pro captu nostro eno-  
 dari operæpretium fortasse fuerit . Regnante nu-  
 per Paulo huius nominis V. Pont. Max. ( cuius  
 propter egregia opera , quibus Urbem excoluit ,  
 nunquam memoria interibit ) exactæ sunt ex Hi-  
 spaniæ regnis Maurorum reliquiæ magna sine du-  
 bio publicæ rei vtilitate , atque Hispanici nominis  
 gloria ; etsi cum aliquo fortasse priuatorum dispen-  
 dio . Cùm itaque eorum multi , qui in Africam ,  
 antiquam scilicet patriam suam , atque Hispaniæ  
 propinquam , deportari cum alijs debuerant , va-  
 rijs casibus ad Galliæ , atque Italiæ litora appu-  
 lissent , quibusdam in hæc Pontificiæ ditionis ma-  
 ritima loca exscendendi potestas facta est : qui cùm  
 ferè essent homines strenui , atque industrij ; rei que  
 rusticæ , sed potissimùm hortensis , apprimè scien-  
 tes ; fuere qui Pontifici suaderent , vt eam gentem  
 profugam , atque extorrem non modò reciperet ,  
 sed in hisce sedibus larem figere , atque ædificare

*Postrema  
 disquisitio  
 de homini-  
 bus compa-  
 randis .*

*Quid sub  
 Paulo 1.  
 de Mauri-  
 cis ex Hi-  
 spania exu-  
 litibus pre-  
 positū fue-  
 rit .*

*Homines  
 erāt indu-  
 strij , ac di-  
 ligentes a-  
 gricultores ,*



*Quidam Pontifici suadebant, ut Mauris regionem colendam attribueret. Cur id consilium non esset utile.* fineret; agrorum videlicet excolendorum causa, ex quibus magna percipi utilitas posset. Veruntamen, quod pace illorum dictum sit, consilium istud discriminis multum; utilitatis nihil pollebatur. Quid enim? tanta ne est in Italia hominum penuria, & Latini campi exerceri non poterunt, nisi eos hominibus non dico alienigenis, ac vilissimis, atque eiecitijis; sed supra quam credi

*Homines erant fallaces, & Christiano nomini injensi.*

potest fallacissimis, & Christiano nomini, quidquid simulent, infestissimis tradamus? Mitto quòd turpe, atque indecorum, ac Romanæ Sedis maiestate prorsus indignum videtur, horum agrorum ijs tradere culturam, quorum maiores excursionibus suis, & cladibus funestissimis vastitatem eis intulerunt: nisi fortasse argutior aliquis hoc ipsum vrgeat, iustum, atque *εὐλογον* fuisse, ut quasi proavorum suorum delicta suo sudore, ac laboribus expiaturi, solitudinem hanc, & vastitatem ab illis factam suis corporibus refarcirent. Dignum enim uerò multæ genus, si non ut coloni liberi, ac soluti glebas nostras, atque has nobilissimas terras arbitrato suo temperarent; sed tanquam vilissima, nequissimaque mancipia, onusti ferro, ac vinculis excolerent agrum à maioribus olim suis deuastatum: nec potius ipsi metum nobis inferrent, quàm nutum nostrum exhorrerent: denique si non successu temporis, nimia Principum indulgentia, an incuria? in vnâ gentem nobiscum coalescerent; nec Agar ancillæ spuria, atque intestabilis proles, per speciem simulati foederis, mysticæ Sarra nobilissimum genus,



genus, ac populum Dei electum contagione turpissimi sanguinis foedaret: nec ex hac terra spiritum, ac sanguinem ducerent, quam extinctam olim penitus voluerunt. Det nobis Africa potius, ut olim æmula huius Imperij peruiçax; sic hodie sacrorum nostrorum implacabilis hostis, catenatos, ac robustos fossores suos, quorum lacertis arbitratu nostro pingues Latij, ac Tusciæ glebas frangamus: aut si maiora augurari libet (quando sub VRBANO Principe omnia in melius sese vertentia nil non magnum sperare sinunt) redeat potius ad obsequium pristinum illa ferax, illa pinguibus aruis exuberans: quæque nobis defunt frumenta, ex areis suis in nostra horrea summittat. Apage igitur quàm longissimè genus hominum leue, infidum, impium, quos salubri consilio Hispani ex sedibus suis eiecerunt: præsertim cùm Hispani cœli ficeissimi, ac saluberrimi ab hoc nostro diuersitas vix fortasse passura fuerit, ut ibi nati atque educati, hic perennarent. Mitto aliam apud eos, aliam apud nos fuisse culturæ formam, quæ non facile permutari potest, aut debet. Sed quod magis refert corrumpendæ religionis periculum silendum non est: neque enim sine magna contagij suspicionem gens auitæ superstitionis ut mirè tenax, ita eius propagandæ vehementer cupida, inter rusticos homines imperitos, ac rudes, & nescio quo humanæ naturæ vitio in deterius pronos, versari potuisset. Mitto aliud periculi genus, quod non ad illaqueandos animos, sed ad corpora catenis,

ac

Græci Agarenos vocant; ipsi vero Sarraceni, atque Ismaelite dici volunt: ex quorum genere cum Afris commisto Maurisci erant. Votum auctoris.

Salubri consilio Hispani ex sedibus suis Mauros eiecerunt. Hispania eorum scilicet, ac salubre. Corruptæ religionis periculum.



*Aliud pe-  
riculum a  
Turcis.*

ac compedibus vincienda pertinet. Quis enim non assidue trepidaret, si gens Italico nomini perpetuò infensa, atque in dies augescens, oram maritimam insideret? nimirum ut quoties Turcarum classes conspicerentur, metuendum foret, ne sociatis viribus nos opprimerent. De Mauris igitur rectè meo iudicio factum est, quòd ab hac plaga repulsi sunt. Quidam verò nationem ut toto cœlo diuersam, sic moribus planè aduersam proponunt; videlicet Batauorum, Catholicorum dumtaxat, quos idoneos maximè ad hanc solitudinem frequentandam existimant: iamque, ut audio, Taracina certis quibusdam legibus ijs tradita est ad habitandum. De quibus ut dicam quod sentio, non me fugit gentem esse probam, candidamque, & si quæ alia, sedulam, atque industriam: itaque arbitror tutò ijs quantumuis magnam huius terræ portionem tradi, & concedi posse: hominibus scilicet nulli Principum mancipatis; & ita

*Quid de  
Batauis sē-  
riendum.*

*Batauorū  
gens proba,  
cādidaque,  
& indu-  
stria.*

*Heluetij  
Alaman-  
nica gens.*

*Romani  
Principes  
Batauis  
corporum  
custodibus  
aliquando  
visi.*

Heluetij Alamannica gens ad custodiam corporum præcipuè expetuntur ab Regibus, ita olim Romani Cæsares eorum opera libentissimè vterentur. Adde quòd propter hominum miram frequentiam, & mulierum fœcunditatem non magno fortasse negotio excreverent, & quidquid vacui soli est paulatim complerent: adhæc popularium suorum naues commercio linguæ, ac sanguinis facillè cum suis mercibus ad proximos portus, stationesque allicerent: quæque alia in speciem pulchrè, ac magnificè dicuntur. Verùm  
cùm



cùm Batauiæ cœlum ( adde etiam si vis victus rationem ) huic nostro sit propemodum è diametro aduersum, perfrigidum nimirum, ac saluberrimum; contra hoc calidum, ac morbosius; si vlla gens cum magno suo periculo in has terras migraret, hæc foret maximè: præsertim cùm cibatu, potuque pleniore vtatur, & corpore potiùs sit pingui fluxoque, quàm duro ac sicco; vt opus esset. Quare sicut vnum, alterumue locum ex maritimis, atque editioribus non inuitus ijs permiserim; ita totam campestre regionem ijsdem tradere, aut destinare inconsultum crediderim, nec minùs ipsis, quàm nobis infructuosum. Maneat igitur hoc fixum, atque ἀναμφιβόλως, nouos colonos non è longinquo petendos esse, si in proximo suppetant. Nec enim tanta est Italorum penuria, vt ex vltimis, ac disiunctissimis terris cultores accersere debeamus: quod Hispania fortassis effugere non potest, si vastitatem à Maurorum discessu relictam explere velit: video enim Nauarretum in suis Politicis dissertationibus, vbi eius infrequentia causas, & remedia perquirat, vehementer suadere, vt ex Circumpadano genere cultores potissimùm deligantur. Nobis verò quæ necessitas subest vt, si quæ supersunt, genuini Italici sanguinis reliquiae cum quacunque gentium colluie commisceantur? Itaque tutiùs, atque utiliùs, si quid mei iudicij est, nostra tradentur fidei hominum nec moribus, aut lingua, nec culturae genere discrepantium: cùm præsertim quò quis natalibus, ac patria huic regioni

*Quanam obstat videretur, cur viles esse non possint.*

*Batauiæ cœli quale.*

*Item habitus corporum.*

*Noni coloni è proximo potius petendi.*

*Discessos politicos de Nauarrete.*

*Cur Italici potius deligendi.*



gioni propinquior erit, eò magis etiam aeri, cœloque infuescet; quod & ratio ipsa, & experientia confirmat: omnes enim magnæ repentinæque mutationes, vt dictum est, periculosæ existunt, etiam quæ in melius fiunt; quantò magis quæ in deterius? Huiusmodi porrò hominum τὸν μακρόθεν migrationes & illa necessariò sequitur mutatio, quæ in victus genere versatur: quæ ipsa per se grauis est, nedum si aliæ accedant. Vt igitur in frugibus, ac seminibus transferendis peritiores agricolæ faciundum monent; ita in hac colonorum translatione curabimus, vt potiùs de grauioribus locis, cœloque deteriori, si fieri possit, quàm de salubriori eos deducamus. Sed quoniam minùs id licet, cùm grauiora in Italia loca, quàm Latium maritimum hodie est, vix homines colant; eligamus certè quàm proximis, eosque reliquis præferamus: nec consilij profectò poenitebit. Igitur quàm maximè sumendos censeo ex Pontificiæ ditionis finibus; si minùs, ex Etruria & Samnio certè, proximisque locis. Ex populis autem Romanæ Ecclesiæ subiectis nemo negauerit, Volscos præcipuè, atque Hernicos idoneos fore. Est enim hoc genus hominum cùm loco proximum, tùm laboris, ac solis apprimè patiens, & toto corporis habitu solidum, ac strigosum: cuiusmodi decet esse procul dubio nouos huius agri cultores. Sed quoniam haud oppidò multi inde haberi poterunt, potior pars constare debet ex Picentibus, ac finitimis Piceno Vmbris: qui cùm sint homines, vt plurimùm

*Omnes  
magnæ mu-  
tationes,  
etiā quæ in  
melius fiūt,  
incipites.*

*Exemplū  
à semini-  
bus petītū.*

*De grauioribus locis  
quàm hæc  
nostra colo-  
ni peti non  
possunt.*

*Vnde po-  
tissimū  
desumendi  
videantur.*

*Volsci, at-  
que Herni-  
ci maximè  
idonei fo-  
rent.*

*Quales es-  
se deceat  
nouos agri-  
colas.*



plurimum rudes, atque inconditi, ac præterea robusti valde, grauiora ex rusticis operibus perbenè administrare poterunt. Ex vltiori verò Tuscia, nimirum ex agro Florentino, Pistoriensi, Lucensi, Aretino; insuper ex Vrbinati, ac Flaminiae, Æmiliaeque regionibus non exigua copia bonorum agricolarum accedet. Hi sunt ferè, vt supra indicaui, ingeniosiores, atque ad subtiliora operaruris magis, quàm superiores accommodati: ideoque vinearum culturae potiùs, quàm arationibus hodieque dant operam: cùm verò saluberrimis regionibus sint educati, non facilè se grauioribus locis committunt. Sed tunc dispar ratio foret; quando præparata, vt diximus, regione, sine periculo huc fieret migratio non modò virorum, sed etiam mulierum quantumuis imbecilliorum: quas non grauatè secum ducerent, vbi importunioris cœli cessaret metus, vitæque commodioris spes afflueret. Cæterùm quoniam coniugiorum cura non vltima esse debet; illud addere possumus, vtile in primis fore, si agricolis hisce aduenis, qui quidem vxores quærent, aliquot ex his vrbaniis puellis pauperculis, quæ quotannis ex sacrarum ædium prouentibus, aut pijs legatis elocantur, nuptui tradantur: qua ratione fiet, vt Urbem magis adament, eiusque quasi se ciues existiment: nec verendum erit, ne eas vtpote imbecilliores, ac teneras, atque agrestibus laboribus inassuetas, modò vnctiusculæ dotes accedant, aspernentur; præsertim cùm ex quotidiana laborandi consuetudine

*Præparationibus, quæ supra dictæ sunt, factis etiã mulieres tuto huc commigrarent.*

*Coniugiorum cura nõ deferenda.*

*Puella paupercula vrbana nouis colonis nuptui tradi poterunt. Quid utilitatis inde secuturum sit.*

A a

paulatim



*Quotidia-  
no exerci-  
tio durio  
res fient &  
laboribus  
rusticis  
magis ido-  
nea.*

*Primis an-  
nis multa  
domi à mu-  
lieribus ad-  
ministrari  
poterunt.*

*Etiā si pri-  
mò aliqua  
pars nouo-  
rum colo-  
norum in-  
tereat, non  
esse despe-  
randum.*

*Cōparatio  
à remigi-  
bus petita.*

paulatim & ipsæ duriusculæ sint euasuræ ; atque etiam , si ea omnia quæ retuli , vel certè maiori ex parte ritè priùs administrata fuerint , cœli iniurias non malè toleraturæ : adeò non est pertimescendum , vt viri agrestes , atque indomiti post tot præuias cautiones perdurare hic non possint . Hoc quoque lucro apponendum , quòd primis potissimùm annis , cùm nondum rura vario consitionum genere exculta erunt , multa à mulieribus domi administrabuntur cum magna virorum suorum vtilitate , ac fructu : non modò in domesticis officijs , sed in lanificio , atque alijs artibus . Veruntamen dissimulandum non est , etiamsi ex nouis hisce colonis primo statim incolatu , præsertim vbi grauiiores anni aduenerint , nonnulli qui imbecilliores erunt , interierint ; non irreparabilem hanc fore iacturam : quandoquidem qui remanebunt , vbi complures annos huic cœlo insueuerint , tuti deinceps perennabunt , ac liberos gignent ; qui nullo iam periculo vsurpare poterunt , *Hic domus , hæc patria est* . Tùm noui quotidie coloni pretio illecti aduenient , qui defunctorum numerum supplebunt : vt minimè desperandum sit , quin post aliquot annos satis hominum probatorum , atque induratorum habeamus , qui saltem vnum aliquod mediocre castellum tutò , ac sine metu incolant ; ex quorum deinceps liberis alia subinde loca *συνονίζεν* possimus . Sic in hominibus ad triremes damnatis euenire videmus , vt primò statim multi , qui tam durum vitæ genus tolerare nequeunt , celeriter moriantur :



riantur : quorum in locum alijs suffectis tandem iustus , ac plenus remigum numerus cuique naui conficitur ex ijs , quos tot labores , atque incommoditates impunè perpeſſæ robuſtiores oſtenderint . Sed modò ea quæ dixi præſtentur , neceſſe non erit , opinor , tam aſpero , atque infauſto experimento ; ſed omnes propemodum tutò , ac proſperè in nouis colonijs vitam traducent . Veruntamen autor ſemper fuerim , vt tutiſſima potiùs , quàm breuiſſima ratio frequentandi huius agri eligatur : qualis ea eſt , quam dixi , ædificatis opportunioribus locis caſtellis ; non ſparſim , ac temerè ruſticorum caſis , villiſque conſtructis . Quanquam vbi ſemel compluribus caſtellis , vicis , atque oppidis regio frequentata fuerit , vltro à priuatis hominibus commoditatis gratia villæ , ac tecta agreſtia hac illac extruentur : in quibus non minùs bel-  
lè , ac libenter etiam , quàm in frequentioribus locis quiuis degent . Quare mirandum non eſt in agro Vrbinatium ſaluberrimo , ac frequenter habitato complura caſtella , migrantibus in villas ruſticis , deſerta manſiſſe ; vt in valle Metauri *Primerium* , *Caiffam* , *Paginum* , *Montaltum* : in valle *Folie* *Montem Guiducij* , *Montem Falcum* , *Scletium* , *Montem Fabrorum* , *Collem Attij* , *Talaculum* , *Petrianum* , aliaque . Iam verò , vt inſtituto ſermoni colophonem addam , dicendum aliquid eſſet de commodis , ac priuilegijs nouorum colonorum , quæ & inuiolabiliter ſeruari , atque augeri operæpretium foret ; vt tantò libentius huc confluere :

*Tutiſſima  
potius , quàm  
breuiſſima  
ratio fre-  
quentandi  
huius agri  
eligenda .*

*Vbi regio  
oppidis , ca-  
ſtellis , vi-  
cis frequen-  
tata erit ,  
priuatim  
ville quo-  
que con-  
ſtruentur .  
Complura  
agri Vrbina-  
tis caſ-  
tella mi-  
gratibus in  
villas ru-  
ſticis de-  
ſerta mā-  
ſerunt .*

*Concluſio  
operis de  
augendis cō-  
modis , ac  
priuilegijs  
ruſticorum .*



*Apud Res-*  
*publicas*  
*benè cōsti-*  
*tutas agri-*  
*cole in pre-*  
*tio habiti.* fed in re alioquin fatis nota non multum immo-  
rabimur. Fuit quidem omni tempore penes Res-  
publicas benè constitutas agricolarum genus ( ar-  
tem quippe tam necessariam humanæ vitæ exer-  
centium ) magno in pretio, atque existimatione;

ijisque magna ab legibus cum antiquis, tum recen-  
tibus priuilegia, & commoda concessa sunt. Et

*Allusio.* iure sanè leges ei professioni fauerunt, cuius præ-  
ses atque inuentrix, ut est in fabulis veterum, le-  
ges quoque ipsas prima Ceres inuenit. Igitur

*Ægyptio-*  
*rum insti-*  
*tutum.* apud Ægyptios ( quæ gens antiquissima fuit, &  
plurimum ab alijs instituto discrepans ) floruit ma-  
ximè agricolandi studium: id eueniebat, quoniam

rusticis hanc vnā *πραγματείαν* exercere licebat,  
nec vlllo tempore, vllaue causa ab agris auoca-  
bantur; sed tradita per manus agrorum cura exi-  
gua mercede à dominis conductorum, quos pa-  
tres exercuissent, nunquam liberi deferebant: quod  
& hodiernis Indis ( de veris, ac præcipuis loquor

*Indorum*  
*Respublica*  
*Ægyptiæ*  
*veteri affi-*  
*nis.* Brachmanica lingua vtentibus, quorum Respubli-  
ca valde est affinis Ægyptiæ ) vsu receptum est:  
neque enim eorum rusticis vel ad militiam, vel ad

*Apud eos*  
*item rusti-*  
*ci professio-*  
*nem suam*  
*deferere nō*  
*possunt.* cæteras artes aspirare fas est. Immo id quoque  
antiquis Indis teste Diodoro lib. II. factitatum,  
qui à bello, reliquoue opere liberi, atque immu-  
nes ætatem omnem in agris colendis consumeabant.

*Idem olim*  
*apud eos*  
*factitatum.* Apud Græcos verò longum esset connumerare,  
quàm multa in gratiam, & commodum rustico-  
rum statuta sapienter fuerint: quæ apud Politia-  
rum scriptores, aliosque miscellaneos Autores spar-  
sa



fa reperies . De Romanis verò nostris ( vt anti-  
 quiora missa faciam ) libet pauca quædam decer-  
 pere circa potiores leges , quæ ab Imperatoribus  
 prudenter sancitæ , etiamnum magna ex parte fer-  
 uantur . Huiusmodi est Constantini Augusti rescri-  
 ptum lib. XI. Codicis Iustiniani , titulo de agri-  
 colis , & censitis ; quo agricolas in rustico opere  
 versantes ad extraordinaria onera trahendos non  
 esse pronuntiauit . Tales sunt eiusdem Constanti-  
 ni , Theodosij , Anastasij , & Zenonis sanctiones ,  
 quæ agricolas à publicis oneribus personalibus ex-  
 cusari volunt : in titulis Codicis Iustiniani , de sal-  
 gamo hospitibus non præstando . De metatis .  
 De re militari . De cursu publico . Sed nihil æquè  
 vbiuis locorum inualuisse video , quàm vt ne pi-  
 gnoris nomine , aut debiti soluendi causa instru-  
 mentum rusticum agricolis auferatur . Cùm verò  
 instrumentum rusticum triplex sit , mutum , in quo  
 sunt aratra , & ligones ; semiuocale , in quo sunt  
 boues , & asini ; vocale , in quo sunt mancipia ,  
 quorum loco hodie veniunt operarij liberæ con-  
 ditionis ; apud plerasque ciuitates vsu receptum  
 est , ne priora duo ex causa æris alieni publici , pri-  
 uatiuè capiantur . Apud Gallos etiam hoc am-  
 pliùs ; vt Renatus Choppinus docet edito Regio  
 anni MDLXXI. seruatur , vt rustici homines æris  
 alieni obtentu ne in carcerem abripiantur . Nec  
 deseruit hanc partem Romanorum Pontificum  
 prouida , ac salutaris cura : nam præter alios , qui  
 commoda agricolarum ampliarunt , Pius V. Pont.

Max.

*Imperatorum  
 Constitutiones  
 agricolis  
 fauentes.*

*Ubiq̃ fe-  
 re inualuit  
 ne instru-  
 mentū ru-  
 sticū quouis  
 titulo rusti-  
 cis auferatur.*

*Gallorum  
 cōsuetudo.*

*Romanorū  
 Pontificum  
 circa hanc  
 partem se-  
 licitudo.*



Max. saluberrimam Constitutionem edidit anno MDLXVI. qua inter cætera cautum voluit, ut frumenta ad Urbem deferentes non modò ab omni pro ijs portorio soluendo sint immunes; sed ne aduersus eos, eorumque bona æris alieni causa cuiquam manus iniectio sit. Item ne ij, qui intra XL. lapidem agros exercent, messis, aut sationis tempore in ius trahantur; aut quidquam agrestis rei ijsdem auferatur, si aliunde soluere possint. Item ne boues aratorij, aliaue rustica instrumenta, propter quamcunque ciuilem obligationem vnquam ijs eripi possint: immò rerum dotalium priuilegijs, atque immunitatibus gaudeant. Hæc igitur, aliaque huius generis iura, commoda, priuilegia, immunitates, exemptiones, vacationes agricolis Romanis concedi ex vsu fuerit; ut partim ijs illecti, partim ijs operibus, quæ facienda esse dixi, meliùs animati & lubentiùs patrijs sedibus à se relictis careant, & alacriùs culturæ agrorum, ut quæque cuique obuenerit, manus admoliantur. Magnæ enim ægritudines magna, variaque fomenta desiderant. Atqui & agrum hunc nostrum graui, contumacique morbo oppressum quodammodò dicere possumus; & cùm remedijs à me recensitis morbosum habitum exuerit, non facillè tamen, apud imperitos præsertim, fidem recuperatæ penitus sanitatis inueniet. Quidam enim diu cunctabundi, & quasi omnia prætentantes vix tandem induci poterunt, ut quidquam commercij cum eo exerceant: demùm opimis premijs incitati

*Rusticum  
instrumen-  
tum rerum  
dotalium  
priuilegijs  
Pius V.  
gaudere  
voluit.*

*Magnis  
morbis va-  
lida reme-  
dia adhi-  
benda.*



incitati, & quotidianis experimentis edocti, de-  
 posito omni metu, & sibi quaestuosum, & reliquis  
 tutum agnoscent. Faxit Deus Opt. Max. ut tan-  
 to, tamque insigni bono omnium terrarum Pa-  
 rens, ac Princeps quamprimum Roma fruatur;  
 atque hinc nouæ cuiusdam iuuentutis effœtus iam,  
 ac languidus senio mundus spem, ac documentum  
 fumat: eaque gloria tibi VRBANE PONTIFEX  
 MAXIME potissimum contingat; quo nemo vn-  
 quam Romanorum Præfulum vel ad magna, atque  
 illustria opera excogitanda maiori solertia, inge-  
 nioque fuit, vel ad examinanda, disponendaque  
 grauiori iudicio, vel ad prosequenda firmiori con-  
 stantia. Ad consummanda verò, perficiendaque  
 reliqua, tua, hoc est temporum nostrorum, feli-  
 citas, ut spero, non deerit: quando accensis, va-  
 lideque commotis inter Christianos Principes exi-  
 tialibus, ac difficillimis bellis, tuis maximè pater-  
 nis consilijs, prouidisque admonitionibus, præter  
 omnem spem, atque expectationem, non semel  
 arma conquieuisse, pacemque compositam vidi-  
 mus, ut nuper: & quod vix quisquam tam breui  
 tempore potuisse fieri vnquam sperasset, deiectam  
 afflictamque cum in Gallia, tum in Germania  
 Caluinianam factionem hisce proximis annis ga-  
 uisi sumus: ut fatale quodammodò Pontificatus tui  
 sit Rem Christianam magnis agitari motibus; sed  
 maioribus incrementis ampliari. Nec vires, aut  
 voluntas egregio, ac fructuoso, ut reor, operi  
 deerunt: cesset modò pertinax hoc, atque exitia-  
 bile

*Votum au-  
toris.*

*Non semel  
difficillima  
bella inter  
Christianos  
Principes  
Sæctissimi  
D. N. ope-  
ra potissi-  
mum, ac fe-  
licitate cõ-  
quieuerunt.  
Caluinia-  
norũ factio  
in Gallia,  
ac Germa-  
nia hoc tẽ-  
pore affli-  
cta.*

*Pontifica-  
tus Sæctis-  
simi D. N.  
fatale vi-  
detur Rem  
Christianã  
magnis mo-  
tibus con-  
cuti; sed  
vehementè  
augeri.*



*Sanctissi-  
mi D. N.  
& CAR-  
DINA-  
LIS BAR-  
BERINI  
ad depel-  
lēdam pe-  
stilentiam  
mira soli-  
citus, ac  
vigilansia.*

bile pestilentiae malum, quod magna tot populo-  
rum strage iamdudum grassatur: ad quod certè se-  
dandum nullum Diuinum, humanumque praesidium,  
quantum in te fuit, intactum reliquisti: nulli la-  
bori, aut sollicitudini te Patruo dignissimus FRAN-  
CISCVS CARDINALIS BARBERINVS peper-  
cit; vt, qui est humanissimus, hoc est humani ge-  
neris amantissimus, in id maximè à Deo Opt. Max.  
hoc tempore terrarum orbi concessus videatur,  
vt te Autore, ac Magistro humani generis mise-  
rias leuaret, ac solaretur.

## L A V S D E O.

D. Augustinus Coltellinus I.V.D. videat, & referat an in hoc opere sit ali-  
quid quod fidei Catholicae, vel bonis moribus aduersetur. 22. Febr. 1665.  
*Vinc. de Bardis V. G. F.*

*Illustris. & Reuerendiss. Domine.*

V. Cl. p. m. Io: Baptista Donij opus nihil nisi vtile, & pium continet Vr-  
bi, & Orbi proficuum: vtinam bonae mentis meditationibus benedicat De-  
us; vt restituta Salubritate Agri Romani, operarijs in vinea Domini secu-  
rior fiat commoratio; peregrinis verò vndeque confluentibus ad san-  
ctam Ciuitatem tutior pateat quandocunque accessus. Ita precor, pro edi-  
tione mea manu subscribens.

*Augustinus Coltellinus.*

*Imprimatur seruatis seruandis. Vinc. de Bardis Vic. Gen. Fl.*

Adm. Reu. P. Ioannes Maria de Cutiliano Ord. Min. Obs. Consultor  
huius S. Officij Flor. videat, & referat, &c. hac die 23. Augusti 1666.  
*Fr. Io: Paulus Giulianettus à Flor. S. Offic. Flor. Canc. de mand. Reuerendiss.*

Nihil, censura dignum contra fidem, ac bonos mores in hoc erudito ope-  
re à me perlecto vidi; in cuius testimonium propr. manu subscripsi, die 26.  
Augusti 1666. *F. Ioannes Maria à Cutiliano Min. Obs.*

Stante praedicta attestatione impr. Flor. hac die 28. Augusti 1666.  
*Fr. Io: Paulus Giulianettus à Flor. S. Off. Flor. Canc. de mand. Reuerendiss.*

*Ioannes Federighius.*



905644009



